

دَرگَوز

**Dargwaz**

دَرگوز

# Dargwaz

© 2023 Wycliffe Bible Translators, Inc.

گۆن بايبيئى رجانك كنوكين ثيمى كىما

Gón Báibalay rajánk kanókén thimay komakká

[Creative Commons Attribution-NonCommercial-NoDerivatives 4.0 International License](https://creativecommons.org/licenses/by-nc-nd/4.0/)

# Dargwaz

## Esráili zolm o zóray ámácha bant

**1** Ákubay hamá mardénchokk\* ke har yakkéa wati lógay mardom zortant o gón Ákubá Mesrá shot gón, áyáni nám esh ant: <sup>2</sup>Ruben o Shamun o Láwi o Yahudá o <sup>3</sup>Issákár o Zebulun o Benyámin o <sup>4</sup>Dán o Naptáli o Jád o Ásher. <sup>5</sup>Ákubay chokk o nomásag sarjamiá haptád atant. Issop cha pésará Mesrá at. <sup>6</sup>Issop mort o sajjahén bráti ham mortant o áiy hamomrén sarjamén nasl ham mort. <sup>7</sup>Bale Bani Esráil porsamar at. Áyán chokk o bar kort, waddán but o sakk báz butant. Mesray molk cha Esráilián porr but.

<sup>8</sup>Nun Mesray sará nókén Perawné bádsháhi tahtá nesht. É bádsháh Issopay bárawá sarpad naat. <sup>9</sup>Áiá gón wati mahluká gwasht: “Bechárét, Bani Esráilay mardom cha má báz géshter o zórmandter jórh butagant. <sup>10</sup>Báyad ent pa hóshmandi eshání démá bedárén, agan é géshter bebant o mára jangé begipt, é may dozhmenáni hamráha bant o gón má janga kanant o padá cha may molká tachant o rawant.”

<sup>11</sup>Bádsháh o áiy mansabdárán\*, bigárgir\* eshání kármaster kortant ke eshání sará zóráki bekanant o gránén káresh bebandant. Bani Esráilián pa Perawná\* do shahr addh kort. Yakkéay nám Pitum at o yakkéay Ramesés. Doén ambári shahr\* atant. <sup>12</sup>Mesrián áyáni sará haminkas ke géshter zórákia kort, Esráili géshter bayán o sheng bayána butant. Gorhá Mesrián cha Esráilián torset. <sup>13</sup>Mesrián Esráili pa bérahmi kára bastant. <sup>14</sup>Hesht o batánahay\* addh kanagesha parmátant o dhagaráni sará har dábén gránén káresha geptant o áyáni zendagiesh azáb kort. Sajjahén káresh pa bérahmi parmátant.

1:1 Asligén Ebráni nebeshtánka gwasht: Esráilay mardénchokk. Esráil, Ákubay domi nám at.

1:11 Mansabdár, bezán káréay zemmahwár, ogdahdár.

1:11 Bigárgir, bezán hamá mardom ke dega mardomán pa zór kára bandit.

1:11 Perawn hecch bádsháhay jenday nám nabutag. Ahdi zamánagán, Mesray har bádsháh Perawn gwashag butag.

1:11 Ambári shahr, bezán hamá shahr ke ódá warák o sámán ambár kanaga bit.

1:14 Batánah, bezán heshtáni lecchénegay gel yá semetth.

# دَرگوز

## إسرائیلی زُلم و زورے آماج بنت

**1** آکوبے هما مردین چُک\* کہ هر یکیا وتی لوگے مردم زرتنت و گون آکوبا مسرا شت گون، آیانی نام اش انت: <sup>2</sup>روبن و شمون و لاوی و یهودا و <sup>3</sup>ایساکار و زبولون و بنیامین و <sup>4</sup>دان و نپتالی و جاد و اشیر. <sup>5</sup>آکوبے چُک و نماسگ سرجمیا هیتاد آتنت. ایسپ چه پیسرا مسرا ات. <sup>6</sup>ایسپ مُرت و سجهین براتی هم مُرتنت و آیئے هم امرین سرجمین نسل هم مُرت. <sup>7</sup>بله بنی اسرائیل پُرسمر ات. آیان چُک و بر کرت، و دان بوت و سگ باز بوتنت. مسرے مُلک چه اسرائیلیان پُرت بوت.

<sup>8</sup>نون مسرے سرا نوکین پرتونے بادشاهی تهتا نشت. اے بادشاه ایسپے بارثوا سرپد نه ات. <sup>9</sup>آیا گون وتی مهلوکا گوشت: “بجاریت، بنی اسرائیلے مردم چه ما باز گیشتر و زورمندتر جزو بوتگ انت. <sup>10</sup>باید انت په هوشمندی اشانی دیمما بدارین، اگن اے گیشتر ببت و مارا جنگے بگیت، اے مے دژمنانی همراه بنت و گون ما جنگ کننت و پدا چه مے مُلکا تچنت و رتونت.”

<sup>11</sup>بادشاه و آیئے منسبداران\*، بیگارگیر\* اشانی کارمستر کرتنت که اشانی سرا زوراکي بکننت و گرانی کارش ببندنت. بنی اسرائیلیان په پرتونا\* دو شهر اڈ کرت. یکئے نام پیتوم ات و یکئے رمسیس. دوین امباری شهر\* اتنت. <sup>12</sup>مسیریان آیانی سرا همینکس که گیشتر زوراکي کرت، اسرائیلی گیشتر بیان و شنگ بیان بوتنت. گڑا مسریان چه اسرائیلیان تُرست. <sup>13</sup>مسیریان اسرائیلی په بیرهمی کار بستنت. <sup>14</sup>هشت و بتانهے\* اڈ کنگش پرماتنت و دگارانے سرا هر دابین گرانی کارش گپنت و آیانی زندگی اش آزاب کرت. سجهین کارش په بیرهمی پرماتنت.

1:1 أسلیگین ایرانی نبشتانک گوشیت: اسرائیلے مردین چُک. اسرائیل، آکوبے دومی نام ات.

1:11 منسبدار، بزانی کارئے زمهوار، اگدهدار.

1:11 بیگارگیر، بزانی همی مردم که دگه مردمان په زور کار بندیت.

1:11 پرتون هچ بادشاهے جندے نام نبوتگ. اهدی زمانگان، مسرے هر بادشاه پرتون گوشگ بوتگ.

1:11 امباری شهر، بزانی همی شهر که اودا وراک و سامان امبار کنگ بیت.

1:14 بتانه، بزانی هشتمانی لیچینگے گل یا سیمت

<sup>15</sup> Mesray bádsháhá gón Ebráni\* janbógán\* habar kort. Yakk janbógéay nám Shiprah at o domiay Puah. <sup>16</sup> Gón eshán gwashti: “Wahdé shomá Ebráni janénán chokmát kanét, chellagiay bashánahá bechárét, agan chokk bachakké, bekoshéti o agan jenekké, belléti.” <sup>17</sup> Bale janbógán cha Hodáyá torset o á dhawlá nakortesh ke Mesray bádsháhá gwashtagatant o mardénchokkesh nakoshtant. <sup>18</sup> Gorhá Mesray bádsháhá janbóg lótháéttant o gón áyán gwashti: “Shomá chéá chó kort o mardénchokk zendagá eshtant?” <sup>19</sup> Janbógán gón Perawná gwasht: “Ebráni janén Mesri janénáni paymá naant. Dhaddhén zál ant o cha janbogáni rasagá pésar chokká pédá kanant.”

<sup>20</sup> Gorhá Hodá janbogáni sará mehrabán but. Esráilián chokk o bar kort o sakk báz butant. <sup>21</sup> Janbógán cha Hodáyá torset, paméshká Hodáyá áyáni lóg ábád kortant.

<sup>22</sup> Gorhá Perawná wati sajjahén mardom hokm dát o gwashtant: “Har Ebráni mardénchokké ke pédá bit, áíá Nillay kawrá dawr bedayét, bale Ebráni jenekkán bellét.”

### Mussáay pédáesh

**2** Láwi kabilahay mardé shot o Láwi jenekké sáangi kort. <sup>2</sup> Janén lápporr but o mardénchokké áworti. Janéná dist ke chokk sharrangé, tán say máhá chéri dát. <sup>3</sup> Wahdé áíá chokk cha ed o géshter chér dát nakort, pa áíá cha kalam o káshá gwaptagén sapté\* zorti, sapti gir o dhámbar\* jat, chokki saptá kort o Nillay kawray lambá kásháni tahá éri kort. <sup>4</sup> Chokkay gohár kammé dur óshtát o chárágá lagget ke bárén chokk chóna bit.

<sup>5</sup> Perawnay jenekk jánay shódagá Nillay kawrá átk. Móled Nillay kawray kerrá gardagá laggetant. Perawnay jenekká kásháni nyámá sapt dist o wati móledé ráhi dát ke saptá byár. Áíá áwort. <sup>6</sup> Perawnay jenekká sapt pach kort o nonnok dist. Nonnok gréwagá at. Perawnay jenekká áíay sará bazzag but. Gwashti: “É cha Ebrániáni chokkán ent.” <sup>7</sup> Gorhá nonnokay gohára cha Perawnay jenekká jost kort: “Berawán o Ebráni janéné tawár bekanán ke nonnoká pa taw shir

1:15 Ebráni, bezán Esraili.

1:15 Janbóg, bezán dáig, dáeg, dinnabóg, chokk pédá kanókén ballok.

1:15 Ebráni, bezán Esraili.

1:15 Janbóg, bezán dáig, dáeg, dinnabóg, chokk pédá kanókén ballok.

2:3 Sapt, bezán sabad, mazanén challi, sáchi.

2:3 Gir o dhámbar syáhén o lechnákén ápénké.

<sup>15</sup> مسرے بادشاها گون ایرانی\* جنبوغان\* هبر کرت. یک جنبوغیتے نام شیپره ات و دومیے پوه. <sup>16</sup> گون اشان گوشتی: “وهده شما ایرانی جنینان چک مات کنیت، چلگیئے بشانها بچاریت، اگن چک بچکے، بکشیتی و اگن جنکے، بلیتی.” <sup>17</sup> بله جنبوغان چه هدايا ترست و آ دتولا نکرش که مسرے بادشاها گوشتگ اتنت و مردین چکش نکشتنت. <sup>18</sup> گڑا مسرے بادشاها جنبوغ لوثایتنت و گون آیان گوشتی: “شما چیا چو کرت و مردین چک زندگا اشتنت؟” <sup>19</sup> جنبوغان گون پرتونا گوشت: “ایرانی جنین مسری جنینانی پیما نه انت. ددین زال انت و چه جنبوغانی رسگا پیسر چکا پیدا کننت.”

<sup>20</sup> گڑا هدا جنبوغانی سرا مهربان بوت. اسرائیلیان چک و بر کرت و سک باز بوتنت. <sup>21</sup> جنبوغان چه هدايا ترست، پمیشکا هدايا آيانی لوگ آباد کرتنت.

<sup>22</sup> گڑا پرتونا وتی سجهین مردم هکم دات و گوشتنت: “هر ایرانی مردین چکے که پیدا بیت، آيا نیلے کئورا دئور بدییت، بله ایرانی جنگان بلیت.”

### موسائے پیدائش

**2** لاوی کبیلھے مردے شت و لاوی جنکے سانگی کرت. <sup>2</sup> جنین لاپ پرتوت و مردین چکے آورتی. جنینا دیست که چک شرننگے، تان سے ماها پیپی دات. <sup>3</sup> وهده آيا چک چه اد و گیشتر چیر دات نکرت، په آيا چه کلم و کاشا گوپتگین سپتے\* زرتی، سپتی گیر و ڈامبر\* جت، چکی سپتا کرت و نیلے کئورے لمبا کاشانی تھا ایزی کرت. <sup>4</sup> چکے گهار کمے دور اؤشتات و چارگا لگت که بارین چک چون بیت.

<sup>5</sup> پرتونے جنک جانے شوڈگا نیلے کئورا آتک. مؤلد نیلے کئورے کڑا گردگا لگنتت. پرتونے جنکا کاشانی نیاما سپت دیست و وتی مؤلدے راهی دات که سپتا بیار. آيا آورت. <sup>6</sup> پرتونے جنکا سپت پیچ کرت و نئک دیست. نئک گریوگا ات. پرتونے جنکا آییے سرا بڑگ بوت. گوشتی: “اے چه ایرانیانی چکان انت.” <sup>7</sup> گڑا نئکے گهارا چه پرتونے جنکا جست کرت: “برئوان و ایرانی جنینے توار بکنان که نئکا په تئو شیر بمیچینیت؟” <sup>8</sup> پرتونے جنکا گوشت: “برئو.” جنک شت و نئکے ماتی توار کرت. <sup>9</sup> پرتونے جنکا گون آيا گوشت: “اے

15:1 ایرانی، بزآن اسرائیلی.

15:1 جنبوغ، بزآن دایک، داگ، دینبوغ، چک پیدا کنوکین بلک.

3:3 سپت، بزآن سبد، مزین چلی، ساچی.

3:3 گیر و ڈامبر سیاھین و لچناکین آینکے.

beméchénit?”<sup>8</sup> Perawney jenekká gwasht: “Beraw.” Jenekk shot o nonnokay máti tawár kort.<sup>9</sup> Perawney jenekká gón áia gwasht: “É nonnoká gón wat bar o pa man méché. Man tai mozzá dayán.” Janéná nonnok zort o méchént.

<sup>10</sup> Chokkerost okammé master but, máta Perawney jenekkay kerrá áwort. Perawney jenekká chokk zort o wati chokk kort. Áiay námi Mussá\* kort, gwashti: “É man cha ápá kasshetag.”

### Mussáay tachag

<sup>11</sup> Wahdé Mussá rost o mazan but, yakk róché wati mardománi kerrá shot o áyáni bigári o gránén kári distant. Mussáyá Mesrié dist ke Ebrániéá, bezán cha Mussáay jenday mardomán yakkéá janagá at.<sup>12</sup> Mussáyá wati chapp o chágérd cháret o disti ke kass nést. Gorhá Mesrii kosht o rékáni tahá kall kort.<sup>13</sup> Domi róchá padá dhanná shot o disti ke do Ebráni merhagá ent. Gón mayárigén mardomá gwashti: “Chéá wati hamkawmá janagá ay?”<sup>14</sup> Áia passaw dát: “Kayá tará may sará hákem o dádras kortag? Záná taw lóthay maná ham bekoshay anchó ke Mesriet kosht?” Mussáyá torset o delá gwashti: “Pakkáyá habar páshk butag.”

<sup>15</sup> Perawn é habará sahig but o Mussáay koshagay erádahi kort. Bale Mussá cha Perawney kerrá tatk o Midyánay molká shot o chátéay kerrá nesht.<sup>16</sup> Midyánay dini péshwáyá hapt janénchokk hastat. É jenekk átk o ápay kasshag o tagáray\* porr kanagá laggetant ke petay ramagá áp bedayant.<sup>17</sup> Bale lahtén shepánk átk o jenekkesht galléntant\*. Mussá jenekkáni komakká pád átk o áyáni ramagi áp dát.

<sup>18</sup> Jenekk ke wati pet Rawélay\* kerrá átkant, petá jost kortant: “Maróchi chéá chó zutt átkagét?”<sup>19</sup> Áyán gwasht: “Maróchi Mesriéá mára cha shepánkáni dastá rakként. Ápi ham kasshet o ramagi áp dát.”<sup>20</sup> Petá gón wati jenekkán gwasht: “Gorhá kojá ent? Shomá á mard chéá nayáwortag gón? Tawári kanét, belli kayt o nána wárt.”

<sup>21</sup> Mussá marday kerrá jahmenend bayagá rázig but o mardá wati jenekk Sapurah gón Mussáyá sur dát.<sup>22</sup> Sapurahá mardénchokké áwort o Mussáyá áiay nám

نُتکا گون وت بر و په من میچین. من تئی مزا دئیان. “ جنینا نُتک زرت و میچینت.

<sup>10</sup> چُک کہ رُست و کَمے مستربوت، ماتا پرتونے جنکے کرا اورت. پرتونے جنگا چُک زرت و وتی چُک کرت. آییے نامی موسا\* کرت، گوشتی: “اے من چہ آبا کشتگ.”

### موسائے تچگ

<sup>11</sup> وهدے موسا رُست و مزنبوت، یک روچے وتی مردمانی کرا شت و آیانی بیگاری و گرانبین کاری دیستنت. موسایا مسریے دیست کہ ایرانییا، بزبان چہ موسائے جندے مردمان یکیا جنگا ات.<sup>12</sup> موسایا وتی چپ و چاگرد چارت و دیستی کہ کس نیست. گزا مسری ای کُشت و ریکانی تھا کل کرت.<sup>13</sup> دومی روچا پدا دُنا شت و دیستی کہ دو ایرانی مژگا انت. گون میاریگین مردما گوشتی: “چینا وتی همکثوما جنگا ائے؟”<sup>14</sup> آییہ پستو دات: “کئیا ترا مئے سرا هاکم و دادرس کرتگ؟ زانا تتو لوژئے منا هم بکُشئے آنچو کہ مسری ات کُشت؟” موسایا رُست و دلا گوشتی: “پکایا هبر پاشک بوتگ.”

<sup>15</sup> پرتون اے هبرا سهیگ بوت و موسائے کُشگے ارادهی کرت. بله موسا چہ پرتونے کرا تتک و میدیانے ملکا شت و چاتینے کرا نشت.<sup>16</sup> میدیانے دینی پیشوایا هپت جنین چُک هستات. اے جنگ آتک و آئے کُشگ و تگارئے\* پُر کنگا لگنتت کہ پتے رمگا آپ بدینت.<sup>17</sup> بله لهتین شپانک آتک و جنکُش گلینتنت\*. موسا جنگانی کُمکا پاد آتک و آیانی رمگی آپ دات.

<sup>18</sup> جنگ کہ وتی پت رتویئے\* کرا آتکت، پتا جُست کرتنت: “مروچی چینا چو زوت آتکگیت؟”<sup>19</sup> آیان گوشت: “مروچی مسرینا مارا چہ شپانکانی دستا رکینت. آپی هم کُشیت و رمگی آپ دات.”<sup>20</sup> پتا گون وتی جنگان گوشت: “گزا کجا انت؟ شما آ مرد چینا نئیاورتگ گون؟ تواروی کنیت، پلی کئیت و نان وارت.”

<sup>21</sup> موسا مردے کرا جهمنند بیگا رازیگ بوت و مردا وتی جنگ سپوره گون موسایا سور دات.<sup>22</sup> سپوره مردین چکے

2:10 Mussáay labz balkén cha “dar kanagay” labzá jórh butag.  
2:16 Tagár, bezán mazanén johlén darp, hirán, lagan.  
2:17 Gallénag, bezán táchérag, dar kanag, dur ráh dayag.  
2:18 Rawélay domi nám Yatrun butag, bechár 3:1.

10:2 موسائے لبز بلکین چہ “در کنگے” لبزا جوڑ بوتگ.  
16:2 تگار، بزبان مزینن جُهلین دَرپ، هیران، لکن.  
17:2 گلیننگ، بزبان تاجیننگ، دَر کنگ، دور راه دئیگ.  
18:2 رتویئے دومی نام یترون بوتگ، بچار 1:3.

Gayrshám\* kort, gwashti: “Man darmolká darámadé án.”

<sup>23</sup> Máh o sál gwastant o haményámá Mesray bádsháh mort. Esráili cha wati golámiá nálag o peryátá atant. Áyáni é nálag o peryát borzád shot o Hodáyá sar butant. <sup>24</sup> Hodáyá áyáni nálag eshкотant o wati hamá ahd o paymánay tránagá kapt ke gón Ebráhém o Esák o Ákubá bastagati. <sup>25</sup> Hodáyá Esráili distant o áyáni sará bazzagi but.

### Rókén dhólok

**3** Mussá wati náko,\* Midyánay dini péshwá Yatronay ramagá chárénagá at. Ramagi zort o gyábánay á dastá, Hórébá, bezán Hodáay kóhá shot. <sup>2</sup> Hodáwanday préshtag cha dhólokéay\* nyámá, ásay shamálahéay\* tahá áiy démá záher but. Mussáyá dist ke dhólok bon ent, bale sochag o por bayagá naent. <sup>3</sup> Mussáyá gwasht: “Rawán o é ajabén nedáragá\* charán ke bárén dhólok chéá sochag o por bayagá naent.”

<sup>4</sup> Hodáwandá dist ke Mussá é nedáragay chárágá pédák ent. Hodáyá cha dhólokay tahá gwánk jat: “Mussá, oo Mussá!” Mussáyá passaw dát: “Ji!” <sup>5</sup> Hodáyá gwasht: “Nazzikter mayá. Wati swásánkassh ke é jágahá ke taw óshatátagay, é pákén jágahé.” <sup>6</sup> Hodáyá padá gwasht: “Man tai petay Hodá án, Ebráhémay Hodá, Esákay Hodá o Ákubay Hodá án.” Mussáyá Hodáay chárág torset o wati démi gept.

<sup>7</sup> Hodáwandá gwasht: “Mani mahluk ke Mesrá ent, man áyáni bazzagi sharriá distag. Man distag ke wati bigárgiráni sawabá chón peryáta kanant. Áyáni dardán sharriá zánán. <sup>8</sup> Man ér átkagán ke áyán cha Mesriáni dastá berakkénán o cha é molká, sharrén o práh o sháhegánén molkéá bebarán, anchén molkéá ke ódá shir o bénagay jó tachagá ant, Kanháni o Hitti o Amuri o Perizzi o Héwi o Yabusiáni molká. <sup>9</sup> Bechár, Bani Esráiliáni peryát mani kerrá sar butag, man hamá zolm ham distagant ke Mesri áyáni sará kanantesh. <sup>10</sup> Beraw, man tará Perawnay kerrá ráha dayán, mani kawm Bani Esráilá bezur o cha Mesrá dar á.” <sup>11</sup> Bale Mussáyá gón Hodáyá gwasht: “Man kay án ke Perawnay kerrá berawán o Bani Esráilá bezurán o

آورت و موسایا آیئے نام گئیرشام\* کرت، گوشتی: “من درمُلکا درامدے آن.”

<sup>23</sup> ماه و سال گوستنت و همه نیاما مسرئے بادشاه مُرت. اسرائیلی چه وتی گلامیا نالگ و پریاتا آنتت. آیانی اے نالگ و پریات بُرزاد شت و هُدایا سر بوتنت. <sup>24</sup> هُدایا آیانی نالگ اشکتنت و وتی هما اهد و پئیمانئے ترانگا کپت که گون ابراهیم و اساک و آکوبا بستگ آتی. <sup>25</sup> هُدایا اسرائیلی دیستنت و آیانی سرا بژگی بوت.

### رؤکین ڈۆلک

**3** موسا وتی ناکو،\* میدیانئے دینی پیشوا یترونئے رمگا چارینگا ات. رمگی زرت و گیابانئے آدستا، هوریبیا، بزبان هُدائے کوها شت. <sup>2</sup> هُداوندئے پریشتگ چه ڈۆلکئیے\* نیاما، آسئے شمألھئیے\* تھا آیئے دیمَا زاهر بوت. موسایا دیست که ڈۆلک بُن انت، بله سُچگ و پُر بئیکا نه انت. <sup>3</sup> موسایا گوشت: “رئوان و اے اجبین نِدارگا\* چاران که بارین ڈۆلک چیا سُچگ و پُر بئیکا نه انت.”

<sup>4</sup> هُداوندا دیست که موسا اے نِدارگئے چارگا پیداک انت. هُدایا چه ڈۆلکئیے تھا گوانک جت: “موسا، او موسا!” موسایا پسئو دات: “جی!” <sup>5</sup> هُدایا گوشت: “نَزیکتر مئیا. وتی سواسان کَش که اے جاگها که تتو اوشتاتگئے، اے پاکین جاگھے.” <sup>6</sup> هُدایا پدا گوشت: “من تئیی پتئے هُدا آن، ابراهیمئے هُدا، اساکئے هُدا و آکوبئے هُدا آن.” موسایا هُدائے چارگ ترست و وتی دیمی گپت. <sup>7</sup> هُداوندا گوشت: “منی مهلوک که مسرا انت، من آیانی بژگی شریا دیستگ. من دیستگ که وتی بیگارگیرانی سئوبا چون پریات کننت. آیانی دردان شریا زانان. <sup>8</sup> من ایزر آتکگان که آیان چه مسریانی دستا برکینان و چه اے مُلکا، شَرین و پراه و شاهگانین مُلکینا ببران، آنچین مُلکینا که اودا شیر و بینگئے جو تچگا انت، کنهانی و هیئی و آموری و پریزی و هیوی و یبوسیانی مُلکا. <sup>9</sup> بچار، بنی اسرائیلیانی پریات منی کرا سر بوتگ، من هما زلم هم دیستگ انت که مسری آیانی سرا کننتش. <sup>10</sup> برئو، من ترا پرتونئے کرا راه دئیان، منی کئوم بنی اسرائیلا بزور و چه مسرا در آ.” <sup>11</sup> بله موسایا گون هُدایا گوشت: “من

22:2 گئیرشامئے مانا انت: “آ، اودا درامدے.”

1:3 ادا ناکو جنئے پت انت.

2:3 ڈۆلک گیابانی کئشگی جڑے.

2:3 شمأل، بزبان آسئے رۆک، آسئے زبائک.

3:3 نِدارگ، بزبان تماشا.

2:22 Gayrshámay máná ent: “Á, ódá darámadé”.

3:1 Edá náko janay pet ent.

3:2 Dhólok gyábáni konthagi jarré.

3:2 Shamálah, bezán ásay rók, ásay zobánok.

3:3 Nedárag, bezán tamáshá.

cha Mesrá dar byáyán?”<sup>12</sup> Hodáyá gwasht: “Man gón taw góna bán. Taw ke kawmá zuray o cha Mesrá dara káay, shomá hamé kóhá Hodáay parasteshá kanét. O é yakk neshánié bit ke tai ráh dayók man án.”

<sup>13</sup> Mussáyá gón Hodáyá gwasht: “Agan man Bani Esráilay kerrá berawán o begwashán ke shomay bonpirokáni Hodáyá maná shomay kerrá ráh dátag o á cha man jost bekanant ke áiy nám kay ent, áyáni passawá ché begwashán?”<sup>14</sup> Hodáyá gwasht: “Man hamá án ke hastán. Gón Bani Esráilá begwash ke hamá ke nám enti ‘Man Hamá Án’, hamáia maná shomay kerrá ráh dátag.”

<sup>15</sup> Hodáyá gón Mussáyá é ham gwasht: “Gón Bani Esráilá begwash ke ‘Yahweh’\*, bezán shomay bonpirokáni Hodá, Ebráhémay Hodá, Esákay Hodá o Ákubay Hodáyá maná shomay kerrá ráh dátag. Tán abad mani nám hamesh ent o man nasláni nasl hamé námá yát kanaga bán.<sup>16</sup> Beraw Esráilay kamáshán yakjáh kan o gón áyán begwash ke Hodáwand, bezán shomay bonpirokáni Hodá, Ebráhém o Esák o Ákubay Hodá mani démá záher butag o gón man gwashtagi ke man cha nazzikká distag ke Mesrá gón shomá ché butag o<sup>17</sup> man kawla kanán ke shomará cha é bazzagiá dara kanán ke Mesrá shomay sará átkag o shomará Kanháni o Amuri o Perizzi o Héwi o Yabusíani molká barán, hamá molká ke shir o bénagay jó tachagá ant.

<sup>18</sup> Esráilay kamásh tai habarán gósha dárant. Shomá horigá Mesray bádsháhay kerrá berawét o gón áia begwashét ke Hodáwand, bezán Ebrániáni Hodá may démá záher butag. Nun mára razá beday ke má gyábánasay róchay ráhá rawén opa wati Hodáwandén Hodáyá korbániga kanén.<sup>19</sup> Bale mana zánán ke tán zórmandén dasté Mesray bádsháhá majbur makant, á shomará rawagá naylit.<sup>20</sup> Man wati dastá shahára dayán o Mesrá gón wati hamá sajjahén ajabbatén kárana janán ke manesh áyáni nyámá kanán. Gorhá Perawn shomará rawagá kellit.<sup>21</sup> Man Mesriáni delá pa é kawmá narma tarrénán o wahdé shomá rawét, cha Mesrá gón hórak o háligén dastána narawét.<sup>22</sup> Har janén cha wati hamsáhegén janén o cha áiy lógá nendókén janéná god o pocch o nograh o teláhay saht o zéwar belóthit o wati bacch o jenekkáni gwaráesh bedant. É paymá shomá Mesriáni mál o hastiá polét.”

كئى آن كه پڙونئى كڙا برئوان و بنى اسرائيلا بزوران و چه مسرا كئى در بيان؟“<sup>12</sup> هُدايا گوشت: “من گون تئو گون بان. تئو كه كئوما زورئى و چه مسرا در كائى، شما همى كوها هُدايى پڙستشا كنيټ. و اے يگ نشانيه بيت كه تئى راه دئيوك من آن.”

<sup>13</sup> موسايا گون هُدايا گوشت: “اگن من بنى اسرائيلئى كڙا برئوان و بگوشان كه شمئى بئپيركاني هُدايا منا شمئى كڙا راه داتگ و آچه من جست بكننت كه آيئى نام كئى انت، آياني پستوا چه بگوشان؟“<sup>14</sup> هُدايا گوشت: “من هما آن كه هستان. گون بنى اسرائيلا بگوش كه هما كه نام انتى ‘من هما آن’، همايا منا شمئى كڙا راه داتگ.”

<sup>15</sup> هُدايا گون موسايا اے هم گوشت: “گون بنى اسرائيلا بگوش كه ‘يهوه’\*, بزنان شمئى بئپيركاني هُدا، ابراهيمئى هُدا، اساكئى هُدا و آكوبئى هُدايا منا شمئى كڙا راه داتگ. تان ابد منى نام همش انت و من نسلانى نسل همى ناما يات كنگ بان.<sup>16</sup> برئو اسرائيلئى كماشان يكجاه كن و گون آيان بگوش كه هُداوند، بزنان شمئى بئپيركاني هُدا، ابراهيم و اساك و آكوبئى هُدا منى ديما زاهر بوتگ و گون من گوشتگى كه من چه نزيكا ديستگ كه مسرا گون شما چه بوتگ و<sup>17</sup> من كئول كنان كه شمارا چه اے بزگيا در كنان كه مسرا شمئى سرا آتكگ و شمارا كنهانى و أمورى و پريزي و هيوى و يوسيانى مُلكا بران، هما مُلكا كه شير و بينگئى جو تچگا انت.

<sup>18</sup> اسرائيلئى كماش تئى هيران گوش دارنت. شما هوريگا مسرئى بادشاهئى كڙا برئويت و گون آيا بگوشيت كه هُداوند، بزنان ابرانيانى هُدا مئى ديما زاهر بوتگ. نون مارا رزا بدئى كه ما گيابانا سئى روچئى راها رئوين و په وتى هُداوندن هُدايا كُربانيگ كنين.<sup>19</sup> بله من زانان كه تان زورمندين دستى مسرئى بادشاهما مجبور مكنټ، آشمارا رئوگا نئيليت.<sup>20</sup> من وتى دستا شهارة ديان و مسرا گون وتى هما سجهين اجبتين كاران جنان كه منش آياني نياما كنان. كڙا پڙون شمارا رئوگا كلت.<sup>21</sup> من مسريانى دلا په اے كئوما نرم ترينان و وهده شما رئويت، چه مسرا گون هورك و هاليگين دستان نرئويت.<sup>22</sup> هر جنين چه وتى همساهگين جنين و چه آيئى لوگا نندوكين جنينا گد و پچ و نگره و تلاهئى سهت و زيور بلوئيت و وتى بچ و جنكاني گوراش بدنت. اے پئما شما مسريانى مال و هستيا پلئت.”

3:15 Yahweh, Ebráni zobána Hodáwanday nám ent. É labz cha “bayagay” labzá jórh butag. Pákén Ketábay géshter tarjomahán é labz “Hodáwand” kortag.

15:3 يهوه، ابرانى زبانا هُداوندئى نام انت. اے ليز چه “بئگئى” ليزا جوڙ بوتگ. پاكين كتابئى گيشتر ترجمهان اے ليز “هُداوند” كرتگ.



**4** Mussáyá passaw dát: “Agan mardom mani sará báwar makanant o mani habarán gósh madárant o begwashant: ‘Hodáwand tai démá záher nabutag,’ gorphá?”<sup>2</sup> Hodáwandá gwasht: “É chéé tai dastá ent?” Passawi dát: “Asáé.”<sup>3</sup> Gwashti: “Zeminá dawri day.” Mussáyá ke asá zeminá dawr dát, asá maré but o Mussá cha áiy kerrá tat. <sup>4</sup> Hodáwandá gón Mussáyá gwasht: “Wati dastáshahár day o máray dombá beger.” Mussáyá wati dast shahár dát o gepti o már áiy dastá asáé but. <sup>5</sup> Hodáwandá gwasht: “É neshániá ke záhera kanay, gorphá Esráili báwara kanant ke mane Hodáwand bezán áyáni bonpirokáni Hodá, Ebráhemay Hodá, Esákay Hodá o Ákubay Hodá tai démá záher butag.”

<sup>6</sup> Padá Hodáwandá gwasht: “Dastá wati kabáhay tahá kan.” Áiá dast kabáhay tahá kort. Dasti ke cha kabáhá dar kort, dast purah garrá geptagat o chó barpá espét at. <sup>7</sup> Hodáwandá gwasht: “Dastá padá kabáhay tahá kan.” Áiá dast padá kabáhay tahá kort. Dasti ke cha kabáhá dar kort, ta dast wassh butagat o dastay póst jánay é dega jágháni póstay paymá at. <sup>8</sup> “Agan mardomán tai gapp báwar nabut o awali neshániesh delgósh nakort, domi neshániá báwara kanant. <sup>9</sup> Bale agan é doén neshániesh báwar nakortant o tai gappesh gósh nadásht, gorphá cha Nillá kammé áp bezur o hoshkén zeminay sará beréch. É ápán ke taw cha Nillá zuray, é áp hoshkén zeminay sará hóna bant.”

<sup>10</sup> Mussáyá gón Hodáwandá gwasht: “Oo mani Hodáwand! Man habarzánté naán, na pésará butagán o na annun habarzánté án. É sáhatá ham ke taw gón wati kasterá habará ay, mani zobán o bayán konth ent.” <sup>11</sup> Hodáwandá gwasht: “Baniádamay dap kayá jórkh kortag? Kay ensáná gong o karra kant? Kay ensáná champach o kóra kant? Mane Hodáwand naent? <sup>12</sup> Nun beraw, man tará sója dayán ke tará ché gwashagi ent. Dap taiga bit o gapp maniga bant.”

<sup>13</sup> Mussáyá gwasht: “Oo mani Hodáwand! Degaré ráh day.”

<sup>14</sup> Hodáwand Mussáyá sará zahr gept o gwashti: “Hárun tai brát naent, Láwi kabilahay Hárun? Mana zánán ke habarzánté. Bechár, á annun tai gendoká pédák ent o cha tai gendagá deli wassha bit. <sup>15</sup> Taw gón áiá habara kanay o habarán áiy dapá dayay. Man shomará sója dayán ke ché bekanét. Dap taig o

**4** موسایا پستو دات: “اگن مردم منی سرا باور مکننت و منی هبران گوش مدارنت و بگوشنت: ‘هُداوند تئیی دیمَا زاهر نبوتگ، گُڑا؟’<sup>2</sup> هُداوندا گوشت: “اے چئے تئیی دستا انت؟” پستوی دات: “اساے.”<sup>3</sup> گوشتی: “زمینا دئوری دئے.” موسایا کہ اسا زمینا دئور دات، اسا مارے بوت و موسا چه آییئے کُڑا تَتک. <sup>4</sup> هُداوندا گون موسایا گوشت: “وتی دستا شہار دئے و مارئے دُمبا بگر.” موسایا وتی دست شہار دات و گپتی و مار آییئے دستا اساے بوت. <sup>5</sup> هُداوندا گوشت: “اے نشانیا کہ زاهر کنئے، گُڑا اسرائیلی باور کننت کہ من هُداوند بزبان آسانی بُنیپرکانی هُدا، ابراہیمئے هُدا، اساکئے هُدا و آکوبئے هُدا تئیی دیمَا زاهر بوتگ.”

<sup>6</sup> پدا هُداوندا گوشت: “دستا وتی کبائے تھا کن.” آييا دست کبائے تھا کرت. دستی کہ چه کباہا در کرت، دست پورہ گُڑا گپتگ آت و چو برپا اسپت آت. <sup>7</sup> هُداوندا گوشت: “دستا پدا کبائے تھا کن.” آييا دست پدا کبائے تھا کرت. دستی کہ چه کباہا در کرت، تہ دست وش بوتگ آت و دستئے پُوست جائے اے دگہ جاگہانی پُوستئے پیما آت. <sup>8</sup> “اگن مردمان تئیی گپ باور نبوت و ائولی نشانی اش دلگوش نکرت، دومی نشانیا باور کننت. <sup>9</sup> بلہ اگن اے دوین نشانی اش باور نکرتنت و تئیی گپش گوش نداشت، گُڑا چه نیلا کئے آپ بزور و هُشکین زمینئے سرا بریچ. اے آپان کہ تئو چه نیلا زورئے، اے آپ هُشکین زمینئے سرا هون بنت.”

<sup>10</sup> موسایا گون هُداوندا گوشت: “او منی هُداوندا! من ہبرزانتے نہ آن، نہ پیسرا بوتگان و نہ انون ہبرزانتے آن. اے ساہتا ہم کہ تئو گون وتی کسترا ہبرا آئے، منی زبان و بیان کُنٹ انت.” <sup>11</sup> هُداوندا گوشت: “بنی آدمئے دپ کئیا جوڑ کرتگ؟ کئے انسانا گُنگ و کُرت کئے؟ کئے انسانا چمپچ و کُور کنت؟ من هُداوند نہ انت؟ <sup>12</sup> نون برئو، من ترا سوچ دئیان کہ ترا چه گوشگی انت. دپ تئییگ بیت و گپ منیگ بنت.”

<sup>13</sup> موسایا گوشت: “او منی هُداوندا! دگرے راہ دئے.”

<sup>14</sup> هُداوند موسائے سرا زھر گپت و گوشتی: “ہارون تئیی برات نہ انت، لاوی کبیلہئے ہارون؟ من زنان کہ ہبرزانتے. بچار، آ انون تئیی گندکا پنداک انت و چه تئیی گندگا دلی وش بیت. <sup>15</sup> تئو گون آييا ہبر کنئے و ہبران آییئے دپا دئئے. من شمارا سوچ دئیان کہ چه بکنیت. دپ تئییگ و آييا گ بنت و گپ



áiayga bant o gapp maniga bant. <sup>16</sup>Tai badalá á gón mardomán habara kant. Á pa taw dapé bit o taw pa áia hodáé bay. <sup>17</sup>Taw é asáyá dastá kan ke wati neshánián gón hameshiá pésh bedáray.”

### Mussá Mesrá wátarra kant

<sup>18</sup>Mussá padá wati náko Yatrúnay kerrá shot o gón áia gwashti: “Maná razá day, Mesrá wati brátáni kerrá rawán o charán ke baren zendag ant yá mortagant.” Yatrúná gwasht: “Beraw pa salámati.”

<sup>19</sup>Midyánay molká Hodáwandá gón Mussáyá gwasht: “Padá Mesrá beraw, chéá ke á sajjahén mardom ke tai koshagay randá atant, mortagant.” <sup>20</sup>Mussáyá wati jan o doén chokk zort o hará swár kortant o Mesrá wátarr but. Mussáyá “Hodáay asá” dastá kort. <sup>21</sup>Hodáwandá gón Mussáyá gwasht: “Wahdé padá Mesrá raway, bechár, hamá sajjahén mójezah ke man tai dastá dátagant, Perawnay démá á mójezahán bekan o pésh dár, bale man áiy delá senga kanán ke kawmá rawagá maylit. <sup>22</sup>Gón Perawná begwash: ‘Hodáwand chosha gwashit: Esráil mani mardénchokk ent, mani awali chokk ent. <sup>23</sup>Man tará gwasht ke mani chokká bell ke rawt o mani parasteshá kant. Bale taw namannet o rawagá naesht. Bechár, nun man tai chokká koshán, tai awali mardénchokká.”

<sup>24</sup>Chó but keráhá menzeléá Hodáwand gón Mussáyá dochár kapt o lótheti ke Mussáyá bekoshit. <sup>25</sup>Bale Mussáay jan Sapurahá tézén sengé zort o wati chokkay loppok\* borret o hamé pósti Mussáay pádán jat. Gwashti: “Taw pa man ‘hónay sálónké’ ay.” <sup>26</sup>Hodáwandá hamé wahdá Mussá yalah dát ke Sapurahá sonnatay sawabá Mussá “hónay sálónk” gwashtagat.

<sup>27</sup>Hodáwandá gón Hárúná gwasht: “Mussáay chárágá gyábáná beraw.” Hárún shot o Hodáay kóhá gón Mussáyá dochár kapt o Mussái chokket. <sup>28</sup>Mussáyá hamá sajjahén habar gón Hárúná kortant ke Hodáwandá pa áyáni gwashagá Mussá ráh dátagat. Hamásajjahén neshániáni háli ham dát ke Hodáwandá pa áyáni pésh dárágá Mussá hokm dátagat.

<sup>29</sup>Gorhá Mussá o Hárún shotant o Esráiliáni sajjahén kamáshesh yakjáh kortant. <sup>30</sup>Hárúná hamá sajjahén habar kortant ke Hodáwandá gón Mussáyá kortagatant o hamá nesháni mahlukay chammáni démá pésh dáshtant. <sup>31</sup>Mahluká báwar kort. Wahdé áyán eshkot ke Hodáwandá may némagá delgósh

مینگ بنت. <sup>16</sup>تئی بدلا آگون مردمان هبر کنت. آپه تئو دپه بیت و تئو په آیا هداے بئے. <sup>17</sup>تئو اے آسیا دستا کن که وتی نشانیان گون همیشیا پیش بدارئے.

### موسا مسرا واتر کنت

<sup>18</sup>موسا پدا وتی ناكو يترونئے كرا شت و گون آيا گوشتی: “منا رزا دئے مسرا وتی براتانی كرا رئون و چاران که بارین زندگ أنت یا مرتگ أنت.” يترونا گوشت: “برئو په سلامتی.”

<sup>19</sup>میدیانئے ملکا هداوندا گون موسایا گوشت: “پدا مسرا برئو، چیا که آ سجهین مردم که تئی کُشگئے رندا أنت، مرتگ أنت.” <sup>20</sup>موسایا وتی جن و دوین چک زرت و هرا سوار کرتنت و مسرا واتر بوت. موسایا “هدائے آسا” دستا کرت. <sup>21</sup>هداوندا گون موسایا گوشت: “وهده پدا مسرا رئوئے، بچار، هما سجهین مؤجهه که من تئی دستا داتگ أنت، پرئوئے دیمآ مؤجههان بکن و پیش دار، بله من آییئے دلا سنگ کنان که کئوما رئوگا مثیلت. <sup>22</sup>گون پرئونا بگوش: ‘هداوند چش گوشتیت: اسرائیل منی مردین چک أنت، منی ائولی چک أنت. <sup>23</sup>من ترا گوشت که منی چکا بل که رئوت و منی پرستشا کنت. بله تئو نمئت و رئوگا نه ائت. بچار، نون من تئی چکا کشان، تئی ائولی مردین چکا.”

<sup>24</sup>چو بوت که راها منزلیا هداوند گون موسایا دچار کپت و لئوتی که موسایا بکُشیت. <sup>25</sup>بله موسائے جن سپورهآ تیزین سنگه زرت و وتی چکئے لُپک\* برت و همه پؤستی موسائے پادان جت. گوشتی: “تئو په من ‘هؤنئے سالونکے’ ائے.” <sup>26</sup>هداوندا همه وهدا موسا یله دات که سپورهآ سُنئے سئوبا موسا “هؤنئے سالونک” گوشتگات.

<sup>27</sup>هداوندا گون هارونا گوشت: “موسائے چارگا گیابانا برئو.” هارون شت و هداائے کؤها گون موسایا دچار کپت و موسایی چکنت. <sup>28</sup>موسایا هما سجهین هبر گون هارونا کرتنت که هداوندا په آیانی گوشگا موسا راه داتگ أنت. هما سجهین نشانیان هالی هم دات که هداوندا په آیانی پیش دارگا موسا هکم داتگ أنت.

<sup>29</sup>گزا موسا و هارون شتنت و اسرائیلیانی سجهین کماشش یکجاه کرتنت. <sup>30</sup>هارونا هما سجهین هبر کرتنت که هداوندا گون موسایا کرتگ أنتت و هما نشانیا ای مهلوکئے چمانی دیمآ پیش داشتنت. <sup>31</sup>مهلوکا باور کرت. وهده آیان اشکت که هداوندا

kortag o may bazzagii distag, pa adab saresh jahl kort o parastesh kanagá laggetant.

### Mahlukay bazzagi

**5** Randá Mussá o Hárun shotant o gón Perawná gwashtesh: “Yahweh\*, Esráilay Hodá chosha gwashit: ‘Mani mahluká bell ke gyábáná rawt o pa man jashné kant.’”<sup>2</sup> Bale Perawná gwasht: “Yahweh kay ent ke man áiyay gappá gósh bedarán o Bani Esráilá rawagá bellán? Man Yahwehá nazánán o Bani Esráilá rawagá naylán.”

<sup>3</sup>Áyán gwasht: “Ebrániáni Hodá may démá záher butag. Nun márá bell ke gyábáná say róchay ráhá rawén o pa wati Hodáwandén Hodáyá korbániga kanén. Chó mabit ke gón wabá yá zahmá may sará bekapit.”<sup>4</sup> Bale Mesray bádsháhá gwasht: “Mussá! Hárun! Shomá chéá mardomán kárá naylét? Berawét o wati bigáriá bekanét.”<sup>5</sup> Padá gwashti: “Bechár, annun é molká Esráili sakk báz ant bale shomá kárá naylétesh.”

<sup>6</sup>Hamá róchá Perawná mardománi bigárgir o kármaster hokm dát o gwashtant: <sup>7</sup>“Pésará pa heshtay janagá shomá mardománá palár\* dátag, nun madayétesh. Belli wata rawant o palára chenant.”<sup>8</sup> Bale cha áyán hesht hamá kesásá belóthét ke pésará jatagesh, hecch kamm makanét. É mardom jándoazz o tambal ant, paméshká peryáta kanant: ‘Márá bell ke rawén o pa wati Hodáyá korbániga kanén.’<sup>9</sup> Áyán angat gránterén kár beparmáét ke wati kárá dazgatth bebant o drógén habaráni némagá delgósh makanant.”

<sup>10</sup>Mardománi bigárgir o kármaster dhanná shotant o gón mardomán gwashtesh: “Perawn chosha gwashit: ‘Man shomárá palára nadayán.’”<sup>11</sup> Shomá wat berawét o palár bechenét, har jágah ke dar gétka kanét. Bale cha shomay kárá toshé kamma nabit.”

<sup>12</sup>Mardom sajjahén Mesray molká sheng butant ke pa heshtay janagá palár bechenant. <sup>13</sup>Bigárgirán kaddhan\* kort o gwashtant: “Wati hamok róchi gishhéntagén kárá hamá wahday paymá sarjam bekanét ke shomárá palár butag.”<sup>14</sup> Perawnay bigárgirán wati dáshtagén Esráili kármaster jat o jost kortant: “Shomay zikkén o maróchigén hesht chéá péсарigén kesásá naant?”

5:1 Yahweh, Ebráni zobáná Hodáwanday nám ent. É labz cha “bayagay” labzá jórh butag. Pákén Ketábay géshter tarjomahán é labz “Hodáwand” kortag.

5:7 Palár, bezán kesháray hoshk butagén dhil, káhsépét.

5:13 Kaddhan, bezán mohrén tákid, hokm.

مئے نیمگا دلگوش کرتگ و مئے بڑگی ای دیستگ، په ادب سرش جهل کرت و پرستش کنگا لگنت.

### مهلوکے بڑگی

**5** رندا موسا و هارون شتنت و گون پړونا گوشتش: “يَهوه\*، إسرائيلے هدا چش گوشت: ‘منی مهلوکا بلل که گیابانا رثوت و په من جشنے کنت.’”<sup>2</sup> بله پړونا گوشت: “يَهوه کئے انت که من آییے گپا گوش بداران و بنی اسرائیل رثوگا بلان؟ من يَهوه نزانان و بنی اسرائیل رثوگا نیلان.”

<sup>3</sup>آیان گوشت: “إیرانیانی هدا مئے دیما زاهر بوتگ. نون مارا بلل که گیابانا سئے روچئے راها رثوین و په وتی هداوندین هدايا کربانینگ کنین. چو مبيت که گون و بایا زهما مئے سرا بکپیت.”<sup>4</sup> بله مسرئے بادشاهها گوشت: “موسا! هارون! شما چیا مردمان کارا نیلینت؟ برثویت و وتی بیگاریا بکنیت.”<sup>5</sup> پدا گوشتی: “بچار، انون اے ملکا اسرائیلی سک باز انت بله شما کارا نیلینت.”

<sup>6</sup>هما روچا پړونا مردمانی بیگارگیر و کارمستر هکم دات و گوشتنت: <sup>7</sup>“پیسرا په هشتتے جنگا شما مردمانا پلار\* داتگ، نون مدئیبتش. بللی وت رثونت و پلار چننت.”<sup>8</sup> بله چه آیان هشت هما کساسا بلوئیت که پیسرا جتگش، هچ کم مکپیت. اے مردم جانڈز و تمبل انت، پمیشکا پریات کنت: ‘مارا بلل که رثوین و په وتی هدايا کربانینگ کنین.’<sup>9</sup> آیان انگت گرانترین کار پیرمایت که وتی کارا دزگت ببنت و دروگین هبرانی نیمگا دلگوش مکنت.”

<sup>10</sup>مردمانی بیگارگیر و کارمستر دنا شتنت و گون مردمان گوشتش: “پړون چش گوشت: ‘من شمارا پلار ندیان.’”<sup>11</sup> شما وت برثویت و پلار بچنیت، هر جاگه که در گیتک کپیت. بله چه شمئے کارا تھے کم نیت.”

<sup>12</sup>مردم سجھین مسرئے ملکا شنگ بوتنت که په هشتتے جنگا پلار بچننت. <sup>13</sup>بیگارگیران کڈن\* کرت و گوشتنت: “وتی همک روچی گیشیتنگین کارا هما وهدهے پیما سرجم بکنیت که شمارا پلار بوتگ.”<sup>14</sup> پړونئے بیگارگیران وتی داشتگین اسرائیلی کارمستر جت و جست کرتنت: “شمئے زیگین و مروچیکین هشت چیا پیسریگین کساسا نه انت؟”

5:1 يَهوه، ایرانی زبانا هداوندتے نام انت. اے لبز چه “بیگئے” لبزا جوڑ بوتگ. پاکین کتابتے گیشتر ترجمهان اے لبز “هداوند” کرتگ.

5:7 پلار، بزبان کشارتے هشک بوتگین ڈیل، کاهسپیت.

5:13 کڈن، بزبان مھرین تاکید، هکم.

<sup>15</sup> Esráili kármaster shotant o Perawney kerrá peryátesh kort: “Taw chéa gón wati kasterán chó kanagá ay? <sup>16</sup> Tai kasterán palára nadayant o angat mára gwashant: ‘Hesht bejanét.’ Bechár, radi tai mardománig ent, latthán má waragá én.” <sup>17</sup> Perawná gwasht: “Shomá jándozz o tambal ét, behyá ét, paméshká gwashét: ‘Mára bell ke rawén o pa Hodáwandá korbániga kanén.’ <sup>18</sup> Nun berawét o kár kanét. Shomára palár dayaga nabit, bale hesht hamá kesásá bejanét.”

<sup>19</sup> Esráili kármasterán zánt ke má janjáléa kaptagén ke mára gwashant shomay jatagén hesht cha har róchigén gishshéntagén kesásá kamter mabant. <sup>20</sup> Wahdé kármaster cha Perawney kerrá dar átkant, gón Mussá o Hárúná dhikkesh wárt. Mussá o Hárún áyáni wadára atant. <sup>21</sup> Gón áyán gwashtesh: “Hodáwand shomára may hakkáni jostá bekanát o wat ensáp bekanát. Shomá Perawn o áiy hezmatkáráni chammán mára syahru kanáéntag o pa may kosahagá zahmé áyáni dastá dátag.”

<sup>22</sup> Mussá padá Hodáwanday kerrá shot o gwashti: “Oo Hodáwand! Taw chéa é mahluk janjáléa dawr dát? Taw paméshká maná ráh dát? <sup>23</sup> Man Perawney kerrá shotán ke tai námay sará gón áiyá habar bekanán, bale cha á róchá o rand Perawná tai mahluk ganter janjál kortag o taw pa mahlukay rakkénagá hecch nakortag.”

### Esráilay neját

**6** Hodáwandá gón Mussáyá gwasht: “Nun taw genday ke man gón Perawná ché kanán. Perawn mani zórmandén dastá ke gendit, mahluká rawagá kellit. Haw, mani zórmandén dastá ke gendit, áyán cha wati molká gallénit.”

<sup>2</sup> Hodáyá gón Mussáyá habar kort, gwashti: “Man Hodáwand án. <sup>3</sup> Man ke Ebráhém o Esák o Ákubay démá záher bután, man wati nám ‘Porwákén Hodá’ kort. Man á hál nadátant ke mani nám ‘Yahweh’\* ent. <sup>4</sup> Man gón áyán ahd o paymán ham kort ke Kanhánay molká shomára dayán, bezán hamá molká ke ódá á, darámaday paymán neshtagatant. <sup>5</sup> Mandistag ke Mesrián Esráili golám kortagant o Esráili cha é golámiá nálagá ant. Man é nálag eshкотagant o wati ahd o paymánay yátá kaptagán. <sup>6</sup> Paméshká mani é paygámá Esráilián sar kan: ‘Man Hodáwand án. Man shomára cha Mesriáni bigáriá kasshán o cha golámiá

6:3 Yahweh, Ebráni zobáná Hodáwanday nám ent. É labz cha “bayagay” labzá jórh butag. Pákén Ketábay géshter tarjomahán é labz “Hodáwand” kortag.

<sup>15</sup> Esráili kármaster shentt o perawney kerrá peryátesh kort: “Taw chéa gón wati kasterán chó kanagá ay? <sup>16</sup> Tai kasterán palára nadayant o angat mára gwashant: ‘Hesht bejanét.’ Bechár, radi tai mardománig ent, latthán má waragá én.” <sup>17</sup> Perawná gwasht: “Shomá jándozz o tambal ét, behyá ét, paméshká gwashét: ‘Mára bell ke rawén o pa Hodáwandá korbániga kanén.’ <sup>18</sup> Nun berawét o kár kanét. Shomára palár dayaga nabit, bale hesht hamá kesásá bejanét.”

<sup>19</sup> Esráili kármasterán zánt ke má janjáléa kaptagén ke mára gwashant shomay jatagén hesht cha har róchigén gishshéntagén kesásá kamter mabant. <sup>20</sup> Wahdé kármaster cha Perawney kerrá dar átkant, gón Mussá o Hárúná dhikkesh wárt. Mussá o Hárún áyáni wadára atant. <sup>21</sup> Gón áyán gwashtesh: “Hodáwand shomára may hakkáni jostá bekanát o wat ensáp bekanát. Shomá Perawn o áiy hezmatkáráni chammán mára syahru kanáéntag o pa may kosahagá zahmé áyáni dastá dátag.”

<sup>22</sup> Mussá padá Hodáwanday kerrá shot o gwashti: “Oo Hodáwand! Taw chéa é mahluk janjáléa dawr dát? Taw paméshká maná ráh dát? <sup>23</sup> Man Perawney kerrá shotán ke tai námay sará gón áiyá habar bekanán, bale cha á róchá o rand Perawná tai mahluk ganter janjál kortag o taw pa mahlukay rakkénagá hecch nakortag.”

### Esráilay neját

**6** Hodáwandá gón Mussáyá gwasht: “Nun taw genday ke man gón Perawná ché kanán. Perawn mani zórmandén dastá ke gendit, mahluká rawagá kellit. Haw, mani zórmandén dastá ke gendit, áyán cha wati molká gallénit.”

<sup>2</sup> Hodáyá gón Mussáyá habar kort, gwashti: “Man Hodáwand án. <sup>3</sup> Man ke Ebráhém o Esák o Ákubay démá záher bután, man wati nám ‘Porwákén Hodá’ kort. Man á hál nadátant ke mani nám ‘Yahweh’\* ent. <sup>4</sup> Man gón áyán ahd o paymán ham kort ke Kanhánay molká shomára dayán, bezán hamá molká ke ódá á, darámaday paymán neshtagatant. <sup>5</sup> Mandistag ke Mesrián Esráili golám kortagant o Esráili cha é golámiá nálagá ant. Man é nálag eshкотagant o wati ahd o paymánay yátá kaptagán. <sup>6</sup> Paméshká mani é paygámá Esráilián sar kan: ‘Man Hodáwand án. Man shomára cha Mesriáni bigáriá kasshán o cha golámiá

6:3 Yahweh, Ebráni zobáná Hodáwanday nám ent. É labz cha “bayagay” labzá jórh butag. Pákén Ketábay géshter tarjomahán é labz “Hodáwand” kortag.

ázáta kanán. Dastá shahára dayán, Mesrián gránén sezá dayán o shomará mókán\*. <sup>7</sup> Man shomará zurán o wati kawma kanán o shomay Hodá bán. Gorhá shomá zánét ke man shomay Hodáwandén Hodá án, hamá ke shomará cha Mesriáni bigáriá dari kortag. <sup>8</sup> Man shomará hamá molká barán ke wati daston chest kort o sawgendon wárt ke Ebráhém o Esák o Ákubá dayáni. Man á molká shomará dayán ke shomay jenday melkat bebit. Man Hodáwand án.”

<sup>9</sup> Mussáyá gón Esráilián é habar kortant, bale wati proshtagén arwáh o gránén zahmatáni sawabá Mussáyá habaresh gósh nadásht. <sup>10</sup> Hodáwandá gón Mussáyá gwasht: <sup>11</sup> “Beraw o Mesray bádsháh Perawná begwash ke Esráilián cha wati molká rawagá bell.” <sup>12</sup> Bale Mussáyá gón Hodáwandá gwasht: “Mani habar Esráilián gósh nadáshtagant, gorhá Perawneschón gósha dárít? Man wa konthbayánén mardomé án.” <sup>13</sup> Hodáwandá gón Mussá o Hárúná habar kort o hokm dátant ke gón Esráilián o gón Mesray bádsháh Perawná habar bekanét o Esráilián cha Mesray molká bekasshét.

### Mussá o Hárúnay béh o bonyád

<sup>14</sup> Esráiliáni kabilaháni sar o master esh ant:

Esráilay awali chokk Rubenay mardénchokk Hanuk o Pallu o Hesrun o Karmi atant. Rubenay thakk\* hamesh atant.

<sup>15</sup> Shamunay mardénchokk Yamuél o Yámin o Uhad o Yákin o Sóhar o Shául atant. Sháulay mát Kanháníé at. Shamunay thakk hamesh atant.

<sup>16</sup> Láwiay mardénchokkání nám, áyáni pédáeshay red o banday hesábá esh ant:

Gershón o Kohát o Merári. Láwiá 137 sál omr kort.

<sup>17</sup> Gershónay mardénchokk Lebni o Shemmi atant, wati thakkáni hesábá.

<sup>18</sup> Kohátay mardénchokk Amrám o Esár o Hebrun o Ozzél atant. Kohátá 133 sál omr kort.

<sup>19</sup> Meráriay mardénchokk Mahli o Mushi atant. Láwiay thakk, áyáni pédáeshay red o banday hesábá hamesh atant.

6:6 Mókagay máná edá esh ent ke pa kaséay jánay rakkénagá gránén kimmaté dayag bebit, Pársiá “bázkharid”.

6:12 Asligén Ebráni nebeshtánka gwashit: “Mani lonth sonnat nabutagant.”

6:14 Thakk, bezán táepah, zehi, kabilahay sháharhé.

گلامیا آزاتِ کنان. دستا شہارِ دئیان، مسریانِ گرانتین سزا دئیان و شمارا مۆکان\*. <sup>7</sup> من شمارا زوران و وتی کئومِ کنان و شمئے ہدا بان. گڑا شما زانیت کہ من شمئے ہداوندین ہدا آن، ہما کہ شمارا چہ مسریانی بیگاریا دری کرتگ. <sup>8</sup> من شمارا ہما ملکا بران کہ وتی دستن چست کرت و سئوگندن وارت کہ ابراہیم و اساک و آکوبا دئیانی. من آملکا شمارا دئیان کہ شمئے جندئے ملکت بیت. من ہداوند آن.”

<sup>9</sup> موسایا گونِ اسرائیلیان اے ہبر کرتنت، بلہ وتی پُرشتگین آرواہ و گرانتین زہمتانی سئوبا موسائے ہبرش گوش نداشت. <sup>10</sup> ہداوندا گونِ موسایا گوشت: <sup>11</sup> “برئو و مسرئے بادشاہ پرتونا بگوش کہ اسرائیلیان چہ وتی ملکا رتوگا پل.” <sup>12</sup> بلہ موسایا گونِ ہداوندا گوشت: “منی ہبر اسرائیلیان گوش نداشتگ انت، گڑا پرتونش چون گوش داریت؟ من وہ کنت بیانی مردمے آن.\*” <sup>13</sup> ہداوندا گونِ موسا و ہارونا ہبر کرت و حکم دانت کہ گونِ اسرائیلیان و گونِ مسرئے بادشاہ پرتونا ہبر بکنیت و اسرائیلیان چہ مسرئے ملکا بکشیت.

### موسا و ہارونے بیہ و بنیاد

<sup>14</sup> اسرائیلیانی کبیلہانی سر و مستراش انت:

اسرائیلے اولی چک روئے مردین چک ہنوک و پلو و ہسرون و گرمی انت. روئے ٹک\* ہمیش انت.

<sup>15</sup> شمونے مردین چک یمویل و یامین و اوہد و یاکین و سوہر و شاوول انت. شاوولے مات کنہانیے ات. شمونے ٹک ہمیش انت.

<sup>16</sup> لاویئے مردین چکانی نام، آیانی پندائشے رد و بندئے حسابا اش انت:

گرشون و کھات و مراری. لاویا 137 سال امر کرت.

<sup>17</sup> گرشونے مردین چک لبنی و شمی انت، وتی ٹکانی حسابا.

<sup>18</sup> کھاتے مردین چک امرام و اسار و ہبرون و ازیل انت. کھاتا 133 سال امر کرت.

<sup>19</sup> مراریئے مردین چک مہلی و موشی انت. لاویئے ٹک، آیانی پندائشے رد و بندئے حسابا ہمیش انت.

6:6 مۆکگے مانا ادا اش انت کہ پہ کسیتے جانے رکننگا گرانتین کیمتے دئیگ بیت، پارسیا “بازخرد”.

12:6 اسلیگینِ ایرانی نیشتانکِ گوشتیت: “منی لنت سئت نبوتگ انت.”

14:6 ٹک، بزبانِ تاپہ، زہی، کبیلہئے شاہڑے.

<sup>20</sup> Amrámá gón wati petay gohár Yukebédá sur kort o Hárún o Mussá cha Yukebédá pédá butant. Amrámá 137 sál omr kort.

<sup>21</sup> Esáray mardénchokk Kórá o Nepeg o Zekri atant.

<sup>22</sup> Ozzélay mardénchokk Misháél o Elsápán o Setri atant.

<sup>23</sup> Hárúná gón Elishebahá sur kort. Elishebah Aminádábay jenekk at o Nahshunay gohár. Hárúnay mardénchokk Nádáb o Abihu o Elyázar o Itámár cha Elishebahá pédá butant.

<sup>24</sup> Kóráay mardénchokk Assir o Elkáná o Abyásáp atant. Kóráiáni thakk hamesh atant. <sup>25</sup> Hárúnay mardénchokk Elyázará gón Putihélay janénchokkéá sur kort o cha é jenekká Pinehás pédá but. Láwiáni sar o master hamesh atant, wati thakkáni hesábá.

<sup>26</sup> Hamé Hárún o Mussá atant ke Hodáwandá gón áyán gwasht: “Esráilián cha Mesrá romb rombá bekasshét.” <sup>27</sup> É doénán, hamé Mussá o Hárúná gón Mesray bádsháh Perawná habar kort ke Esráili cha Mesrá ázát kanag bebant.

### Pa Perawná Hodáay hokm

<sup>28</sup> Á róchá ke Hodáwandá Mesray molká gón Mussáyá habar kort, <sup>29</sup> choshi gwasht: “Man Hodáwand án, harché ke tará gwashán, Mesray bádsháh Perawná begwashesh.” <sup>30</sup> Bale Mussáyá gón Hodáwandá gwasht: “Man konthbayánén mardomé án, \* Perawn chón mani habarán gósha dárít?”

**7** Gorhá Hodáwandá gón Mussáyá gwasht: “Bechár, man tará pa Perawná chó Hodáay kortag o tai brát Hárún tai nabia bit. <sup>2</sup> Harché ke tará hokma kanán, hamá paym gwashán kan. Tai brát Hárún báyard ent gón Perawná begwashit ke Esráilián cha wati molká rawagá bell. <sup>3</sup> Bale man Perawnay delá senga kanán. Man Mesray molká bázén ajabbatén nesháni o mójezahé pésha dárán, <sup>4</sup> bale Perawn shomay habarán gósha nadárit. Man wati dastá Mesray helápá chesta kanán, Mesrián gránén sezá dayán o wati Esráili kawmá romb rombá cha Mesrá kasshán. <sup>5</sup> Wahdé wati dastá Mesray helápá chesta kanán o Bani Esráilá cha Mesriáni nyámá kasshán, nun Mesria zánant ke man Hodáwand án.”

<sup>6</sup> Mussá o Hárúná anchosh kort. Hamá paymá ke Hodáwandá hokm dátatagant, áyán hamá paymá

6:30 Asligén Ebráni syáhaga gwasht: “Mani lonth sonnat nabutagant.”

<sup>20</sup> Amrámá gón wati petay gohár Yukebédá sur kort o Hárún o Mussá cha Yukebédá pédá butant. Amrámá 137 sál omr kort.

<sup>21</sup> Esáray mardénchokk Kórá o Nepeg o Zekri atant.

<sup>22</sup> Ozzélay mardénchokk Misháél o Elsápán o Setri atant.

<sup>23</sup> Hárúná gón Elishebahá sur kort. Elishebah Aminádábay jenekk at o Nahshunay gohár. Hárúnay mardénchokk Nádáb o Abihu o Elyázar o Itámár cha Elishebahá pédá butant.

<sup>24</sup> Kóráay mardénchokk Assir o Elkáná o Abyásáp atant. Kóráiáni thakk hamesh atant. <sup>25</sup> Hárúnay mardénchokk Elyázará gón Putihélay janénchokkéá sur kort o cha é jenekká Pinehás pédá but. Láwiáni sar o master hamesh atant, wati thakkáni hesábá.

<sup>26</sup> Hamé Hárún o Mussá atant ke Hodáwandá gón áyán gwasht: “Esráilián cha Mesrá romb rombá bekasshét.” <sup>27</sup> É doénán, hamé Mussá o Hárúná gón Mesray bádsháh Perawná habar kort ke Esráili cha Mesrá ázát kanag bebant.

### په پرئونا هُدايے هُکم

<sup>28</sup> آ رُچا که هُداوندا مِسْرے مُلکا گُون مِوسایا هبر کرت، <sup>29</sup> چُشی گُوشْت: “من هُداوند آن، هرچه که ترا گُوشان، مِسْرے بادشاه پرئونا بگُوشش.” <sup>30</sup> بله مِوسایا گُون هُداوندا گُوشْت: “من کُنْثَبیانیین مردمے آن، \* پرئون چُون منی هبران گُوش داریت؟”

**7** گُڑا هُداوندا گُون مِوسایا گُوشْت: “بچار، من ترا په پرئونا چُو هُدايا کرتگ و تئیی برات هارون تئیی نبی بیت. <sup>2</sup> هرچه که ترا هُکم کنان، هما پئیم گُوشان کن. تئیی برات هارون باید انت گُون پرئونا بگُوشیت که اسراییلیان چه وتی مُلکا رُوگا بِل. <sup>3</sup> بله من پرئونے دلا سِنگ کنان. من مِسْرے مُلکا بازین اجبَتین نشانی و مَوجْزه پِیش داران، <sup>4</sup> بله پرئون شمئے هبران گُوش ندرایت. من وتی دستا مِسْرے هِلاپا چِست کنان، مِسرین گرانین سِزا دَیان و وتی اسراییلی کُتوما رُمب رُمبا چه مِسر کُشان. <sup>5</sup> وهده وتی دستا مِسْرے هِلاپا چِست کنان و بنی اسراییلا چه مِسرین نیاما کُشان، نون مِسرئ زانت که من هُداوند آن.”

<sup>6</sup> مِوسا و هارونا اَنچُش کرت. هما پئیم که هُداوندا هُکم داتگ اتنت، آیان هما پئیم کرت. <sup>7</sup> اے وهدا که آیان گُون پرئونا هبر کرت، مِوسائے اَمْر هشتاد سال ات و هارونے هشتاد و سئے.

30:6 اسلیگین ابرانی سیاهاگ گُوشیت: “منی لُنْث سُنْت نبوتگ اُنْت.”



kort. 7 É wahdá ke áyán gón Perawná habar kort, Mussáy omr hashtád sál at o Hárunay hashtád o say.

### Hárunay asá

<sup>8</sup> Hodáwandá gón Mussá o Háruná gwasht: <sup>9</sup> “Perawn ke shomárá gwashit: ‘Mójezahé pésh bedárét’ gorhá taw Háruná begwash: ‘Wati asáyá bezur o Perawnay démá zeminá dawri day.’ Asá maré bit.”

<sup>10</sup> Mussá o Hárun Perawnay kerrá shotant o hamá paymá ke Hodáwandá hokm dátagatant, hamá paymá kortesh. Háruná wati asá Perawn o áiy hezmatkáráni démá zeminá dawr dát o asá maré but. <sup>11</sup> Gorhá Perawná dáná o sáher lótháéntant o é Mesri jádugerán gón wati jáduá hamé kár kort. <sup>12</sup> Cha áyán har yakkéá wati asá zeminá dawr dát o áyáni asá már butant. Hárunay asáyá áyáni asá wárt o ér bortant. <sup>13</sup> Bale anchó ke Hodáwandá gwashtagat, Perawnay delangat seng at o áyáni habari gósh nadáshtant.

### Awali kahr: Hón

<sup>14</sup> Hodáwandá gón Mussáyá gwasht: “Perawnay del seng ent o mardomán rawagá naylit. <sup>15</sup> Sohbá ke Perawn ápay kerrá rawt, taw beraw o Nillay kawray lambá áiy ráhay sará bósht o már butagén asáyá dastá kan. <sup>16</sup> Gón Perawná begwash: ‘Hodáwandá, bezán Ebrániáni Hodáyá maná tai kerrá ráh dátag ke tará begwashán: “Mani mahluká bell ke gyábáná rawt o maná parastesha kant,” bale taw angat gósh dáragá naay. <sup>17</sup> Hodáwand chosha gwashit ke tawe Perawn cha é neshániá zánay ke man Hodáwand án: Bechár, é asá ke mane Mussáy dastá ent, man eshiá kawray ápa janán o ápa hón jórha bant. <sup>18</sup> Kawray máhiga merant, kawr bóa kant o Mesri kawray ápa wárta nakanant.”

<sup>19</sup> Hodáwandá gón Mussáyá gwasht: “Háruná begwash: ‘Wati asáyá dastá kan o dastá Mesray ápáni sará shahár day, áyáni kawráni sará, áyáni jóáni sará, áyáni taláwagáni\* sará o áyáni sajjahén ápjalláni sará. Esháni tahay sajjahén ápa hón jórha bant. Sajjahén Mesray molk hóná porra bit, ápdán ham cha hóná porra bant.”

<sup>20</sup> Mussá o Háruná hamá paymá kort ke Hodáwandá hokm dátagatant. Háruná\* Perawn o hezmatkáráni

### هارونے آسا

<sup>8</sup> هداوندا گون موسا و هارونا گوشت: <sup>9</sup> “پرئون که شمارا گوشت: ‘مؤجزه پيش بداريت’ گڑا تئو هارونا بگوش: ‘وتی آسایا بزور و پرئونے دیمنا زمینا دئوری دئی.’ آسا مارے بیت.” <sup>10</sup> موسا و هارون پرئونے کڑا شتنت و هما پیما که هداوندا هکم داتگ آنتت، هما پیما کرتش. هارونا وتی آسا پرئون و آییئے هزمتکارانی دیمنا زمینا دئور دات و آسا مارے بوت. <sup>11</sup> گڑا پرئونا دانا و ساھر لوثاینتنت و اے مسری جادوگران گون وتی جادوا همے کار کرت. <sup>12</sup> چه آیان هر یکیا وتی آسا زمینا دئور دات و آیانی آسا مار بوتنت. هارونے آسایا آیانی آسا وارت و ایر برتنت. <sup>13</sup> بله آنچؤ که هداوندا گوشتگ آت، پرئونے دل انگت سینگ آت و آیانی هبری گوشت نداشتنت.

### اٹولی کھر: هون

<sup>14</sup> هداوندا گون موسایا گوشت: “پرئونے دل سینگ انت و مردمان رٹوگا نیلیت. <sup>15</sup> سہبا که پرئون آپئے کڑا رٹوت، تئو برئو و نیلئے کئورئے لمبا آییئے راهئے سرا بوشت و مار بوتگین آسایا دستا کن. <sup>16</sup> گون پرئونا بگوش: ‘هداوندا، بزآن ایرانیانی هدا یا منا تئی کڑا راه داتگ که ترا بگوشان: ‘منی مهلوکا بل که گیابانا رٹوت و منا پرستش کنت،’ بله تئو انگت گوشت دارگا نه آئے. <sup>17</sup> هداوند چش گوشتیت که تئو پرئون چه اے نشانیا زانئے که من هداوند آن: پچار، اے آسا که من موسائے دستا انت، من اشیا کئورئے آپا جانان و آپ هون جوڑ بنت. <sup>18</sup> کئورئے ماهیگ مرت، کئور بو کنت و مسری کئورئے آپا وارت نکنتت.”

<sup>19</sup> هداوندا گون موسایا گوشت: “هارونا بگوش: ‘وتی آسایا دستا کن و دستا مسرئے آپانی سرا شہار دئی، آیانی کئورانی سرا، آیانی جوانی سرا، آیانی تلاوگانی\* سرا و آیانی سجهین آچلانی سرا. اشانی تهئے سجهین آپ هون جوڑ بنت. سجهین مسرئے ملک هونا پر بیت، آپدان هم چه هونا پر بنت.”

<sup>20</sup> موسا و هارونا هما پیما کرت که هداوندا هکم داتگ آنتت. هارونا\* پرئون و هزمتکارانی چمانی دیمنا وتی آسا چست کرت و کئورئے آپانی سرا جت. کئورئے سجهین آپ هون جوڑ بوتنت.

7:19 Taláwag bandé ke pa ápay jam kanag o dáragá addh kanaga bit.

7:20 Asligén Ebráni nebeshtánka gwashit: Áiá Perawn o hezmatkáráni chammáni démá wati asá chest kort... Pakká zánaga nabit ke á kay at, Hárun at yá Mussá.

19:7 تلاوگ بندے که په آپئے جم کنگ و دارگا آڈ کنگ بیت.

chammáni démá wati asá chest kort o kawray ápani sará jat. Kawraysajjahén áphónjórhubtant.<sup>21</sup> Kawray máhig mortant, kawrá bó kort o Mesrián kawray ápwárt nakort. Sajjahén Mesray molká hón tachagá at.

<sup>22</sup> Bale Mesri jádugerán ham gón wati jáduá hamé kár kort o hamá paymá ke Hodáwandá gwashtagat, Perawnay del seng at o Mussá o Hárúnay habari gósh nadáshtant. <sup>23</sup> Perawná posht mán dát o wati kalátá shot o é gappi hecch mán nayáwort. <sup>24</sup> Sajjahén Mesrián pa waragi ápa kawray kash o kerrán kánig\* janag bendát kort, chéá ke kawray ápesh wárta nakort.

### Domi kahr: Pogol

<sup>25</sup> Cha á wahdá ke Hodáwandá Nillay kawray sará é kahr dawr dát, hapt róch gwast.

**8** Nun Hodáwandá gón Mussáyá gwasht: “Perawnay kerrá beraw o gón áíá begwash: ‘Hodáwand chosha gwashit: “Mani mahluká bell ke rawt o maná parastesha kant. <sup>2</sup> Agan mani mahluká rawagá maylay, bechár, man tai sajjahén molkay sará pogolay kahré dawra dayán. <sup>3</sup> Nillay kawr cha pogolá porra bit. Pogol chesta bant o tai lógá káyant, tai wábjáhá poterant o tahtá sara kapant, tai hezmatkár o mardománi lógán ham káyant, tai tarun o árt tarr kanagay darpáni tahá dawra kanant. <sup>4</sup> Pogol tai jend o tai mardom o tai sajjahén hezmatkárán pera rechant.””

<sup>5</sup> Hodáwandá padá gón Mussáyá gwasht: “Hárúná begwash: ‘Wati asáyá dastá kan o dastá kawr o jó o taláwagáni sará shahár day o Mesray molká cha pogolá porr kan.” <sup>6</sup> Hárúná wati dast Mesray ápani sará shahár dát, pogol dar átk o Mesray molká mán retkant. <sup>7</sup> Bale jádugerán ham gón wati jáduá anchosh kort o pogol cha ápan dar átk o Mesray molká sheng butant.

<sup>8</sup> Perawná Mussá o Hárún lótháéttant o gwashti: “Hodáwanday kerrá dwá kanét ke pogolán cha man o mani mardomán dur bebárt. Man shomay mahluká rawagá kellán ke pa Hodáwandá korbánig bekant.” <sup>9</sup> Mussáyá gón Perawná gwasht: “Ji, hokm kan. Kadi pa taw o pa tai hezmatkár o mardomán dwá bekanán ke pogol cha taw o cha tai lógán gár o bégwáh bebant o tahná kawrá bejallant?” <sup>10-11</sup> Perawná gwasht: “Bándá.” Mussáyá gwasht: “Anchosha bit ke taw gwashay. Pogol cha taw o tai lógán, cha tai hezmatkár o

<sup>21</sup> كئورئى ماهيگ مُرتنت، كئورا بؤ كرت و مسريان كئورئى آپ وارت نكرت. سَجْهَيْنِ مِسْرئى مُلكا هؤن تچگا آت.

<sup>22</sup> بله مسري جادوگران هم گون وتي جادوا همه كار كرت و هما پئىما كه هُداوندا گوشتگ آت، پَرئونئى دل سينگ آت و موسا و هارونئى هبرى گوش نداشتنت. <sup>23</sup> پَرئونا پُشت مان دات و وتي كلاتا شت و اے گپي هچ مان نثياورت. <sup>24</sup> سَجْهَيْنِ مِسريان په ورگي آيا كئورئى كَش و كَران كانىگ \* جنگ بندات كرت، چينا كه كئورئى آپش وارت نكرت.

### دومی کهر: پُگل

<sup>25</sup> چه آ وهدا كه هُداوندا نیلئى كئورئى سرا اے كهر دئور دات، هپت رُچ گوست.

**8** نون هُداوندا گون موسایا گوشت: “پَرئونئى كَرَا برئو و گون آييا بگوش: ‘هُداوند چُش گوشت: “منی مهلوکا بِل كه رئوت و منا پَرستش كنت. <sup>2</sup> اگن منی مهلوکا رئوگا مئیلئى، بچار، من تئیی سَجْهَيْنِ مُلكئى سرا پُگلئى كهرے دئور دئیان. <sup>3</sup> نیلئى كئور چه پُگلا پَر بیت. پُگل چست بنت و تئیی لُزگا كاینت، تئیی وابجاها پُترنت و تهتا سر كپنت، تئیی هزمتكار و مردمانی لُزگان هم كاینت، تئیی ترون و آرت تر كنگئى دَرپانی تهتا دئور كئنت. <sup>4</sup> پُگل تئیی جند و تئیی مردم و تئیی سَجْهَيْنِ هزمتكاران پَر چنت.””

<sup>5</sup> هُداوندا پدا گون موسایا گوشت: “هارونا بگوش: ‘وتی آسیا دستا کن و دستا كئور و جو و تلا و گانی سرا شهار دئ و مِسْرئى مُلكا چه پُگلا پَر کن.” <sup>6</sup> هارونا وتي دست مِسْرئى آپانی سرا شهار دات، پُگل در آتك و مِسْرئى مُلكا مان رتكنت. <sup>7</sup> بله جادوگران هم گون وتي جادوا اُنچش كرت و پُگل چه آپان در آتك و مِسْرئى مُلكا شنگ بوتنت.

<sup>8</sup> پَرئونا موسا و هارون لُوتائینتنت و گوشتی: “هُداوندئى كَرَا دُوا كئیت كه پُگلان چه من و منی مردمان دور ببارت. من شمئى مهلوکا رئوگا كِلان كه په هُداوندا كُربانىگ بكنت.” <sup>9</sup> موسایا گون پَرئونا گوشت: “جی، هُكم كن. كدی په تئو و په تئیی هزمتكار و مردمان دُوا بكنان كه پُگل چه تئو و چه تئیی لُزگان گار و بیگواه بئنت و تهنا كئورا بجلنت؟” <sup>10-11</sup> پَرئونا گوشت: “باندا.” موسایا گوشت: “اُنچش بیت كه تئو گوشئى. پُگل چه تئو و تئیی لُزگان، چه تئیی هزمتكار و مردمان دور بنت و تهنا



mardomán dura bant o tahná kawrá jallant, tánke taw bezánay ke may Hodáwandén Hodáay matth nést.”

<sup>12</sup>Mussá o Hárún cha Perawnay kerrá shotant. Mussáyá Hodáwanday kerrá peryát kort, hamá pogoláni bárawá ke Hodáwandá Perawnay chakká dawr dátatant. <sup>13</sup>Hodáwandá Mussáyay dwá gósh dásht o pogol, lóg o péshgáh\* o dhagárán mortant. <sup>14</sup>Pogolesh kót kótá\* mocch kanán kortant. Zemin bó gept. <sup>15</sup>Wahdé Perawná dist ke cha é kahrá ján chotthet, hamá paymá ke Hodáwandá gón Mussáyá gwashtagat, Perawná wati del seng kort o Mussá o Hárúnay habari gósh nadáshtant.

### Sayomi kahr: Passhag

<sup>16</sup>Hodáwandá gón Mussáyá gwasht: “Hárúná begwash: ‘Wati asáyá shahár day o zeminay hákán bejan ke sajjahén Mesrá passhag mán berechit.’” <sup>17</sup>Áyán anchosh kort. Hárúná wati dast gón asáyá shahár dát o zeminay háki jatant. Sajjahén Mesrá, zeminay hák badal but o passhag butant o mardom o jánwarán per retkant. <sup>18</sup>Jádugerán gón wati jáduá was kort ke passhag byárant, bale áwortesh nakort. Passhag mardom o jánwarán per lechetagatant. <sup>19</sup>Jádugerán gón Perawná gwasht: “É Hodái káré\*.” Bale hamá paymá ke Hodáwandá gwashtagat, Perawnay del seng at o Mussá o Hárúnay habari gósh nadáshtant.

### Cháromi kahr: Makesk

<sup>20</sup>Hodáwandá gón Mussáyá gwasht: “Sohbá máhallah pád á o wahdé Perawn dém pa ápá rawt, áiy démá dar á o begwashi: ‘Hodáwand chosha gwasht: “Mani mahluká bell ke rawt o maná parastesha kant. <sup>21</sup>Chéa ke agan mani mahluká rawagá maylay, bechár, man tará o tai hezmatkár o tai mardomán o tai lógán makeskgranda\* kanán. Mesriáni lóg cha makeská porra bant o hamá zemin ham ke ódá áyáni lóg bastagant. <sup>22</sup>Bale á róchá man Góshenay damagá\* ke ódá mani mahluk neshtag, é kahrá nayárán. Ódá makeskgranda nabit. É paymá taw zánay ke é molká Hodáwandmanán. <sup>23</sup>Manwati mahluk otaimahlukay

8:13 Péshgáh, bezán péshjáh, pézhgáh, lógay chárdiwál, sahn.

8:14 Kót, bezán sar pa sar kortagén chizz.

8:19 Asligén Ebráni nebeshtánka gwasht: “É Hodáay lankok ent.”

8:21 Makeskgrand, bezán sakk báz makesk.

8:22 Damag, bezán hand, elákah, ostán, subah.

كئورا جلنت، تانكه تنو بزائے كه مئے هداوندين هدائے مٹ نيست.

<sup>12</sup>موسا و هارون چه پرتونے كرا شتنت. موسايا هداوندے كرا پريات كرت، هما پگلائی بارئو كه هداوندا پرتونے چكا دئور داتگ اتنت. <sup>13</sup>هداوندا موسائے دوا گوش داشت و پگل، لوگ و پيشگاه\* و دگارن مرتنت. <sup>14</sup>پگلش كوت كوتا\* مچ كنان كرتنت. زمين بو گيت. <sup>15</sup>وهده پرتونا ديست كه چه اے كهرا جان چئت، هما پيما كه هداوندا گون موسايا گوشتگ ات، پرتونا وتي دل سينگ كرت و موسا و هارونے هبري گوش نداشتنت.

### سئيمي كهر: پشگ

<sup>16</sup>هداوندا گون موسايا گوشت: “هارونا بگوش: ‘وتی آسیا شهار دئے و زمينے هاکان بجن كه سجهين مسرا پشگ مان برچيت.’” <sup>17</sup>آيان انچش كرت. هارونا وتي دست گون آسیا شهار دات و زمينے هاکي جتنت. سجهين مسرا، زمينے هاک بدل بوت و پشگ بوتنت و مردم و جانوران پر رتكنت. <sup>18</sup>جادوگران گون وتي جادوا وس كرت كه پشگ بيارت، بله اورتش نكرت. پشگ مردم و جانوران پر ليچتگ اتنت. <sup>19</sup>جادوگران گون پرتونا گوشت: “اے هدايي كاره\*.” بله هما پيما كه هداوندا گوشتگ ات، پرتونے دل سينگ ات و موسا و هارونے هبري گوش نداشتنت.

### چارمی كهر: مكسك

<sup>20</sup>هداوندا گون موسايا گوشت: “سهبا ماهله پاد آ و وهده پرتون ديم په آيا رتوت، آيينے ديما در آ و بگوشي: ‘هداوند چش گوشيت: ‘منی مهلوکا بل كه رتوت و منا پرستش كنت. <sup>21</sup>چيا كه اگن منی مهلوکا رتوگا مئيلے، بچار، من ترا و تئیی هزمتكار و تئیی مردمان و تئیی لوگان مكسك گزند\* كنان. مسريانی لوگ چه مكسكا پربنت و هما زمين هم كه اودا آيانی لوگ بستگ انت. <sup>22</sup>بله آروچا من گوشنے دمگا\* كه اودا منی مهلوک نشتگ، اے كهرا نئياران. اودا مكسك گزند نييت. اے پيما تنو زائے كه اے ملكا هداوند من آن. <sup>23</sup>من وتي مهلوک

13:8 پيشگاه، بزآن پيشجاه، پيشگاه، لوگئے چارديوال، سهن.

14:8 كوت، بزآن سر په سر كرتگين چيز.

19:8 اسليگين ايراني نشتانك گوشيت: “اے هدائے لنكك انت.”

21:8 مكسك گزند، بزآن سگ باز مكسك.

22:8 دمگ، بزآن هند، الاكه، استان، سوبه.

nyámá park o péra\* kanán o é nesháni bándá záhera bit.””

<sup>24</sup> Hodáwandá anchosh kort. Makeskáni sehr\* Perawn o áiy hezmatkáráni lógán per retkant. Makeskán sajjahén Mesr tabáh kort.

<sup>25</sup> Perawná Mussá o Hárún lótháént o gwashtant: “Berawét o pa wati Hodáyá korbánig bekanét, bale hamé molkay tahá.” <sup>26</sup> Bale Mussáyá gwasht: “Má chó korta nakanén. Chéá ke má pa wati Hodáwandén Hodáyá anchén korbániga kanén ke pa Mesrián bazhnák ant. Agan má Mesriáni chammáni déamá anchén korbánig bekanén ke pa áyán bazhnák ant, mára sengsára nakanant? <sup>27</sup> Má báyad ent gyábáná say róchay ráhá berawén o pa wati Hodáwandén Hodáyá korbánig bekanén, hamá paymá ke Hodáyá mára gwashtag.” <sup>28</sup> Perawná gwasht: “Man shomará rawagá kellán ke gyábáná pa wati Hodáwandén Hodáyá korbánig bekanét. Bale sakk dur marawét o pa man ham dwá kanét.” <sup>29</sup> Mussáyá gwasht: “Bechár, man cha tai kerrá dara káyán o Hodáwanday bárgáhá dwá kanán. Bándá makesk cha tawe Perawn o tai hezmatkár o mardomán dura káyant. Bale chó mabit ke tawe Perawn padá makr o préb bekanay o mardomán maylay ke berawant o pa Hodáwandá korbánig bekanant.”

<sup>30</sup> Mussá cha Perawnay kerrá dar átk o Hodáwanday bárgáhá dwái kort o <sup>31</sup> Hodáwandá Mussáyá dwá gósh dásht. Makeskán cha Perawn o áiy hezmatkár o mardománi kerrá bál kort. Yakk dánagé makesk ham pasht nakapt. <sup>32</sup> Bale é randi padá Perawná wati del seng kort o mardomi rawagá naeshtant.

### Panchomi kahr: Dalwatáni nádráhi

**9** Hodáwandá gón Mussáyá gwasht: “Perawnay kerrá beraw o gón áiy begwash: ‘Hodáwand, Ebrániáni Hodá chosha gwashit: “Mani mahluká bell ke rawt o maná parastesha kant. <sup>2</sup> Chéá ke agan áyán rawagá maylay o angat áyán bedáray, <sup>3</sup> Hodáwand dastá shahára dant o kahcharán, tai mál o dalwatáni sará sakkén gránén wabáé dawra dant, tai har o asp o oshter o pas o gókáni sará. <sup>4</sup> Bale Hodáwand Esráili o Mesriáni mál o dalwatáni nyámá park o péra kant o cha Esráiliáni mál o dalwatán yakké ham namerit.””

و تئیی مهلوکئی نیاما پرک و پیژ\* کنان و اے نشانی باندا زاهر بیت.””

<sup>24</sup> هداوندا انچش کرت. مکسکانی سهر\* پرئون و آیئیه هزمتکارانی لوگان پررتکنت. مکسکان سجھین مسرتباه کرت.

<sup>25</sup> پرئونا موسا و هارون لوٹائنت و گوشتنت: ”برئوت و په وتی هدايا کربانینگ بکنیت، بله همه ملکئے تھا.” <sup>26</sup> بله موسایا گوشت: ”ما چو کرت نکنین. چیا که ما په وتی هداوندین هدايا انچین کربانینگ کنین که په مسریان بژناک أنت. اگن ما مسریانی چمانی دیم انچین کربانینگ بکنین که په آیان بژناک أنت، مارا سنگسار نکنت؟ <sup>27</sup> ما باید انت گیابانا سئے روچئے راها برئوین و په وتی هداوندین هدايا کربانینگ بکنین، هما پیئیا که هدايا مارا گوشتگ.” <sup>28</sup> پرئونا گوشت: ”من شمارا رتوگا کلان که گیابانا په وتی هداوندین هدايا کربانینگ بکنیت. بله سک دور مرئوت و په من هم دوا کنت.” <sup>29</sup> موسایا گوشت: ”بچار، من چه تئیی کرا در کایان و هداوندئے بارگاها دوا کنان. باندا مکسک چه تتو پرئون و تئیی هزمتکار و مردمان دور کایت. بله چو مبيت که تتو پرئون پدا مکر و پرئیب بکنئے و مردمان مئیلئے که برئونت و په هداوندا کربانینگ بکننت.”

<sup>30</sup> موسا چه پرئوئے کرا در آتک و هداوندئے بارگاها دوابی کرت و <sup>31</sup> هداوندا موسائے دوا گوش داشت. مکسکان چه پرئون و آیئیه هزمتکار و مردمانی کرا بال کرت. یگ دانگے مکسک هم پشت نکپت. <sup>32</sup> بله اے رندی پدا پرئونا وتی دل سنگ کرت و مردمی رتوگا نه اشتنت.

### پنچمی کهر: دلوتانی نادرایی

**9** هداوندا گون موسایا گوشت: ”پرئوئے کرا برئو و گون آییا بگوش: ”هداوند، ایرانیانی هدا چش گوشت: ”منی مهلوکا بل که رتوت و منا پرستش کنت. <sup>2</sup> چیا که اگن آیان رتوگا مئیلئے و انگت آیان بدارئے، <sup>3</sup> هداوند دستا شهار دنت و کهچران، تئیی مال و دلوتانی سرا سکین گرانین و باے دتور دنت، تئیی هر و اسپ و اشتر و پس و گوکانی سرا. <sup>4</sup> بله هداوند اسرائیلی و مسریانی مال و دلوتانی نیاما پرک و پیژ کنت و چه اسرائیلیانی مال و دلوتان یگے هم نمریت.””

8:23 Park o pér, bezán ru o ryá, yakkéá sharter o yakkéá harábtér zánag.

8:24 Sehr, bezán báli sahdáráni mazanén romb.

23:8 پرک و پیژ، بزبان رو و ریا، یکنیا شرتو و یکنیا هرابتر زانگ.

24:8 سهر، بزبان بالی سهدارانی مزین رُمب.

<sup>5</sup>Hodáwandá yakk wahdé gishshént o gwashti: “Bándá é molká mane Hodáwand é kárá kanán.”  
<sup>6</sup>Domi róchá Hodáwandá é kár kort. Mesriáni sajjahén mál o dalwat mortant, bale cha Esráiliáni mál o dalwatán yakké ham namort. <sup>7</sup>Perawná pa pakká kanagá mardom ráh dát o sahig but ke cha Esráiliáni mál o dalwatán yakké ham namortag. Bale Perawnay del angat seng at o mahluki rawagá naesht.

### Shashomi kahr: Résh

<sup>8</sup>Hodáwandá gón Mussá o Hárúná gwasht: “Cha kurahéá\* chanké chanké por bezurét, o Mussá eshán Perawnay démá ásmánay némagá shánk bedant. <sup>9</sup>É por danza bant o sajjahén Mesray molkay sará mána shánant o sajjahén Mesrá ensán o jánwaráni jáná ábelahén résh o sóm pédá kanant.” <sup>10</sup>Mussá o Hárúná cha kurahéá por zort o Perawnay démá óshtátant. Mussáyá por ásmánay némagá shánk dátant o é porán ensán o jánwaráni jáná ábelahén résh o sóm pédá kort. <sup>11</sup>Résháni sawabá jádugerán Mussáyá démá óshtát nakort, chéá ke jáduger o sajjahén Mesriáni jáná sóm dar átkagat. <sup>12</sup>Bale Hodáwandá Perawnay del seng kort o hamá paymá ke Hodáwandá gón Mussáyá gwashtagat, Perawná áyáni habar gósh nadáshtant.

### Haptomi kahr: Tróngal

<sup>13</sup>Hodáwandá gón Mussáyá gwasht: “Sohbá máhallah pád á, Perawnay démá dar á o begwashi: ‘Hodáwand, Ebrániáni Hodá chosha gwasht: “Mani mahluká bell ke rawt o maná parastesha kant. <sup>14</sup>Chéá ke é randi man wati sajjahén kahrán tai jend o tai hezmatkár o tai mardománi sará dawra dayán ke taw bezánay ke sajjahén donyáyá mani paymén nést. <sup>15</sup>Chéá ke agan man belóthetén, déri wati daston shahár dátatagat o tai o tai mardománi sará kahré dawr dátatagat o taw cha jaháná gár o gomsár butagatay. <sup>16</sup>Bale tará paméshká zendagá eshton ke wati zór o wáká tará pésh bedarán o sajjahén jaháná mani námay jár janag bebit. <sup>17</sup>Bale taw angat mani mahlukay dém dáshtag o rawagáesha naylay. <sup>18</sup>Bechár, bándá hamé wahdá man anchén trondén tróngalé gwárenán ke cha ed o pésh Mesrá hechbar nabutag, cha hamá wahdá beger ke Mesray bonpad ér kanag butag tán róche maróchigá. <sup>19</sup>Nun hokm day ke tai hamá mál o dalwat o é dega sajjahén chizz ke dhanná ant, áyán

9:8 Kurah, mazanén chollé ke ódá ásay tahá kunzag, matth o dega chizza pachant.

<sup>5</sup>هُدَاوَنَدَا يَكَّ وَهَدَے گِشِشِئِنْتِ وَ گِوَشْتِي: “بَانْدَا اے مُلْكََا مِنْ هُدَاوَنَدَا اے كَارَا كَنَان.” <sup>6</sup>دومِي رُوچَا هُدَاوَنَدَا اے كَار كَرْت. مِسرِيَانِي سَجْهِيْن مَال وَ دَلُوْت مُرْتَنْت، بِلْه چِه اِسْرَائِيلِيَانِي مَال وَ دَلُوْتَان يَكَّے هَم نَمُرْت. <sup>7</sup>پَرُوْنَا پِه پَكَا كَنگَا مَرْدَم رَاه دَات وَ سَهِيْگ بُوْت كِه چِه اِسْرَائِيلِيَانِي مَال وَ دَلُوْتَان يَكَّے هَم نَمُرْتِگ. بِلْه پَرُوْنُوْنِے دَل اَنگَت سِنگ اَت وَ مَهْلُوْكِي رُوْنَا نِه اَشْت.

### شَشْمِي كَهْر: رِيْش

<sup>8</sup>هُدَاوَنَدَا گُوْن مُوسَا وَ هَارُونَا گِوَشْت: “چِه كُورَهِيَا\* چَنكُے چَنكُے پُر بَزُورِيْت، وَ مُوسَا اِشَان پَرُوْنُوْنِے دِيْمَا اَسْمَانِے نِيْمِگَا شَانَك بَدَنْت. <sup>9</sup>اے پُر دَنْزَبَنْت وَ سَجْهِيْن مِسرِے مُلْكُے سَرَا مَانْ شَانَنْت وَ سَجْهِيْن مِسرَا اِنْسَان وَ جَانُوْرَانِي جَانَا اَبْلَهِيْن رِيْش وَ سُوْم پِيْدَا كَنْت.” <sup>10</sup>مُوسَا وَ هَارُونَا چِه كُورَهِيَا پُر زَرْت وَ پَرُوْنُوْنِے دِيْمَا اَوْشْتَاتَنْت. مُوسَا يَا پُر اَسْمَانِے نِيْمِگَا شَانَك دَاتَنْت وَ اے پُرَان اِنْسَان وَ جَانُوْرَانِي جَانَا اَبْلَهِيْن رِيْش وَ سُوْم پِيْدَا كَرْت. <sup>11</sup>رِيْشَانِي سُوْبَا جَادُوْگَرَان مُوسَاے دِيْمَا اَوْشْتَات نَكْرْت، چِيَا كِه جَادُوْگَر وَ سَجْهِيْن مِسرِيَانِي جَانَا سُوْم دَر اَتْكِگَات. <sup>12</sup>بِلْه هُدَاوَنَدَا پَرُوْنُوْنِے دَل سِنگ كَرْت وَ هَمَا پِيْمَا كِه هُدَاوَنَدَا گُوْن مُوسَا يَا گِوَشْتِگَات، پَرُوْنَا اِيَانِي هَبْر گِوَش نِدَاسْتَنْت.

### هَپْتُمِي كَهْر: تَرُوْنِگَل

<sup>13</sup>هُدَاوَنَدَا گُوْن مُوسَا يَا گِوَشْت: “سَهْبَا مَاهْلَه پَادَا، پَرُوْنُوْنِے دِيْمَا دَر اُو بَغِوَشِي: ‘هُدَاوَنَدَا، اِبْرَانِيَانِي هُدَا چُشْ گِوَشِيْت: “مَنِي مَهْلُوْكَا بِلْ كِه رِئُوْت وَ مَنَا پَرِسْتِشْ كَنْت. <sup>14</sup>چِيَا كِه اے رَنْدِي مَن وَتِي سَجْهِيْن كَهْرَان تِيْبِي جَنْد وَ تِيْبِي هَزْمَتْكَار وَ تِيْبِي مَرْدَمَانِي سَرَا دُوْر دِيْيان كِه تُو بَزَانِے كِه سَجْهِيْن دِنْيَا يَا مَنِي پِيْمِيْن نِيْسْت. <sup>15</sup>چِيَا كِه اِگَن مَن بِلُوْتِيْتِيْن، دِيْرِي وَتِي دَسْتَن شَهَار دَاتِگَات وَ تِيْبِي وَ تِيْبِي مَرْدَمَانِي سَرَا كَهْرُے دُوْر دَاتِگَات وَ تُو چِه جَهَانَا گَار وَ كُْمَسَار بُوْتِگَاتِے. <sup>16</sup>بِلْه تَرَا پِمِيْشْكَا زَنْدِگَا اِشْتَن كِه وَتِي زُوْر وَ اَكَا تَرَا پِيْش بَدَارَان وَ سَجْهِيْن جَهَانَا مَنِي نَامِے جَار جَنْگ بِيِيْت. <sup>17</sup>بِلْه تُو اَنگَت مَنِي مَهْلُوْكُے دِيْم دَاسْتِگ وَ رُوْنَاگَا اِشْ نِيْلِے. <sup>18</sup>بِچَار، بَانْدَا هَمِے وَهَدَا مَن اَنچِيْن تَرَنْدِيْن تَرُوْنِگَلِے گُوَارِيْتَان كِه چِه اِد وَ پِيْش مِسرَا هَبْجِر نَبُوْتِگ، چِه هَمَا وَهَدَا بَغْر كِه مِسرِے بُنِيْد اِيْر كَنگ بُوْتِگ تَان رُوْچ مَرُوْچِيْگَا. <sup>19</sup>نُون هُكْم دِے كِه تِيْبِي هَمَا مَال وَ دَلُوْت وَ اے

8:9 كُورَه، مَزِينِن چُلِے كِه اُوْدَا اَسْے تَهَا كُونِزِگ، مَثْ وَ دِگِه چِيْرِيْ پِچَنْت.

panáhén jágahé bebarant. Har mardom o dalwat ke dhanná but o panáh kanag nabut, é tróngal áíá laggant o á merit.””

<sup>20</sup> Perawnay á hezmatkárán ke cha Hodáwanday habarán torset, hamá damáná wati golám o dalwatesh panáh kortant. <sup>21</sup> Bale hamáyán ke Hodáwanday habar mán nayáwortant, wati golám o dalwatesh dhanná eshtant.

<sup>22</sup> Hodáwandá gón Mussáyá gwasht: “Wati dastá ásmánay némagá shahár day ke sajjahén Mesray molká tróngal begwárit, ensán o jánwar o Mesray dhagáráni har drachk o dáray sará.” <sup>23</sup> Mussáyá wati asá ásmánay némagá shahár dát o Hodáwandá grand o tróngal ráh dát o zeminá bir\* kapt. Hodáwandá Mesray molká tróngal gwárént. <sup>24</sup> Tróngalá gwart o tróngalay wahdá geróká pa damáné ham bass nakort. Anchó tróngal but ke Mesrá pésará hechbar nabutagat, cha hamá wahdá ke Mesr molké jórh butag. <sup>25</sup> Sajjahén Mesrá harché ke dhanná at, tróngalá jat o prósht, ensáná beger tán jánwará. Dhagáráni sajjahén keshár o drachki ham jat o próshtant. <sup>26</sup> Tahná Góshenay damagá tróngalá nagwart, hamódá ke Bani Esráil neshtagat.

<sup>27</sup> Perawná Mussá o Hárún lótháént o gwashtant: “É bari man gonáh kortag. Hodáwand barhakk ent o man o mani mardom mayárbár én. <sup>28</sup> Hodáwanday kerrá dwá bekanét ke é baláhén grand o tróngalá mára kosht. Man shomára rawagá kellán. Shomára cha ed o géshter edá nadarán.”

<sup>29</sup> Mussáyá gwasht: “Man anchó ke cha shahrá dara káyán, wati dastán Hodáwanday némagá chesta kanán. Granda óshtit o tróngalay gwárag banda bit ke taw bezánay ke donyá Hodáwandayg ent. <sup>30</sup> Bale mana zánán ke tará o tai hezmatkárán angat cha Hodáwandén Hodáyá natorsit.”

<sup>31</sup> Kattán\* o jaway keshár tabáh butant, chéá ke jawá hóshag o kattáná poll jatagat. <sup>32</sup> Bale gandom o gallahay keshár tabáh nabutant ke eshání mósom randá kayt. <sup>33</sup> Mussá cha Perawnay kerrá shot o cha shahrá ke dar átk, dasti Hodáwanday némagá chest kortant. Grand o tróngal óshtátant o hawrá gwárag bass kort. <sup>34</sup> Wahdé Perawná dist ke hawr o tróngal o grand óshtátant, padá gonáhi bená kort. Perawn o áiy hezmatkárán wati del seng kort. <sup>35</sup> Perawnay del seng but. Esráilii rawagá naeshtant, hamá paymá ke Hodáwandá cha Mussáyá zobáná gwashtagat.

دگه سَجھین چیرِ کہ دُنَّا اَنت، آیان پناہین جاگھے بېرنت. هر مردم و دَلَوَت کہ دُنَّا بوت و پناہ کنگ نبوت، اے ترؤنگل آییا لگنت و آمريت.”

<sup>20</sup> پرتونے آہزمتکاران کہ چہ ہداوندے ہبران تریست، ہما دمانا وتی گلام و دلوتش پناہ کرتنت. <sup>21</sup> بلہ ہمایان کہ ہداوندے ہبر مان نیاورنتت، وتی گلام و دلوتش دُنَّا اشتنت.

<sup>22</sup> ہداوندا گون موسایا گوشت: “وتی دستا آسمانے نیمگا شہار دئے کہ سَجھین مسرے ملکا ترؤنگل بگواریت، انسان و جانور و مسرے دگارانی ہر درچک و دارے سرا.” <sup>23</sup> موسایا وتی آسا آسمانے نیمگا شہار دات و ہداوندا گزند و ترؤنگل راہ دات و زمینا بیر\* کپت. ہداوندا مسرے ملکا ترؤنگل گوارینت. <sup>24</sup> ترؤنگلا گورت و ترؤنگلے و ہدا گرؤکا پہ دمانے ہم بس نکرت. انچو ترؤنگل بوت کہ مسرا پیسرا ہچبر نبوتگ آت، چہ ہما و ہدا کہ مسر ملکہ جوڑ بوتگ. <sup>25</sup> سَجھین مسرا ہرچے کہ دُنَّا آت، ترؤنگلا جت و پرؤشت، انسانا بگر تان جانورا. دگارانی سَجھین کشار و درچکی ہم جت و پرؤشتنت. <sup>26</sup> تھنا گوشنے دمگا ترؤنگلا نگورت، ہموڈا کہ بنی اسرائیل نشتگ آت.

<sup>27</sup> پرتونا موسا و ہارون لوٹائنت و گوشنتت: “اے بری من گناہ کرتگ. ہداوند برہک انت و من و منی مردم مئیاریار این. <sup>28</sup> ہداوندے کرا دوا بکنیت کہ اے بلاہین گزند و ترؤنگلا مارا کشت. من شمارا رتوگا کلان. شمارا چہ اد و گیشتر ادا نداران.”

<sup>29</sup> موسایا گوشت: “من انچو کہ چہ شہرا در کایان، وتی دستان ہداوندے نیمگا چست کنان. گزند اؤشتیت و ترؤنگلے گوارگ بند بیت کہ تئو بزائے کہ دنیا ہداوندیگ انت. <sup>30</sup> بلہ من زانان کہ ترا و تئی ہزمتکاران انگت چہ ہداوندین ہدایا نترسیت.”

<sup>31</sup> کتان\* و جئوے کشار تباہ بوتنت، چیا کہ جئو ہوشگ و کتان پل جتگ آت. <sup>32</sup> بلہ گندم و گلھے کشار تباہ نبوتنت کہ ایشانی مؤسم رندا کثیت. <sup>33</sup> موسا چہ پرتونے کرا شت و چہ شہرا کہ در آتک، دستی ہداوندے نیمگا چست کرتنت. گزند و ترؤنگل اؤشتانتت و ہئورا گوارگ بس کرت. <sup>34</sup> و ہدے پرتونا دیست کہ ہئور و ترؤنگل و گزند اؤشتانتت، پدا گناہی بنا کرت. پرتون و آییے ہزمتکاران وتی دل سینگ کرت. <sup>35</sup> پرتونے دل سینگ بوت. اسرائیلی ای رتوگا نہ اشتنت، ہما پیما کہ ہداوندا چہ موسائے زبانا گوشتگ آت.

9:23 Bir, bezán gir, hamá grand o gerók ke zeminá kapit.

9:31 Kattán kesharé ke áiy tohmána warant o cha thál o sháharhán liloméén god addha kanant.

23:9 بیر، بزبان گیر، ہما گزند و گرؤک کہ زمینا کپیت.

31:9 کتان کشارے کہ آییے تھمان ورتت و چہ ٹال و شاھزان لیلمین گد آڈ کنتت.



**10** Hodáwandá gón Mussáyá gwasht: “Perawney kerrá beraw. Man Perawney del o áiy hezmatkáráni del paméshká seng kortagant ke wati é neshánián áyáni démá záher bekanán o <sup>2</sup>shomá gón wati chokk o nomásagán kessah bekanét ke man chón Mesri layb dáshtant o áyáni nyámá wati nesháni záher kortant, tánke shomá bezánét ke man Hodáwand án.”

<sup>3</sup>Mussá o Hárún Perawney kerrá shotant o gwashtesh: “Hodáwand, Ebrániáni Hodá chosha gwasht: ‘Tán kadén gorunáka\* bay o mani démá óshstay o watá békebra nakanay? Mani mahluká bell ke rawt o maná parastesha kant. <sup>4</sup>Agan mani mahluká rawagá maylay, bechár, man bándá tai molká madagé mánaréchán. <sup>5</sup>Madag sajjahén molká anchosha póshit ke kass zeminá dista nakant. Harché ke cha tróngalá pasht kaptag, madagesha wárt. Tai hamok drachk o dár ke zeminá rodít, áiyá ham warant. <sup>6</sup>Madag tai o tai hezmatkár o sajjahén Mesriáni lógán anchó mána rechant ke shomay pet o pirokán nadistag, cha hamá wahdá beger ke á é zeminá butagant, tán é wahdá.” Mussáyá posht mán dát o cha Perawney kerrá shot.

<sup>7</sup>Hezmatkárán gón Perawná gwasht: “Tán kadi é mard may gotthá lóp ent? Belli mardoma rawant o wati Hodáwandén Hodáay parasteshá kanant. Mesri tabáh ent, taw angat sarpada nabay?”

<sup>8</sup>Mussá o Hárúnesh padá Perawney kerrá áwortant o Perawná gón áyán gwasht: “Berawét o wati Hodáwandén Hodáyá parastesh bekanét. Cha shomá kay kay rawt?” <sup>9</sup>Mussáyá gwasht: “Má gón wati warná o pirénána rawén. Gón wati mardénchokk o janénchokkán, gón wati pas o gókána rawén. Chéa ke mára pa Hodáwandá jashné geragi ent.” <sup>10</sup>Perawná gwasht: “Hodáwand allamá shomay posht o panáh butagat, agan man shomará gón chokkán rawagá beshtén. Bechár, shomará pakkáyá radén karé delá ent. <sup>11</sup>Enna, tahná shomá mardén berawét o Hodáwandá parastesh bekanét. Shomay lóth hamé butag.” Mussá o Hárúnesh cha Perawney kerrá galléntant.

<sup>12</sup>Hodáwandá gón Mussáyá gwasht: “Wati dastá Mesray molkay sará shahár day ke madag Mesray sará orosh bekanant o molkay sajjahén drachk o dárán bwarant, harché ke cha tróngalá rakketag.”

<sup>13</sup>Mussáyá wati asá Mesray molkay sará shahár dát.

**10** هُداوندا گُون مَوْسَايا گَوْشْت: ”پَرَوْنَوِي كَرَا بَرَو. مَن پَرَوْنَوِي دَل وَ اَيِيءَ هِزْمَتَكَارَانِي دَل پَمِيَشْكَا سِنِگ كَرْتِگْ اَنْت كِه وَتِي اِے نَشَانِيَان اَيَانِي دِيْمَا زَاهِر بَكَنَان وَ <sup>2</sup>شَمَا گُون وَتِي چُكْ وَ نُمَاسْگَان كِسَّه بَكَنِيْت كِه مَن چُون مِسْرِي لَيْب دَاشْتَنْت وَ اَيَانِي نِيَامَا وَتِي نَشَانِي زَاهِر كَرْتَنْت، تَانَكِه شَمَا بَزَايِيْت كِه مَن هُداوند اَن.“

<sup>3</sup>مَوْسَا وَ هَارُون پَرَوْنَوِي كَرَا شْتَنْت وَ گَوْشْتِش: ”هُداوند، ايرانياني هُدا چُش گَوْشِيْت: ’تَان كَدِيْن گَرُونَاكْ\* بِيءَ وَ مَنِي دِيْمَا اَوْشْتِيءَ وَ وَتَا بِيكَبَر نَكْنِيءَ؟ مَنِي مَهْلُوكَا بَلْ كِه رَثُوت وَ مَنَا پَرِسْتِش كَنْت. <sup>4</sup>اگن مَنِي مَهْلُوكَا رَثُوكَا مَثِيءِيءَ، بِيچار، مَن بَانْدَا تَثِيي مُلْكَا مَدَّگِيءَ مَان رِيچار. <sup>5</sup>مَدَّگ سَجَّهِيْن مُلْكَا اَنْچُش پَوْشِيْت كِه كَسْ زَمِيْنَا دِيَسْت نَكَنْت. هَرْچِيءَ كِه چِه تَرُونْگَلَا پِشْت كِپْتِگ، مَدَّگِش وَارْت. تَثِيي هَمُك دَرچَك وَ دَار كِه زَمِيْنَا رُديْت، اَيِيَا هَم وَرَنْت. <sup>6</sup>مَدَّگ تَثِيي وَ تَثِيي هِزْمَتَكَار وَ سَجَّهِيْن مِسْرِيَانِي لُوكَان اَنْچُو مَان رِيچَنْت كِه شَمِيءَ پَت وَ پِيْرُكَان نَدِيَسْتِگ، چِه هَمَا وَهْدَا بَغْر كِه اِءَ زَمِيْنَا بُوْتِگْ اَنْت، تَان اِءَ وَهْدَا.“ مَوْسَايَا پِشْت مَان دَات وَ چِه پَرَوْنَوِيءَ كَرَا شْت.

<sup>7</sup>هِزْمَتَكَارَان گُون پَرَوْنَا گَوْشْت: ”تَان كَدِي اِءَ مَرْد مِيءَ گُئَا لُوپ اِنْت؟ بَلِي مَرْدَم رَثُوت وَ وَتِي هُداوندِيْن هُدايِيءَ پَرِسْتِشَا كَنْت. مِسْر تَبَاه اِنْت، تَتُو اَنْگْت سَرِيْد نَبِيءَ؟“

<sup>8</sup>مَوْسَا وَ هَارُونِش پَدَا پَرَوْنَوِيءَ كَرَا اَوْرْتَنْت وَ پَرَوْنَا گُون اَيَان گَوْشْت: ”بَرَوْنَوِيءَ وَ وَتِي هُداوندِيْن هُدايَا پَرِسْتِش بَكَنِيْت. چِه شَمَا كِيءَ كِيءَ رَثُوت؟“ <sup>9</sup>مَوْسَايَا گَوْشْت: ”مَا گُون وَتِي وَرْنَا وَ پِيْرِيْنَان رَثُويْن. گُون وَتِي مَرْدِيْن چُكْ وَ جِنِيْن چُكْ، گُون وَتِي پَس وَ گُوكَان رَثُويْن. چِيَا كِه مَارَا پِه هُداوندا جِشْنِيءَ گِرْگِي اِنْت.“ <sup>10</sup>پَرَوْنَا گَوْشْت: ”هُداوند اَلْمَا شَمِيءَ پِشْت وَ پَنَاه بُوْتِگْ اَتْ، اگن مَن شَمَارَا گُون چُكْ رَثُوكَا بَشْتِيْن. بِيچار، شَمَارَا پَكَايَا رَدِيْن كَارِيءَ دَلَا اِنْت. <sup>11</sup>اِنَّه، تَهْنَا شَمَا مَرْدِيْن بَرَوْنَوِيءَ وَ هُداوندا پَرِسْتِشَا بَكَنِيْت. شَمِيءَ لُوثْ هَمِيءَ بُوْتِگ.“ مَوْسَا وَ هَارُونِش چِه پَرَوْنَوِيءَ كَرَا گَلِيْتَنْت.

<sup>12</sup>هُداوندا گُون مَوْسَايَا گَوْشْت: ”وَ تِي دَسْتَا مِسْرِيءَ مُلْكَِيءَ سَرَا شَهَار دِيءَ كِه مَدَّگ مِسْرِيءَ سَرَا اَرَش بَكَنَنْت وَ مُلْكَِيءَ سَجَّهِيْن دَرچَك وَ دَارَان بُوْرَنْت، هَرْچِيءَ كِه چِه تَرُونْگَلَا رَكْتِگ.“ <sup>13</sup>مَوْسَايَا وَتِي اَسَا مِسْرِيءَ مُلْكَِيءَ سَرَا شَهَار دَات. چِه هُداوندِيءَ

Cha Hodáwanday hokmá á sajjahén róchá o sajjahén shapá molká ródarátki gwátéá sar kort. Tán sohbá gwátá molk cha madagá porr kortagat. <sup>14</sup> Sajjahén Mesray molká madag kapt o sarjamén Mesrá mán retk. Madagay choshén sehr na pésará butag o na démterá bit. <sup>15</sup> Sarjamén zeminesh póshet o syáh syáh kort. Zeminay hamá sajjahén drachk o dár o drachkání hamá sajjahén nibag ke cha tróngalá rakketagatant, madagán wártant. Sarjamén Mesrá hecch sabzén chizzé pasht nakapt, na drachké, na káhé.

<sup>16</sup> Perawná damáná Mussá o Hárún gwánk jat o gwashtant: “Man shomay Hodáwandén Hodáyá o shomay gonahkár án. <sup>17</sup> É yakkén randá mani gonáhá bebakshét o cha wati Hodáwandén Hodáyá dwá belóthét ke é malkamutá cha mani sará bethagalénit.” <sup>18</sup> Mussá cha Perawnay kerrá shot o cha Hodáwandá dwái lóthet. <sup>19</sup> Hodáwandá gwátay dém tarrént o sakkén trondén rónendi gwáté kort. Gwátá madag bort o Sohrzerá dawr dátant. Sajjahén Mesrá yakk dánagé madag ham pasht nakapt. <sup>20</sup> Bale Hodáwandá Perawnay del seng kort o áíá Esráili rawagá naeshtant.

### Nohomi kahr: Tahári

<sup>21</sup> Hodáwandá gón Mussáyá gwasht: “Wati dastá ásmánay némagá shahár day ke Mesray molká tahárié mán beshánit, anchén bazén tahárié ke chamm pa chammá gendag mabit.” <sup>22</sup> Mussáyá wati dast ásmánay némagá shahár dát o bazén taháriéá sajjahén Mesr tán say róchá mán póshet. <sup>23</sup> Tán say róchá kassá kass nadist o kass cha wati jágahá pád nayátk. Bale Esráiliáni sajjahén hankén rozhná atant.

<sup>24</sup> Perawná Mussá lótháént o gwashti: “Berawét o Hodáwanday parasteshá bekanét. Bass shomay ramag o górom\* hamedá dáruga bant. Wati chokkán ham barét gón.” <sup>25</sup> Mussáyá gwasht: “Taw báyard ent mára helárig o sóchagi korbánigáni baragá ham bellay ke má pa wati Hodáwandén Hodáyá korbánigesh bekanén. <sup>26</sup> Báyard ent má wati mál o dalwatán ham bebarén gón. Yakk srombé\* ham pasht makapit, chéá ke má cha eshán lahtén pa wati Hodáwandén Hodáyá gechéna kanén o tánke má ódá sar mabén, nazánén kojámiá pa Hodáwandá korbánig bekanén.”

هڪما آسجھين رڙچا و سڄھين شيا ملڪا روڊراتڪي گوتيا سر ڪرت. تان سُهبا گواتا ملڪ ڇه مڏگا پڙ ڪرتگأت. <sup>14</sup> سڄھين مسرئے ملڪا مڏگ ڪپت و سرجمين مسرا مان رتڪ. مڏگئے چشين سهر نه پيسرا بوتگ و نه ڊيمترا بيت. <sup>15</sup> سرجمين زمينش پوشت و سياه سياه ڪرت. زمينئے هما سڄھين درچڪ و دار و درچڪاني هما سڄھين نيبگ ڪه ڇه ترؤنگلا رڪتگأتنت، مڏگان وارنتت. سرجمين مسرا هچ سبزين چيزے پشت نڪپت، نه درچڪے، نه ڪاهے.

<sup>16</sup> پرتونا دمانا موسا و هارون گوانڪ جت و گوشتنت: ”من شئمئے هداوندين هڏائے و شئمئے گنهڪار آن. <sup>17</sup> اے يڪين رندا مني گناها بېڪشيت و ڇه وتي هداوندين هڏايا ڏوا بلوئيت ڪه اے ملڪموتا ڇه مني سرا بنگلينيت.“ <sup>18</sup> موسا ڇه پرتونئے ڪرا شت و ڇه هداوندا ڏوايي لوئت. <sup>19</sup> هداوندا گواتئے ڊيم ترينت و سڪين ترندين روڊندي گواتے ڪرت. گواتا مڏگ برت و سهرزرا ڏور دانتت. سڄھين مسرا يڪ دانگے مڏگ هم پشت نڪپت. <sup>20</sup> بله هداوندا پرتونئے دل سنگ ڪرت و آيا اسرائيلی رتوگا نه اشتنت.

### نُهْمِي ڪَهْر: تَهَارِي

<sup>21</sup> هداوندا گون موسايا گوشت: ”وتی دستا آسمانئے نيَمگا شهار دئے ڪه مسرئے ملڪا تهاريے مان بشانيت، انچين بزین تهاريے ڪه ڇم په ڇما گندگ مبيت.“ <sup>22</sup> موسايا وتي دست آسمانئے نيَمگا شهار دات و بزین تهاريينا سڄھين مسرتان سئے روچا مان پوشت. <sup>23</sup> تان سئے روچا کسا کس نديست و کس ڇه وتي جاگها پاد نيئاتڪ. بله اسرائيلی سڄھين هنڪين رژنا آنتت.

<sup>24</sup> پرتونا موسا لوٽانينت و گوشتي: ”برئويت و هداونديے پرستشا بڪنيت. بس شئمئے رمگ و گوړم\* همدا دارگ بنت. وتي چڪان هم بریت گون.“ <sup>25</sup> موسايا گوشت: ”تتو بايد انت مارا هلاريگ و سوچگی کربانيگانی برگا هم بلئے ڪه ما په وتي هداوندين هڏايا کربانيگش بڪنين. <sup>26</sup> بايد انت ما وتي مال و دلوتان هم بيري گون. يڪ سُرْمے\* هم پشت مڪپيت، چيا ڪه ما ڇه اشان لهتين په وتي هداوندين هڏايا گچين ڪنين و تانڪه ما اڏا سر مبيت، نزانين ڪجاميا په هداوندا کربانيگ بڪنين.“

10:24 Górom, bezán gókáni ramag, báz gók.

10:26 Sromb, bezán dalwatay páday panjag, som.

24:10 گوړم، بزآن گوزکاني رَمگ، باز گوک.

26:10 سُرْمب، بزآن دلوتئے پادئے پنچگ، سُم.

<sup>27</sup> Hodáwandá Perawnay del seng kort o Perawn áyáni rawagá rázig nabut. <sup>28</sup> Perawná gón Mussáyá gwasht: “Thagal cha mani démá! Habardár. Dega baré mani démá nakapay. Mani démá kaptay, tai mark ent.” <sup>29</sup> Mussáyá gwasht: “Harché taw gwashay. Man dega baré tai démá nakapán.”

### Goddhi kahr: awali chokkáni mark

**11** Hodáwandá gón Mussáyá gwasht: “Man Perawn o Mesray sará dega yakk kahré dawra dayán. Eshíá rand á shomará cha edá rawagá kellit. Rawagay habará bell, shomará sarjamiá cha edá gallénit. <sup>2</sup> Mahluká begwash ke harkas, har mardén o har janén wati hamsáhegay kerrá cha nograh o teláhá addh butagén sámán belóthit.” <sup>3</sup> Hodáwandá Mesriáni nezar pa wati mahluká nék kort. Mussáyá jend ham Mesray molká Perawnay hezmatkár o mardománi chammán sakkén mazanén mardomé but.

<sup>4</sup> Mussáyá gwasht: “Hodáwanda gwasht: ‘Man shapay némá dara káyán o sajjahén Mesrá gardán. <sup>5</sup> Bádsháhi tahtá neshtagén Perawnay awali chokká beger tán jenteray\* sará neshtagén móledéay awali chokká, Mesrá sajjahén awali mardenchokka merant. Sajjahén mál o dalwatáni awali narén chokk ham merant. <sup>6</sup> Sarjamén Mesrá anchén mazanén gréwag o zárié chesta bit ke na pésará butag o na démterá bit, <sup>7</sup> bale Bani Esráilay sará kochekké ham nawakkít,\* na mardoméay sará o na dalwatéay sará.’ Gorhá shomá zánét ke Hodáwand Esráil o Mesray nyámá park o péra\* kant. <sup>8</sup> Tai é sajjahén hezmatkár mane Mussáyay kerrá káyant o kóndhána kapant o gwashant: ‘Dar á, tai jend gón hamá sajjahén mardomán ke tai randgir ant.’ Gorhá man cha é molká dara káyán o rawán.” Nun Mussá zahrá zahr cha Perawnay kerrá dar átk o shot.

<sup>9</sup> Hodáwandá gón Mussáyá gwasht: “Perawnshomay habarán gósha nadárit. Paméshká Mesrá mane Hodáwanday mójezah géshtera bant.” <sup>10</sup> Mussá o Hárúná Perawnay démá é sajjahén mójezah pésh dáshtant, bale Hodáwandá Perawnay del seng kort o Perawná Esráili cha wati molká rawagá naeshtant.

11:5 Jenter do seng ant ke gón áyán dána droshant o árta kanant.

11:7 Wakkag, bezán kochekkay chángag, kochekkay ráshag.

11:7 Park o pér, bezán ru o ryá, yakkéá sharter o yakkéá harábter zánag.

<sup>27</sup> هُداوندا پَرُونئے دل سِنگ کَرَت و پَرُون آيانی رُوگا رازيگ نبوت. <sup>28</sup> پَرُونا گُون مَوَسَيَا گوشت: ”تَگَل چہ منی ديمَا! هبردار. دگہ برے منی ديمَا نكپئے. منی ديمَا کپتئے، تئیی مَرک انت.“ <sup>29</sup> مَوَسَيَا گوشت: ”هَرچے تئو گوشتے. من دگہ برے تئیی ديمَا نکپان.“

### گڈی کھر: ائولی چُکّانی مَرک

**11** هُداوندا گُون مَوَسَيَا گوشت: ”من پَرُون و مِسْرئے سرا دگہ يک کھرے دئورَ دئيان. اِشيا رند آ شمارا چه ادا رُوگا کَلِيت. رُوگئے هبرا پَل، شمارا سَرجميا چه ادا گَلينيت. <sup>2</sup> مهلوکا بگوش که هرکس، هر مردين و هر جنين وتی همسَاهگئے کَرَا چه نُگره و تِلاها اَدُّ بوتگين سامان بلوئيت.“ <sup>3</sup> هُداوندا مِسرَيانی نَزَر په وتی مهلوکا نِيک کَرَت. مَوَسَائے جند هم مِسْرئے مُلکا پَرُونئے هزمتکار و مردمانی چَمَان سَكِين مزينين مردمے بوت.

<sup>4</sup> مَوَسَيَا گوشت: ”هُداوندَ گوشتيت: ’من شپئے نيما درَ کايان و سَجْهين مِسرَا گردان. <sup>5</sup> بادشاهی تَهتا نِشتگين پَرُونئے ائولی چُکَا بگر تان جِنترئے\* سرا نِشتگين مَوْلديئے ائولی چُکَا، مِسرَا سَجْهين ائولی مَردين چُکَا مَرنت. سَجْهين مال و دَلوتانی ائولی نَرين چُکَا هم مَرنت. <sup>6</sup> سَرجمين مِسرَا اَنچين مزينين گريوگ و زارِے چست بيت که نه پيسرا بوتگ و نه ديمترا بيت، <sup>7</sup> بله بنی اِسْرَائِيلئے سرا کُچکئے هم نئوکيت،\* نه مردميئے سرا و نه دَلوتِيئے سَرَا. گَزَا شما زانیت که هُداوند اِسْرَائِيل و مِسْرئے نياما پَرک و پير\* کنت. <sup>8</sup> تئیی اے سَجْهين هزمتکار من مَوَسَائے کَرَا کايانت و کُونْدَان کپنت و گوشتنت: ’در آ، تئیی جند گُون هما سَجْهين مردمان که تئیی رندگير اَنت.‘ گَزَا من چه اے مُلکا درَ کايان و رئون.“ نون مَوَسَا زهرا زهر چه پَرُونئے کَرَا در اَتک و شت.

<sup>9</sup> هُداوندا گُون مَوَسَيَا گوشت: ”پَرُون شمئے هبران گوشتَ نداريت. پميشکا مِسرَا من هُداوندئے مَوْجه گيشترَ بنت.“ <sup>10</sup> مَوَسَا و هارونا پَرُونئے ديمَا اے سَجْهين مَوْجه پيش داشتنت، بله هُداوندا پَرُونئے دل سِنگ کَرَت و پَرُونا اِسْرَائِيلی چه وتی مُلکا رُوگا نه اِشتنت.

5:11 جِنتر دو سِنگ اَنت که گُون آيان دانَ دُرُشتنت و آرَت کنت.

7:11 وُکگ، بزَن کُچکئے چانگگ، کُچکئے راشگ.

7:11 پَرک و پير، بزَن رو و ریا، يکِنَا شَرتر و يکِنَا هَرابتر زانگ.



**12** Hodáwandá Mesray molká gón Mussá o Hárúná gwasht: <sup>2</sup> “É máh pa shomá bendáti máha bit, pa shomá sálay awali máha bit. <sup>3</sup> Esráilay sajjahén mahluká begwashét ke é máhay dahomi róchá har lóg o hándán pa wat pasé bezurit, har lóg yakk pasé. <sup>4</sup> Agan lógéay mardom anchó kamm bebant ke purahén pasé pa áyán báz bebit, gorhá á o áyáni nazzikterén hamsáheg hór bebant o yakk pasé bezurant. Mardomán hesáb kanét o bechárét ke yakk mardomé chinchoka wárt, o hamá andázahén pasé bezurét. <sup>5</sup> Shomay pas allamá béayb bebit, omrá yakk sálié bebit o naréné bebit. Gwarándhé zurét sharr o páchené zurét sharr. <sup>6</sup> Tán é máhay chárdahomi róchá bedáréti. Sajjahén Esráili mahluk magrebtahára wati wati pasá helár bekant. <sup>7</sup> Mardom kammé hón bezurant o hamá lógá ke é góshtá warant, á lógay darwázagay chánthá,\* bezán darwázagay sarborá o kashán é hóná per bemoshant. <sup>8</sup> Á báyard ent hamá shapá góshtá ásá bepachant o gón béhomirén nagan o tahlén káhoká bwaranti. <sup>9</sup> É góshtá hámagá mawarét o áprádi ham makanét o mawaréti. Gón sarag o pádag o delig o lápigán\* ásá pachét o bwaréti. <sup>10</sup> Tán sohbá cha áiá hecch pasht makapit. Agan tán sohbá chizzé sar átk, ásá besóchéti. <sup>11</sup> Chó bwaréti: watá pa separá tayár bekanét, swásán pádá kanét o asáyá dastá kanét o eshtáp eshtápá bwarét. É Hodáwanday Sargwaz\* ent.

<sup>12</sup> Man hamé shapá Mesrá gardána bán o molkay sajjahén awali mardénchokkána janán. Ensánán beger tánke dalwatáni awali chokkána janán o Mesray sajjahén hodáyán sezá dayán. Man Hodáwand án. <sup>13</sup> Lógán per moshtagén é hón shomay neshánia bit ke edá shomá ét. Man é hónán ke gendán, cha shomá sara gwazán o wahdé Mesrá tabáhiay kahré dawra dayán, é kahr shomay sará nakapit.

<sup>14</sup> É pa shomá yátgáren róché bebit. Shomá báyard ent é róchá Hodáwanday námá jashné bekanét. Nasláni nasl é jashná abadi parmánéay hesábá barjáh bedárét.

**12:7** Chánth, bezán darwázag yá darigay chapp o chágérday dár.

**12:9** Delig o lápig, bezán del, jagar, gotthag o lápay tókay é dega chizz.

**12:11** Sargwaz, bezán yakk chizzéay yalah dayag o pa domiá rawag. Edá eshiay máná esh ent ke Hodáwandá Esráili lóg yalah dátant o Mesriáni sará kahr gwárént. Pa sargwazá asligén Ebráni zobáná labz “Pesah” ent o cha hamé gálá “Pesahay Aiday” nám jórh butag.

**12** هداوندا مسرئے ملکا گون موسا و هارونا گوشت: <sup>2</sup> “اے ماہ پہ شما بنداتی ماہ بیت، پہ شما سائے اٹولی ماہ بیت. <sup>3</sup> اسرائیلے سجھین مہلوکا بگوشتت کہ اے ماہئے دھمی روچا ہر لوگ و ہاندان پہ وت پسے بزوریت، ہر لوگ یک پسے. <sup>4</sup> اگن لوگئے مردم انچو کم ببت کہ پورھین پسے پہ آیان باز ببیت، گڑا و آیانی نژیکتربین ہمساهگ ہور ببت و یک پسے بزورنت. مردمان حساب کنیت و بچاریت کہ یک مردمے چینچک وارت، و ہما اندازہین پسے بزوریت. <sup>5</sup> شمئے پس الما بے ائیب ببیت، امرا یک سالیے ببیت و نرینے ببیت. گورانڈے زوریت شر و پاچنے زوریت شر. <sup>6</sup> تان اے ماہئے چار دھمی روچا بداریتی. سجھین اسرائیلی مہلوک مگر بتھارا وتی وتی پسا ہلار بکنت. <sup>7</sup> مردم کمے ہون بزورنت و ہما لوگا کہ اے گوشتا ورنت، آلوگئے دروازگئے چانٹا،\* بزبان دروازگئے سربرا و کشان اے ہونا پر بمشنت. <sup>8</sup> آبايد انت ہما شپا گوشتا آسا بیچنت و گون بیہمیرین نگن و تھلین کاہکا بورنتی. <sup>9</sup> اے گوشتا ہامگا مئوریت و آپگرادی ہم مکنیت و مئوریتی. گون سرگ و پادگ و دلپگ و لاپیگان\* آسا پیچیت و بورنتی. <sup>10</sup> تان سہبا چہ آسا ہیچ پشت مکپیت. اگن تان سہبا چیڑے سر آتک، آسا بسوچیتی. <sup>11</sup> چو بورنتی: وتا پہ سپرا تئیار بکنیت، سواسان پادا کنیت و آسیا دستا کنیت و اشتاپ اشتاپا بورنتی. اے ہداوندے سرگوز\* انت.

<sup>12</sup> من ہمے شپا مسرا گردان بان و ملکتے سجھین اٹولی مردین چکان جنان. انسانان بگر تانکہ دلوتانی اٹولی چکان جنان و مسرئے سجھین ہدایان سزا دئیان. من ہداوند آن. <sup>13</sup> لوگان پر مشتگین اے ہون شمئے نشانی بیت کہ ادا شما آیت. من اے ہونان کہ گندان، چہ شما سرگوزان و وھدے مسرا تباہیے کھرے دئور دئیان، اے کھر شمئے سرا نکپیت.

<sup>14</sup> اے پہ شما یاتگارین روچے ببیت. شما باید انت اے روچا ہداوندے ناما جشنے بکنیت. اے جشن نسلانی نسل ابدی پرمانیے ہسابا برجاہ بداریت. <sup>15</sup> ہیٹ روچا بیہمیرین نگن

**7:12** چانٹ، بزبان دروازگ یا دریگئے چپ و چاگردے دار.

**9:12** دلپگ و لاپیگ، بزبان دل، جگر، گٹگ و لاپئے توکتے اے دگہ چیڑے.

**11:12** سرگوز، بزبان یک چیڑئے یلہ دئیگ و پہ دومیا رٹوگ. ادا اشیے مانا اش انت کہ ہداوندا اسرائیلی لوگ یلہ دانت و مسریانی سرا کھر گوارنت. پہ سرگوزا اسلیگین ایرانی زبان لبز “پسہ” انت و “سہئے ائییدے” نام چہ ہمے کالا جوڑ بوتگ.

<sup>15</sup> Haptróchá béhomirén nagan bwarét. Harché homir ke shomay lógán hast, awali róchá dawresh bedayét. Chéa ke harkasá ke awali róchá beger tán haptomi róchá homiri chizzé wárt, á mardom cha Esráilay kawmá sendaga bit.

<sup>16</sup> Awali róchá pákén diwáné bekanét o haptomi róchá ham. É doén róchán hecch kár makanét, bass pa waragá warák tayár kanét. Hamé yakkén kárá korta kanét. <sup>17</sup> Béhomirén Naganay Aidá barjáh bedárét, chéa ke hamé róchá man shomará romb rombá cha Mesrá dar kort. Nasláni nasl é róchá abadi parmánéay hesábá barjáh bedárét.

<sup>18</sup> Awali máhá, chárdahomi róchay bégáhá beger tán bist o yakkomi róchay bégáhá béhomirén nagan bwarét. <sup>19</sup> Tán hapt róchá shomay lógán homir mabit. Chéa ke harkasá ke homiri chizzé wárt, á mardom cha Esráilay mahluká sendaga bit, harkas bebit, darámadé yá molki mardomé. <sup>20</sup> Hecch homiri chizz mawarét. Wati sajjahén métagán béhomirén nagan bwarét.”

<sup>21</sup> Mussáyá Esráilay sajjahén kamásh lótháéntant o gón áyán gwashti: “Berawét o pa wat, pa wati lógán pas bezurét. É pas Sargwazay korbánig ent, helári kanét. <sup>22</sup> Bandoké zupá\* bezurét, trashtay\* tahay hónáni bejanét o wati lógáni darwázagay chánthá, sarbor o doén kasháni dárán peri moshét, cha hamé hónán ke trashtay tahá ant. Tán sohbá cha shomá kass cha lógay darwázagá dhann dar mayayt. <sup>23</sup> Hodáwand pa Mesriáni janagá gardána bit, bale wahdé shomay chántháni saray hónána gendit, gorhá cha á darwázagá sara gwazit o tabáh kanóká shomay lógán poterag o shomay janagá naylit. <sup>24</sup> Shomá é rasmá tán abad barjáh bedárét, é pa shomá o shomay chokkán abadi parmáné. <sup>25</sup> Wahdé shomá hamá molká sara bét ke Hodáwand wati wádahay hesábá shomará danti, ódá é rasmá barjáh bedárét. <sup>26</sup> Shomay chokk ke cha shomá josta kanant ke é chónén rasmé, <sup>27</sup> begwashét ke é pa Hodáwandá Sargwazay korbánigé, chéa ke Hodáwandá, Mesrá Esráiliáni lóg sargwaz kortant. Wahdé Hodáwandá Mesri jatant, may lógáni sará hayri kort.” Gorhá mardomán sar jahl kort o parasteshá laggetant. <sup>28</sup> Esráili shotant o hamá paymá ke Hodáwandá Mussá o Hárún hokm dátagatant, hamá paymá kortesh.

<sup>29</sup> Hamá shapay némá Hodáwandá, Mesray molká sajjahén awali mardénchokk jatant. Sháhi tahtá neshtagén Perawnay awali chokká beger tán zendána neshtagén bandigéay awali chokk, o mál o dalwatáni

بوریت. هرچه همیر که شمنی لوغان هست، ائولی روجا دئورش بدئییت. چیا که هرکسا که ائولی روجا بگر تان هپتمی روجا همیری چیژے وارت، آ مردم چه اسرائیلیے کئوما سینگ بیت.

<sup>16</sup> ائولی روجا پاکین دیوانے بکنیت و هپتمی روجا هم. اے دوین روجان هچ کار مکنیت، بس په ورگا وراک تئیار کنیت. همه یکن کارا کرت کنیت. <sup>17</sup> بیهمیرین ننگئے ائیدا برجاه بداریت، چیا که همه روجا من شمارا رُمب رُمبا چه مسرا در کرت. نسلانی نسل اے روجا ابدی پرمائیتے حسابا برجاه بداریت.

<sup>18</sup> ائولی ماها، چاردهمی روجئے بیگاها بگر تان بیست و یکمی روجئے بیگاها بیهمیرین ننگ بوریت. <sup>19</sup> تان هپت روجا شمنی لوغان همیر مبیست. چیا که هرکسا که همیری چیژے وارت، آ مردم چه اسرائیلیے مهلوکا سینگ بیت، هرکس بیست، درامدے یا ملکی مردمے. <sup>20</sup> هچ همیری چیژ مئوریت. وتی سجھین میتگان بیهمیرین ننگ بوریت.“

<sup>21</sup> موسایا اسرائیلیے سجھین کاماش لوثاینتنت و گون آبان گوشتی: ”برئویت و په وت، په وتی لوغان پس بزوریت. اے پس سرگوزئے کربانیگ انت، هلاری کنیت. <sup>22</sup> بندکے زوپا\* بزوریت، ترشتے\* تهئے هونانی بجنیت و وتی لوغانی دروازگے چانثا، سربر و دوین کشانی داران پری مشیت، چه همه هونان که ترشتے تها انت. تان سُهبا چه شما کس چه لُگئے دروازگا دَن در مئییت. <sup>23</sup> هُداوند په مسریانی جنگا گردان بیت، بله وهدے شمنی چانثانی سرئے هونان گندیت، گڑا چه آ دروازگا سر گوزیت و تباه کنوکا شمنی لوغان پترگ و شمنی جنکا نیلیت. <sup>24</sup> اے رسما تان ابد برجاه بداریت، اے په شما و شمنی چکان ابدی پرمانے. <sup>25</sup> وهدے شما هما ملکا سر بیت که هُداوند وتی وادهئے حسابا شمارا دنتی، اودا اے رسما برجاه بداریت. <sup>26</sup> شمنی چک که چه شما جُست کنت که اے چوین رسمے، <sup>27</sup> بگوشیت که اے په هُداوندا سرگوزئے کربانیگے، چیا که هُداوندا، مسرا اسرائیلیانی لُگ سرگوز کرتنت. وهدے هُداوندا مسری جنتت، مئے لُغانی سرا هئیری کرت. ”گڑا مردمان سر جهل کرت و پرستشا لگنتت. <sup>28</sup> اسرائیلی شنتت و هما پیما که هُداوندا موسا و هارون هُکم داتگ آنتت، هما پیما کرتش.

<sup>29</sup> هما شپئے نیما هُداوندا، مسرئے ملکا سجھین ائولی مردین چک جنتت. شاهی تهتا نشتگین پرنونئے ائولی چکا بگر تان زندانا نشتگین بندگیئے ائولی چک، و مال و دلوتانی

12:22 Zupá káhoké ke tháli draj ent o táki pozsh pozsh ant. Engréziá “hyssop” o Pársiá “zufá” gwashanti.

12:22 Trasht darpé. Helár kortagén pasay hónesh hamé trashtá kortagant.

22:12 زوپا کاهکے که ثالی ذراج انت و تاکی پڑ پڑ انت. انگریزی “hyssop” و پارسیا “زوف” گوشتی.

22:12 ترشت دریے. هلار کرتگین پسے هونش همه ترشتا کرتگ انت.

sajjahén awali narén chokk, sajjahén mortant.  
<sup>30</sup> Shapá Perawn o áiy sajjahén hezmatkár o sajjahén Mesri pád átkant. Mesrá mazanén gréwag o zárié chest at. Choshén lógé néstat ke ódá yakké namortagat.  
<sup>31</sup> Shapay shap Perawná Mussá o Hárún lótháéntant o gwashti: “Chest bét o cha mani molk o mardomán dur bét, shomay jend o sajjahén Esráili. Berawét o Hodáwandá parastesh kanét, hamá paymá ke shomá lóthetá. <sup>32</sup> Wati ramag o góromán ham barét gón, hamá paymá ke shomá wat gwashtag. Pa man ham barkat belóthét.”

### Cha Mesrá dar rawag

<sup>33</sup> Mesrián Esráili hojj kort\* o gwashtant ke shomá cha may molká zutt dar áét ke má sajjahéna merén.  
<sup>34</sup> Mardomán tarr kortagén béhomirén árt, cha gwát geragá pésar gón darpán zort o wati chaderán kort o baddhá jatant.

<sup>35</sup> Esráilián hamá paymá kortagat ke Mussáyá gwashtagatant. Áyán Mesriáni kerrá god o cha nograh o teláhá addh butagén sámán lóthetá. <sup>36</sup> Hodáwandá ham Mesriáni nezar pa Esráilián nék kortagat. Paméshká áyán harché lóthetá, Mesrián dátagat. É paymá Mesriáni dawlatesh bort.

<sup>37</sup> Esráili cha Ramesésá dém pa Sokkutá sar geptant. Janén o chokkán abéd, á kesás shash sad hazár payádagén mardén atant. <sup>38</sup> Hór o hawárén mardománi baláhén rombé ham gón áyán shot gón. Esráilián báz ramag o górom, sakk báz mál o dalwat gón at. <sup>39</sup> Hamá tarr kortagén árt ke cha Mesrá gón atantesh, cha áyán béhomirén kólókes\* patk. Mardom cha Mesrá gallénag butagatant, paméshká chánag béhomir atant. Áyán natwánt mahtal bebant o pa wati tóshagá warák addh bekanant. <sup>40</sup> Esráilián chár sad o si sál Mesrá gwázéntagat. <sup>41</sup> É chár sad o sién sáláni godhsará, goddhi\* róchay jendá, Hodáwanday sajjahén mahluk romb rombá cha Mesrá dar átk. <sup>42</sup> É sajjahén shapá Hodáwandá áyáni negahpáni kort ke áyán cha Mesrá dar bekant, paméshká é shap pa Esráilián Hodáwanday námá shappásié\* o báyard ent sajjahén Esráili é shappásiá nasláni nasl barjáh bedárant.

سجھین ائولی نرین چک، سجھین مُرتنت. <sup>30</sup> شپا پړون و آییئے سجھین هزمتکار و سجھین مسری پاد آتکت. مسرا مزین گریوگ و زاریے چست ات. چشین لوگے نیست ات که اؤدا یگے نمرتگ ات. <sup>31</sup> شپے شپ پړونا موسا و هارون لوٹاينتنت و گوشتی: “چست بیت و چه منی مُلک و مردمان دور بیت، شمے جند و سجھین اسرائیلی. برئویت و هداوندا پرستش کنیت، هما پئیمما که شما وت گوشتگ. <sup>32</sup> وتی رمگ و گورمان هم بریت گون، هما پئیمما که شما وت گوشتگ. په من هم برکت بلوٹیت.”

### چه مسرا در رتوگ

<sup>33</sup> مسریان اسرائیلی هج کرت\* و گوشتنت که شما چه مے مُلکا زوت در آیت که ما سجھین مرین. <sup>34</sup> مردمان تر کرتگین بیهمیرین آرت، چه گوات گرگا پیسر گون درپان زرت و وتی چادران کرت و بدآ جنتت.

<sup>35</sup> اسرائیلیان هما پئیمما کرتگ ات که موسایا گوشتگ اتنت. آیان مسریانی کرا گد و چه نگره و تلاها اڈ بوتگین سامان لوٹتگ ات. <sup>36</sup> هداوندا هم مسریانی نزر په اسرائیلیان نیک کرتگ ات. پمیشکا آیان هرچه لوٹتگ ات، مسریان داتگ ات. اے پئیمما مسریانی دئولتیش برت.

<sup>37</sup> اسرائیلی چه رمسیسا دیم په سگوتا سر گپنتت. جنین و چکان آید، آکساس شش سد هزار پئیدگین مردین اتنت. <sup>38</sup> هور و هوارین مردمانی بلاهین رُمبے هم گون آیان شت گون. اسرائیلیان باز رمگ و گورم، سگ باز مال و دلوت گون ات. <sup>39</sup> هما تر کرتگین آرت که چه مسرا گون اتنتش، چه آیان بیهمیرین کولکش\* پتک. مردم چه مسرا گلینگ بوتگ اتنت، پمیشکا چانگ بیهمیر اتنت. آیان نتوانت مهتل ببت و په وتی توشگا وراک اڈ بکننت. <sup>40</sup> اسرائیلیان چار سد و سی سال مسرا گوازیتتگ ات. <sup>41</sup> اے چار سد و سیین سالانی گدسرا، گدی\* روچے جندا هداوندے سجھین مهلوک رُمب رُمبا چه مسرا در اتک. <sup>42</sup> اے سجھین شپا هداوندا آیانی نگهپانی کرت که آیان چه مسرا در بکننت، پمیشکا اے شپ په اسرائیلیان هداوندے ناما شپ پاسیے\* و باید انت سجھین اسرائیلی اے شپ پاسیا نسلانی نسل برجاه بدارنت.

12:33 Hojj kanag, bezán zór dayag, majbur kanag.

12:39 Kólok, bezán gwandhokén nagan.

12:41 Goddhi, bezán áheri.

12:42 Shappási, bezán pa káréa sajjahén shapá ághay bayag.

33:12 هج کنگ، بزآن زور دئیگ، مجبور کنگ.

39:12 کولک، بزآن گوندکین نگان.

41:12 گدی، بزآن اهری.

42:12 شپ پاسی، بزآن په کارنا سجھین شپا اگه بیگ.

## Sargwazay kánun

<sup>43</sup> Hodáwandá gón Mussá o Háruná gwasht: “Esh ent Sargwazay waragay parmán: hecch dhanni mardom eshiá mawárt, <sup>44</sup> zarharidén\* golám wártia kant bale cha sonnat bayagá rand. <sup>45</sup> Hamá mardom ke pa gwandhén moddatéá átkag o neshtag, á ham mawárt o hamá nawkar ham mawárt ke pa zarr shomay kerrá kára ent. <sup>46</sup> Yakkén lógay tahá bebét o bwaréti. Cha Sargwazay góshá toshé dhanná mabarét o pasay yakk haddhé ham mapróshét. <sup>47</sup> Sargwazay róchá Esráilay sajjahén mahluk aid bekant. <sup>48</sup> Agan shomay nyámá dhanni mardomé neshtag o Sargwazay róchá Hodáwanday námá aid kanaga lóthit, áiy lógay sajjahén mardén pésará sonnat kanag bebant. Gorhá á mardom bahr zorta kant o molki mardománi paymá bit. Bale hecch sonnat nakortagén mardén eshiá mawárt. <sup>49</sup> Eshiy kánun yakk ent, pa molki mardomán o pa hamá dhanni mardomán ke shomay nyámá neshtagant.”

<sup>50</sup> Hamá paymá ke Hodáwandá Mussá o Hárun hokm dátagatant, sajjahén Esráilián hamá paymá kort. <sup>51</sup> Hamá róchay jendá Hodáwandá Esráili, romb rombá cha Mesrá dar kortant.

## Awali mardénchokkáni wapk kanag

**13** Hodáwandá gón Mussáyá gwasht: <sup>2</sup> “Sajjahén awali mardénchokkán gishhén o pa man wapk\* bekan. Esráilay sajjahén awali chokk manig ant, ensánáni chokk bebant yá dalwatáni.”

## Béhomirén Naganay Aid

<sup>3</sup> Mussáyá gón mardomán gwasht: “É róchá mashamóshét ke shomá hamé róchá cha Mesrá dar átkagét, cha hamá molká ke ódá golám butagét o Hodáwandá gón wati dastay zórá shomará cha ódá dar kortag o áwortag. Homiri nagan mawarét. <sup>4</sup> Shomá maróchigén róchá, Abibay\* máhá cha edá dara kapét.

12:44 Zarharidén, bezán bahá zortagén.

13:2 Wap, bezán chizzé ke pa Hodáyá gishhénag butag. Arabi o Pársiá “waqf”.

13:4 Abib, Yahudiáni sálay awali máh ent ke Nisan ham gwashanti. É máh maróchigén zamánagay hesábá baré Márchay máhá kapit o baré Apréla.

## سرگوزئی کانون

<sup>43</sup> هداوندا گون موسا و هارونا گوشت: “إش إنت سرگوزئی ورگئی پیمان: هچ دئی مردم اشیا مئوارت, <sup>44</sup> زهریدین\* گلام وارئی کنت بله چه سنّت بیگا رند. <sup>45</sup> هما مردم که په گونڈین مُدّتیا آتکگ و نشتگ, آ هم مئوارت و هما نئوکر هم مئوارت که په زرّ شمئی کرا کارا انت. <sup>46</sup> یکنین لوگئی تها بییت و بوریتی. چه سرگوزئی گوشتا تُشے دُنا مبریت و پَسئی یگ هُدے هم پِروشیت. <sup>47</sup> سرگوزئی رُچا اسرائیلئی سَجّهین مهلوک ائیید بکنت. <sup>48</sup> اگن شمئی نیاما دئی مردمے نشتگ و سرگوزئی رُچا هداوندئی ناما ائیید کنگ لوثیت, آییئی لوگئی سَجّهین مردین پیسرا سنّت کنگ ببت. گرا آ مردم بھر زرت کنت و ملکی مردمانی پیما بیت. بله هچ سنّت نکرتگین مردین اشیا مئوارت. <sup>49</sup> ایشیئی کانون یگ انت, په ملکی مردمان و په هما دئی مردمان که شمئی نیاما نشتگ انت.”

<sup>50</sup> هما پیما که هداوندا موسا و هارون هکم داتگ انتت, سَجّهین اسرائیلیان هما پیما کرت. <sup>51</sup> هما رُچئی جندا هداوندا اسرائیلی, رُمب رُمبا چه مسرا در کرتنت.

## اٲولی مردین چُکانی و پُک کنگ

**13** هداوندا گون موسایا گوشت: <sup>2</sup> “سَجّهین اٲولی مردین چُکان گیشین و په من و پُک\* بکن. اسرائیلئی سَجّهین اٲولی چُک منیگ انت, انسانانی چُک ببت یا دلوتانی.”

## بیهمیرین ننگئی ائیید

<sup>3</sup> موسایا گون مردمان گوشت: “اے رُچا مشموشیت که شما همه رُچا چه مسرا در آتکگیت, چه هما ملکا که اودا گلام بوتگیت و هداوندا گون وتی دستئی زورا شمارا چه اودا در کرتگ و آورتگ. همیری ننگ مئوریت. <sup>4</sup> شما مروچیکین رُچا, آبیئی\* ماها چه ادا در کپیت.

44:12 زهریدین, بزبان بها زرتگین.

13:2 و پُک, بزبان چیژے که په هدايا گیشینگ بوتگ. اربی و پارسيا “وقف”.

4:13 آیب, یهودیانی سالئی اٲولی ماه انت که نیسن هم گوشتتی. اے ماه مروچیکین زمانگئی هسابا برے مارچئی ماها کپیت و برے اپریلا.

<sup>5</sup>Wahdé Hodáwand shomará Kanháni o Hitti o Amuri o Héwi o Yabusiáni molká bárt, hamá molká ke gón shomay pet o pirokán sawgendi wártag ke shomará danti, hamá molká ke ódá shir o bénagay jó tachagá ant, ódá é rasmá hamé máhá barjáh bedárét. <sup>6</sup>Tán hapt róchá béhomirén nagan bwarét o haptomi róchá Hodáwanday námá aidé bekanét. <sup>7</sup>Tán hapt róchá béhomirén nagan bwarét. Shomay kerrá o shomay hadd o simsaráni tahá hecch homir dast makapit. <sup>8</sup>É aidá ke kanét, harkas gón wati chokká begwashit: ‘Cha Mesrá dar kapagay wahdá Hodáwandá pa man hamá kár ke kort, man hamá káray háterá é aidá kanán.’

<sup>9</sup>Wati dastá nesháné o péshánigá yátgégé\* per kan ke Hodáwanday Sharyat tai dapá bebit. Chéá ke Hodáwandá gón wati porzórén dastá tará cha Mesrá dar kort. <sup>10</sup>É parmáná sál pa sál barjáh bedár, eshiay gishéntagén wahdá.

<sup>11</sup>Wahdé Hodáwand shomará Kanhániáni molká bárt o hamá paymáke gón shomá o shomay bonpirokán sawgendi wártag, á molká shomará dant, <sup>12</sup>ódá wati awali mardénchokkán gishhénét o pa Hodáwandá wapk kanét. Shomay mál o dalwatáni sajjahén awali narén chokk ham Hodáwanday bebant. <sup>13</sup>Haray awali korragay badalá gwarándhé bekosh o korragá bemók, \* bale agan namókayi, gorhá korragay gardená beprósh. Ensánáni sajjahén awali mardénchokkán allam bemók.

<sup>14</sup>Agan bándá tai chokká cha taw jost kort: ‘É kárá chéá kanagá ay?’ taw begwash: ‘Hodáwandá gón wati dastay zórá mára cha Mesrá dar kort o áwort, cha hamá molká ke ódá má golám atén. <sup>15</sup>Wahdé Perawná zedd kort o mára rawagá naesht, Hodáwandá Mesray molká sajjahén awali chokk koshtant, cha ensánay awali mardénchokkán beger tán dalwatáni awali narén chokkán, sajjahéni koshtant. Paméshká man har dalwatay awali narén chokká pa Hodáwandá korbániga kanán o wati lógay sajjahén awali mardénchokkána mókán.’ <sup>16</sup>É parmáná wati dastá nesháné o péshánigá thekké kan o per kan chéá ke Hodáwandá gón wati porzórén dastá tará cha Mesrá dar kort o áwort.”

<sup>5</sup>وهدے هداوند شمارا کنهانی و هیئی و اموری و هیوی و یوسیانی ملکا بارت، هما ملکا که گون شمئی پت و پیروکان ستوگندی وارنگ که شمارا دنتی، هما ملکا که اودا شیر و بینگئی جو تچگا أنت، اودا اے رسما همه ماها برجاه بداریت. <sup>6</sup>تان هپت روچا بینهمیرین ننگن بوریت و هپتمی روچا هداوندئی ناما ائییدے بکنیت. <sup>7</sup>تان هپت روچا بینهمیرین ننگن بوریت. شمئی کرا و شمئی هدا و سیمسرانی تها هچ همیر دست مکپیت. <sup>8</sup>اے ائییدا که کنیت، هرکس گون وتی چکا بگوشیت: ‘چه مسرا در کپگئی وهدا هداوندا په من هما کار که کرت، من هما کارئی هاترا اے ائییدا کنان.’

<sup>9</sup>وتی دستا نشانے و پیشانیگا یاتگیجے\* پر کن که هداوندئی شریت تئی دپا بیت. چیا که هداوندا گون وتی پروزورین دستا ترا چه مسرا در کرت. <sup>10</sup>اے پرمانا سال په سال برجاه بدار، اشیئی گیشیتنگین وهدا.

<sup>11</sup>وهدے هداوند شمارا کنهانیانی ملکا بارت و هما پئیما که گون شما و شمئی بپیروکان ستوگندی وارنگ، آ ملکا شمارا دنت، <sup>12</sup>اودا وتی ائولی مردین چکان گیشینیت و په هداوندا وپک کنیت. شمئی مال و دلوتانی سجھین ائولی نرین چک هم هداوندئی بنت. <sup>13</sup>هرئی ائولی کرگئی بدلا گورانڈے بکش و کرگا بموک،\* بله اگن نموکئی ای، گرا کرگئی گردنا بیروش. انسانانی سجھین ائولی مردین چکان الم بموک.

<sup>14</sup>اگن باندا تئی چکا چه تئو جست کرت: ‘اے کارا چیا کنگا ائیے؟’ تئو بگوش: ‘هداوندا گون وتی دستئی زورا مارا چه مسرا در کرت و آورت، چه هما ملکا که اودا ما گلام آتین. <sup>15</sup>وهدے پرونو زد کرت و مارا رتوگا نه ایش، هداوندا مسرئی ملکا سجھین ائولی چک کشتنت، چه انسانئی ائولی مردین چکان بگر تان دلوتانی ائولی نرین چکان، سجھینی کشتنت. پمیشکا من هر دلوتئی ائولی نرین چکا په هداوندا کربانیگ کنان و وتی لوگئی سجھین ائولی مردین چکان موکان.’ <sup>16</sup>اے پرمانا وتی دستا نشانے و پیشانیگا ئکے کن و پر کن چیا که هداوندا گون وتی پروزورین دستا ترا چه مسرا در کرت و آورت.”

13:9 Yátgégé, bezán chizzé ke mardomá yát o tránagá perrénit.  
13:13 Mókagay máná edá esh ent ke pa kaséay jánay rakkénagá gránén kimmaté dayag bebit, Pársiá “bázkharid”.

9:13 یاتگیج، بزآن چیرے که مردما یات و ترانگا پرنیت.  
13:13 مۆکگئی مانا ادا ایش انت که په کسیتی جائے رکینگا گرانین کیمتے دئیگ بیت، پارسیا “بازخريد”.

## Jambaray menok o ásay menok

<sup>17</sup> Wahdé Perawná mahluk rawagá esht, Hodáyá á cha Pilestíáni molkay ráhá nabortant, bell toré á ráh gwandhter at, chéá ke Hodáyá gwasht: “Balkén jangé begiptesh o bebajjant o Mesrá per betarrant.”

<sup>18</sup> Hodáyá mahluk cha gyábánay ráhá gardénán kort o dém pa Sohrzerá bort. Esráili ke cha Mesrá dar átkant, selahband atant. <sup>19</sup> Mussáyá Issopay haddh gón wat zortant gón, chéá ke Issopá Bani Esráil sawgend dátag o gwashtagat: “Béshakk Hodáwand shomay madatá kayt. Á wahdá mani haddhán allam cha edá gón wat bebarét gón.”

<sup>20</sup> Á cha Sokkutá ráh geptant o Étámá, gyábánay goddhi sará ordesh kort. <sup>21</sup> Hodáwand róchay wahdá jambaray menokéay\* tahá áyáni démá rawán at ke ráhá pésh bedárit. Shapay wahdá ásay menokéay tahá áyáni démá rawán at ke áyán rozhn bedant o á shapá ham sapar kort bekanant o róchá ham. <sup>22</sup> Róchay wahdá jambaray menok o shapay wahdá ásay menok, doén cha mahlukay démá dura nabutant.

## Cha Sohrzerá gwazag

**14** Hodáwandá gón Mussáyá gwasht: <sup>2</sup> “Esráilián begwash per tarrét o Megdol o daryáay darnyámá, Pi-Háherótay nazzikká ord kanét. Bahal-Sepunay démá, tayábdapá\* ord kanét. <sup>3</sup> Perawn wati delá gwasht: ‘Esráili gyábáná sargardán ant. Har némagá ke berawant ráhé dar gétka nakanant.’ <sup>4</sup> Man, Perawnay delá senga kanán o á Esráiliáni randá kapit. Perawn o áiy sajjahén pawj mani shán o shawkatay sawabsáza bant. Gorhá Mesria zánant ke man Hodáwand án.” Esráilián hamódá ord kort ke Hodáwandá gwashtagat.

<sup>5</sup> Perawn\* sahig but ke é mahluk tatkg. Esháni bárawá Perawn o áiy hezmatkáráni erádah badal but, gwashtesh: “Má chéá choshén káré kort? Esráili may hezmatá kanagá atant, má chéá rawagá eshtant?”

<sup>6</sup> Perawná wati arrábah tayár kanéant o gón wati pawjá ráh gept. <sup>7</sup> Áiá shash sad gechéni arrábah\*

13:20 Ord kanag, bezán pa kasánén wahdéá jágahéá gedán bandag o nendag.

13:21 Menok, bezán menag, sotun.

14:2 Tayábdap, bezán daryáay nazzikk o gwarén jágah, zerkerr, sáhel.

14:5 Asligén Ebráni nebeshtánka gwasht “Mesray bádsháh”.

14:7 Arrábah, bezán mazanén mansabdáráni hamá gárhí ke aspia kasshant.

## جمبرئے منک و آسئے منک

<sup>17</sup> وهده پړئونا مهلوک رڼوگا اِشت، هُدايا آ چه پيلستيانی مُلکئے راها نَبْرَتنت، بِل تَرے آ راه گونڈتر ات، چيا که هُدايا گوشت: “بلکين جَنگے بگيپتَش و بَبَجنت و مِسرَا پَر بَتَرنت.”

<sup>18</sup> هُدايا مهلوک چه گيابانئے راها گردینان کرت و ديم په سهرزرا برت. اِسرائيلى که چه مِسرَا در اَتکنت، سِلَهَبند اَتنت. <sup>19</sup> موسایا

ايسُپئے هُد گون وت زرتنت گون، چيا که ايسُپا بنی اِسرائيل سئوگند داتگ و گوشتگات: “بیشک هُداوند شمئے مدتا کئيت. آ وهدا منی هُدان اَلَم چه ادا گون وت ببریَت گون.”

<sup>20</sup> آ چه سُکوتا راه گپنتت و ایتاما، گيابانئے گُدی سرا اُردش کرت. <sup>21</sup> هُداوند رُچئے وهدا جمبرئے منکئے\* تها آیانی دیمَا

رئوان ات که راها پینش بداریت. شپئے وهدا آسئے منکئے تها آیانی دیمَا رئوان ات که آیان رُژن بدن و آشپا هم سپر کرت بکننت و رُچا هم. <sup>22</sup> رُچئے وهدا جمبرئے منک و شپئے وهدا آسئے منک، دوین چه مهلوکئے دیمَا دور نبوتنت.

## چه سهرزرا گوزگ

**14** هُداوندا گون موسایا گوشت: <sup>2</sup> “اِسرائيليان بگوش پَر تَرَيَت و مِگدُل و دريائے دَرنياما، پي هاهروئئے

نَرِيكا اُرد كنيت. بَهَل سپونئے ديمَا، تَتِياب دِپَا\* اُرد كنيت. <sup>3</sup> پړئون وتي دلا گوشت: “اِسرائيلى گيابانا سرگردان اَت. هر نيمگا که برئونت، راهے در گيتک نکنتت.” <sup>4</sup> من، پړئونئے دلا سِنگ کنان و آ اِسرائيليانی رندا کپيت. پړئون و آيئے سَجَهين پئوج منی شان و شتوکتئے سئوب ساز بنت. گُزامِسرِي زاننت که من هُداوند آن. “اِسرائيليان همؤدا اُرد کرت که هُداوندا گوشتگات.

<sup>5</sup> پړئون\* سهيگ بوت که اے مهلوک تتکگ. اِشانی بارئوا پړئون و آيئے هزمتکارانی اراده بدل بوت، گوشتش: “ما چيا

چُشين کارے کرت؟ اِسرائيلى مئے هزمتا کنگا اَتنت، ما چيا رڼوگا اِشتنت؟” <sup>6</sup> پړئونا وتي اَرابه تئيار کناننت و گون وتي

پئوجا راه گپت. <sup>7</sup> آييا شش سد گچينی اَرابه\* و مِسرئے آ دگه اَرابه هم زرتنت گون. هريکيا اِسرے مان ات. <sup>8</sup> هُداوندا مِسرئے

20:13 اُرد کنگ، بزآن په کسانين وهديا جاگهيا گدان بندگ و نندگ.

21:13 منک، بزآن منگ، سئون.

2:14 تئياب دپ، بزآن دريائے نَرِيک و گورين جاگه، زرکړ، ساهل.

5:14 اسليگين ايراني نبشنانک گوشت “مِسرئے بادشاه”.



o Mesray á dega arrábah ham zortant gón. Har yakkéá apsaré mán at. <sup>8</sup>Hodáwandá Mesray bádsháh Perawnay del seng kort o Perawn Esráiliáni randá kapt ke pa sarbolandi dar áyag o rawagá atant. <sup>9</sup>Mesri Esráiliáni randá kaptant. Perawnay sajjahén asp o arrábah o arrábaswár o payádagén lashkará Pi-Háherótay nazzikká, tayábdapá, Bahal-Sepunay démá Esráili raséttant, hamá jágahá ke Esráilián ord kortagat.

<sup>10</sup>Wahdé Perawn áyáni nazzikká raset, Esráilián chamm chest kortant o Mesriesh distant ke áyáni randá kaptagatant. Esráilián sakk torset o Hodáwanday kerrá peryátesh kort. <sup>11</sup>Gón Mussáyá gwashtesh: “Záná Mesrá kabr néstat ke taw mára pa meragá é gyábáná áwortag? É che karé ke taw gón má kort? Taw chéá mára cha Mesrá dar kort?” <sup>12</sup>Má Mesrá tará nagwasht: “Mára yalah kan o bell ke Mesriáni golámiá kanén?” Cha é gyábáná meragá pa má Mesriáni golámi sharter at.” <sup>13</sup>Mussáyá gón mardomán gwasht: “Matorsét. Delá dhaddh kanét o bechárét ke maróchi Hodáwand shomára chón nejáta dant, chéá ke é Mesrián ke shomá maróchi gendagá ét, padá eshán hechbara nagendét. <sup>14</sup>Hodáwand wat pa shomá janga kant, shomá bass áramá benendét.”

<sup>15</sup>Hodáwandá gón Mussáyá gwasht: “Taw chéá mani kerrá peryát kanagá ay? Esráilián begwash démá rawán bebét. <sup>16</sup>Taw wati asáyá chest kan o dastá daryáay sará shahár day o daryáyá do bahr kan ke Esráili cha daryáay tahá, hoshkiay sará begwazant. <sup>17</sup>Man Mesriáni delán senga kanán ke Esráiliáni randá bekapant o Perawn o áiy sajjahén pawj o arrábah o arrábaswár mani shán o shawkatay sawabsáz bebant. <sup>18</sup>Wahdé Perawn o áiy arrábah o arrábaswáráni sawabá maná shán o shawkata rasis, gorhá Mesria zánant ke man Hodáwand án.”

<sup>19</sup>Hodáay préshtag ke Esráili lashkaray démá rawán at, kenzet o áyáni poshtá shot. Jambaray menok ham cha áyáni démá kenzet o áyáni poshtá óshtát. <sup>20</sup>Jambaray menok Mesray lashkar o Esráilay lashkaray nyámá óshtát. Jambará yakk némagé tahár o domi némagé rozhná kort. Sajjahén shapá lashkar yakdomiay\* nazzikká nayátkant.

<sup>21</sup>Mussáyá wati dast daryáay sará shahár dát o cha Hodáwanday zórá sajjahén shapá cha ródarátká trondén gwátéá kasshet o daryá poshtá kenzént. Áp do bahr but o hoshki záher but. <sup>22</sup>Esráili daryáay tahá cha hamé hoshkiá rawán butant. Áp áyáni rást o chappén némagá chó diwálá óshtátagat. <sup>23</sup>Mesri

بادشاه پرتونئی دل سینگ کرت و پرتون اسرائیلیانی رندا کپت که په سربلندی در آیک و رتوگا آنتت. <sup>9</sup>مسری اسرائیلیانی رندا کپتنت. پرتونئی سجهین آسپ و آزابه و آزابه سوار و پئیادگین لشکرا پی هاهروتئی نزیگا، تئیاب دپا، بهل سپونئی دیما اسرائیلی رسیتنت، هما جاگها که اسرائیلیان ارد کرتگ ات.

<sup>10</sup>وهده پرتون آیانی نزیگا رست، اسرائیلیان چم چست کرتنت و مسری اش دیستنت که آیانی رندا کپتگ آنتت. اسرائیلیان سک ترست و هداوندئی کرا پریاتش کرت. <sup>11</sup>گون موسایا گوشتش: “زانا مسرا کبر نیست ات که تئو مارا په مرگا اے گیابانا اورتگ؟ اے چه کاره که تئو گون ما کرت؟ تئو چنا مارا چه مسرا در کرت؟ <sup>12</sup>ما مسرا ترا نگوشت: ‘مارا یله کن و بل که مسریانی گلامیا کنین؟’ چه اے گیابانا مرگا په ما مسریانی گلامی شتر ات.” <sup>13</sup>موسایا گون مردمان گوشت: “مترسیت. دلا دد کیت و بچاریت که مروچی هداوند شمارا چون نجات دنت، چنا که اے مسریان که شما مروچی گندگا ایت، پدا اشان هچبر نگیدیت. <sup>14</sup>هداوند وت په شما جنگ کنت، شما بس آزما بنیدیت.”

<sup>15</sup>هداوند گون موسایا گوشت: “تئو چنا منی کرا پریات کنگا اے؟ اسرائیلیان بگوش دیما رتوان بیت. <sup>16</sup>تئو وتی آسیا چست کن و دستا دریائے سرا شهار دئی و دریایا دو بهر کن که اسرائیلی چه دریائے تھا، هسکیئے سرا بگوزنت. <sup>17</sup>من مسریانی دلان سینگ کنان که اسرائیلیانی رندا بکپنت و پرتون و آییئے سجهین پتوج و آزابه و آزابه سوار منی شان و شوکتئی سئوب ساز ببت. <sup>18</sup>وهده پرتون و آییئے آزابه و آزابه سوارانی سئوبا منا شان و شوکت رسیت، گرا مسری زاننت که من هداوند آن.”

<sup>19</sup>هدائے پریشتگ که اسرائیلی لشکرئی دیما رتوان ات، کنزت و آیانی پُشتا شت. جمبرئی منک هم چه آیانی دیما کنزت و آیانی پُشتا اوشتات. <sup>20</sup>جمبرئی منک مسرئی لشکر و اسرائیلیئے لشکرئی نیاما اوشتات. جمبرا یک نیمگه تهار و دومی نیمگ رژنا کرت. سجهین شپا لشکر یکدومیئے\* نزیگا نئیاتکنت.

<sup>21</sup>موسایا وتی دست دریائے سرا شهار دات و چه هداوندئی زورا سجهین شپا چه رودراتکا ترندین گواتیا کشت و دریا پُشتا کنزیت. آپ دو بهر بوت و هسکی زاهر بوت. <sup>22</sup>اسرائیلی دریائے تھا چه همه هسکیا رتوان بوتنت. آپ آیانی راست و



gón Perawnay sajjahén asp o arrábah o arrábaswárán tán daryáay nyámá áyáni randá kaptant. <sup>24</sup> Shapay cháromi pásá Hodáwandá cha ás o jambaray menokay tahá Mesray pawj cháret o sarbatag o sargardán kort. <sup>25</sup> Hodáwandá áyáni arrabaháni parrag\* gathéntant ke arrabaháni barag pa áyán grán bebit. Mesrián gwasht: “Byáét cha Esráiliána tachén ke Hodáwand pa áyánigi gón Mesrá jangá ent.” <sup>26</sup> Hodáwandá gón Mussáyá gwasht: “Wati dastá daryáay sará shahár day ke áp Mesri o áyáni arrábah o arrábaswáráni sará per beléhit.” <sup>27</sup> Mussáyá wati dast daryáay sará shahár dát o cha bángwáhá pésar, hamá wahdá ke Mesri cha ápá tachagá atant, daryá wati jághá átk. É paymá Hodáwandá Mesri daryáyá chagal dátant. <sup>28</sup> Wahdé Perawnay sajjahén pawjay arrábah o arrábaswár Esráiliáni randá kaptant o daryáyá mánesht dát, áp per tarret o áí bokkéntant. Cha áyán yakké ham sar nayátk. <sup>29</sup> Esráili daryáyá tahá, cha hoshk butagént ráhá gwastant o áp áyáni rást o chappén némagá chó diwálá óshtátatagat.

<sup>30</sup> É paymá Hodáwandá á róchi Esráil cha Mesriáni dastá rakként o Esráilián dist ke Mesriáni jón o jasad tayábdapá kaptagant. <sup>31</sup> Wahdé Esráilián Hodáwanday zórmandén dast dist ke Mesriáni helápá chesti kortagat, cha Hodáwandá torsetesh o Hodáwanday jend o Hodáwanday hezmatkár Mussáyá sará báwaresh kort.

### Mussá o Esráiliáni názénk

**15** Gorhá Mussá o Esráilián pa Hodáwandá é názénk jat:

“Man Hodáwandá názénán,

chéá ke Hodáwand

pa shán o shawkat sóbén\* but.

Áiá asp o aspswár daryáyá chagal dátant.

<sup>2</sup> Hodáwand mani zór o wák o mani názénk ent.

Hodáwand pa man nejáté but.

Mani Hodá ent,

mana názénáni.

Mani petay Hodá ent o

man áiá satá o saná kanán.

<sup>3</sup> Hodáwand jang kanóké,

چپین نیمگا چو دیوالا اؤشتاتگ ات. <sup>23</sup> مسری گون پرونئے سچھین آسپ و آرابه و آرابه سواران تان دریائے نیاما آیانی رندا کپنتت. <sup>24</sup> شپئے چارمی پاسا هداوندا چه آس و جمبرئے منکئے تها مسرئے پئوج چارٓت و سربتگ و سرگردان کرت. <sup>25</sup> هداوندا آیانی آرابهانی پرگ\* گئیننتت که آرابهانی برگ په آیان گران بییت. مسریان گوشت: “بیایت چه اسرائیلیان تچین که هداوندا په آیانگی گون مسرا جنگا انت.” <sup>26</sup> هداوندا گون موسایا گوشت: “وتی دستا دریائے سرا شهار دئے که آپ مسری و آیانی آرابه و آرابه سوارانی سرا پر بلئیتت.” <sup>27</sup> موسایا وتی دست دریائے سرا شهار دات و چه بامگواها پیسر، هما وهدا که مسری چه آپا تچگا آنتت، دریا وتی جاگها آتک. اے پئیما هداوندا مسری دریایا چگل دانتت. <sup>28</sup> وهده پرونئے سچھین پئوجئے آرابه و آرابه سوار اسرائیلیانی رندا کپنتت و دریایا مانش دات، آپ پر ترت و آیی بگئیننتت. چه آیان یگے هم سر نئیاتک. <sup>29</sup> اسرائیلی دریائے تها، چه هُشک بوتگین راها گوشتت و آپ آیانی راست و چپین نیمگا چو دیوالا اؤشتاتگ ات.

<sup>30</sup> اے پئیما هداوندا آ روچی اسرائیل چه مسریانی دستا رکئنت و اسرائیلیان دیست که مسریانی جُون و جسد تئیاب دپا کپتگ آنت. <sup>31</sup> وهده اسرائیلیان هداوندئے زورمندین دست دیست که مسریانی هلاپا چستی کرتگ ات، چه هداوندا ترستش و هداوندئے جند و هداوندئے هزمتکار موسائے سرا باورش کرت.

### موسا و اسرائیلیانی نازینک

**15** گڑا موسا و اسرائیلیان په هداوندا اے نازینک جت:

“من هداوندا نازینان،

چینا که هداوند

په شان و شوکت سوینن\* بوت.

آییا آسپ و آسپ سوار دریایا چگل دانتت.

<sup>2</sup> هداوند منی زور و واک و منی نازینک انت.

هداوند په من نجاتے بوت.

منی هدا انت،

من نازینانی.

منی پتئے هدا انت و

من آییا ستا و سنا کنان.

<sup>3</sup> هداوند جنگ کنوکه،

14:25 Parrag, bezán chahr, chark.

15:1 Sóbén, bezán péróz, kámyáb.

25:14 پرگ، بزآن چهر، چرک.

1:15 سوینن، بزآن پیروز، کامیاب.

námi Yahweh\* ent.

<sup>4</sup>Perawney arrábah o lashkari daryáyá chagal dátant,  
Perawney sharterén apsar Sohrzerá bokketant.

<sup>5</sup>Johlén ápán andém kortant,  
á chó sengá johlánkiá ér bokketant.

<sup>6</sup>Oo Hodáwand! Tai rástén dast ajab zórmant at.  
Oo Hodáwand! Tai rástén dastá dozhmen shengént.

<sup>7</sup>Taw cha wati mazansháníá dozhmen sarshakun kortant.  
Taw wati hezhm ráh dát o  
tai hezhmay ásá dozhmen chó palára wártant.

<sup>8</sup>Cha tai pónzay damá  
áp sar pa sar but,  
tachókén áp chó diwálá mohr óshtátant.  
Johlén áp daryáyay gobbá\* badetant.

<sup>9</sup>Dozhmená gwasht:  
'Man eshání randá kapán o rasénánesh,  
máláni áwará\* bahra kanán o  
wati arwáhá sérápa kanán.  
Zahmá kasshán o  
mani dastesh tabáha kant.'

<sup>10</sup>Bale taw hopp kort o  
daryáyá á póshtant.  
Á chó sropá\* johlén ápán ér bokketant.

<sup>11</sup>Oo Hodáwand!  
Hodáyáni nyámá kay tai paymá ent?  
Kay tai paymá pákiá mazanshán ent?  
Tai porshánén kár satá karzant o  
taw hayrán kanókén kára kanay.

<sup>12</sup>Taw wati rástén dast shahár dát o  
zeminá dozhmen ér bortant.

<sup>13</sup>Taw pa mehr  
wati móketagén mahlukay rahbari kort o

نامی یهوه\* انت.

<sup>4</sup>پرئونئے آزابہ و لشکری دریایا چگل دانتت،  
پرئونئے شترین آپسر سهرزرا بکتنت.

<sup>5</sup>جھلین آپان اندیم کرتنت،  
آ چو سینگا جھلانکیا ایر بکتنت.  
<sup>6</sup>او هداوند! تئی راستین دست آجب زورمند ات.  
او هداوند! تئی راستین دستا دژمن شنگینت.

<sup>7</sup>تئو چه وتی مزن شانیا دژمن سرشکون کرتنت.  
تئو وتی هژم راه دات و  
تئی هژمئے آسا دژمن چو پلارا وارنتت.

<sup>8</sup>چه تئی پونزے دما  
آپ سر په سر بوت،  
تچوکین آپ چو دیوالا مهر اوشتانتت.  
جھلین آپ دریائے گبا\* بدتنت.  
<sup>9</sup>دژمنا گوشت:

'من اشانی زندا کپان و رسینانیش،  
مالانی آوارا\* بهر کنان و  
وتی ارواها سیراپ کنان.  
زهما کشان و  
منی دستش تباہ کنت.'

<sup>10</sup>بله تئو هپ کرت و  
دریایا آپوشنتت.  
آ چو سړپا\* جھلین آپان ایر بکتنت.  
<sup>11</sup>او هداوند!

هدایانی نیاما کئے تئی پیما انت؟  
کئے تئی پیما پاکیا مزن شان انت؟  
تئی پُرشانین کار ستا کرزنت و  
تئو هئیران کنوکین کار کئے.

<sup>12</sup>تئو وتی راستین دست شهار دات و  
زمینا دژمن ایر برتنت.

<sup>13</sup>تئو په مهر  
وتی موکتگین مهلوکئے رهبری کرت و

15:3 Yahweh, Ebráni zobána Hodáwanday nám ent. É labz cha "bayagay" labzá jórh butag. Pákén Ketábay géshter tarjomahán é labz "Hodáwand" kortag.

15:8 Daryáyay gobb, bezán daryáyay johlterén jágah.

15:9 Áwár, bezán jangay tahá lotth o pol kortagén mál o mardom.

15:10 Srop mádené ke wazni sakk báz ent. Pársiá "sorb" o Engréziá "lead" ent.

3:15 يهوه، إبرانی زبانا هداوندئے نام انت. اے لبز چه "بیگئے" لبا جوڑ بوتگ. پاکین کتابئے گیشتر ترجمهان اے لبز "هداوند" کرتگ.

8:15 دریائے گب، بزبان دریائے جھلترین جاگه.

9:15 آوار، بزبان جنگئے تھالٹ و پل کرتگین مال و مردم.

10:15 سرب مادنئے که ورنی سک باز انت. پارسیا "سرب" و انگریزا "lead" انت.

gón wati zór o wáká  
dém pa wati pákén bǎrgáhá  
áyáni rahshóni kort.

<sup>14</sup>Kawma eshkonant o larzant.

Bimmé Pilestiáay jahmenendáni delá kapit.

<sup>15</sup>Edumay sardára torsant.

Muábay zóráwaráni jáná draháge kapit o  
Kanhánay sajjahén jahmenend deltrakka bant.

<sup>16</sup>Bimm o dahshaté delá kapitesh.

Cha tai báskay zórmandiá  
á seng o syáha bant,  
tán hamá wahdá ke  
tai mahluk begwazit, oo Hodáwand,  
tán hamá wahdá ke  
tai móketagén mahluk begwazit.

<sup>17</sup>Oo Hodáwand, Taw wati mahluká

molká káray o  
wati mirásay kóhay sará nádénay,  
hamá jágahá ke taw pa wati nendagá  
addh kortag,  
hamá pákén jágah ke tai dastán tayár  
kortag, oo Hodáwand!

<sup>18</sup>Hodáwand abad tán abad hákemia kant.”

<sup>19</sup>Wahdé Perawnay asp o arrábah o aspswárán  
daryáyá mán dát, Hodáwandá daryáyá ap áyáni sará  
per gardént, bale Esráili daryáyá tahá, cha hoshk  
butagén ráhá gwastant.

### Maryamay názénk

<sup>20</sup>Paygambarén Maryam ke Hárúnay gohár at, áiá  
kanjarié\* zort o pád átk. Sajjahén janén kanjari janán  
o nách kanáná pád átkant gón. <sup>21</sup>Maryamá pa áyán  
názénk jat:

“Hodáwandá benázénét,

chéá ke Hodáwand

pa shán o shawkat sóbén but.

Áiá asp o aspswár daryáyá chagal dátant.”

گۆن وتی زۆر و واکا  
دیم په وتی پاکین بارگاها  
ایانی رهشونی کرت.  
<sup>14</sup> کئوم اشکننت و لرزنت.

بیمه پیلستیایه جهمنندانى دلا کپیت.  
<sup>15</sup> ادومئه سردار ترسنت.

موآبه زوراوانى جانا دَرهگه کپیت و  
کنهائى سجهين جهمند دلتَرگ بنت.

<sup>16</sup> بیم و دهشته دلا کپیتش.

چه تئیی باسکئه زورمندیا  
آ سینگ و سیاه بنت،

تان هما وهدا که

تئیی مهلوک بگوزیت، او هداوند،

تان هما وهدا که

تئیی موکتگین مهلوک بگوزیت.

<sup>17</sup> او هداوند، تئو وتی مهلوکا ملکا کارئه و

وتی میراسئه کوئه سرا نادینئه،

هما جاگها که تئو په وتی نندگا اَد کرتگ،

هما پاکین جاگه که تئیی دستان تئیار کرتگ، او هداوند!

<sup>18</sup> هداوند ابد تان ابد هاكمی كنت.”

<sup>19</sup> وهده پرتونئه اسپ و آزابه و اسپسواران دریایا مان دات،  
هداوندا دریایه آپ ایانی سرا پر گردینت، بله اسرائیلی دریایه  
تھا، چه هُشک بوتگین راها گوستنت.

### مریمه نازینک

<sup>20</sup> پیئگمبرین مریم که هارونئ گهار ات، اییا کنجریه\* زرت  
و پاد آتک. سجهين جنين کنجری جنان و ناچ کنانا پاد آتکنت  
گۆن. <sup>21</sup> مریمه په ایان نازینک جت:

“هداوندا بنازینیت،

چیا که هداوند

په شان و شوکت سوین بوت.

اییا اسپ و اسپسوار دریایا چگل داتنت.”

## Sórén ápay wassh kanag

<sup>22</sup> Gorhá Mussáyá Esráiliáni rahshóni kort. Á cha Sohrzeray tayábá pád átk o Shuray gyábáná shotant. Tán say róchá gyábáná saparesh kort bale hecch ápesh nadist. <sup>23</sup> Wahdé Márahá sar butant, Márahay ápesh wárt nakort ke sór at. Paméshká ájágahay nám Márah\* but. <sup>24</sup> Mahluká Mussáyá sará norondhet o gwasht: “Ché bwarén?” <sup>25</sup> Mussáyá Hodáwanday kerrá peryát kort o Hodáwandá Mussá dári thokkoré pésh dásht. Mussáyá dár ápá dawr dát o áp shirken but.

Ódá Hodáwandá pa mahluká hokm o parmáné gishént o mahluki chakkáset. <sup>26</sup> Hodáwandá gwasht: “Agan taw pa delgósh wati Hodáwandén Hodáay tawará gósh bedáray o hamá kárán bekanay ke áiy chammán sharr ant, agan áiy hokmán delgósh bekanay o áiy sajjahén parmánán bemannay, hecch choshén nádráhié tai sará nayárán ke man Mesriáni sará áwort, chéá ke mane Hodáwand tai dráh kanók án.”

<sup>27</sup> Á Élimá átkant. Élimá ápay dwázdah chammag o haptád bon macch hastat. Ódá ápay kerrá ordesh kort.

## Cha ásmáná warákay ér áyag

**16** Sajjahén Esráili mahluk cha Élimá rahádag but. Cha Mesrá dar kapagá rand, domi máhay pánzdahomi róchá Sinay gyábáná sar butant. Sin, Élim o Sináay nyámá ent. <sup>2</sup> Gyábáná, Esráilay sajjahén mahluk Mussá o Hárúnay sará norondhagá lagget. <sup>3</sup> Esráilián gwasht: “Drégatá\* má Mesrá Hodáwanday dastá bemorténén. Ódá wa má góshay dégáni kerrá neshtagatén o delay sérá nána wárt. Bale shomá mára é gyábáná áwort ke é sajjahén mahluká cha shodá bekoshét.” <sup>4</sup> Hodáwandá gón Mussáyá gwasht: “Bechár, man cha ásmáná pa shomá nagana gwárenán. Mahluk har róch dhanná dar byayt o wati hamá róchay kesásá nagan mocch bekant o bezurit. É paymá áyána chakkásán ke bárén mani Sharyatay ráhá rawant yá na. <sup>5</sup> Wati shashomi róchay naganán ke kárant o tayára kanant, báyard ent cha pésari har yakk róchéay naganán do sari\* bebant.”

15:23 Márah, bezán tahl, zahr, chizzé ke cha sóriá tahl bebit.

15:25 Chakkásag, bezán ázmáesh kanag, emtehán gerag.

16:3 Drégatá, bezán drégatén, dréché. Pársi o Orduá “kash”.

16:5 Do sari, bezán do barábar, do randá, do haminchok.

## سوڙين آڀي وڻ ڪنگ

<sup>22</sup> گڙا موسايا اسرائيليانى رهشوني ڪرت. آچه سهرزري تيبابا پاد آتڪ و شورئى گيابانا شنتت. تان سئى روچا گيابانا سپرش ڪرت بله هچ آڀش نديست. <sup>23</sup> وهده مارها سر بوتنت، مارهئى آڀش وارت نڪرت كه سور ات. پميشڪا آ جاگهئى نام ماره\* بوت. <sup>24</sup> مهلوڪا موسائى سرا نرنڌت و گوشت: “چه بورين؟” <sup>25</sup> موسايا هداوندئى ڪرا پريات ڪرت و هداوندا موسا داري ٿڪرے پيش داشت. موسايا دار آيا دتور دات و آپ شيرڪن بوت. اودا هداوندا په مهلوڪا هڪم و پرماني گيشينت و مهلوڪي چڪاست. <sup>26</sup> هداوندا گوشت: “اگن تنو په دلگوش وتي هداوندين هداي توارا گوش بدارئى و هما کاران بکنئى كه آيئى چمان شر انت، اگن آيئى هڪمان دلگوش بکنئى و آيئى سجهين پرماني بمتئى، هچ چشين نادراهي تئي سرا ننياران كه من مسرياني سرا آورت، چيا كه من هداوند تئي ذراه ڪنوڪ ان.” <sup>27</sup> آ ايليما آتڪنت. ايليما آڀي دوازه چمگ و هيتاد بن مچ هستات. اودا آڀي ڪرا اردش ڪرت.

## چه آسمانا وراڪي اڀر آيگ

**16** سجهين اسرائيلى مهلوڪ چه ايليما رهاڊگ بوت. چه مسرا در ڪپگا رند، دومى ماهئى پانزدهمى روچا سينئى گيابانا سر بوتنت. سين، ايليم و سينائى نياما انت. <sup>2</sup> گيابانا، اسرائيلئى سجهين مهلوڪ موسا و هارونئى سرا نرنڊگا لگت. <sup>3</sup> اسرائيليان گوشت: “دريگتا\* ما مسرا هداوندئى دستا بمرتينين. اودا وه ما گوشتئى ديگاني ڪرا نشتگ آتين و دلئى سيرا نان وارت. بله شما مارا اے گيابانا آورت كه اے سجهين مهلوڪا چه شدا بکشيت.” <sup>4</sup> هداوندا گون موسايا گوشت: “بچار، من چه آسمانا په شما ننگن گوارينان. مهلوڪ هر روچ دنّا در بيثيت و وتي هما روچئى ڪساسا ننگن مچ بڪنت و بزوريت. اے پئمي آيان چڪاسان كه بارين منى شريتئى راها رئونت يا نه. <sup>5</sup> وتي ششمى روچئى ننگان كه ڪارنت و تتيار ڪنت، بايد انت چه پيسرى هر يگ روچئى ننگان دو سري\* ببت.”

23:15 ماره، بزانتهل، زهر، چيزے كه چه سوريا تهل بيت.

25:15 چڪاسگ، بزانتلاش ڪنگ، امتهان گرگ.

3:16 دريگتا، بزانتلاش، دريچا، پارسي و اردو “كاش”.

5:16 دو سري، بزانتو برابر، دورندا، دو همينچڪ.

<sup>6</sup> Mussá o Hárúná gón sajjahén Esráilián gwasht: “Maróchi bégáhá shomá zánét ke cha Mesrá shomay dar kanók Hodáwand at o <sup>7</sup> bándá sohbá shomá Hodáwanday shán o shawkatá gendét. Chéá ke shomá Hodáwanday sará norondhetag o áiá eshkotagant. Má ché én ke shomá may sará benorondhét?” <sup>8</sup> Mussáyá gwasht: “Hodáwand shomárá pa waragá bégáhá gósht o sohbá nagana dant, lápay sérá, chéá ke Hodáwandá shomay hamá norondhag eshkotagant ke shomá áiy sará kortagant. Má ché én? Shomá may sará norondhagá naét, Hodáwanday sará norondhagá ét.” <sup>9</sup> Mussáyá gón Hárúná gwasht: “Sajjahén Esráili mahluká begwash: ‘Hodáwanday bárgáhá byáét. Chéá ke shomay norondhagi eshkotagant.’”

<sup>10</sup> Chó but ke wahdé Hárún gón sajjahén Esráili mahluká habará at, áyán gyábánay némagá cháret o Hodáwanday shán o shawkatesh dist ke jambaray tahá záher at. <sup>11</sup> Hodáwandá gón Mussáyá gwasht: <sup>12</sup> “Man Esráiliáni norondhag eshkotagant. Áyán begwash: ‘Bégáhá gósht o sohbá nagana warét, lápay sérá. Gorhá shomá zánét ke man Hodáwand án, shomay Hodá.’”

<sup>13</sup> Chó but ke bégáhá nekólén\* morg átkant o ordgáhesh sarpósh kort o sohbá nóday láé\* sajjahén ordgáhay chapp o chágérdá ér nesht. <sup>14</sup> Wahdé nóday lá gár but, zeminá názorkén kochalay\* paymén chizzé dará but, barpay pozzhokay paymén. <sup>15</sup> Wahdé Esráilián dist, gón yakdegará gwashtesh: “É chéé?” Chéá ke áyán nazánt é chéé. Mussáyá gwasht: “É hamá nagan ent ke Hodáwandá shomárá pa waragá dátag. <sup>16</sup> Hodáwanday dátagén hokm esh ent: ‘Haminchok ke warét, haminchok bezurét. Pa wati gedánay har mardoméá yakk oméréay\* kesásá bezurét.’”

<sup>17</sup> Esráilián nagan zort, bale lahténá géshter zort o lahténá kamter. <sup>18</sup> Wahdé oméray hesábá kaylesh kortant,\* distesh ke á kasá ke gésh zortag, warák pa áiá géshén naant o á kasá ke kamm zortag, pa áiá kamm naant. Harkasá wati lápay kesásá zortagat. <sup>19</sup> Mussáyá gón áyán gwasht: “Kass tán sohbá cha é warákán hecch ér makant.” <sup>20</sup> Bale lahténá Mussáyay habar gósh nadásht. Áyán cha é warákán chizzé tán

**16:13** Nekól morgé ke Pársiá “belderchin” o Engréziá “quail” gwashanti.

**16:13** Lá, bezán láyah, teh, pósh, Engréziá “layer”.

**16:14** Kochal, bezán sahdár yá drachk o dáráy hoshk butagén póst ke thokkor thokkora bit o kapit.

**16:16** Omér Ebrániáni kayl kanagay kyásé. Yakk oméré kamm o gésh do sér ent.

**16:18** Kayl kanag, kesás kanag, chizzéay wazn yá kadday pakká kanag.

<sup>6</sup> موسا و هارونا گون سجهين اسرائيليان گوشت: “مروچی بيگاها شما زانيت که چه مسرا شمئے در کنوک هداوند ات و <sup>7</sup> باندا سُهبا شما هداوندئے شان و شوکتا گنديت. چينا که شما هداوندئے سرا نُرندتگ و آييا اشکتگ انت. ما چے اين که شما مئے سرا بُرندتگ؟” <sup>8</sup> موسايا گوشت: “هداوند شمارا په ورگا بيگاها گوشت و سُهبا نغن دنت، لاپئے سيرا، چينا که هداوندا شمئے هما نُرندگ اشکتگ انت که شما آيئے سرا کرتگ انت. ما چے اين؟ شما مئے سرا نُرندگا نه ايت، هداوندئے سرا نُرندگا ايت.” <sup>9</sup> موسايا گون هارونا گوشت: “سجهين اسرائيلی مهلوکا بگوش: ‘هداوندئے بارگاها بيانيت. چينا که شمئے نُرندگی اشکتگ انت.’”

<sup>10</sup> چو بوت که وهده هارون گون سجهين اسرائيلی مهلوکا هبرا ات، آيان گيابانئے نيمگا چارت و هداوندئے شان و شوکتش ديست که جمبرئے تنها زاهر ات. <sup>11</sup> هداوندا گون موسايا گوشت: <sup>12</sup> “من اسرائيليانی نُرندگ اشکتگ انت. آيان بگوش: ‘بيگاها گوشت و سُهبا نغن وريت، لاپئے سيرا. گزا شما زانيت که من هداوند آن، شمئے هدا.’”

<sup>13</sup> چو بوت که بيگاها نکولين\* مرگ اتکنت و اردگاهش سرپوش کرت و سُهبا نوڊئے لاي\* سجهين اردگاهئے چپ و چاگردا اير نشت. <sup>14</sup> وهده نوڊئے لا گار بوت، زمينا نازرکين کچلئے\* پئيمين چيزے درا بوت، بريئے پزکئے پئيمين. <sup>15</sup> وهده اسرائيليان ديست، گون يكدگرا گوشتش: “اي چيئے؟” چينا که آيان نزانت اي چيئے. موسايا گوشت: “اي هما نغن انت که هداوندا شمارا په ورگا داتگ. <sup>16</sup> هداوندئے داتگين هکم اش انت: ‘همينچک که وريت، همينچک بزوريت. په وتي گدانئے هر مردميآ يک اميرئے\* کساسا بزوريت.’”

<sup>17</sup> اسرائيليان نغن زرت، بله لهتينا گيشتر زرت و لهتينا کمتر. <sup>18</sup> وهده اميرئے حسابا کئيلش کرتنت،\* ديستش که آ کسا که گيش زرتگ، وراک په آييا گيشين نه انت و آ کسا که کم زرتگ، په آييا کم نه انت. هرکسا وتي لاپئے کساسا زرتگ انت. <sup>19</sup> موسايا گون آيان گوشت: “کس تان سُهبا چه اي وراکان هچ اير مکننت.” <sup>20</sup> بله لهتينا موسائے هبر گوش نداشت. آيان چه

**13:16** نکول مُرگے که پارسيا “بلدرچين” و انگريزيا “quail” گوشتی.

**13:16** لا، بزآن لايه، ته، تل، پوش، انگريزيا. “layer”

**14:16** کچل، بزآن سهدار يا درچک و دارئے هُشک بوتگين پوست که نُگر نُگر بيت و کبيت.

**16:16** امير ايرانيانی کئيل کنگئے کياسے. يک اميرے کم و گيش دو سير انت.

**18:16** کئيل کنگ، کساس کنگ، چيزئے وزن يا کڊئے پکا کنگ.

sohbá wati kerrá ér kort, bale é warák kerm kapt o bó kanagá laggetant. Gorhá Mussá áyáni sará zahr gept.

<sup>21</sup> Har sohb mardomán wati lápay kesásá zort, róch ke tronda but, pasht kaptagén kochal ápa butant. <sup>22</sup> Har shashomi róchá áyán do sari waráka zort, bezán pa har mardoméá do omér. Mahlukay sajjahén sarók Mussáyá kerrá átkant o Mussáesh hál dát. <sup>23</sup> Mussáyá gón áyán gwasht: “Hodáwandá chó gwashtag: ‘Bándá Shabbatay\* róch ent, Hodáwanday gishshéntagén pákén róch ent, pa árám kanagá. Shomará harché ke pachagi ent, maróchi bepachét o harché ke lahrh dayagi ent, maróchi lahrh dayét. Harché ke sara kayt, pa bándátigén róchá éresh kanét.”

<sup>24</sup> Hamá paymá ke Mussáyá gwashtagat, mardomán sar átkagén warák pa bándátigén róchá éra kortant. É warákán na bóa kort o na kerma kaptant. <sup>25</sup> Mussáyá gwasht: “Maróchi eshán bwarét chéá ke maróchigén róch pa Hodáwandá Shabbaté. Maróchi é warák zeminá ér áraga nabit. <sup>26</sup> Shash róchá mocch kanét o bezurét, bale haptomi róchá, bezán Shabbatay róchá hecch nést.”

<sup>27</sup> Haptomi róchá lahtén mardom dar átk ke rawén o nagan moccha kanén, bale hecchesh nadist. <sup>28</sup> Hodáwandá gón Mussáyá gwasht: “Tán kadéná sará tába dayét o mani hokm o sar o sójána nazurét? <sup>29</sup> Bechárét, mane Hodáwandá shomará Shabbatay róch baksháttag. Paméshká shashomi róchá shomará do róchay naganá dayán. Haptomi róchá shomá har jágahá ét, hamódá bebét. Haptomi róchá kass cha wati jágahá dar mayayt.” <sup>30</sup> Gorhá mahluká haptomi róchá árám kort.

<sup>31</sup> Esráilián é naganay nám “mann\*” kort. É gehnichay\* tohmay paymén atant, espétchak atant o támesh chó bénagi naganá at. <sup>32</sup> Mussáyá gwasht: “Hodáwanday hokm esh ent: ‘Yakk purahén oméré mann pa wati áyókén nasl o padréchán\* ér kanét, ke á hamá naganá begendant ke man gyábáná shomará wárént, hamá wahdá ke man shomará cha Mesrá dar kort o áwort.” <sup>33</sup> Mussáyá gón Hárúná gwasht: “Darpé bezur o yakk oméré manni mán kan o Hodáwanday bágahá éri kan ke pa shomay áyókén nasl o padréchán ér bebit.” <sup>34</sup> Hamá paymá ke Hodáwandá Mussá hokm

dáttagat, Hárúná é darp sháhediay wánekaní\* démá

16:23 Shabbat, Esráiliáni haptagay haptomi róch ent. Shabbatay máná ent dam kanag, árám kanag.

16:31 Ebráni zobáná “mannay” máná ent “é chéé?” Bechár band 15.

16:31 Gehnich sabzagé ke Orduá “dhaniah” o Pársiá “geshniza” gwashanti.

16:32 Padréch, bezán nasl, chokk o óbádag.

16:34 Wánekaní, bezán mazanén patanén seng, wánag. Sháhediay wánekaní sará Hodáay dahén parmán nebeshtah atant.

اے وراکان چیڑے تان سُهبا وتی کڑا ایر کرت، بله اے وراک کرم کپت و بو کنگا لگنتت. گڑا موسا آیانی سرا زهر گپت.

<sup>21</sup> هر سُهب مردمان وتی لاپئے کساسا زرت، رۆچ که تَرُند بوت، پَشْت کپتگین کُچل آپ بوتنت. <sup>22</sup> هر شَشُمی رۆچا آیان دو سَری وراک زرت، بزآن په هر مردمیا دو اُمیر. مهلوکئے سَجَهین سرۆک موسائے کَرَا آتکنت و موسااش هال دات. <sup>23</sup> موسایا گون آیان گوشت: “هُداوندا چو گوشتگ: ‘بَندا شَبَتئے\* رۆچ انت، هُداوندئے گیشیتگین پاکین رۆچ انت، په آرام کنگا. شمارا هرچه که پَجگی انت، مروچی بیچیت و هرچه که لهژ دئیگی انت، مروچی لهژ دئییت. هرچه که سر کئیت، په بانداتیگین رۆچا ایرش کئیت.”

<sup>24</sup> هما پئیمَا که موسایا گوشتگ آت، مردمان سر آتکگین وراک په بانداتیگین رۆچا ایر کرتنت. اے وراکان نه بو کرت و نه کرم کپتنت. <sup>25</sup> موسایا گوشت: “مروچی اشان بوریت چیا که مروچگین رۆچ په هُداوندا شَبَتئے. مروچی اے وراک زمینا ایر آرگ نبیت. <sup>26</sup> شش رۆچا مُچ کئیت و بزوریت، بله هپتمی رۆچا، بزآن شَبَتئے رۆچا هچ نیست.”

<sup>27</sup> هپتمی رۆچا لهتین مردم در آتک که رتوین و ننگ مُچ کئین، بله هچش ندیست. <sup>28</sup> هُداوندا گون موسایا گوشت: “تان کدینا سرا تاب دئییت و منی هُکم و سر و سوجان نزوریت؟ <sup>29</sup> بچاریت، من هُداوندا شمارا شَبَتئے رۆچ بکشاتگ. پمیشکا شَشُمی رۆچا شمارا دو رۆچئے نگنا دئیان. هپتمی رۆچا شما هر جاگها ایت، همودا بییت. هپتمی رۆچا کس چه وتی جاگها در مئئیت.” <sup>30</sup> گڑا مهلوکا هپتمی رۆچا آرام کرت.

<sup>31</sup> اسرائیلیان اے ننگئے نام “مَن” کرت. اے گهنیچئے\* تهمئے پئیمین آنت، اسپیت چک آنت و تامش چو بینگی نگنا ات. <sup>32</sup> موسایا گوشت: “هُداوندئے هُکم اش انت: ‘یک پورهین اُمیرے مَن په وتی آیوکین نسل و پدریچان\* ایر کئیت، که آ هما نگنا بگندنت که من گیابانا شمارا وارینت، هما وهدا که من شمارا چه مسرا در کرت و آورت.” <sup>33</sup> موسایا گون هارونا گوشت: “دَرپے بزور و یک اُمیرے مَنی مان کن و هُداوندئے بارگاها ایری کن که په شمئے آیوکین نسل و پدریچان ایر بییت.” <sup>34</sup> هما پئیمَا که هُداوندا موسا هُکم داتگ آت، هارونا اے دَرپ شاهدیئے وانکانی\* دیمَا ایر کرت که پهازگ\* بییت.

23:16 شَبَت، اسرائیلیانی هپتگئے هپتمی رۆچ انت. شَبَتئے مانا انت دم کنگ، آرام کنگ.

31:16 ایرانی ژبانا “مَنئے” مانا انت “اے چنئے؟” بچار بند 15.

31:16 گهنیچ سبزگے که اردوا “دهنيه” و پارسيا “گشنيز” گوشتتی.

32:16 پدریچ، بزآن نسل، چُک و اؤبادگ.

dátogat, Hárúná é darp sháhediay wánekaní\* démá ér kort ke paházag\* bebit. <sup>35</sup> Esráilián tán chell sálá manna wárt, bezán tán hamá wahdá ke ábádén molkéá sar butant. Tán hamá wahdá ke Kanhánay simsará rasetant, mannesha wárt. <sup>36</sup> Yakk oméré épahay\* dahyakk ent.

### Cha talára ápay dar áyag

**17** Hamá paymá ke Hodáwandá hokm dátogat, sajjahén Esráili mahluk cha Sinay gyábáná rahádag but o dárán o rawáná shot o Repidimá ordi kort, bale ódááp néstat kemardom bwarant. <sup>2</sup> Mardom gón Mussáyá arhetant, gwashtesh: “Márá áp beday ke bwarén.” Mussáyá gwasht: “Chéa gón man arhagá ét? Chéa Hodáwandá chakkásét?” <sup>3</sup> Bale mardom ódá tonnig atant, áyán Mussáyá sará norondhet o gwasht: “Taw chéa márá cha Mesrá dar kort o áwort? Ke márá o may chokkán o mál o dalwatán cha tonná bekoshay?” <sup>4</sup> Mussáyá Hodáwanday kerrá peryát kort o gwasht: “É mahluká chón bekanán? É wa pa mani sengsár kanagá óshtátogat.” <sup>5</sup> Hodáwandá gón Mussáyá gwasht: “Esráilay lahtén kamásh hamráh kan o cha mahlukay démá gwazán kan. Hamá asá ke taw gón áiá Nillay kawr jat, áiá dastá kan o beraw. <sup>6</sup> Bechár, ódá Horéba tai démá man talaréay\* sará óshtán. Gón asáyá talára bejan, pa mahluká waragi áp dara kayt.” Gorhá Mussáyá Esráilay kamásháni chammáni démá anchosh kort. <sup>7</sup> Áiá á jághay nám Massah\* o Meribah\* kort, chéa ke ódá Esráili arhetant o Hodáwandesh ham chakkásét o gwashtesh: “Bárén Hodáwand gón má gón ent yá na?”

### Amálikáni prósh

<sup>8</sup> Amáliki átkant o Repidimá gón Esráilián jangesh kort. <sup>9</sup> Mussáyá gón Yusháyá gwasht: “Lahtén mard gechén kan o beraw, gón Amálikián jang kan. Bándá man Hodáay asáyá dastá kanán o jompay sará óshtán.” <sup>10</sup> Yusháyá hamá paymá kort ke Mussáyá gwashtagat o gón Amálikián jangi kort. Mussá o Hárún o Ahur jompá sar kaptant. <sup>11</sup> Har wahdá ke Mussáyá dast

**16:34** Wánekaní, bezán mazanén patanén seng, wánag. Sháhediay wánekaní sará Hodáay dahén parmán nebeshtah atant.

**16:34** Paházag, bezán sambálag, pahrézag.

**16:36** Épah Ebrániáni kayl kanagay kyásé. Yakk épahé kamm o gésh bist sér ent.

**17:6** Talár, bezán mohr o mazanén seng, sengén kóhi thokkor.

**17:7** Massah, Ebráni zobáná Massahay máná ent “chakkásag”.

**17:7** Meribah, Ebráni zobáná Meribahay máná ent “arh o korh kanag, arhag”.

<sup>35</sup> Esráiliyan tán chl salá man wárt, bzan tán hma wgha ke ábádin mlkya sr botnt. tán hma wgha ke kñhanté simsra rstnt, mñsh wárt. <sup>36</sup> yk amíre ábhé\* dhýk ant.

### چه تلارا آپے در آيگ

**17** hma pñma ke hdawnda hkm datgát, sbhñn isráily mhlk ch sñnē gyabana rhdag bot w darán w rwanash w rpidyma úrdy krt, blh áda ap nýstát ke mrdm bwrnt. <sup>2</sup> mrdm gwn musaya áznt, goshthsh: “mara ap bdē ke bwrñ.” musaya goshth: “chya gwn mn azga áit? chya hdawnda chkasít?” <sup>3</sup> blh mrdm áda tñtg ánt, áyan musayē sra nrdnt w goshth: “tñ chya mara ch msra dr krt w áort? ke mara w mē chkan w mal w dlwtan ch tñ bkshē?” <sup>4</sup> musaya hdawndē krá pryat krt w goshth: “á mhluka chñ bkanan? á wē ph mny sngsar kngá ázshatg ant.” <sup>5</sup> hdawnda gwn musaya goshth: “isráilyē lhtñn kmash hmrah kn w ch mhlukē dñma gwan kn. hma asa ke tñ gwn áya nilyē kthor jt, áya dsta kn w brñ. <sup>6</sup> bchar, áda hrbya tñy dñma mn tlaryē sra ázshatn. gwn asaya tlara bcn, ph mhluka wrgy ap dr kñt.” <sup>7</sup> áya á jaghē isráilyē kmashani chmani dñma anchsh krt. <sup>8</sup> áya á jaghē nam msē w mrybh\* krt, chya ke áda isráily áznt w hdawndsh hm chkast w goshthsh: “barñ hdawnd gwn ma gwn ant ya nē?”

### Amálikáni prósh

<sup>8</sup> Amáliki átknt w rpidyma gwn isráilyan jngsh krt. <sup>9</sup> musaya gwn yushaya goshth: “lhtñn mrd gchñ kn w brñ, gwn Amálikiyan jng kn. banda mn hdayē asaya dsta knan w jmpē sra ázshatn.” <sup>10</sup> yushaya hma pñma krt ke musaya

**34:16** wánk, bzan mznñn pññn sng, wánk. shahdyē wnkani sra hdayē dhñn prman nbshnt antnt.

**34:16** pñzag, bzan smbalg, pñryzg.

**36:16** áyē íbraniáni kñil kngtē kyásē. yk ábhē km w gñsh byst sýr ant.

**6:17** tlara, bzan mhr w mznñn sng, sngñn kwhi tkr.

**7:17** msē, íbrani zabana mshtē mana ant “chkasg”.

**7:17** mrybh, íbrani zabana mrybhē mana ant “az w kr kng, azg”.



chesta kortant, Esráili báládsta butant o har wahdá ke wati dasti jahla kortant, Amálikí báládsta butant. <sup>12</sup>Mussáy dastán dam bort. Hárún o Ahurá sengé áwort o áiy chérá dát. Mussá sengay sará nesht. Áyán Mussáy dast gept o borz dáshtant, yakkéá rástén dast o domiá chappén dast. É paymá Mussáy dast tán rónenday wahdá jahl nakaptant o <sup>13</sup>Yusháyá Amálikí pawj pa zahm prósh dát.

<sup>14</sup>Hodáwandá gón Mussáyá gwasht: “É kessahá ketábéá nebeshtah kan ke shamóshag mabit. Ékessahá Yusháyá kerrá byár. Chéá ke man Amálikay nám o nesháná cha jaháná sarjamiá gára kanán.” <sup>15</sup>Mussáyá korbánjáhé addh kort o áiy námi kort “Hodáwand mani bayrak\* ent”. <sup>16</sup>Gwashti: “Maná Hodáwanday bádsháhi tahtay sawgend ent ke Hodáwand nasláni nasl gón Amálikíán janga kant.”

#### Yatrunay sar o sój

**18** Midyánay dini péshwá Yatrun ke Mussáyá janay pet at, hamá sajjahén káráni bárawá sahg but ke Hodáyá pa Mussá o áiy mahluk Esráilá kortagatant, bezán Hodáwandá chón Esráili cha Mesrá dar kort o áwortant. <sup>2-3</sup>Mussáyá wati jan Sapurah petay lógárah dátagat. Nun Yatruná Mussáyá jan o áiy doén mardénchokk zortant o ráh gept. Yakk chokkéay nám Gayrshám\* at, chéá ke Mussáyá gwashtagat ke man darmolká darámadé án. <sup>4</sup>Domi chokkay nám Élizer\* at, chéá ke Mussáyá gwashtagat ke mani petay Hodá mani madatkár butag o maná cha Perawnay zahmá rakkéntagi.

<sup>5</sup>Mussáyá nákó Yatrun gón Mussáyá jan o chokkán gyábáná, Hodáay kóhá shot, hamódá ke Mussáyá ord kortagat. <sup>6</sup>Yatruná pa Mussáyá paygám ráh dát: “Mane Yatrun tai nákó, tai jan o doén chokkáni hamráhiá tai kerrá pédák án.” <sup>7</sup>Mussá pa wati nákóay péshwázíá dar átk, pa adab sari jahl kort o nákói chokket. Yakdomiay hálporsiesh kort o gedáná potertant. <sup>8</sup>Hodáwandá Esráilíáni háterá gón Perawn o Mesrián harché ke kortagat, Mussáyá á sajjahén habar gón wati nákóá kortant. Ráhay sajjahén sakki o sóriáni bárawá ham habari kort o gwashti ke Hodáwandá chón mára rakkéntag. <sup>9</sup>Yatrun á sajjahén sharrén káráni sará gal but ke Hodáwandá pa Esráilíán

goštigát w gón Amálikíyan جنگی کرت. موسا و هارون و آهور جُمپا سر كپنتت. <sup>11</sup> هر وهدا كه موسایا دست چست كرتنت، اسرایلی بالا دست بوتنت و هر وهدا كه وتی دستی جهل كرتنت، أمالیکی بالا دست بوتنت. <sup>12</sup> موسائے دستان دم برت. هارون و آهورا سنگے آورت و آییئے چیزا دات. موسا سنگے سرا نشت. آبان موسائے دست گپت و بُرز داشتنت، یگیا راستین دست و دویمیا چپین دست. اے پئیمیا موسائے دست تان روئندئے وهدا جهل نكپنتت و <sup>13</sup> یوشایا أمالیکی پئوج په زهم پرؤش دات.

<sup>14</sup> هداوندا گون موسایا گوشت: “اے كسها كتابیا نبشته كن كه شَموشگ مبيت. اے كسها یوشائے كرا بیار. چیا كه من أمالیكئے نام و نشانا چه جهانا سرجمیا گار كنان.” <sup>15</sup> موسایا كُربانجابه اذ كرت و آییئے نامی كرت “هداوند منی بئیرك\* انت”. <sup>16</sup> گوشتی: “منا هداوندئے بادشاهی تهتئے سوگند انت كه هداوند نسلانی نسل گون أمالیکیان جنگ كنت.”

#### یترونئے سر و سوج

**18** میدیائے دینی پیشوا یترون که موسائے جنئے پت ات، هما سجهین کارانی بارئوا سهیگ بوت که هدايا په موسا و آییئے مهلوک اسرایلا کرتگ انتت، بزآن هداوندا چون اسرایلی چه مسرا در کرت و آورتنت. <sup>2-3</sup> موسایا وتی جن سپوره پتئے لوگا راه داتگ ات. نون یترونا موسائے جن و آییئے دوین مردین چک زرتنت و راه گپت. یگ چکئیئے نام گئیرشام\* ات، چیا که موسایا گوشتگ ات که من درملکا درامدے آن. <sup>4</sup> دومی چکئے نام ایلیزر\* ات، چیا که موسایا گوشتگ ات که منی پتئے هدا منی مدتکار بوتگ و منا چه پرونئے زهما رکینتگی.

<sup>5</sup> موسائے ناکو یترون گون موسائے جن و چگان گیابانا، هدائے کوها شت، همودا که موسایا ارد کرتگ ات. <sup>6</sup> یترونا په موسایا پییگام راه دات: “من یترون تئی ناکو، تئی جن و دوین چگانی همراهیا تئی کرا پیداک آن.” <sup>7</sup> موسا په وتی ناکوئے پیشوازیا در آتک، په ادب سری جهل کرت و ناکویی چکت. یکدومیئے هالپرسی اش کرت و گدانا پترنت. <sup>8</sup> هداوندا اسرایلیانی هاترا گون پرون و مسریان هرچه که کرتگ ات، موسایا آ سجهین هبر گون وتی ناکوا کرتنت. راهئے سجهین سگی و سوریانی بارئوا هم هبری کرت و گوشتی که هداوندا چون مارا رکینتگ. <sup>9</sup> یترون آسجهین شریں کارانی سرا گل بوت

17:15 Bayrak, bezán parcham, jandhi, alam.

18:2-3 Gayrshámay máná ent: “Á, ódá darámadé”.

18:4 Élizeray máná ent “mani Hodá madat kanóké”.

15:17 بئیرك، بزآن پرچم، جندى، آلم.

3-2:18 گئیرشامئے مانا انت: “آ، اژدا درامدے”.

4:18 ایلیزرئے مانا انت “منی هدا مدت کنوکه”.

hamá wahdá kortagatant ke Esráilii cha Mesrián rakkéntant.

<sup>10</sup> Yatruná gwasht: “Hodáwandá satá bát ke shomárá cha Perawn o Mesriáni dastá rakkéntagi o kawmi cha Mesriáni zolmá neját dátag. <sup>11</sup> Nun mana zánán ke Hodáwand cha á dega sajjahén Hodáyán master ent. Chéá ke wati mahluki cha gorunákén Mesriáni zolm o zórakián rakként.” <sup>12</sup> Mussáy náko Yatruná pa Hodáyá sóchagi o dega korbánig pésh kort. Hárún o Esráilay sajjahén kamásh átkant ke Hodáyá bargáhá gón Mussáy nákoá nán bwarant.

<sup>13</sup> Chó but ke domi róchá Mussá pa mahlukay dádrasiá nesht. Mardomsohbá tán bégáhá áiy chappo chágerdá óshtátagatant. <sup>14</sup> Mussá pa mahluká harché ke kanagá at, nákoá dist. Gwashti: “É che káré ke taw pa mahluká kanagá ay? Tahná taw chéá neshtagay o dádrasi kanagá ay o é dega sajjahén mardom sohbá tán bégáhá tai chapp o chágerdá óshtátagant?”

<sup>15</sup> Mussáyá gón wati nákoá gwasht: “É wástá ke mardom Hodáyay razáy shóhazá mani kerrá káyant. <sup>16</sup> Wahdé jérhahé bitesh, é mani kerrá káyant o man doén némagay mardománi paysalahá kanán o Hodáyay parmán o sar o sójánesh sara kanán.”

<sup>17</sup> Mussáy nákoá gwasht: “Taw sharrén káré kanagá naay. <sup>18</sup> Shomá dama barét, tai jend o é mahluk ke tai hamráh ent, shomá sajjahén dama barét. É kár pa taw sakk grán ent. Taw é kárá tahná korta nakanay. <sup>19</sup> Nun mani habará gósh dár, tará sójé dayán. Hodá gón taw gón bát. Taw Hodáyay démá mahlukay nomáendah bay o eshání jerhahán Hodáyay kerrá bebar. <sup>20</sup> Hodáyay hokm o parmánán eshán sar kan o hamá ráhánesh pésh dár ke é berawant o hamá káránesh sój day ke é bekanant. <sup>21</sup> Cha sajjahén mahlukay nyámá budnákén mardom gechén kan, hamá ke Hodátors o porehtebár ant o cha nárawáén páedagá naprata kanant. Mahluká hazár hazár, sad sad, panjáh panjáh o dah dahá bahr kan o cha é mardomán har yakké, yakk thóliéay master kan. <sup>22</sup> É mardom modám mahlukay dádrasiá bekanant. Mazanén jerhahán tai kerrá byárant, bale kasánén jérhaháni dádrasiá wat bekanant. É paymá tai bár sobaktera bit o á tai hamkópaga bant. <sup>23</sup> Agan Hodá tará beparmáit o taw anchó bekanay, gorhá é bárá zorta kanay o sajjahén mardom pa salámati o émeni wati lógána rawant.”

<sup>24</sup> Mussáyá wati nákoá habar gósh dáshtant o har káré ke nákoá gwashtagat, korti. <sup>25</sup> Cha sajjahén Esráilá budnákén mardomi gechén kort o mahlukay sar o master kortant ke hazár hazár, sad sad,

ke hudaonda pe israibilian hema wehda krtg antnt ke asraibili ay che msrian rkintnt.

<sup>10</sup> Yitrona goost: “Hudaonda staba ke shomara che prthon o msriani dasta rkintntgi o kthomi che msriani zlma njat datg. <sup>11</sup> Nun man zanan ke hudaonda che adge sjehtin hadian mstr ant. Chita ke wti mheluki che gronakin msriani zlmo o zorakiyan rkintnt.” <sup>12</sup> Mosaie nako yitrona pe hudaia sojagi o dge kribanig pish krt. Haron o israileie sjehtin kmas atknt ke hudaie baragaha gon mosaie nako nan bwrnt.

<sup>13</sup> Chobot ke domi rocha musa pa mheluke dadrasi nesht. Mardom sheba tan bigaha aieie che o chagrd aoshatag antnt. <sup>14</sup> Mosaie pe mheluka herche ke kngat, nako dist. Gwosti: “Ae che kare ke ttho pe mheluka kngat? Tenna ttho chita nshatg o dadrasi kngat? Ae dge sjehtin mardom sheba tan bigaha tthiie che o chagrd aoshatag ant?”

<sup>15</sup> Mosaia gon wti nako goost: “Ae wasta ke mardom hudaie rzate shohaza mani kra kaint. <sup>16</sup> Wode jitheie bitsh, ae mani kra kaint o man doin nimge mardmani pishlah kanan o hudaie porman o sar o sojanesh saraknan.”

<sup>17</sup> Mosaie nako goost: “Ttho shrin kare kngat neae. <sup>18</sup> Shama dm brit, tthiie jnd o ae mhelok ke tthiie hmarah ant, shama sjehtin dm brit. Ae kare ttho sk gran ant. Ttho ae kara tenna krt nknt. <sup>19</sup> Nun mani hbra goosh dar, tra sojoe dthian. Huda gon ttho gon bat. Ttho hudaie dthi mheluke nmanndhe bte o ishani jithehan hudaie kra bir. <sup>20</sup> Hudaie hkm o pormanán ishan sar kn o hmarahansh pish dar ke ae brthont o hmarahansh soj dte ke ae bkntnt. <sup>21</sup> Che sjehtin mheluke niama budnakin mardom gjehtin kn, hma ke hdatrs o prahatbar ant o che narthoin padga nprt knnt. Mheluka hazar hazar, sad sad, panjah panjah o de deha bhr kn o che ae mrdman hrikye, yk tholieie mstr kn. <sup>22</sup> Ae mrdm mdam mheluke dadrasi bkntnt. Mzin jithehan tthiie kra biarnt, ble ksanin jithehani dadrasi o bkntnt. Ae pthiie tthiie bar sbktr bit o tthiie hmkoyg bnt. <sup>23</sup> Agn huda tra birmaiie o ttho ancho bkntnt, gza ae bara zrt knnt o sjehtin mrdm pe slamti o imni wti logan rthont.”

<sup>24</sup> Mosaia wti nakoie hbr goosh dshntnt o hr kare ke nako goostag ant, krti. <sup>25</sup> Che sjehtin israileia budnakin mrdmi gjehtin krt o mheluke sar o mstr krtnt ke hazar hazar, sad

panjáh panjáh o dah dah mardomay master bebant.  
<sup>26</sup>É mardomán modám mahlukay dádrasia kort.  
 Gránén jérhahesh Mussáay kerrá áwortant, bale  
 sajjahén kasánén jérhaháni sará wat dádrasiesha  
 kort. <sup>27</sup>Nun Mussáyá wati náko Yatrún ejázat kort o  
 Yatrún wati molká per tarret.

### Sináay kóh

**19** Cha Mesrá dar kapagá rand, sayomi máhay  
 awali róchá Esráili Sináay gyábáná sar  
 butant. <sup>2</sup>Cha Repidimá ráh geptant o Sináay gyábáná,  
 kóhay dámoná ordesh kort. <sup>3</sup>Mussá borzá Hodáay  
 kerrá shot. Hodáwandá cha kóhá Mussá gwánk jat  
 o gwasht: “Gón Ákubay chokk o nomásagán habar  
 kan. Esráilián chó begwash: <sup>4</sup>‘Shomá dist ke man gón  
 Mesrián ché kort o che paymá shomárá wakábáni\*  
 bánzolán nádént o wati kerrá áwort. <sup>5</sup>Nun agan  
 shomá pa delgósh mani tawará gósh bedárét o mani  
 ahd o paymánay parmánbardáriá bekanét, sajjahén  
 kawmáni tahá shomá mani háсэн mál o matá bét. Bell  
 toré sajjahén zemin manig ent, <sup>6</sup>bale shomá pa man  
 dini péshwáyáni bádsháhié\* jórha bét o pák o dar  
 chetagén kawmé bét. Hamé habarán gón Esráilián  
 bekan.”

<sup>7</sup>Mussá átk o mahlukay kamáshi lótháéntant o  
 hamá sajjahén habari áyáni démá pésh kortant ke  
 Hodáwandá áiárá hokm dátagat. <sup>8</sup>Sajjahén mahluká  
 hamtawáriá chó passaw dát: “Harché Hodáwandá  
 gwashtag, má anchosha kanén.” Mussáyá mahlukay  
 passaw Hodáwanday kerrá bort.

<sup>9</sup>Hodáwandá gón Mussáyá gwasht: “Bechár, man  
 bazén jambaréay tahá tai kerrá káyán ke wahdé man  
 gón taw habara kanán, mahluk beshkont o modám  
 tai sará báwar bekant.” Mussáyá mahlukay habar  
 gón Hodáwandá gwashtant. <sup>10</sup>Hodáwandá gwasht:  
 “Mahlukay kerrá beraw o maróchi o bándá pa man  
 wapkesh kankemani gechéni opákén mardom bebant.  
 Áyán begwash ke wati god o pocchán beshódét  
 o <sup>11</sup>pa sayomi róchá tayár bebét, chéa ke sayomi  
 róchá mane Hodáwand sajjahén mahlukay chammáni  
 démá Sináay kóhay sará éra káyán. <sup>12</sup>Kóhay chapp  
 o chágérdá pa sajjahén mardomán hadd o simsar  
 begissén o begwash: ‘Habardár! Kóhá sar makapét.

19:4 Wakáb mazanén báli sháhiné, Ordu o Pársiá “oqáb”.

19:6 Hodáyá lóthet ke Esráili mahluká pa jahánay é dega  
 kawmán rozhnáie jórh bekant ke Hodáay bádsháhiay shán  
 o shawkatá záher bekanant, dini péshwáyáni paymá pa  
 Hodáyá wapk bebant o pák o palgáren zendé begwázénant.

سد، پنجاه پنجاه و ده ده مردمئے مستر ببت. <sup>26</sup> اے مردمان  
 مُدام مهلوکئے دادرسی کرت. گرانتین جیڑھش موسائے کرا  
 آورتنت، بله سجھین کسانین جیڑھانی سراوت دادرسی اش کرت.  
<sup>27</sup> نون موسایا وتی ناکو یترون اجازت کرت و یترون وتی مُلکا  
 پر ترت.

### سینائے کوه

**19** چه مسرا در کپگا رند، سئیمی ماهئے ائولی روچا  
 اسرائیلی سینائے گیابانا سر بوتنت. <sup>2</sup> چه رییدیماراه  
 گپنتت و سینائے گیابانا، کوھئے دامنا اُردش کرت. <sup>3</sup> موسا بُرزا  
 هُدائے کرا شت. هُداوندا چه کوها موسا گوانک جت و گوشت:  
 “گون آکوبئے چُک و نَماسگان هبر کن. اسرائیلیان چو بگوش:  
<sup>4</sup> ‘شما دیست که من گون مسریان چه کرت و چه پیما شمارا  
 وکابانی\* بانزلان نادینت و وتی کرا آورت. <sup>5</sup> نون اگن شما  
 په دلگوش منی تئوارا گوش بداریت و منی اهد و پیمائے  
 پرمانبرداریا بکنیت، سجھین کئومانی تها شما منی هاسین مال  
 و متا بیت. بل تری سجھین زمین منیگ انت، <sup>6</sup> بله شما په من  
 دینی پیشوایانی بادشاهیے\* جوڑ بیت و پاک و در چتگین کئومے  
 بیت. همه هبران گون اسرائیلیان بکن.”

<sup>7</sup> موسا آتک و مهلوکئے کماشی لوٹاينتنت و هما سجھین  
 هبری آیانی دیما پیش کرتنت که هُداوندا آییارا هُکم داتگ آت.  
<sup>8</sup> سجھین مهلوکا همتئواریا چو پَسئو دات: “هرچه هُداوندا  
 گوشتگ، ما انچش کنین.” موسایا مهلوکئے پَسئو هُداوندئے  
 کرا برت.

<sup>9</sup> هُداوندا گون موسایا گوشت: “بچار، من بزین جمبرئے تها  
 تئیی کرا کایان که وهده من گون تئو هبر کنان، مهلوک بشکنت  
 و مُدام تئیی سرا باور بکنت.” موسایا مهلوکئے هبر گون هُداوندا  
 گوشتنت. <sup>10</sup> هُداوندا گوشت: “مهلوکئے کرا برئو و مروچی و  
 باندا په من وپکش کن که منی گچینی و پاکین مردم ببت. آیان  
 بگوش که وتی گد و پُچان بشودیت و <sup>11</sup> په سئیمی روچا تئیار  
 بیت، چیا که سئیمی روچا من هُداوند سجھین مهلوکئے چمانی  
 دیما سینائے کوھئے سرا ایِر کایان. <sup>12</sup> کوھئے چپ و چاگردا  
 په سجھین مردمان هُد و سیمسر بگیشین و بگوش: ‘هبردار!  
 کوها سر مکپیت. کوھئے لمبان هم دست پر مکنیت. هرکسا که

19:4 وکاب مزین بالی شاهینے، اردو و پارسیا “عقاب”.

19:6 هُدايا لوٹت که اسرائیلی مهلوکا په جهائے اے دگه کئومان رُزنايے  
 جوڑ بکنت که هُدائے بادشاهیئے شان و شوکتا زاهر بکننت، دینی  
 پیشوایانی پیما په هُدايا وپک ببت و پاک و پلگارین زندے بگوازیننت.

Kóhay lambán ham dast per makanét. Harkasá ke kóh dast jat, markay sezá dayaga bit. <sup>13</sup>Kóhay dast janóká dast majanét, seng yá tiri bejanét o bekoshéti. Mardomé bebit yá dalwaté, báyard ent zendag mamánit. Karnáay\* drájkasshén tawaré ke chesta bit, gorhá mardomán ejáztat ent ke kóhá sar bekapant.”

<sup>14</sup>Mussá cha kóhá ér kapt o mahlukay kerrá átk. Áiá mardom wapk kortant o mardomán wati god shoshtant. <sup>15</sup>Mussáyá gón mahluká gwasht: “Watá pa sayomi róchá tayár kanét. Janáni kerrá marawét.”

<sup>16</sup>Chó but ke sayomi róchay sohbá grand o gerók but o kóhay sará bazén jambaré záher but o karnáay anchén trondén tawaré chest but ke ordgáhaysajjahén mardom cha torsá larzetant. <sup>17</sup>Mussáyá mardom pa Hodáay gendoká cha ordgáhá dhann bortant o mardom kóhay boná óshtátant. <sup>18</sup>Sináay kóh duttéá mán póshetayat, chéá ke Hodáwand áseyá tahá kóhay sará ér átkagat o é ásay dutt chó kurahay duttá chest atant o sarjamén kóh sakk larzagá at. <sup>19</sup>Karnáay tawár ke borzter bayán but, Mussáyá habar kort o Hodáyá pa borztawári passaw dát.

<sup>20</sup>Hodáwand cha ásmáná Sináay kóhay sará ér átk o Mussái kóhay thollá\* tawár kort. Mussá sar kapt. <sup>21</sup>Hodáwandá gón Mussáyá gwasht: “Ér kap o mardomán habardár kan ke pa Hodáwanday chárágá gishéntagén hadd o simsará mapróshét. Agan na, cha shomá bázéné merit. <sup>22</sup>Dini péshwá ham, hamá ke Hodáwanday nazzikká áyagay ejázatesh hast, báyard ent watá pák o palgár bekanant ke Hodáwand áyán majant.”

<sup>23</sup>Mussáyá gón Hodáwandá gwasht: “Mahluká Sináay kóhá sar kapagay ejáztat nést, chéá ke taw wat mára habardár kortag o maná gwashtag ke kóhay chapp o chágerdá hadd o simsaré begishhén o kóhá pa Hodáwandá wapk kan.” <sup>24</sup>Hodáwandá gwasht: “Ér kap o Hárúná bezur o sar kap, bale dini péshwá o mahluk pa Hodáwanday kerrá borzá áyagá, gishéntagén hadd o simsarán mapróshant ke Hodáwand áyán majant.” <sup>25</sup>Mussá ér átk, mahlukay kerrá shot o é habari kortant.

كوه دست جت، مَرَكْتِے سِزَا دَئِیْگ بیت. <sup>13</sup> كوهْتِے دست جنوكا دست مجنیت، سِنِگ یا تیری بجنیت و بگشیتِی. مردمے بیبیت یا دَلَوْتِے، باید انت زندگی ممانیت. ‘کرنائے’ دراجکشین تئوارے که چست بیت، گژا مردمان اجازت انت که کوهَا سر بکپنت.”

<sup>14</sup> موسا چه کوهَا ایر کپت و مهلوکئے کړَا آتک. آييا مردم وپک کرتنت و مردمان وتی گد ششتنت. <sup>15</sup> موسایا گون مهلوکا گوشت: “وتا په سئیمی روجا تئیار کنیت. جنانی کړَا مرئویت.” <sup>16</sup> چو بوت که سئیمی روچئے سُهبا گُرد و گروک بوت و کوهْتِے سرا بزین جمبرے زاهر بوت و کرنائے انچین تړندین تئوارے چست بوت که اردگاهئے سجهین مردم چه ترسا لرتنت. <sup>17</sup> موسایا مردم په هدائے گندکا چه اردگاها دُن برنتت و مردم کوهْتِے بنا اوشتانتت. <sup>18</sup> سینائے کوه دوْتیا مان پوشتگأت، چنا که هداوند آسئیے تھا کوهْتِے سرا ایر آتکگأت و اے آسئے دوْت چو کورهْتِے دوْتا چست آنتت و سرجمین کوه سک لرزگا آت. <sup>19</sup> کرنائے تئوار که بُرزتر بییان بوت، موسایا هبر کرت و هدايا په بُرزتئواری پَسئو دات.

<sup>20</sup> هداوند چه آسمانا سینائے کوهْتِے سرا ایر آتک و موسایی کوهْتِے تُلا\* تئوار کرت. موسا سر کپت. <sup>21</sup> هداوندا گون موسایا گوشت: “ایر کپ و مردمان هبردار کن که په هداوندئے چارگا گیشیتنگین هَد و سیمسرا مپروشیت. اگن نه، چه شما بازینے مریت. <sup>22</sup> دینی پیشوا هم، هما که هداوندئے نَزیکا آيگئے اجازتش هست، باید انت وتا پاک و پلگار بکننت که هداوند آيان مجنت.”

<sup>23</sup> موسایا گون هداوندا گوشت: “مهلوکا سینائے کوهَا سر کپگئے اجازت نیست، چنا که تئوت مارا هبردار کرتگ و منا گوشتگ که کوهْتِے چپ و چاگردا هَد و سیمسرے بگیشین و کوهَا په هداوندا وپک کن.” <sup>24</sup> هداوندا گوشت: “ایر کپ و هارونا بزور و سر کپ، بله دینی پیشوا و مهلوک په هداوندئے کړَا بُرزا آيگا، گیشیتنگین هَد و سیمسران مپروشتت که هداوند آيان مجنت.” <sup>25</sup> موسا ایر آتک، مهلوکئے کړَا شت و اے هبری کرتنت.

## Dah parmán

**20** Hodáyá é sajjahén habar gwashtant: <sup>2</sup>“Man tai Hodáwandén Hodá án, hamá ke tará cha Mesrá dar kort o áwort, cha hamá molká ke ódá golám atay.

<sup>3</sup>Cha man abéd tará dega hecch hodá mabit. <sup>4</sup>Na borzén ásmánay chizzéay sheklá pa wat bot addh bekan, na zeminay saray chizzéay sheklá, na zeminay chéray ápáni tahay chizzéay sheklá. Pa wat hecch botén hodá addh makan. <sup>5</sup>Esháni dé má sará jahl makan o sojdahehsh makan. Chéa ke man tai Hodáwandén Hodá hasaddigén Hodáé án. Petáni radkáriáni sezáyá áyáni chokkána dayán. Á ke cha man naprata kanant, áyáni radkáriáni sezáyá áyáni sayomi o cháromi nasl o padréchá dayán. <sup>6</sup>Bale á mardom ke maná dósta dárant o mani parmánáni sará kára kanant, man tán hazárán naslá áyáni sará mehrabána bán.

<sup>7</sup>Mopt o watsará wati Hodáwandén Hodáay námá mager. Harkas ke mopt o watsará Hodáwanday námá gipt, gonahkára bit.

<sup>8</sup>Shabbatay róchá yát bedár o é róchá gechéni o pákén róché bezán. <sup>9</sup>Shash róchá kár kan o wati sajjahén kárán gissmén. <sup>10</sup>Bale haptomi róch tai Hodáwandén Hodáay Shabbatay róch ent. É róchá hecch kár makan, na taw, na tai bacch o jenekk, na tai golám o móled, na tai dalwat o na hamá dhanni mardom ke tai shahrá nendók ent. <sup>11</sup>Chéa ke Hodáwandá shash róchá ásmán, zemin, daryá o harché ke esháni tahá hast, addh kortant o haptomi róchá árámí kort, paméshká Hodáwandá Shabbatay róch barkat dátag o gechéni o pákén róché jórkh kortag.

<sup>12</sup>Wati pet o mátá ezzat beday ke hamá molká tai omr dráj bebit ke tai Hodáwandén Hodá tará danti.

<sup>13</sup>Mardom makosh.

<sup>14</sup>Zená makan.

<sup>15</sup>Dozzi makan.

<sup>16</sup>Wati hamsáhegay helápá drógén sháhedi maday.

<sup>17</sup>Pa wati hamsáhegay lógá delmánag mabay. Pa áiyay jan, golám, móled, gók, har yá dega chizzéa lálech makan.”

## دہ پرمان

**20** ہدایا اے سجھین ہبر گوشتنت: <sup>2</sup>“من تئی ہداوندین ہدا آن، ہما کہ ترا چہ مسرا در کرت و آورت، چہ ہما ملکا کہ اودا گلام آتے۔

<sup>3</sup>چہ من ابید ترا دگہ ہچ ہدا مبیٹ. <sup>4</sup>نہ برزین آسمائے چیڑئے شکلا پہ وت بُت اڈ بکن، نہ زمینے سرے چیڑئے شکلا، نہ زمینے چیڑئے آپانی تھے چیڑئے شکلا. پہ وت ہچ بئین ہدا اڈ مکن. <sup>5</sup>اشانی دیما سرا جہل مکن و سجدہش مکن. چنا کہ من تئی ہداوندین ہدا ہسدیگین ہدا اے آن. پتانی ردکاریانی سزایا آیانی چکان دئیان. آ کہ چہ من نپرت کننت، آیانی ردکاریانی سزایا آیانی سیمی و چارمی نسل و پدیرچا دئیان. <sup>6</sup>بلہ آ مردم کہ منا دؤست دارنت و منی پرمانانی سرا کار کننت، من تان ہزاران نسلا آیانی سرا مہربان بان.

<sup>7</sup>مپت و وتسرا وتی ہداوندین ہدائے ناما مگر. ہرکس کہ مپت و وتسرا ہداوندے ناما گپت، گنہکار بیت.

<sup>8</sup>شبٹے روچا یات بدار و اے روچا گچینی و پاکین روچے بزان. <sup>9</sup>شش روچا کار کن و وتی سجھین کاران گیشین. <sup>10</sup>بلہ ہپتمی روچ تئی ہداوندین ہدائے شبٹے روچ انت. اے روچا ہچ کار مکن، نہ تتو، نہ تئی بیچ و جنگ، نہ تئی گلام و مؤلد، نہ تئی دلوت و نہ ہما دئی مردم کہ تئی شہرا نندوک انت. <sup>11</sup>چنا کہ ہداوندا شش روچا آسمان، زمین، دریا و ہرچے کہ اشانی تھا ہست، اڈ کرتنت و ہپتمی روچا آرامی کرت، ہمیشکا ہداوندا شبٹے روچ برکت داتگ و گچینی و پاکین روچے جوڑ کرتگ.

<sup>12</sup>وتی پت و ماتا اڑت بدے کہ ہما ملکا تئی امر دراج ببیت کہ تئی ہداوندین ہدا ترا دنتی.

<sup>13</sup>مردم مکش.

<sup>14</sup>زنا مکن.

<sup>15</sup>دزی مکن.

<sup>16</sup>وتی ہمساهگے ہلاپا دروگین شاہدی مدے.

<sup>17</sup>پہ وتی ہمساهگے لوگا دلمانگ مبیے. پہ آییے جن، گلام، مؤلد، گوک، ہریا دگہ چیڑیا لالیچ مکن.“

## Mahlukay tors

<sup>18</sup> Wahdé sajjahén mardomán dist ke grand o gerók ent o karnáay tawár ent o duttéá kóh póshetag, cha torsá larzet o dur óshtátant. <sup>19</sup> Áyán gón Mussáyá gwasht: “Taw wat gón má habar kan o má tai habará gósha dárén, bale mayl ke Hodá gón má habar bekant. Agan Hodá gón má habar bekant, má merén.” <sup>20</sup> Mussáyá gón mahluká gwasht: “Matorsét, Hodá paméshká átkag ke shomará bechakkásit o áiyay tors shomay delán benendit o shomá gonáh makanét.”

<sup>21</sup> Mahluk dur óshtát o Mussá dém pa hamá bazén taháriá shot ke Hodá ódá at.

## Botén hodá o korbánjáh

<sup>22</sup> Hodáwandá gón Mussáyá gwasht: “Esráilián begwash ke shomá wat dist ke man cha ásmáná gón shomá habar kort. <sup>23</sup> Cha man abéd shomará dega hecch hodá mabit. Pa wat hecch botén hodá addh makanét. Na nograhén hodá addh kanét, na teláhén.

<sup>24</sup> Pa man hákay korbánjáhé addh kan. Ódá cha wati pas o gókán sóchagi korbánig o hamdeliay korbánig péshkan. Harjágah ke man tará watinámay yát kanagá parmáyán, hamódá tai kerrá káyán o tará barkata dayán. <sup>25</sup> Bale agan pa man sengay korbánjáhé addha kanay, cha tráshtagén sengán addhi makan. Chéa ke pa sengay tráshagá awzár o sámán kármarza kanay o sengán palita kanay. <sup>26</sup> Mani korbánjáhá padánk per makan ke sar kapagay wahdá bésetra bay.”

## Golám dáragay kánun

**21** “É hamá kánun ant ke tará gón kawmá gwashagi ant: <sup>2</sup> Agan taw Ebráni golámé bahá zort, é golám tán shash sálá tai hezmatá bekant. Haptomi sálá pa wati ázátiá hecch zarr madant o berawt. <sup>3</sup> Agan tahná átkag tahná berawt, bale agan cha pésará sur kortagéné gorhá jan ham áiyay hamráhiá berawt gón. <sup>4</sup> Agan wájahá jané dát o janéná bacch o jenekk pédá kort, jan o chokk wájahayga bant o golám tahná berawt. <sup>5</sup> Bale agan golám dape wat begwashit: ‘Maná wati wájah o wati jan o chokk dóst ant o ázát bayag o rawaga nalóthán,’ <sup>6</sup> gorhá wájah

## مهلوکے ترس

<sup>18</sup> وهده سجهين مردمان ديست كه گُرد و گُروك انت و كرنائے توار انت و دو تيا كوه پوشتگ، چه ترسا لرزت و دور اؤشتانت. <sup>19</sup> آيان گون موسايا گوشت: “تتو وت گون ما هبر كن و ما تئیی هبرا گوش دارين، بله مئیل كه هدا گون ما هبر بكنت. اكن هدا گون ما هبر بكنت، ما مريں.” <sup>20</sup> موسايا گون مهلوکا گوشت: “مترسييت، هدا پميشكا آتكگ كه شمارا بچكاسيت و آيئے ترس شمئے دلان بنديت و شما گناه مكنييت.” <sup>21</sup> مهلوک دور اؤشتات و موسا ديم په هما بزین تهاریا شت كه هدا اؤدا ات.

## بئین هدا و كُربانجَاه

<sup>22</sup> هداوندا گون موسايا گوشت: “اسراييليان بگوش كه شما وت ديست كه من چه آسمانا گون شما هبر كرت. <sup>23</sup> چه من آبيد شمارا دگه هچ هدا مبييت. په وت هچ بئین هدا اؤ مكنييت. نه نگرهين هدا اؤ مكنييت، نه تلاهين. <sup>24</sup> په من هاكئے كُربانجَاهه اؤ كن. اؤدا چه وتی پس و گوکان سوچگی كُربانيج و همدليئے كُربانيج پيش كن. هر جاگه كه من ترا وتی نامئے يات كنگا پرميان، همؤدا تئیی كرا كايان و ترا بركت دئيان. <sup>25</sup> بله اكن په من سينگئے كُربانجَاهه اؤ كنئے، چه تراشتگين سينگان اؤی مكن. چيا كه په سينگئے تراشگا اتوزار و سامان كارمرز كنئے و سينگان پليت كنئے. <sup>26</sup> منی كُربانجَاها پدانك پر مكن كه سر كپگئے وهدا بيستربئے.”

## گلام دارگئے كانون

**21** “اے هما كانون انت كه ترا گون كئوما گوشگی انت: <sup>2</sup> اكن تتو ابرانی گلامے بها زرت، اے گلام تان شش سالا تئیی هزمتا بكنت. هپتمی سالا په وتی آزاتيا هچ زر مدنت و برئوت. <sup>3</sup> اكن تهنا آتكگ تهنا برئوت، بله اكن چه پيسرا سور كرتگينے گزا جن هم آيئے همراهيا برئوت گون. <sup>4</sup> اكن واجها جنے دات و جنينا بچ و جنك پيدا كرت، جن و چك واجهينگ بنت و گلام تهنا برئوت. <sup>5</sup> بله اكن گلام دپ وت بگوشيت: ‘منا وتی واجه و وتی جن و چك دؤست انت و آزات بئيج و رئوگ نلوثان،’ <sup>6</sup> گزا واجه آيا هداے بارگاها ببارت. گلاما دروازگ يا



áiá Hodáay bárgáhá bebárt. Golámá darwázag yá darwázagay chánthay dapá bebárt, drapshé\* bezurit o áiyay góshá besombit o á golám tán zendag ent, wájahay hezmatá bekant.

<sup>7</sup> Agan mardé wati jenekká móledéay hesábá bahá bekant, á jenekk mardénén golámáni paymá ázát kanag mabit. <sup>8</sup> Agan é jenekk wájahéá gechén kort o zort o randá wájahá pasond nabut, gorhá báyad ent bellit ke jenekká degaré bemókit. Wájahá é hakk nést ke áiyá dhanni mardoméay kerrá bahá bekant, chéá ke áiyá wat gón jenekká béwapái kortag. <sup>9</sup> Agan wájahá jenekk pa wati bacchá gechén kortag o zortag, gorhá jenekká hamá hakká bedant ke wati jenday jenekká danti. <sup>10</sup> Agan wájah dega jané begipt, wati awali janá cha warák, póshák o jani hakká zebahr makant. <sup>11</sup> Agan áiyá é sayén chizzán madant, janén pa wati ázátíá hecch zarr madant o berawt.”

### Jang o jérhahay sezá

<sup>12</sup> “Harkasá ke mardomé jat o kosht, áiyay sezá mark ent. <sup>13</sup> Bale agan áiyá pa názánti é kár kort o mane Hodáyá ham é káray dém nadásht, gorhá man jágahé gishshénán ke hónig betachit o hamódá berawt. <sup>14</sup> Bale agan kaséá pa zánt yakkéay sará orosh kort o koshti, áiyá mani korbánjáhá ham panáh nést. Cha ódá ham dari kan o markay sezái beday. <sup>15</sup> Harkasá ke wati pet yá mát jat, áiyay sezá mark ent. <sup>16</sup> Harkasá ke mardoméay dozzagá gerag but, á mardomi bahá kort yá wati kerrá dáshti, áiyay sezá mark ent. <sup>17</sup> Harkasá ke wati pet yá mát nálat kort, áiyay sezá mark ent. <sup>18</sup> Agan mardomán watmánwatá jang kort o hamé wahdá yakkéá domiárá sengé yá moshté jat o á mardom namort bale tahtay báhóth but o <sup>19</sup> randá pád átk o dazlatthay madatá dhanná gasht, gorhá janók dega sezá dayag mabit, bale zawál butagén wahday táwán o elájay harch o darchán porr bekant. <sup>20</sup> Agan kaséá wati golám yá móled latth jat o golám yá móled áiyay dastá mort, gorhá janók sezá dayag bebit. <sup>21</sup> Bale agan golám yá móledá tán yakk o do róchá hecch nabut, gorhá janóká sezá pera nabit, chéá ke golám wati wájahay mál ent.

<sup>22</sup> Agan mardénán jang o dáwá kort o hamé wahdá lápporrén janéné jatesh o janénay chokk eshkand but, bale dega masterén jáni táwáné naraseti, gorhá janók hamá dhandh\* o malámá porr bekant ke janénay

دروازگئے چانٹے دپا ببارت، دَرپشے\* بزوریت و آییئے گوشا بَسْمبیت و اگلام تان زندگ انت، واجهئے هزمتا بکنت.

<sup>7</sup> اگن مردے وتی جنگا مؤلدیئے حسابا بها بکنت، آ جنگا مردینین گلامانی پئیما آزات کنگ مبیئت. <sup>8</sup> اگن اے جنگا واجهیا گچین کرت و زرت و رندا واجها پَسُند نبوت، گڑا باید انت بلیت کہ جنگا دگرے بمؤکیت. واجها اے هک نیست کہ آیا دُئی مردمیئے کرا بها بکنت، چیا کہ آیا وت گون جنگا بیوپایی کرتگ. <sup>9</sup> اگن واجها جنگا په وتی بچا گچین کرتگ و زرتگ، گڑا جنگا هما هکا بدنت کہ وتی جندے جنگا دنتی. <sup>10</sup> اگن واجه دگہ جنے بگیپت، وتی ائولی جنا چه وراک، پوشاک و جنی هکا زبهر مکننت. <sup>11</sup> اگن آیا اے سئین چیزان مدننت، جنین په وتی آزاتیا هچ زَر مدننت و برئوت.”

### جنگ و جیڑھئے سزا

<sup>12</sup> “هرکسا کہ مردمے جت و کشت، آییئے سزا مرک انت. <sup>13</sup> بله اگن آیا په نازانتی اے کار کرت و من هُدايا هم اے کارئے دیم نداشت، گڑا من جاگھے گیشینان کہ هونینگ بتچیت و همودا برئوت. <sup>14</sup> بله اگن کسینا په زانت یکئیئے سرا اُرش کرت و کشتی، آیا منی کربانجاها هم پناه نیست. چه اژدا هم دری کن و مرکئے سزایی بدئے. <sup>15</sup> هرکسا کہ وتی پت یا مات جت، آییئے سزا مرک انت. <sup>16</sup> هرکس کہ مردمیئے دُزگا گرگ بوت، آ مردمی بها کرت یا وتی کرا داشتی، آییئے سزا مرک انت. <sup>17</sup> هرکسا کہ وتی پت یا مات نالت کرت، آییئے سزا مرک انت. <sup>18</sup> اگن مردمان وت مانوتا جنگ کرت و همه وهدا یکینا دومیارا سینگے یا مُشته جت و آ مردم نمُرت بله تَهتے باهؤت بوت و <sup>19</sup> رندا پاد آتک و دَزَلتے مدتا دُنا گشت، گڑا جنوک دگہ سزا دئیگ مبیئت، بله زئوال بوتگین وهدئے تاوان و الا جائے هرچ و درچان پُر بکنت. <sup>20</sup> اگن کسینا وتی گلام یا مؤلد لَت جت و گلام یا مؤلد آییئے دستا مُرت، گڑا جنوک سزا دئیگ بیئت. <sup>21</sup> بله اگن گلام یا مؤلدا تان یک و دو رُچا هچ نبوت، گڑا جنوکا سزا پُر نبیئت، چیا کہ گلام وتی واجهئے مال انت.

<sup>22</sup> اگن مردینان جنگ و داوا کرت و همه وهدا لاپپُرین جنینے جتیش و جنینئے چُک اشکند بوت، بله دگہ مسترین

6:21 دَرپش مَزین سوچنے کہ دستگے پری و په چیزئیئے سُمبگ و دُچگا کار بندگان بیئت.

6:21 دَرپش مَزین سوچنے کہ دستگے پری و په چیزئیئے سُمبگ و دُچگا کار بندگان بیئت.

21:6 Drapsh mazanén suchené ke dastagé peri o pa chizzéay sombag o dóchagá kár bandaga bit.

21:22 Dhandh, bezán malám, jarimah, jormánah.

marda lóthit o kázi begisshénant. <sup>23</sup> Bale agan janéná mazanén jáni táwáné raset, gorhá sáhay badal sáh ent, <sup>24</sup> chammay badal chamm, dantánay badal dantán, dastay badal dast, páday badal pád, <sup>25</sup> sóchkay\* badal sóchk, thappay badal thapp o zaymay\* badal zaym ent. <sup>26</sup> Agan kaséá wati golám yá móleday chammá shahmáté jat o áiyay chamm kór but, gorhá chammay badalá golámá ázát bekant. <sup>27</sup> Agan wati móled yá golámay dantáni prósh, gorhá dantánay badalá golámá ázát bekant.

<sup>28</sup> Agan gókéá mardén yá janéné kánth jat o kosht, gók sengsár kanag bebit o mardom áiyay góshtá mawarant. Gókay wáhond\* sezá dayag mabit. <sup>29</sup> Bale agan á góká pésará ham kánth jatag o áiyay wáhondesh hál dátag o hozhár kortag, o wáhondá angat gók nabastag o á góká mardén yá janéné kosht, gók sengsár kanag bebit o wáhond markay sezá dayag bebit. <sup>30</sup> Bale agan cha gókay wáhondá malám lóthag but, gorhá pa wati zenday mókagá har malámé ke cha áiyá lóthaga bit, bedant. <sup>31</sup> Agan góká kaséay bacch yá jenekké kánth jat, ódá ham kánun hamesh ent. <sup>32</sup> Agan góká golám yá móledé kánth jat, gorhá gókay wáhond golámay wájahá si shekel\* nograh bedant o gók sengsár kanag bebit.

<sup>33</sup> Agan kaséá chátéay dapig dur kort yá agan kaséá cháté jat o áiyay dapi nagept o gók yá haré chátá kapt, <sup>34</sup> chátay wáhond malámán porr bekant, mortagén dalwatá bezurit o dalwatay wáhondá zarrán bedant. <sup>35</sup> Agan kaséay góká hamsáhegéay gók jat o á gók mort, gókáni wáhond janókén góká bahá bekanant o zarrán ném bekanant, mortagén dalwatá ham ném bekanant. <sup>36</sup> Bale agan mardoma zánant ke á góká pésará ham kánth jatag o angat wáhondá gók nabastag, gorhá á wáhond gókay badalá góké bedant o mortagéná bezurit.”

### Malámay kánun

**22** “Agan kaséá góké yá pasé dozzet o helár kort yá bahái kort, gorhá gókay badalá panch gók o pasay badalá chár pas bedant.

21:25 Sóchk, bezán sochagay thapp, sochagay dard.

21:25 Zaym, bezán hamá thapp ke póstay chérá ent o hóna nadant.

21:28 Wáhond, bezán málek, hodábond.

21:32 Shekel, Esráiliáni kerrá sang o wazné butag. Si shekel kesás say sad o panjá gerám ent.

جانى تاوانے نرستى، گڑا جنۆك هما دُنْدُ\* و ملا ما پُر بكنت كه جنينے مرد لوثيت و كازى بگيشيننت. <sup>23</sup> بله اگن جنينا مزين جانى تاوانے رست، گڑا ساهئے بدل ساه انت، <sup>24</sup> چمئے بدل چم، دنتائے بدل دنتان، دستئے بدل دست، پادئے بدل پاد، <sup>25</sup> سوچكئے\* بدل سوچك، پُپئے بدل تُپ و زئيمئے\* بدل زئيم انت. <sup>26</sup> اگن كسيئا وتى گلام يا مولدئے چما شهماتے جت و آيئے چم كور بوت، گڑا چمئے بدلا گلاما آزات بكنت. <sup>27</sup> اگن وتى مولد يا گلامئے دنتانى پُروش، گڑا دنتائے بدلا گلاما آزات بكنت.

<sup>28</sup> اگن گوکيا مردین يا جنينے کانث جت و کُشت، گوک سينگسار کنگ بييت و مردم آيئے گوشتا مئورنت. گوکئے واهند\* سزا دئيگ مبييت. <sup>29</sup> بله اگن آگوکا پيسرا هم کانث جتگ و آيئے واهندش هال داتگ و هُزار کرتگ، و واهندا انگت گوک نبستگ و آگوکا مردین يا جنينے کُشت، گوک سينگسار کنگ بييت و واهند هم مرکئے سزا دئيگ مبييت. <sup>30</sup> بله اگن چه گوکئے واهندا ملام لوٹگ بوت، گڑا په وتى زندئے مۆکگا هر ملامے كه چه آييا لوٹگ بييت، بدنت. <sup>31</sup> اگن گوکا كسيئے بچ يا جنكے کانث جت، اودا هم كانون هميش انت. <sup>32</sup> اگن گوکا گلام يا مولدے کانث جت، گڑا گوکئے واهند گلامئے واجها سي شيكل\* نگره بدنت و گوک سينگسار کنگ بييت.

<sup>33</sup> اگن كسيئا چاتيئے دپيگ دور كرت يا اگن كسيئا چاتے جت و آيئے دپي نكپت و گوک يا هرے چاتا كپت، <sup>34</sup> چاتئے واهند ملامان پُر بكنت، مُرتگين دلوتا بزوريت و دلوتتے واهندا زران بدنت. <sup>35</sup> اگن كسيئے گوکا همساھگيئے گوک جت و آگوک مُرت، گوکاني واهند جنوكين گوکا بها بكننت و زران نيم بكننت، مُرتگين دلوتا هم نيم بكننت. <sup>36</sup> بله اگن مردم زاننت كه آگوکا پيسرا هم کانث جتگ و انگت واهندا گوک نبستگ، گڑا آ واهند گوکئے بدلا گوکے بدنت و مُرتگينا بزوريت.”

### ملا مئے کانون

**22** “اگن كسيئا گوکے يا پسے دُزت و هلا ر كرت يا بهايي كرت، گڑا گوکئے بدلا پنج گوک و پسئے بدلا چار پس بدنت.

22:22 دُنْدُ، بزآن ملا م، جریمه، جرمانه.

25:22 سوچك، بزآن سُچكئے تُپ، سُچكئے درد.

25:22 زئيم، بزآن هما تُپ كه پُوستئے چيرا انت و هُون دذنت.

28:22 واهند، بزآن مالک، هُدا بُند.

32:22 شيكل، اسراييليانى كِرا سنگ و وزنه بوتگ. سي شيكل كِساس سئے سد و پنجاه گرام انت.

<sup>2</sup>Agan dozzéá lógé jat o hamé wahdá gerag but o haminkas latth o kotth kanag but ke mort, áíá hónbahá nést. <sup>3</sup>Bale agan é kár róchay dar áyagá rand but, gorhá hón, koshókey sará ent.

Harkas ke dozzia kant, báýad ent malám porrbekant, bale agan pa malámay porr kanagá hecchi nést, gorhá jendi bahá kanag bebit o malám porr kanag bebant. <sup>4</sup>Bale agan dozzetagen mál, góké bebit yá haré yá pasé, áíay kerrá zendagá dar átk, gorhá do sari malám bedant.

<sup>5</sup>Agan kaséá wati dalwat dhagár yá anguri bágéá cháréntant yá dega mardoméay dhagará yalahi kortant, gorhá cha wati sharterén keshár yá anguri bágay sharterén bahrá malámá porr bekant. <sup>6</sup>Agan kaséá ásé rók kort o é ása shamálah kasshet o dhangaráni tahá anchó sheng but ke kesháray grám\* yá dánay narotagen keshár yá dhagári sótkant, gorhá é ásay rók kanók purahén malámán porr bekant.

<sup>7</sup>Agan kaséá zarr yá sámáné hamsáhegeay kerrá amánat kort o é amánat cha hamsáhegay lógá dozzag but, gorhá dozz do sari malám porr bekant, agan gerag but. <sup>8</sup>Bale agan gerag nabut, gorhá lógay wáhondá Hodáay bágáhá bebarant ke zánag bebit ke áíá wati hamsáhegay mál dast jatag yá na.

<sup>9</sup>Agan do mardom chizzéay sará arhet, góké bebit yá haré yá pasé yá cháderé yá dega gár butagen chizzé, gorhá é doénáni jérhah Hodáay bágáhá barag bebit o harkas ke Hodáyá mayárbár kort, á, domiá do sari malám bedant.

<sup>10</sup>Agan kaséá haré, góké, pasé yá dega dalwaté wati hamsáhegay amánat kort o á dalwat mort yá thappig but yá barag but o kassá nadist, <sup>11</sup>gorhá áyáni jérhah Hodáwanday sawgenday sará gishhénag bebit ke áíá amánat kortagen mál dast najatag. Dalwatay wáhondé sawgenday sará rázig bebit o sawgenday warók malám porr makant. <sup>12</sup>Bale agan dalwat cha áíay kerrá dozzag butag, gorhá á, dalwatay wáhondá malám bedant. <sup>13</sup>Agan dalwat rastaréá jatag o koshtag, gorhá á, pa sabut dalwatay jóná byárit o mortagen dalwatay malámá porr makant.

<sup>14</sup>Agan kaséá cha hamsáhegeá dalwaté badal zort ke padá tará dayáni, o wáhond ódá nabut o á dalwat thappig but yá mort, gorhá badal zurók purahén malámá porr bekant. <sup>15</sup>Bale agan é kár wáhonday démá but, gorhá malám porr kanag mabit. Agan dalwat pa keréh zurag butag, gorhá keréhay jend bass ent.”

<sup>2</sup> اگن دُزیا لوگے جت و همے وهدا گرگ بوت و همینکس لٹ و کُٹ کنگ بوت کہ مُرت، آیا ہون بہا نیست. <sup>3</sup> بلہ اگن اے کار روچئے در آگیا رند بوت، گڑا ہون، کُشوکتے سرا انت.

هرکس کہ دُزی کنت، باید انت ملام پُر بکنت، بلہ اگن پہ ملامئے پُر کنگا ہچی نیست، گڑا جندی بہا کنگ بیبت و ملام پُر کنگ بیبت. <sup>4</sup> بلہ اگن دُزتگین مال، گوکے بیبت یا ہرے یا پَسے، آئیئے کِرا زندگا در آتک، گڑا دو سَری ملام بدنت.

<sup>5</sup> اگن کسینا وتی دلوت ڈگار یا انگوری باگیا چارینتنت یا دگہ مردمیئے ڈگارا یلہ ای کرتنت، گڑا چہ وتی شرتیرین کشار یا انگوری باگئے شرتیرین بہرا ملاما پُر بکنت. <sup>6</sup> اگن کسینا آسے روک کرت و اے آسا شمالہ کُشت و دُنگرانی تھا انچو شنگ بوت کہ کشارئے گرام\* یا دانئے نرتگین کشار یا ڈگاری سوتکنت، گڑا اے آسئے روک کنوک پورہین ملامان پُر بکنت.

<sup>7</sup> اگن کسینا زریا سامانے ہمساهگئے کِرا امانت کرت و اے امانت چہ ہمساهگئے لوگا دُزگ بوت، گڑا دُز دو سَری ملام پُر بکنت، اگن گرگ بوت. <sup>8</sup> بلہ اگن گرگ نبوت، گڑا لوگئے واہندا ہڈائے بارگاہا ببرزت کہ زانگ بیبت کہ آیا وتی ہمساهگئے مال دست جتگ یا نہ.

<sup>9</sup> اگن دو مردم چیڑئے سرا اڑت، گوکے بیبت یا ہرے یا پَسے یا چادرے یا دگہ گار بوتگین چیڑے، گڑا اے دوینانی چیڑے ہڈائے بارگاہا برگ بیبت و هرکس کہ ہڈایا مئیاربار کرت، آ، دومیا دو سَری ملام بدنت.

<sup>10</sup> اگن کسینا ہرے، گوکے، پَسے یا دگہ دلوتے وتی ہمساهگئے امانت کرت و آ دلوت مُرت یا ٹپیگ بوت یا برگ بوت و کسا ندیست، <sup>11</sup> گڑا آیانی چیڑے ہڈاوندئے سٹوگندئے سرا گیشینگ بیبت کہ آیا امانت کرتگین مال دست نجتگ. دلوتئے واہندا اے سٹوگندئے سرا رازیگ بیبت و سٹوگندئے ورؤک ملام پُر مکننت. <sup>12</sup> بلہ اگن دلوت چہ آئیئے کِرا دُزگ بوتگ، گڑا آ، دلوتئے واہندا ملام بدنت. <sup>13</sup> اگن دلوت رستریا جتگ و کُشتگ، گڑا آ، پہ سبوت دلوتئے جو نا بیاریت و مُرتگین دلوتئے ملاما پُر مکننت.

<sup>14</sup> اگن کسینا چہ ہمساهگیا دلوتے بدل زرت کہ پدا ترا دئیانی، و واہندا اودا نبوت و آ دلوت ٹپیگ بوت یا مُرت، گڑا بدل زورؤک پورہین ملاما پُر بکنت. <sup>15</sup> بلہ اگن اے کار واہندئے دیما بوت، گڑا ملام پُر کنگ مبیبت. اگن دلوت پہ کریہ زورگ بوتگ، گڑا کریہئے جند بس انت.”

## Chágerdi kánun

<sup>16</sup> “Agan mardéa janénchokké rad dát o gón áia wapt o wáb kort o agan é jenekk kassi deshtár naent, gorhá áia hakmehrá bedant o begipti. <sup>17</sup> Bale agan jenekkay pet wati jenekkay dayagá hecch warhá rázig nabut, gorhá é mardén, jenekkéay hakmehray kesásá zarr bedant.

<sup>18</sup> Jádugerén janéná zendagá mayl.

<sup>19</sup> Harkasá ke gón haywánéa wapt o wáb kort, áia sezá mark ent.

<sup>20</sup> Harkasá ke cha Hodáwandá abéd pa dega hodáéa korbánig kort, gár o gomsár kanag bebit.

<sup>21</sup> Gón darámadéa badi makan o ázári maday, chéa ke shomá wat Mesrá darámad butagét.

<sup>22</sup> Cha janózám yá chórawéay majburiá nájáezén páedag chest makan. <sup>23</sup> Agan é kára bekanay o á mani kerrá peryát bekanant, man allam áyani peryátán gósha dárán. <sup>24</sup> Mani hezhm chesta bit o shomará pa zahma koshán, o shomay jan janózáma bant o chokk chóraw.

<sup>25</sup> Agan mani mahlukay nézgáréa wámé dayay, gorhá wám dayókáni paymá makan o cha áia byáj\* mager.

<sup>26</sup> Agan taw wati hamsáhegay cháder pa zamánat wati kerrá ér kort, gorhá cha rónendá pésar peri tarrén. <sup>27</sup> Chéa ke balkén áia póshák éwaká hamesh ent, gorhá ché per bedant o bwapsit? Agan mani kerrá peryát bekant, man gósha dárán, chéa ke man mehrabán án.

<sup>28</sup> Kopr makan. Wati mahlukay saróka nálat makan.

<sup>29</sup> Cha wati keshár o shiragán mani bahray dayagá dér makan. Wati awali mardénchokká maná beday. <sup>30</sup> Wati gók o pasáni awali narén chokká ham beday. Áyani awali chokkán tán hapt róchá mátay kerrá bell o hashtomi róchá manáesh beday.

<sup>31</sup> Shomá mani pák o dar chetagen kawm bebét. Á dalwat ke rastaréa jatag o koshtag, áia góshatá mawarét, kochekkáni démá dawri dayét.”

## چاگردي کانون

<sup>16</sup> ”اگن مردیا جنین چکے رد دات و گون آيا و پت و واب کرت و اگن اے جنگ کسي دشتار نه انت، گڑا آيے هک مهرا بدنت و بگيپتي. <sup>17</sup> بله اگن جنکے پت وتي جنکے دئيگا هچ وڑا رازيگ نبوت، گڑا اے مردين، جنکيے هک مهريے کساسا زر بدنت.

<sup>18</sup> جادوگرين جنينا زندگا مئيل.

<sup>19</sup> هرکسا که گون هئو انيا و پت و واب کرت، آيے سزا مرک انت.

<sup>20</sup> هرکسا که چه هداوندا آيد په دگه هدايا کربانيگ کرت، گار و گسار کنگ بيت.

<sup>21</sup> گون درامديا بدی مکن و آزاری مدئي، چيا که شما وت مسرا درامد بوتگيت.

<sup>22</sup> چه جنوزام يا چورئويے مجوريا ناجائزين پائنگ چست مکن. <sup>23</sup> اگن اے کارا بکنئي و آمني کرا پريات بکننت، من آلم آياني پرياتان گوش داران. <sup>24</sup> مني هژم چست بيت و شمارا په زهم کشان، و شمئي جن جنوزام بنت و چک چورئو.

<sup>25</sup> اگن مني مهلوکئي نيزگاريا و امي دئيے، گڑا وام دئيوکاني پئيما مکن و چه آيا بياج\* مگر.

<sup>26</sup> اگن تئو وتي همساگئي چادر په زمانت وتي کرا اير کرت، گڑا چه روندنا پيسر پري ترين. <sup>27</sup> چيا که بلکين آيے پوشاک ايوکا همش انت، گڑا چه پر بدنت و بوپسيت؟ اگن مني کرا پريات بکننت، من گوش داران، چيا که من مهربان آن.

<sup>28</sup> کپر مکن. وتي مهلوکئي سروکا نالت مکن.

<sup>29</sup> چه وتي کشار و شيرگان مني بهريے دئيگا دير مکن. وتي ائولي مردين چکا منا بدئي. <sup>30</sup> وتي گوک و پساني ائولي نرين چکا هم بدئي. آياني ائولي چکان تان هپت روچا ماتئي کرا بل و هشتمی روچا مناش بدئي.

<sup>31</sup> شما مني پاک و در چتگين کئوم بيت. آ دلوت که رستريتا جتگ و کشتگ، آيے گوشتا مؤريت، کچکاني ديما دئوري دئييت.

## Ensapay kánun

**23** “Drógén hál sheng makan. Gón badkárán hamkári makan o drógén sháhedi maday. <sup>2</sup> Gón géshterén mardomán gón makap o badén kár makan. Jérhahéay sará ke sháhedia dayay, ensápá lagatmál makan, bell toré géshterén mardom hamá némagá ant. <sup>3</sup> Jérhahéay tahá nézgárén mardoméay wástá ham ru o ryá\* makan.

<sup>4</sup> Agan taw wati dozhmenay ham gárén gók yá har dist, allam wáhonday kerrá sari kan.

<sup>5</sup> Agan taw dist ke tai badwáhéay har báray chérá chér tarretag, poshtá mán maday o maraw. Báray bójagá komakki kan.

<sup>6</sup> Agan tai kawmay garib o nézgaréa wati arz o peryát áwort, áia béensáp makan.

<sup>7</sup> Cha drógén bohtámjaniá pahréz kan. Bégonáh o rást o barhakkén mardomá markay sezá maday. Chéá ke man náhakkén mardomá bégonáh hesába nakanán.

<sup>8</sup> Roshwat mazur, chéá ke roshwat rozhnáén chammán kóra kant o rástgóay habará tába dant.

<sup>9</sup> Darámadéay sará zolm makan. Chéá ke taw zánay darámad bayag chón grán ent. Shomá wat ham Mesrá darámad atét.”

## Shabbatay kánun

<sup>10</sup> “Tán shash sálá wati dhagára bekesh o beron, <sup>11</sup> bale haptomi sálá bell ke dhagár árám kant. Kári madár, bell ke tai mahlukay garib o nézgára chenant o warant o sar átkagénán gyábánay jánwara warant. Wati anguray bág o zaytunay bágá ham anchosh kan. <sup>12</sup> Shash róchá kár kan o haptomi róchá árám kan ke tai gók o har dam bekanant o tai móleday chokk o tai lógá neshtagén darámaday arwáh tázadam bebit.

<sup>13</sup> Mani é sajjahén habar ke man gón shomá kortant, eshán delgósh kanét. Á dega hodáyáni námá magerét. Cha shomay dapá áyáni nám ham dar mayayt.”

## انساپے کانون

**23** ”دروگین حال شنگ مکن. گون بدکاران همکاری مکن و دروگین شاهی مدئی. <sup>2</sup> گون گیشترین مردمان گون مکپ و بدین کار مکن. جیڑھیئے سرا که شاهی دیئے، انسایا لگتال مکن، بل ترے گیشترین مردم هما نیمگا آنت. <sup>3</sup> جیڑھیئے تها نیزگارین مردمیئے واستا هم رو و ریا\* مکن. <sup>4</sup> اگن تئو وتی دژمنئے هم گارین گوک یا هر دیست، آلم واهندئے کرا سری کن.

<sup>5</sup> اگن تئو دیست که تئی بدواھیئے هر بارئے چیڑا چیڑا ترنگ، پُشتا مان مدئی و مرئو. بارئے بوجگا کُمکی کن.

<sup>6</sup> اگن تئی کئومئے گریب و نیزگاریا وتی آرز و پریات آورت، آییایے انسایا مکن.

<sup>7</sup> چه دروگین بھتام جنیا پهریز کن. بینگناه و راست و برهکین مردما مرکئے سزا مدئی. چیا که من ناهکین مردما بینگناه حساب نکنان.

<sup>8</sup> رشوت مزور، چیا که رشوت رزناين چمان کور کنت و راستگوئے هبرا تاب دنت.

<sup>9</sup> درامدیئے سرا زلم مکن. چیا که تئو زانئے درامد بیگ چون گران انت. شما وت هم مسرا درامد اتیت.”

## شبتے کانون

<sup>10</sup> ”تان شش سالا وتی دگارا بکش و برن، <sup>11</sup> بله هپتمی سالا بل که دگار آرام کنت. کاری مدار، بل که تئی مهلوکئے گریب و نیزگار چنت و ورت و سر آتکگینان گیابانئے جانور ورت. وتی انگورئے باگ و زیتونئے باگا هم انچش کن. <sup>12</sup> شش روچا کار کن و هپتمی روچا آرام کن که تئی گوک و هر دم بکننت و تئی مولدئے چک و تئی لوگا نشتگین درامدئے ارواه تازه دم بییت.

<sup>13</sup> منی اے سجهین هبر که من گون شما کرتنت، اشان دلگوش کنیت. آدگه هدیایانی ناما مگریت. چه شمئے دپا آیانی نام هم در مئییت.”

## Aidáni kánun

<sup>14</sup>“Sálé say randá pa man aid bekan. <sup>15</sup>Béhomirén Naganay Aidá barjáh bedár. Hamá paymá ke man tará hokm dátag, hapt róchá béhomirén nagan bwar. É kará Abibay máhá, hamá wahdá bekan ke man gishhéntag, chéá ke hamé máhá shomá cha Mesrá dar átkét. Kass gón háligén dastán mani bārgáhá mayayt.

<sup>16</sup>Rón o Móshay Aidá gón wati hamá kesharáni awali bar o samarán jashn beger ke taw wati dhagáray keshtagant.

Érahtay Aidá sáláy goddhi róchán jashn beger, hamá wahdá ke wati dhagáray bar o samará moccha kanay.

<sup>17</sup>Sajjahén mardén sálé say randá Hodáwandén Hodáay bārgáhá byáyant.

<sup>18</sup>Korbánigay hóná ke mani démá pésha kanay, tará hecch homirdáren chizz gón mabit. Mani aiday korbánigay pig tán sabáhá pasht makapit.

<sup>19</sup>Wati zeminay awali bar o samará wati Hodáwandén Hodáay lógá byár.

Shenkkay góshtá mátay shiray tahá lahrh maday.

## Hodáay préshtag

<sup>20</sup>Bechár, nun man préshtagé ráh dayagá án. É cha taw pésara bit ke ráhá tai páspániá bekant o tará mani tayár kortagén jágahá bebárt o sar bekant. <sup>21</sup>Áiay ehterámá bekan o habaráni gósh dár. Áiay helápá pād mayá ke tai náparmániá nabakshit. Chéá ke mani nám áiay bátená ent. <sup>22</sup>Bale agan áiay tawará sharriay sará gósh bedáray o harchéke mana gwashán, hamá paymá bekanay gorhá man tai dozhmenáni dozhmena bán o tai badwáháni badwáh. <sup>23</sup>Mani préshtag cha taw pésar rawána bit o tará Amuri o Hitti o Perizzi o Kanháni o Héwi o Yabusíani molká bárt. Man eshán gár o gomsára kanán. <sup>24</sup>Esháni hodáyáni parastesh o hezmatá makan o esháni karáni randgiriá makan. Esháni botén hodáyán sarjamiá karój o hamá sengán thokkor thokkor kan ke eshán pa wati parasteshgáhay neshán kanagá mekk kortagant. <sup>25</sup>Man tai Hodáwandén Hodá án. Mani hezmatá bekan, man tai rezk o rózigá barkata dayán o nádráhiá cha tai jáná dura dárán. <sup>26</sup>Tai molká kass chokk eshkanda nakant o kass santh o béawláda nabit. Man shomay omrá barkata dayán.

## ائیدانی کانون

<sup>14</sup>”سالے سئے رندا پہ من ائید بکن. <sup>15</sup>بیہمیرین ننگئے ائیدا برجہا بدار. ہما پیما کہ من ترا ہکم داتگ، ہپت روچا بیہمیرین ننگن بور. اے کارا آبیئے ماہا، ہما وھدا بکن کہ من گیشیتنگ، چیا کہ ہمے ماہا شما چہ مسرا در آتکیت. کس گون ہالیگین دستان منی بارگاھا مئیئت.

<sup>16</sup>رؤن و مؤشئے ائیدا گون وتی ہما کشارانی اتولی بر و سمران جشن بگر کہ تتو وتی ڈگارا کشتگ آنت.

ایرھتئے ائیدا سالتے گڈی روچان جشن بگر، ہما وھدا کہ وتی ڈگارئے بر و سمر مچ کئے.

<sup>17</sup>سجھین مردین سالے سئے رندا ہداوندین ہدائے بارگاھا بیاینت.

<sup>18</sup>کربانیگئے ہونا کہ منی دیما پیش کئے، ترا ہچ ہمیردارین چیژ گون مبیئت. منی ائیدئے کربانیگئے پیگ تان سباھا پشت مکپیت.

<sup>19</sup>وتی زمینئے اتولی بر و سمر وتی ہداوندین ہدائے لوگا بیار.

شینگئے گوشتا ماتئے شیرئے تھا لھڑ مدئے.

## ہدائے پریشتگ

<sup>20</sup>بچار، نون من پریشتگے راہ دئیگا آن. اے چہ تتو پیسر بیت کہ راھا تئیے پاسپانیا بکنت و ترا منی تئیار کرتگین جاگھا ببارت و سر بکنت. <sup>21</sup>آبیئے اھتراما بکن و ہبرانی گوش دار. آبیئے ہلاپا پاد مئیا کہ تئیے ناپرمانیا نکشیت. چیا کہ منی نام آبیئے باتنا انت. <sup>22</sup>بلہ اگن آبیئے توارا شریئے سرا گوش بدارئے و ہرچے کہ من گوشان، ہما پیما بکنئے گڑا من تئیے دژمنانی دژمن بان و تئیے بدواہانی بدواہ. <sup>23</sup>منی پریشتگ چہ تتو پیسر رٹوان بیت و ترا اموری و ہیئی و پریژی و کنھانی و ہیوی و یوسیانے ملکا بارت. من اشان گار و گمسار کنان. <sup>24</sup>اشانی ہدایانی پرستش و ہزمتا مکن و اشانی کارانی زندگی ریا مکن. اشانی بئین ہدایان سرجمیا کرؤج و ہما سنگان ٹکر ٹکر کن کہ اشان پہ وتی پرستشگاہئے نشان کنگا مک کرتگ آنت. <sup>25</sup>من تئیے ہداوندین ہدا آن. منی ہزمتا بکن، من تئیے رزک و روزیگا برکت دیان و نادراھیا چہ تئیے جانا دور داران. <sup>26</sup>تئیے ملکا کس چک اشکند نکنت و کس سنٹ و بے اتولا د بیت. من شمئے امرا برکت دیان.



<sup>27</sup> Man wati bimmá cha taw pésar ráha dayán o taw har kawméa ke dapa kapay, á kawmá sarbatag o sargardána kanán o sajjahén dozhmenán cha tai démá táchéán. <sup>28</sup> Man wati kahrá cha taw pésar ráha dayán o Héwi o Kanháni o Hittián cha tai démá dura kanán. <sup>29</sup> Bale yakksáléay tahá cha tai démá dureshanakanán. Chó mabit ke zemin wayrandán bebit o gyábánay jánwar cha taw géshter bebant. <sup>30</sup> É kawmán kamm kammá cha tai démá dura kanán tánke taw báz bayán bebay o é sardhagará wati bekanay.

<sup>31</sup> Cha Sohrzerá tán Pilestiáni zerá o cha gyábáná tán Parátay kawrá, tai simsarána gishshénán o é sardhagáray nendókán tai dastá dayán o taw áyán cha wati kerrá gallénay. <sup>32</sup> Gón eshán o esháni hodáyán ahd o paymán makan. <sup>33</sup> É mardom tai molká manendant. Chó mabit ke tará dém pa gonáhá bebarant o taw mani náparmán bebay. Agan taw esháni hodáyáni parastesh bendát kort, allamá dáméa kapay.”

#### Gón Esráilá Hodáyay ahd o paymán

**24** Hodáyá gón Mussáyá gwasht: “Borzád, mane Hodáwanday bárgáhá byá. Taw o Hárun o Nádáb o Abihu o Esráilay haptád kamásh byáét o cha durá parastesh kanét. <sup>2</sup> Éwaká tawe Mussá mane Hodáwanday kerrá byá. Á dega mardom nazzikká mayáyant. Mahluk ham tai hamráhiá borzád mayayt gón.”

<sup>3</sup> Mussá átk o Hodáwanday sajjahén habar o parmáni mardománá sar kortant. Sajjahén mahluká pa hamtawári gwasht: “Hodáwandá harché ke gwashtag, má anchosha kanén.” <sup>4</sup> Mussáyá Hodáwanday sajjahén habar nebeshtah kortant.

Mussá sohbá máhallah pád átk, kóhay boná korbánjáhé addhi kort o pa Esráilay dwázdahén kabilahán dwázdah sengi mekk kort. <sup>5</sup> Bani Esráilay warnái ráh dátant, áyán káiger\* zort o pa Hodáwandá sóchagi korbánig o hamdeliay korbánigesh kort. <sup>6</sup> Mussáyá hónáni ném tagarán kort o á dega némi korbánjáhay sará dranzetant. <sup>7</sup> Ahd o paymánay ketábi zort o mardománi démá wánti. Áyán gwasht: “Harché ke Hodáyá gwashtag, má hamá paymá kanén o parmánbardára Bén.” <sup>8</sup> Mussáyá hón zort, mahlukay sará dranzet o gwashti: “É sajjahén wántagén habar hamá ahd o paymánayg ant ke Hodáwandá gón shomá bastag o é hamé ahd o paymánay hón ant.”

<sup>27</sup> من وتی بیما چه تئو پیسر راه دئیان و تئو هر کئومیا که دپ کپئی، آ کئوما سربتگ و سرگردان کنان و سجهین دژمنان چه تئی دیما تاجینان. <sup>28</sup> من وتی کھرا چه تئو پیسر راه دئیان و هیوی و کنھانی و هیتیان چه تئی دیما دور کنان. <sup>29</sup> بله یگ سالیئی تھا چه تئی دیما دورش نکنان. چؤ مبیٹ کہ زمین وئیرندان بیٹ و گیابانئ جانور چه تئو گیشتر ببت. <sup>30</sup> اے کئومان کم کما چه تئی دیما دور کنان تانکه تئو باز بیان بیئ و اے سردگارا وتی بکنئ.

<sup>31</sup> چه سھرزران تان پیلستیانی زرا و چه گیابانان تان پراتئ کئورا، تئی سیمسران گیشینان و اے سردگارئ نندوکان تئی دستا دئیان و تئو آیان چه وتی کرا گلئئی. <sup>32</sup> گون اشان و اشانئ هڈایان اهد و پئیمان مکن. <sup>33</sup> اے مردم تئی ملکا مندنت. چؤ مبیٹ کہ ترا دیم په گناھا ببرت و تئو منی ناپرمان بیئ. اگن تئو اشانئ هڈایانی پرستش بندات کرت، آما دامیا کپئی.

#### گون اسرائیلا هڈائے اهد و پئیمان

**24** هڈایا گون موسایا گوشت: “برزاد، من هداوندئ بارگاها بیا. تئو و هارون و ناداب و ابیهو و اسرائیئ هبتاد کماش بیایت و چه دورا پرستش کنیت. <sup>2</sup> ایوکا تئو موسا من هداوندئ کرا بیا. آ دگه مردم نزیگا مئیانت. مهلوک هم تئی همراهیا برزاد مئییت گون.”

<sup>3</sup> موسا آتک و هداوندئ سجهین هبر و پرمانی مردمانا سر کرتنت. سجهین مهلوکا په همتئواری گوشت: “هداوندا هرچه که گوشتگ، ما انجش کنین.” <sup>4</sup> موسایا هداوندئ سجهین هبر نبشته کرتنت.

موسا سھبا ماھلھ پاد آتک، کوهئے بنا کربانجاھے اڈی کرت و په اسرائیئے دوازدهین کبیلھان دوازده سینگى مگ کرت. <sup>5</sup> بنی اسرائیئے ورنایی راه دانت، آیان کایگر\* زرت و په هداوندا سوچگی کربانیگ و همدلیئے کربانیگش کرت. <sup>6</sup> موسایا هونانی نیم تگارن کرت و آدگه نیمى کربانجاھئے سرا دزنزتنت. <sup>7</sup> اهد و پئیمانئے کتابی زرت و مردمانی دیما وانتي. آیان گوشت: “هرچه که هڈایا گوشتگ، ما هما پئیمان کنین و پرمانبردار ببتن.” <sup>8</sup> موسایا هون زرت، مهلوکئے سرا دزنزت و گوشتی: “اے سجهین وانتگین هبر هما اهد و پئیمانئیک انت که هداوندا گون شما بستگ و اے همه اهد و پئیمانئے هون انت.”

<sup>9</sup> Mussá o Hárun o Nádáb o Abihu o Esráilay haptádén kamásh borzá sar kaptant <sup>10</sup> o Esráilay Hodáesh dist. Hodáay pádáni chérá sabzén nilomay paymén parshé at ke chó ásmánay jendá sáp at. <sup>11</sup> Hodáyá Esráiliáni sarók táwán nadátant. Áyán Hodá dist o hamódá warag o charagesh wárt.

### Mussá Hodáay shán o shawkatá gendit

<sup>12</sup> Hodáwandá gón Mussáyá gwasht: “Kóhá sar kap, mani kerrá byá o kammé hamedá bejall ke man tará wánekána dayán ke eshání sará man pa kawmay sar o sójá Sharyat o parmán nebeshtah kortagant.” <sup>13</sup> Mussá o áiy komakkár Yushá ráh geptant. Mussá Hodáay kóhá sar kapt. <sup>14</sup> Bale pésará gón Esráilay kamáshán gwashti: “Tánke má shomay kerrá wátarra nakanén, hamedá bejallét. Bechár, Hárun o Ahur shomay kerrá ant. Harkasá jérhahe but, hameshání kerrá berawt.” <sup>15</sup> Mussá kóhá sar kapt o jambará kóh sarpósh kort. <sup>16</sup> Hodáwanday shán o shawkatá Sináay kóhay sará hankén kort o jambará kóh tán shash róchá sarpósh kort. Haptomi róchá Hodáwandá cha jambaray nyámá Mussá gwánk jat. <sup>17</sup> Esráiliáni chammán Hodáwanday shán o shawkatay dróshom pelekkókén\* ásay paymá at ke kóhay thollá jambur at. <sup>18</sup> Mussá kóhá sar kapt o jambaray tahá shot o tán chell shap o chell róchá hamódá jallet.

### Pa tambuay addh kanagá shogránah

**25** Hodáwandá gón Mussáyá gwasht: <sup>2</sup> “Gón Esráilián begwash ke pa man shogránah byárét. Cha hamá sajjahén mardomán shogránah bezurét ke delesha parmáit. <sup>3</sup> Cha mardomán é shogránahán begerét: teláh, nograh, brenj, <sup>4</sup> ásmáni o jamu o sohrén pazhm, sharrén lilom\*, bozay mud, <sup>5</sup> gwarándhay ratkagén\* sohrén póst, dega paymén mohrén póst, chegerday dár, <sup>6</sup> pa cherágán thél, pa per moshagi rógen o washbóén sóchokiá masálah o <sup>7</sup> pa épód\* o sénagpóshá senge solaymán o dega gránkimmatén seng. <sup>8</sup> Pa man pákén jágahé addh bekanant ke man áyáni nyámá jahmenend bebán.

24:17 Pelekkók, bezán ér barók.

25:4 Lilom, goday tahré ke Engréziá “linen” gwashaga bit.

25:5 Ratkagén, bezán rajetagen, rang dátagen.

25:7 Épód Esráili masterén dini péshwáay pósháké at.

<sup>9</sup> موسا و هارون و ناداب و ابهو و اسراييلے ھپتادین کماش بڑزا سر کپتننت <sup>10</sup> و اسراييلے ھدائش دیست. ھدائے پادانی چیرا سبزیں نیلمئے پئیمین پرشے ات کہ چو آسمانے جندا ساپ ات. <sup>11</sup> ھدایا اسراييلیانی سروک تاوان نداتنت. آیان ھدا دیست و ھمؤدا ورگ و چرگش وارت.

### موسا ھدائے شان و شوکتا گندیت

<sup>12</sup> ھداوندا گون موسایا گوشت: “کوھا سر کپ، منی کرا بیا و کئے ھمدا بجل کہ من ترا وانکان دئیان کہ اشانی سرا من پہ کئومئے سر و سوچا شریت و پرمان نبشته کرتگ انت.” <sup>13</sup> موسا و آئیئے کممک کار یوشا راه گپتننت. موسا ھدائے کوھا سر کپت. <sup>14</sup> بله پیسرا گون اسراييلے کماشان گوشتی: “تانکه ما شمئے کرا واتر نکینن، ھمدا بجلت. بچار، هارون و اهور شمئے کرا انت. هرکسا جیڑھے بوت، ھمسانی کرا برئوت.” <sup>15</sup> موسا کوھا سر کپت و جمبرا کوھ سرپوش کرت. <sup>16</sup> ھداوندئے شان و شوکتا سینائے کوھے سرا ھنکین کرت و جمبرا کوھ تان شش روچا سرپوش کرت. ھپتمی روچا ھداوندا چه جمبرئے نیاما موسا گوانک جت. <sup>17</sup> اسراييلیانی چمان ھداوندئے شان و شوکتئے دروشم پلکوکین\* آسئے پیما ات کہ کوھے ئلا جمبور ات. <sup>18</sup> موسا کوھا سر کپت و جمبرئے تھا شت و تان چل شپ و چل روچا ھمؤدا جلت.

### په تمبوئے اڈ کنگا شگرانه

**25** ھداوندا گون موسایا گوشت: <sup>2</sup> “گون اسراييلیان بگوش کہ په من شگرانه بیاریت. چه ھما سجهین مردمان شگرانه بزوریت کہ دلش پرمايیت. <sup>3</sup> چه مردمان اے شگرانهان بگریت: تلاه، نگره، برنج، <sup>4</sup> آسمانی و جمو و سهرین پڑم، شریں لیلیم، بڑے مود، <sup>5</sup> گورانڈئے رتکگین\* سهرین پؤست، دگه پئیمین مھریں پؤست، چگردئے دار، <sup>6</sup> په چراگان ئیل، په پرْمشگی روگن و وشبویں سوچکیا مساله و <sup>7</sup> په ایپؤد\* و سینگ پؤشا سنگ سلئیمان و دگه گران کیمتین سنگ. <sup>8</sup> په من پاکین جاگھے اڈ بکننت کہ من آیانی نیاما جھمنند بیان. <sup>9</sup> تمبو\*

17:24 پلکوک، بزبان ایر برؤک.

4:25 لیلیم، گڈئے تھرے کہ انگریزا “linen” گوشتگ بیت.

5:25 رتکگین، بزبان رجتگین، رنگ داتگین.

7:25 ایپؤد اسرايیلی مستریں دینی پینشوائے پؤشاکے ات.

9:25 تمبو، بزبان ھئیمه، گدان.

<sup>9</sup>Tambu\* o tambuay tahay sajjahén sámánán hamá paymá addh bekanant ke man tará pésha dárán.

### Sháhediay péti

<sup>10</sup>Cha chegerday dárápétié\* addh bekanant kedrájiá do o ném dast\* bebit, práhiá yakk o ném dast o borziá ham yakk o ném dast. <sup>11</sup>Pétiá cha dhanná o tahá gón zagrén\* teláhá sarpósh kan. Gerdágerd teláhén patthié peri kan. <sup>12</sup>Pa pétiá teláhay chár karhi addh kan o pétiay chárén pádagán lechhénesh, do karhi yakk némagéá o do á dega némagá. <sup>13</sup>Cha chegerday dárá do gwarbásk\* addh kan o gón teláhá sarpóshesh kan. <sup>14</sup>Pa pétiay chest kanagá gwarbáskán cha pétiay kashay karhián begwázén. <sup>15</sup>Gwarbáskpétiay karhián bebant o cha karhián dar kanag mabant. <sup>16</sup>Sháhediay wánekan\* ke man tará dayán, hamé pétiá mánesht kan.

<sup>17</sup>Cha zagrén teláhá kapáraté\* addh kan o pétiá sarpósh kan. Drájiá do o ném dast bebit o práhiá yakk o ném dast. <sup>18</sup>Teláhay do karrubi\* addh kan, teláhá bezur o thapp o addhesh kan. É karrubián sarpóshay doén sarán addh kan, <sup>19</sup>yakk karrubié sarpóshay yakk saréá addh kan o á dega karrubiá domi sará. Sarpósh o doén saráni karrubián jetá jetá addh makan, é yakthokkor bebant. <sup>20</sup>Karrubiáni dém gón yakdomiá bebit o chammesh gón sarpóshá. Bánzolesht borzádiá pach bebant o sarpóshá sáhél bekanant. <sup>21</sup>Sarpóshá pétiay sará ér kan o hamá sháhediay wánekan ke man tará dayán, áyán pétiay tahá kan. <sup>22</sup>Man hamódá tai démá záhera bán o gón taw habara kanán, cha sarpóshay borzá, cha sháhediay pétiay saray doén karrubiáni nyámá Esráiliáni bárawá har parmáné ke hast, tará gwashánesh gón.

و تمبوی تهے سجھین سامانان ہما پیما اڈ بکننت کہ من ترا پیش داران.

### شاہدیے پیٹی

<sup>10</sup>چہ چگردے دارا پیٹے\* اڈ بکننت کہ ڈراجیا دو و نیم دست\* بیبت، پراہیا یک و نیم دست و بزیا ہم یک و نیم دست. <sup>11</sup>پیٹیا چہ ڈنا و تھا گون زگرین\* تلاھا سرپوش کن. گرداگرد تلاھین پیٹے پری کن. <sup>12</sup>پہ پیٹیا تلاھے چار کڑی اڈ کن و پیٹھے چارین پادگان لچینش، دو کڑی یک نیمگیا و دو آدگہ نیمگا. <sup>13</sup>چہ چگردے دارا دو گورباسک\* اڈ کن و گون تلاھا سرپوش کن. <sup>14</sup>پہ پیٹھے چست کنگا گورباسکان چہ پیٹھے کشے کڑیان بگوازین. <sup>15</sup>گورباسک پیٹھے کڑیان ببت و چہ کڑیان در کنگ مبت. <sup>16</sup>شاہدیے وانکان\* کہ من ترا دئیان، ہمے پیٹیا مانش کن.

<sup>17</sup>چہ زگرین تلاھا کپارتے\* اڈ کن و پیٹیا سرپوش کن. ڈراجیا دو و نیم دست بیبت و پراہیا یک و نیم دست. <sup>18</sup>تلاھے دو کڑوی\* اڈ کن، تلاھا بزور و ٹپ و اڈش کن. اے کڑویان سرپوشے دوین سران اڈ کن، <sup>19</sup>یک کڑویے سرپوشے یک سریا اڈ کن و آدگہ کڑویا دومی سرا. سرپوش و دوین سرانی کڑویان جتا جتا اڈ مکن، اے یکٹکر ببت. <sup>20</sup>کڑویانی دیم گون یکدومیا بیبت و چمش گون سرپوشا. بانزولش بزادیا پیچ ببت و سرپوشا ساهیل بکننت. <sup>21</sup>سرپوشا پیٹھے سرا ایر کن و ہما شاہدیے وانکان کہ من ترا دئیان، ایان پیٹھے تھا کن. <sup>22</sup>من همودا تئی دیم زاہر بان و گون تئو ہبر کنان، چہ سرپوشے بزرا، چہ شاہدیے پیٹھے سرے دوین کڑویانی نیاما اسرائیلیانی بارئو ہر پرمانے کہ هست، ترا گوشانیش گون.

25:9 Tambu, bezán haymah, gedán.

25:10 Péti, bezán sanduk.

25:10 Yakk dast do bechill ent, bezán ném mitar.

25:11 Zagr, bezán asil, háles.

25:13 Gwarbásk, bezán tahtay kashay drájén dár.

25:16 Wánekan, bezán mazanén patanén seng, wánag. Sháhediay wánekaní sará Hodáay dahén parmán nebeshtah atant.

25:17 Ebráni zobána kapáratay máná sarpósh ent. Edá pa gonáháni shódag o sarpósh kanagá kármaz butag, bezán pa chizzéay mókagá. Gonáháni shódag dega káré o sarpóshi dega káré, bale kapáratay tahá doén máná hawár ant.

25:18 Karrubi, ásmáni mahluké ke bánzolesht per o Hodáay tahtay chapp o chágérdá ant.

10:25 پیٹی، بزآن سندوک.

10:25 یک دست دو بچیل انت، بزآن نیم میتر.

11:25 زگر، بزآن اسیل، هالس.

13:25 گورباسک، بزآن تھتھے کشے دراجین دار.

16:25 وانک، بزآن مزین پنین سنگ، وانگ. شاہدیے وانکانی سرا ہدائے دھین پرمان نیشته انت.

17:25 ایرانی زبانا کپارتھے مانا سرپوش انت. ادا پہ گناہانی شوڈگ و سرپوش کنگا کارمرز بوتگ، بزآن پہ چیرھے مۆکگا. گناہانی شوڈگ دگہ کارے و سرپوشی دگہ کارے، بلہ کپارتھے تھا دوین مانا ہنوار انت.

18:25 کڑوی، آسمانی مہلوکے کہ بانزولش پر و ہدائے تھتھے چپ و چاگردا انت.

## Thébal

<sup>23</sup> Cha chegerday dára thébalé addh kan. Drájiá do dast bebit, práhiá yakk dast o borziá yakk o ném dast. <sup>24</sup> Gón zagrén teláhá sarpóshi kan o teláhay patthié addh kan o chárén némagán peri kan. <sup>25</sup> Thébalay sarbori tahtagá, chárén némagán teláhay patthié per kan o tahtagay chérá chárén némagán yakk panjagéay práhiay kaddén kábé\* per kan. <sup>26</sup> Pa thébalá teláhay chár karhi addh kan o karhián chárén kondhán, pádagán per kan. <sup>27</sup> É karhi báyard ent kábay nazzikká bebant chéa ke thébalay chest kanagay wahdá gwarbáskána dárant. <sup>28</sup> Thébalay chest kanagay gwarbáskán cha chegerday dára addh kan o gón teláhá sarpóshesh kan. <sup>29</sup> É thébalay tál\* o tásán cha zagrén teláhá addh kan. Thébalay jag o hamá kásagán ham ke pa réchagi korbánigay ér réchagákár bandaga bant, cha zagrén teláhá addh kan. <sup>30</sup> ‘Pákwandhén naganán’\* modám hamé thébalay sará, mani démá ér kan.

## Cherágdán

<sup>31</sup> Cha zagrén teláhá cherágdané addh kan. Cherágdána, bezán bon o bonsháh o pyálah o golbon\* o pollán thapp o addh kan, jetá jetá addhesh makan, é yakthokkor bebant. <sup>32</sup> Cha bonsháhay kashán shash sháharh dar byayt, say sháharh cha yakk kashéa o say sháharh cha á dega kashá. <sup>33</sup> Har sháharhá say pyálah per bebit, pyálaháni sarborá bádámay pollay warhén golbon o pollé per bebit. Cherágdánay har shashénsháharh hamépaymá bebant. <sup>34</sup> Cherágdánay bonsháhá chár pyálah per bebit, gón bádámay pollay warhén golbon o pollán. <sup>35</sup> Cha bonsháhá dar áyókén shashén sháharháni boná golbon bebit, yakk golboné awali doén sháharháni boná bebit, cha hamá jágahá kammé jahlter ke sháharh cha bonsháhá dara káyant, domi golbon domi doén sháharháni boná bebit. <sup>36</sup> Golbon o sháharh o cherágdán yakthokkor bebant.

25:25 Káb, bezán chárchóbah, chárchóbag, chárkondhén chókáth ke chizzéay chárén némagán per kanaga bit.

25:29 Tál, bezán tár, hamé razán ke eshiay tahá waraga warant.

25:30 Pákwandén nagan, asligén Ebránia gwashit “chehragáni nagan, démáni nagan”. É nán modám Hodáwunday bárgáhá ér kanagi atant o é gappay nesháni atant ke Hodá wati mardománi rózirasán ent.

25:31 Golbon, bezán golay bon, pollay hamá jágah ke tákáni boná ent.

## ثيبَل

<sup>23</sup> چه چگردئے دارا ثيبَلے اَدُّ كن. دَرَجيا دو دَسْت ببيت، پُراهيا يَك دَسْت و بُرْزيا يَك و نيم دَسْت. <sup>24</sup> گُون زَگرين تلاها سرپوشی كن و تلاهئے پُتيے اَدُّ كن و چارين نيمگان پري كن. <sup>25</sup> ثيبَلے سَربري تَهْتگا، چارين نيمگان تلاهئے پُتيے پر كن و تَهْتگئے چيرا چارين نيمگان يَك پَنجگيئے پُراهيے كَدِين كايے \* پر كن. <sup>26</sup> په ثيبَللا تلاهئے چار كُوي اَدُّ كن و كُريان چارين كُنْدان، پادگان پر كن. <sup>27</sup> اے كُوي بايد اِنْت كايے نَزِيكا بِنْت چينا كه ثيبَلے چَسْت كنگئے و هدا گُورباسكان دَارَنْت. <sup>28</sup> ثيبَلے چَسْت كنگئے گُورباسكان چه چگردئے دارا اَدُّ كن و گُون تلاها سرپوشش كن. <sup>29</sup> اے ثيبَلے تال \* و تاسان چه زَگرين تلاها اَدُّ كن. ثيبَلے جگ و هما كاسگان هم كه په ريچگی كُربانيگئے اير ريچگا كار بِنْدگ بِنْت، چه زَگرين تلاها اَدُّ كن. <sup>30</sup> ‘پاكُونْدِين نِگنا’ \* مُدام همے ثيبَلے سرا، مني دِيما اير كن.

## چراگدان

<sup>31</sup> چه زَگرين تلاها چراگدانه اَدُّ كن. چراگدانا، بزان بُن و بُنشاہ و پياله و گُلبُن \* و پُلان تَپ و اَدُّ كن، جتا جتا اَدُّش مكن، اے يَك تُكُر بِنْت. <sup>32</sup> چه بُنشاہئے كَشان شش شاہر در بيئيت، سئے شاہر چه يَك كَشيا و سئے شاہر چه آ دگه كَشا. <sup>33</sup> هر شاہرُ سئے پياله پر ببيت، پيالهني سر بُرا بادامئے پُئے و زَين گُلبُن و پُئے پر ببيت. چراگدانئے هر شَشين شاہر همے پُئيا بِنْت. <sup>34</sup> چراگدانئے بُنشاہا چار پياله پر ببيت، گُون بادامئے پُئے و زَين گُلبُن و پُلان. <sup>35</sup> چه بُنشاہا در اَيُوكين شَشين شاہرُاني بُنا گُلبُن ببيت، يَك گُلبُنے ائولي دوين شاہرُاني بُنا ببيت، چه هما جاگها كَمے جَهْلتر كه شاہر چه بُنشاہا در كايِنْت، دومي گُلبُن دومي دوين شاہرُاني بُنا و سئيمي گُلبُن سئيمي دوين شاہرُاني بُنا ببيت. <sup>36</sup> گُلبُن و شاہر و چراگدان يَك تُكُر بِنْت. اے سَجَهينان چه يَكِين تَبْتگين زَگرين تلاها اَدُّ كن.

25:25 كاب، بزان چارچوبه، چارچوبگ، چاركُنْدِين چوكاٹ كه چيزيے چارين نيمگان پر كنگ بيت.

29:25 تال، بزان تار، همے زَران كه ايشيے تها ورك ورنْت.

30:25 پاكُونْدِين نِگن، اَسليگين ايراني گُوشيت “چهَرگاني نِگن، ديماني نِگن”. اے نان مُدام هُداوندئے بارگاها اير كنگي اَتْنْت و اے گِئے نَشاني اَتْنْت كه هُدا وتي مردماني رُوزي رَسان اِنْت.

31:25 گُلبُن، بزان گُلبُن، پُئے هما جاگه كه تاكاني بُنا اِنْت.

É sajjahénán cha yakkén thappetagén zagrén teláhá addh kan.

<sup>37</sup> Hapt cherág addh kan o cherágdáná peresh kan ke cherágdánay démay jágahá rozhná bekanant. <sup>38</sup> Cherágdánay sambálagay awzár o sámánán cha zagrén teláhá addh kan. <sup>39</sup> Pa cherágdán o eshiay sajjahén sámánáni addh kanagá yakk tálánté\* zagrén teláh kármaz kan.

<sup>40</sup> Bechár, é sajjahén chizzán hamá paymá addh kan ke man tará kóhay sará pésh dásht.

### Sháhediay tambu

**26** Pa sháhediay tambuá dah pardah addh kan. É pardah cha hurtgwápen lilomá o cha ásmáni o jamu o sohrén pazhmá gwapag bebant. Honarmandén ezmkaré é pardahán karrubiay naksh per bekant. <sup>2</sup> Sajjahén pardah yakkén kadd o mápay bebant. Hamok pardah drájiá bist o hasht dast bebit o práhiá chár dast bebit. <sup>3</sup> Panch pardah bezur o gón yakdegará lecchén o á dega panchénán ham hamé paymá lecchén. <sup>4</sup> Awali reday goddhi pardahay lambá ásmánrangén lóp per kan o domi reday goddhi pardahay lambá ham anchosh kan. <sup>5</sup> Yakk pardahéa panjáh lóp per kan o domi reday pardahay lambá ham panjáh lóp per kan. Doénáni lóp dém pa dém bebant. <sup>6</sup> Teláhay panjáh karhi addh kan o pardahán gón yakdegará jórhén ke tambu yakk bebit.

<sup>7</sup> Pa tambuay póshagá cha syahpasay mudá pardah addh kan. Yázdah pardah addh kan. <sup>8</sup> Yázdahén pardah yakkén kadd o mápay bebant. Hamok pardahay dráji si dast bebit o práhi chár dast. <sup>9</sup> Panch pardah yakk redéa gón yakdegará lecchén o á dega shashénán dega redéa. Domi reday shashomi pardahá tambuay démi némagá dotalá patá. <sup>10</sup> Awali reday goddhi pardahay lambá panjáh lóp per kan o domi reday goddhi pardahay lambá ham panjáh lóp per kan. <sup>11</sup> Brenjay panjáh karhi addh kan o lópán mánesht kan ke tambu bejorhit o yakk bebit. <sup>12</sup> Tambuay pardaháni pasht kaptagén bahr tambuay sará, poshti némagá lónján bebit. <sup>13</sup> Tambuay drájiá é pardah ke doén némagán cha tambuá yakk dast master ant, é bell doén némagán lónján ant o tambuá póshant.

<sup>14</sup> Tambuay sarbori póshá cha gwarándhay anchén póstéa addh kan ke rajag o sohr kanag butag o eshiay sarborá dega paymén mohrén póstay póshé per kan.

<sup>37</sup> هپت چراگ اڈ کن و چراگدانا پرش کن کہ چراگدانے دیئے جاگھا رُزنا بکننت. <sup>38</sup> چراگدانے سَمبالگئے اٹوزار و سامانان چہ زگرین تلاھا اڈ کن. <sup>39</sup> پہ چراگدان و اشیئے سجھین سامانانی اڈ کنگایک تالانتے \* زگرین تلاہ کارمرز کن.

<sup>40</sup> بچار، اے سجھین چیزان ہما پیما اڈ کن کہ من ترا کوئے سرا پیش داشت.

### شاهدیئے تمبو

**26** پہ شاہدیئے تمبو دہ پردہ اڈ کن. اے پردہ چہ ہورت گواپین لیلما و چہ آسمانی و جمو و سہرین پڑما گوپگ ببت. ہنرمندین ازمکارے اے پردہان کرویئے نکش پر بکت. <sup>2</sup> سجھین پردہ یکین کڈ و ماپئے ببت. ہمک پردہ ڈراجیا بیست و ہشت دست بیت و پراہیا چار دست بیت. <sup>3</sup> پنج پردہ بزور و گون یکدگرا لچین و آدگہ پنچینان ہم ہمے پیما لچین. <sup>4</sup> اٹولی ردئے گڈی پردھے لمبا آسمان رنگین لوپ پر کن و دومی ردئے گڈی پردھے لمبا ہم انچش کن. <sup>5</sup> یک پردھیا پنجاہ لوپ پر کن و دومی ردئے پردھے لمبا ہم پنجاہ لوپ پر کن. دوینانی لوپ دیم پہ دیم ببت. <sup>6</sup> تلاھے پنجاہ کڑی اڈ کن و پردہان گون یکدگرا جوڑین کہ تمبو یک بیت.

<sup>7</sup> پہ تمبوئے پوٹگا چہ سیہ پستے مودا پردہ اڈ کن. یازدہ پردہ اڈ کن. <sup>8</sup> یازدھین پردہ یکین کڈ و ماپئے ببت. ہمک پردھے ڈراجی سی دست بیت و پراہی چار دست. <sup>9</sup> پنج پردہ یک ردیا گون یکدگرا لچین و آدگہ ششینان دگہ ردیا. دومی ردئے ششمی پردھا تمبوئے دیمی نیمگا دوٹلا پتا. <sup>10</sup> اٹولی ردئے گڈی پردھے لمبا پنجاہ لوپ پر کن و دومی ردئے گڈی پردھے لمبا ہم پنجاہ لوپ پر کن. <sup>11</sup> برنجئے پنجاہ کڑی اڈ کن و لوپان مانس کن کہ تمبو بچڑیت و یک بیت. <sup>12</sup> تمبوئے پردھانی پشت کپتگین بھر تمبوئے سرا، پشتی نیمگا لونجان بیت. <sup>13</sup> تمبوئے ڈراجیا اے پردہ کہ دوین نیمگان چہ تمبو ایک دست مستر انت، اے بل دوین نیمگان لونجان انت و تمبو پوٹنت.

<sup>14</sup> تمبوئے سربری پوٹا چہ گورانڈئے انچین پوٹیا اڈ کن کہ رَجگ و سہر کنگ بوتگ و اشیئے سربرا دگہ پیمین مہرین پوٹئے پوٹے پر کن.

<sup>15</sup> Pa tambuá cha chegerday dárá mekk kanagi tahtag addh kan. <sup>16</sup> Har tahtag drájiá dah dast bebit o práhiá yakk o ném dast. <sup>17</sup> Hamok tahtagá do zobánok per kan o é zobánok dap mán dap bebant. Tambuay sajjahén tahtagán hamé paym kan. <sup>18</sup> Pa tambuay jonubi némagá bist tahtag addh kan. <sup>19</sup> Nograhay chell bonhesht addh kan ke tahtagáni chérá dayag bebant. Pa hamok tahtagá do bonhesht addh kan. Hamok zobánokay chérá yakk bonheshté dayag bebit. <sup>20</sup> Pa tambuay á dega némagá, bezán pa tambuay shomáli némagá ham bist tahtag addh kan. <sup>21</sup> Pa tahtagáni chérá nograhay chell bonhesht addh kan, bezán do bonhesht pa har tahtagá. <sup>22</sup> Pa tambuay poshti bahrá, bezán rónendi némagá shash tahtag addh kan o <sup>23</sup> pa poshti bahray kondhán do tahtag addh kan. <sup>24</sup> É doén kondhán, é tahtag cha jahlá gón yakdegará belecchant o borzá dap mán dap kanag o yakkén karhiay tahá mán kanag bebant. Doén kondhán anchó kan. <sup>25</sup> Hasht tahtag bebant o nograhay shánzdah bonhesht, hamok tahtagay chérá do bonhesht.

<sup>26</sup> Cha chegerday dárá gwarbast\* addh kan. Panch gwarbast pa tambuay yakk némagéay tahtagán o <sup>27</sup> panch gwarbast pa á dega némagay tahtagán o panch gwarbast pa rónendi némagay tahtagán, bezán pa tambuay poshti bahray tahtagán. <sup>28</sup> Nyámi gwarbast cha é sar tán á dega sará, tahtagán sakk bebit, tahtagáni ném borziá. <sup>29</sup> Tahtagán gón teláhá sarpósh kan o pa gwarbastáni dárágá teláhay karhi addh kan. Gwarbastán ham gón teláhá sarpósh kan. <sup>30</sup> Tambuá hamá paymá mekk kan ke man kóhay sará tará pésh dásht.

<sup>31</sup> Cha ásmáni o jamu o sohrén pazhmá o cha hurtgwápén lilomá pardahé addh kan o honarmandén ezmkaré eshiay sará karrubiy naksh addh bekant. <sup>32</sup> Pardahá gón teláhay karhián chár chegerdi menokaysarádranj. Émenok gón teláhá sarpósh kanag bebant o nograhay chár bonheshtay sará mekk bebant. <sup>33</sup> Pardahá karhián mán kan o dranj o sháhediay pétiá pardahay poshtá ér kan. Pardah pákén jágahá cha pákterén jágahá jetá kant. <sup>34</sup> Kapáratay sarpóshá pákterén jágahá éren sháhediay pétiay sará day. <sup>35</sup> Thébalá cha pardahá dhann, shomáli némagá ér kan o cherágdáná thébalay dém pa démá, jonubi némagá ér kan. <sup>36</sup> Ásmáni o jamu o sohrén pazhm o hurtgwápén lilom bezur o pa tambuay dapá ranggwápén pardahé addh kan. <sup>37</sup> Pa é pardahá cha chegerdá panch menok addh kan o gón teláhá sarpóshesh kan. Esháni karhi

<sup>15</sup> په تمبو چه چگردے دارا مِک کنگی تَهتگ اَدُّ کن. <sup>16</sup> هر تَهتگ دَرَجیا دَه دَسْت بییت و پُراهیا یِک و نیم دَسْت. <sup>17</sup> هُمک تَهتگا دو زُبائک پر کن و اے زُبائک دَپ مان دَپ بَنت. تَمبوئے سَجْهین تَهتگان هَمے پَئیم کن. <sup>18</sup> په تَمبوئے جنوبی نیمگا بیست تَهتگ اَدُّ کن. <sup>19</sup> نُگرهئے چَل بُنَهشت اَدُّ کن که تَهتگانی چِیرا دِیگ بَنت. په هُمک تَهتگا دو بُنَهشت اَدُّ کن. هُمک زُبائکے چِیرا یِک بُنَهشته دِیگ بییت. <sup>20</sup> په تَمبوئے آ دَگه نیمگا، بزَن په تَمبوئے شمالی نیمگا هَم بیست تَهتگ اَدُّ کن. <sup>21</sup> په تَهتگانی چِیرا نَگرهئے چَل بُنَهشت اَدُّ کن، بزَن دو بُنَهشت په هر تَهتگا. <sup>22</sup> په تَمبوئے پُشتی بَهر، بزَن رَوْنَدی نیمگا شَش تَهتگ اَدُّ کن و <sup>23</sup> په پُشتی بَهرے کُنڈان دو تَهتگ اَدُّ کن. <sup>24</sup> دوین کُنڈان، اے تَهتگ چه جَهلا گون یِکدَگرا بِلچَنت و بزَا دَپ مان دَپ کنگ و یِکین کَڑیے تَها مان کنگ بَنت. دوین کُنڈان اَنچو کن. <sup>25</sup> هشت تَهتگ بَنت و نَگرهئے شانزده بُنَهشت، هُمک تَهتگے چِیرا دو بُنَهشت.

<sup>26</sup> چه چگردے دارا گوربست\* اَدُّ کن. پنج گوربست په تَمبوئے یِک نیمگیئے تَهتگان و <sup>27</sup> پنج گوربست په آ دَگه نیمگے تَهتگان و پنج گوربست په رَوْنَدی نیمگے تَهتگان، بزَن په تَمبوئے پُشتی بَهرے تَهتگان. <sup>28</sup> نیامی گوربست چه اے سر تان آ دَگه سرا، تَهتگان سک بییت، تَهتگانی نیم بُزیا. <sup>29</sup> تَهتگان گون تلاها سرپوش کن و په گوربستانی دارگا تَلاهے کَڑی اَدُّ کن. گوربستان هَم گون تلاها سرپوش کن. <sup>30</sup> تَمبوا هَمای پَئیمَا مِک کن که من کوهے سرا ترا پیش داشت. <sup>31</sup> چه آسمانی و جَمو و سَهرین پَژما و چه هورت گواپین لیلما پردھے اَدُّ کن و هُنرمندین اِزمکارے اِشیتے سرا کَروبیئے نَکش اَدُّ بَنت. <sup>32</sup> پردھا گون تَلاهے کَڑیان چار چگردی مِککے سرا دَرَج. اے مِک گون تلاها سرپوش کنگ بَنت و نَگرهئے چار بُنَهشته سرا مِک بَنت. <sup>33</sup> پردھا کَڑیان مان کن و دَرَج و شاهدیتے پیتیا پردھے پُشتا اِیر کن. پردھ پاکین جاگھا چه پاکترین جاگھا جتا کنت. <sup>34</sup> کپارتے سرپوشا پاکترین جاگھا اِیرین شاهدیتے پیتیتے سرا دے. <sup>35</sup> تیبلا چه پردھا دُن، شمالی نیمگا اِیر کن و چراگانا تیبلتے دیم په دیمَا، جنوبی نیمگا اِیر کن. <sup>36</sup> آسمانی و جَمو و سَهرین پَژم و هورت گواپین لیلْم بزور و په تَمبوئے دپا رَنگ گواپین پردھے اَدُّ کن. <sup>37</sup> په اے پردھا چه چگردا پنج مِک اَدُّ کن و گون تلاها سرپوش کن. اِشانی کَڑی تَلاهے بَنت و په اِشان پنج بَرنجین بُنَهشت هَم اَدُّ کن.



teláhay bebant o pa eshán panch brenjén bonhesht ham addh kan.

### Sóchagi korbánigáni korbánjáh

**27** Cha chegerday dára korbánjáhé addh kan. Drájiá o práhiá panch panch dast bebit. Korbánjáh chárkondh bebit. Borziá say dast bebit. <sup>2</sup>Korbánjáhay chárén kondháni sará yakk o yakk kánthé addh kan. Kánthán o korbánjáhá jetá jetá addh makan, é yakthokkor bebant. Korbánjáhá gón brenjá sarpósh kan. <sup>3</sup>Korbánjáhay poráni dar kanagay tagári o bard o tás o chársháh o ásdán, sajjahén sámánáni cha brenjá addh kan. <sup>4</sup>Pa korbánjáhá jálié,\* bezán brenjay thathé\* addh kan o pa eshiay chárén kondhán cha brenjá chár karhi addh kan. <sup>5</sup>Jáliá korbánjáhay tóki lambáni chérá per kan o anchó éri kan ke korbánjáhay borziay némá sar bebit. <sup>6</sup>Cha chegerday dára pa korbánjáhá gwarbásk addh kan o gón brenjá sarpóshesh kan. <sup>7</sup>Gwarbáskán cha karhián gwázén ke korbánjáhay chest kanagay wahdá korbánjáhay doén kashán bebant. <sup>8</sup>Korbánjáhá cha dáray tahtagá addh kan. Tóki bell ke hórak o hálig ent. Hamá paymá addhi kan ke man tará kóhay sará pésh dásht.

### Sháhediay tambuay péshgáh

<sup>9</sup>Pa sháhediay tambuá péshgáhé addh kan. Pa péshgáhay jonubi némagá cha hurtgwápén lilomá pardah addh kan ke sarjamiá yakk sad dast bebant. <sup>10</sup>Gón bist menok o bist brenjén bonheshtá addhesh kan. Menokáni band o karhi nograhay bebant. <sup>11</sup>Shomáli némag ham hamé paymá bebit. Pardah sarjamiá yakk sad dast bebant, gón bist menok o bist brenjén bonheshtá. Menokáni band o karhi nograhay bebant. <sup>12</sup>Péshgáhay rónendi némagay pardah sarjamiá panjáh dast bebant, gón dah menok o dah bonheshtá. <sup>13</sup>Péshgáhay ródarátki némagay pardah, hamá némag ke róch dara kayt, panjáh dast bebant. <sup>14</sup>Péshgáhay dapay yakk némagéay pardah sarjamiá pánzdah dast bebant, gón say menok o say bonheshtá, <sup>15</sup>o dapay á dega némagay pardah ham pánzdah dast bebant, gón say menok o say bonheshtá. <sup>16</sup>Pa péshgáhay dapá pardahé addh kan ke bist dast bebit, gón chár menok o chár bonheshtá. É pardah

27:4 Jáli, bezán moshabbak, chammag, chammagén brenjén yá ásenén dám.

27:4 Thath, bezán turi, chammag, chammagén brenjén yá ásenén dám.

### سوچگی کُربانیگانی کُربانجاہ

**27** چه چگردئے دارا کُربانجاہے اڈ کن. دُراجی و پُراهیا پَنچ پَنچ دَسْت ببیت. کُربانجاہ چارکُنڈ ببیت. بُرزیَا سئے دَسْت ببیت. <sup>2</sup> کُربانجاہئے چارین کُنڈانی سرا یک و یک کائے اڈ کن. کائشان و کُربانجاہا جتا جتا اڈ مکن، اے یک تُکُر ببنت. کُربانجاہا گون بُرنجا سرپوش کن. <sup>3</sup> کُربانجاہئے پُرانی در کنگئے تگاری و بَرَد و تاس و چارشاه و آسدان، سَجھین سامانانی چه بُرنجا اڈ کن. <sup>4</sup> په کُربانجاہا جالیے، \* بزَن بُرنجئے تُئے \* اڈ کن و په اشیئے چارین کُنڈان چه بُرنجا چار کُزی اڈ کن. <sup>5</sup> جالیا کُربانجاہئے تُوکی لِمبانی چیرا پر کن و اُنچو ایری کن که کُربانجاہئے بُرزیئے نیما سر ببیت. <sup>6</sup> چه چگردئے دارا په کُربانجاہا گورباسک اڈ کن و گون بُرنجا سرپوشش کن. <sup>7</sup> گورباسکان چه کُزیان گوازیَن که کُربانجاہئے چست کنگئے وهدا کُربانجاہئے دوین کشان ببنت. <sup>8</sup> کُربانجاہا چه دارئے تَهتگا اڈ کن. تُوکی بَل که هورک و هالیگ انت. هما پیما اڈی کن که من ترا کوہئے سرا پیش داشت.

### شاهدیئے تمبوئے پیشگاه

<sup>9</sup> په شاهدیئے تمبوا پیشگاهے اڈ کن. په پیشگاهئے جنوبی نیمگا چه هورت گواپین لیلمَا پرده اڈ کن که سرجمیا یک سَد دَسْت ببنت. <sup>10</sup> گون بیست مَنک و بیست بُرنجین بُنَهشتا اڈش کن. مَنکانی بند و کُزی نگرهئے ببنت. <sup>11</sup> شمالی نیمگ هم همه پیما ببیت. پرده سرجمیا یک سَد دَسْت ببنت، گون بیست مَنک و بیست بُرنجین بُنَهشتا. مَنکانی بند و کُزی نگرهئے ببنت. <sup>12</sup> پیشگاهئے رُونندی نیمگئے پرده سرجمیا پنجاه دَسْت ببنت، گون دَه مَنک و دَه بُنَهشتا. <sup>13</sup> پیشگاهئے رُودراتکی نیمگئے پرده، هما نیمگ که رُوج دَر کئیت، پنجاه دَسْت ببنت. <sup>14</sup> پیشگاهئے دپئے یک نیمگئے پرده سرجمیا پانزده دَسْت ببنت، گون سئے مَنک و سئے بُنَهشتا، <sup>15</sup> و دپئے آدگه نیمگئے پرده هم پانزده دَسْت ببنت، گون سئے مَنک و سئے بُنَهشتا. <sup>16</sup> په پیشگاهئے دپا پردهے اڈ کن که سرجمیا بیست دَسْت ببیت، گون چار مَنک و چار بُنَهشتا. اے پرده چه آسمانی و جَمو

4:27 جالی، بزَن مُشَبَّک، چَمگ، چَمگین بُرنجین یا آسِنین دام.

4:27 ٹ، بزَن توری، چَمگ، چَمگین بُرنجین یا آسِنین دام.

cha ásmáni o jamu o sohrén pazhm o cha hurtgwápén lilomá addh bebit o ranggwáp bebit. <sup>17</sup> Pésgháhay chapp o chágerday sajjahén menokáni band o karhi nograhay bebant o bonhesht brenjay. <sup>18</sup> Pésgháhay dráji yakk sad dast bebit, práhi panjáh dast o borzi panch dast bebit. Gón hurtgwápén lilomay pardah o brenjén bonheshtán addh kanag bebit. <sup>19</sup> Tambuay á dega sámán, pa tambuay har káréa ke kármarza bant, cha brenjá addh kanag bebant. Tambuay o péshgáhay sajjahén méh ham cha brenjá addh kanag bebant.

### Cherágáni thél

<sup>20</sup> Taw Esráilián hokm day ke zaytun beprenchét o zagrén thél dar kanét o pa cherágán byárét ke cherág har wahdá rók bebant. <sup>21</sup> Sháhediay tambuay tahá, cha hamá pardahá dhann ke sháhediay pétiay démá ent, Hárún o áiy mardénchokk, bezán dini péshwá Hodáwanday bárgáhá shapá tán sohbá cherágán rók bedárant. É pa Esráiliáni áyókén nasl o padréchán abadmánén parmáné.

### Dini péshwáyáni god

**28** Wati brát Hárún o áiy mardénchokkán, bezán Nádáb o Abihu o Elyázar o Itámará cha Esráiliáni nyámá wati kerrá byár ke dini péshwá bebant o mani hezmatá bekanant. <sup>2</sup> Pa wati brát Hárúná pákén god tayár kan ke Hárúná brahdár\* o shándár bekanant. <sup>3</sup> Hamá sajjahén honarmand ke man pa choshén kárán dánái bakshátagant, áyán begwash ke Hárúnay póshákán tayár bekanét ke Hárúnesh gwará bekant o pa dini péshwái o mani hezmatá wapk bebit. <sup>4</sup> Esh ant hamá póshák ke tayár kanagi ant: sénagpóshé, épódé, kabáhé, naksh nakshén jámagé, págé o lánkigé\*. Pa tai brát Hárún o áiy mardénchokkán é póshákán tayár bekanant ke Hárún o chokk dini péshwá bebant o mani hezmatá bekanant. <sup>5</sup> É póshákán cha teláhá o cha ásmáni o jamu o sohrén pazhmá o cha sharrén lilomá tayár bekanant.

28:2 Brahdár, bezán jalwanák, zébdár.

28:4 Lánkig, bezán cháder, mazanén god ke lánká bandag yá kópagá kanaga bit.

و سهرین پڑم و چه هورت گواپین لیلمآ اڈ بیت و رنگ گواپ بیت. <sup>17</sup> پیشگاهئے چپ و چاگردئے سجھین منکانی بند و کڑی نگرھئے ببنت و بُنہشت بُرنجئے. <sup>18</sup> پیشگاهئے دراجی یگ سد دست ببیت، پڑاہی پنجاہ دست و بُزی پنچ دست ببیت. گون هورت گواپین لیلمآ پردہ و بُرنجین بُنہشتان اڈ کنگ ببیت. <sup>19</sup> تمبوئے آدگہ سامان، پہ تمبوئے هر کاریا کہ کارمرز بنت، چه بُرنجا اڈ کنگ ببنت. تمبوئے و پیشگاهئے سجھین میہ ہم چه بُرنجا اڈ کنگ ببنت.

### چراگانی ٹیل

<sup>20</sup> تئو اسرائیلیان هکم دئے کہ زئیتون بپرنچیت و زگرین ٹیل در کنیت و پہ چراگان بیاریت کہ چراگ هر وهدا روک ببنت. <sup>21</sup> شاھدیئے تمبوئے تھا، چه ہما پردہا دُن کہ شاھدیئے پتیئے دیما انت، ہارون و آییئے مردین چُک، بزآن دینی پیشوا ہداوندئے بارگاہا شپا تان سہبا چراگان روک بدارنت. اے پہ اسرائیلیانی آیوکنین نسل و پدريچان ابدمانین پرمانے.

### دینی پیشوایانی گڈ

**28** وتی برات ہارون و آییئے مردین چُگان، بزآن ناداب و آیبھو و ایازر و ایتمارا چه اسرائیلیانی نیما وتی کرا بیار کہ دینی پیشوا ببنت و منی ہزمتا بکننت. <sup>2</sup> پہ وتی برات ہارونا پاکین گڈ تئیار کن کہ ہارونا برہدار\* و شاندار بکننت. <sup>3</sup> ہما سجھین ہنرمند کہ من پہ چُشین کاران دانایی بکشاتگ انت، آیان بگوش کہ ہارونئے پوشاکان تئیار بکنیت کہ ہارونیش گورا بکنت و پہ دینی پیشوایی و منی ہزمتا وپک ببیت. <sup>4</sup> ایش انت ہما پوشاک کہ تئیار کنگی انت: سینگ پوشے، ایپودے، کباہے، نکش نکشین جامگے، پاگے و لانکیگے\*. پہ تئی برات ہارون و آییئے مردین چُگان اے پوشاکان تئیار بکننت کہ ہارون و چُک دینی پیشوا ببنت و منی ہزمتا بکننت. <sup>5</sup> اے پوشاکان چه تلاھا و چه آسمانی و جمو و سہرین پڑما و چه شرین لیلمآ تئیار بکننت.

28:2 برہدار، بزآن جلوه ناک، زیددار.

4:28 لانکیگ، بزآن چادر، مزین گڈ کہ لانکا بندگ یا کوپگا کنگ بیت

## Épód

<sup>6</sup>Épódá gón teláhá o gón ásmáni o jamu o sohrén pazhmá o gón restagén sharrén lilomá tayár bekanant. É kára honarmandén ezmkaré bekant. <sup>7</sup>Eshiy do srugá\* do sarkópag per kan ke épód bandag bebit. <sup>8</sup>Épóday band épóday paymá bebit, bezán gón teláhá o gón ásmáni o jamu o sohrén pazhmá o gón hurtgwápén lilomá tayár kanag bebit. É band o épód hór gwapag bebant, é yakthokkor bebant.

<sup>9</sup>Do senge solaymán bezur o áyáni sará Esráilay mardénchokkáni námán ájen\* o naksh kan. <sup>10</sup>Áyáni pédá bayagay red o banday hesábá shash nám yakk sengéay sará o á dega shashén nám domi sengay sará bebant. <sup>11</sup>Hamá paymá ke ájenók mohré naksha chent, taw ham Esráilay chokkáni námán hamé doén sengáni sará ájen. Doén sengán do teláhay mohragjáhay\* tahá kan o <sup>12</sup>épóday doén sarkópagán peresh kan ke Esráilay chokkáni yátgéjiay seng ant. Hárún Hodáwanday bágáhá pa yátgéjiá esháni námán wati doén kópagáni sará bekant. <sup>13</sup>Teláhay mohragjáh addh kan o <sup>14</sup>cha zagren teláhá restagén sáday dhawlén do zamzilok addh kan o gón mohragjáhán lecchén.

## Sénagpósh

<sup>15</sup>Paysalahsáziay sénagpóshé addh kan. Eshíá épóday paymá addh kan, bezán cha teláhá o cha ásmáni o jamu o sohrén pazhmá o cha hurtgwápén lilomá addhi kan. É kára honarmandén ezmkaré bekant. <sup>16</sup>É sénagpósh chárkondh bebit o dotal bebit. Dráji o práhiá yakk yakk bechillé\* bebit. <sup>17</sup>Eshiy sará chár redá gránkimmatén seng lecchén. Awali redá rubi, pokráj o bayrel, <sup>18</sup>domi redá pérózah, nilom o zomorrod, <sup>19</sup>sayomi redá shunzén ákut, akik o jamuén ákut, <sup>20</sup>cháromi redá teláhrangén ákut, senge solaymán o yashm. Eshán teláhén mohragjáhán benádén. <sup>21</sup>Seng, Esráilay chokkáni námáni hesábá bebant, dwázdah nám o dwázdah seng. Har yakkéay sará cha dwázdahén kabilahán yakkéay nám chó mohrá naksh bebit. <sup>22</sup>Pa sénagpóshá cha zagren

## اينپود

<sup>6</sup>اينپودا گون تلاها و گون آسمانی و جمو و سهرين پڑما و گون رستگين شرين ليلا تيار بکننت. اے کارا هنرمندين زمکارے بکننت. <sup>7</sup>اشيے دو سروگا\* دو سرکوپگ پر کن کہ اينپود بندگ بيت. <sup>8</sup>اينپودے بند اينپودے پئما بيت، بزآن گون تلاها و گون آسمانی و جمو و سهرين پڑما و گون هورت گواپين ليلا تيار کنگ بيت. اے بند و اينپود هور گوپگ بيت، اے یک ٹکر بيت. <sup>9</sup>دو سنگ سُلیمان بزور و آيانی سرا اسرائيلے مردين چکانی نامان آجن\* و نکش کن. <sup>10</sup>آيانی پیدا بئگئے رد و بندے حسابا شش نام یک سنگيے سرا و آدگه ششين نام دومی سنگيے سرا بيت. <sup>11</sup>هما پئما کہ آجنوک مھرے نکش چنت، تو هم اسرائيلے چکانی نامان همه دوين سنگانی سرا آجن. دوين سنگان دو تلاهے مھرگ جاهے\* تھا کن و <sup>12</sup>اينپودے دوين سرکوپگان پرش کن کہ اسرائيلے چکانی ياتگيجيے سنگ أنت. هارون هداوندے بارگاہا په ياتگيجا اشانی نامان وتی دوين کوپگانی سرا بکننت. <sup>13</sup>تلاهے مھرگ جاه آد کن و <sup>14</sup>چه زگرين تلاها رستگين سادے ڈولين دو زميلک آد کن و گون مھرگ جاهان لچين.

## سينگ پوش

<sup>15</sup>پئسله سزايے سينگ پوشے آد کن. اشيا اينپودے پئما آد کن، بزآن چه تلاها و چه آسمانی و جمو و سهرين پڑما و چه هورت گواپين ليلا آدی کن. اے کارا هنرمندين زمکارے بکننت. <sup>16</sup>اے سينگ پوش چارکند بيت و دوتل بيت. ذراجی و پراهيا یک یک بچيلے\* بيت. <sup>17</sup>اشيے سرا چار ردا گران کيمتین سنگ لچين. اتولی ردا روبي، پکراج و بئيرل، <sup>18</sup>دومی ردا پيروزه، نيلم و زمرد، <sup>19</sup>سئمی ردا شونزين آکوت، آکیک و جموين آکوت، <sup>20</sup>چارمی ردا تلاهرنگين آکوت، سنگ سُلیمان و يشم. اشان تلاهين مھرگ جاهان بنادين. <sup>21</sup>سنگ اسرائيلے چکانی نامانی حسابا بيت، دوازه نام و دوازه سنگ. هر يکيے سرا چه دوازهين کيلهان يکيے نام چو

28:7 سروگ، بزآن دئی نيمگئے گنڈ.

28:9 آجنگ، بزآن نکش کنگ.

28:11 مھرگ جاه، مندریک یا دگه سہت و زيورئے هما جاگه کہ اودا مھرگا پر کنت.

28:16 یک بچيل نيم دستے، بزآن 25 سينتيمتر.

28:7 Srug, bezán dhanni némagay kondh.

28:9 Ájenag, bezán naksh kanag.

28:11 Mohragjáh, mondrikk yá dega saht o zéwaréay hamá jágah ke ódá mohragá pera kanant.

28:16 Yakk bechill ném dasté, bezán 25 sentimitar.

teláhá restagén sáday dhawlén zamzilok addh kan. <sup>23</sup>Pa sénagpóshá do teláhén karhi addh kan o sénagpóshay do srugá peresh kan. <sup>24</sup>Doén teláhén zamzilokáni yakk yakk saré bezur o sénagpóshay doén srugáni karhián mánesh kan. <sup>25</sup>Zamzilokáni domi sarán bezur o gón doén mohragjáhán lecchén, sarkópagáni démi némagá. <sup>26</sup>Cha teláhá do karhi addh kan o sénagpóshay á dega doén srugánesh per kan, hamá lambán ke démesh gón épódá ent. <sup>27</sup>Cha teláhá dega do karhi addh kan o épóday démá, sarkópagáni jahli némagá, épóday banday sarborá peresh kan, hamódá ke sarkópag gón épódá lecchetagant. <sup>28</sup>Sénagpóshay karhián gón ásmánrangén bandán épóday karhián anchó band ke sénagpósh épóday banday sarborá bebit o cha épódá masorit.

<sup>29</sup>Hárun ke pákén jágahá rawt, Esráilay mardénchokkáni nám paysalahsáziay sénagpóshay sará pa yátgéji modám Hodáwanday bárgáhá áia gón bebant. <sup>30</sup>Urim o Tumimá\* paysalahsáziay sénagpóshá mán kan ke wahdé Hárun Hodáwanday bárgáhá rawt, é áia delay sará bebant. É dhawlá Hárun har wahdá Hodáwanday bárgáhá Esráilay paysalahsáziay awzárán wati delbandá bedárit.

### Dini péshwáyáni á dega god

<sup>31</sup>Épóday kabáhá sarjamiá cha ásmánrangén godá addh kan. <sup>32</sup>Kabáhá gotthé per bebit. Gotthay chapp o chágérdá káláray paymén dazgwápén kenárié per bebit ke gotth maderit. <sup>33</sup>Ásmáni o jamu o sohrén pazhmay anár addh kan o kabáhay lambá, chapp o chágérdá peresh kan o esháni nyámá teláhén zháng\* per kan. <sup>34</sup>Kabáhay dámonay chapp o chágérdá zhángé o anaré, zhángé o anaré per kanán kan. <sup>35</sup>Hamá wahdá ke Hárun hezmat kanagá bit, é kabáhá gwará bekant. Wahdé Hodáwanday bárgáhá pákén jágahá rawt yá cha ódá dara kapit, zhángáni tawár eshkonag bebit o é habar zánag bebit ke Hárun zendag ent.

<sup>36</sup>Cha zagrén teláhá patthié addh kan o é labzán chó mohray nakshá patthiay sará naksh kan: ‘Wapke Hodáwandi.’ <sup>37</sup>Eshíá gón ásmánrangén bandéá, págay démi némagá band. <sup>38</sup>É Hárunay péshánigá bit o Esráili ke wapkén shogránaha dayant, shogránah harché ke bebant, agan é káray tahá radié but, zemmah Hárunay sará bit. É patthi har wahdá

مُهرًا نكش بييت. <sup>22</sup> په سينگ پوښا چه زگرين تلاها رستگين سادئے ڈټولين زمزليک اڏ کن. <sup>23</sup> په سينگ پوښا دو تلاهين کڙي اڏ کن و سينگ پوښئے دو سروگا پرش کن. <sup>24</sup> دوين تلاهين زمزليکاني يک يک سرے بزور و سينگ پوښئے دوين سروگاني کڙيان مانښ کن. <sup>25</sup> زمزليکاني دومي سران بزور و گون دوين مُهرگ جاهان لچين، ايپوڊئے سرکوپگاني ديمي نيمگا. <sup>26</sup> چه تلاها دو کڙي اڏ کن و سينگ پوښئے آ دگه دوين سروگانښ پر کن، هما لمبان که ديمش گون ايپوڊا انت. <sup>27</sup> چه تلاها دگه دو کڙي اڏ کن و ايپوڊئے ديم، سرکوپگاني جهلي نيمگا، ايپوڊئے بندئے سربرا پرش کن، هموڊا که سرکوپگ گون ايپوڊا لچتگ انت. <sup>28</sup> سينگ پوښئے کڙيان گون آسمان رنگين بندان ايپوڊئے کڙيان انچو بند که سينگ پوښ ايپوڊئے بندئے سربرا بييت و چه ايپوڊا مسريت.

<sup>29</sup> هارون که پاکين جاگها رټو، اسراييلئے مردين چگاني نام پئيسله ساريئے سينگ پوښئے سرا په ياتگيجي مدام هداوندئے بارگاها آيا گون ببت. <sup>30</sup> اوريم و توميم\* پئيسله ساريئے سينگ پوښا مان کن که وهده هارون هداوندئے بارگاها رټو، اے آيئے دلئے سرا ببت. اے ڈټولا هارون هر وهدا هداوندئے بارگاها اسراييلئے پئيسله ساريئے اتوزاران وتي دلبندا بداريت.

### دینی پیشوایانی آ دگه گد

<sup>31</sup> ايپوڊئے کباها سرجميا چه آسمان رنگين گدا اڏ کن. <sup>32</sup> کباها گټے پر بييت. گټئے چپ و چاگردا کالارئے پئيمين دزگوپين کيناريے پر بييت که گټ مڊريت. <sup>33</sup> آسماني و جمو و سهرين پڙمئے انار اڏ کن و کباھئے لمبا، چپ و چاگردا پرش کن و اشاني نياما تلاهين ژانگ\* پر کن. <sup>34</sup> کباھئے دامئئے چپ و چاگردا ژانگے و انارے، ژانگے و انارے پر کنان کن. <sup>35</sup> هما وهدا که هارون هزمت کنگا بييت، اے کباها گورا بکنت. وهده هداوندئے بارگاها پاکين جاگها رټو يا چه اوڊا در کپيت، ژانگاني تتوار ايشکنگ بييت و اے هبر زانگ بييت که هارون زندگ انت.

<sup>36</sup> چه زگرين تلاها پٽيے اڏ کن و اے ليزان چو مهرئے نکشا پٽيے سرا نكش کن: ‘وټک هداوندي.’ <sup>37</sup> اشيا گون آسمان رنگين بنديا، پاگئے ديمي نيمگا بند. <sup>38</sup> اے هارونئے پيشانيگا بييت و اسراييلي که وپکين شگرانه دئيت، شگرانه هرچه که ببت، اگن اے کارئے تها رديے بوت، زمه هارونئے

28:30 Urim o Tumim do anchén chizz butagant ke paysalah kanagay wahdá pa Hodáay razáay zánagá kármaz butagant. 28:33 Zháng, bezán thelingók, zangulah.

30:28 اوريم و توميم دو انچين چيز بوتگ انت که پئيسله کنگئے وهدا په هدائے ززائے زانگا کارمز بوتگان. 33:28 ژانگ، بزآن ټلينگوک، زنگوله.

Hárunay peshánigá bit ke Hodáwand shogranahán kabul bekant.

<sup>39</sup> Jámagá cha sharrén lilomá addh kan o nakshi per kan. Sharrén lilomay págá addh kan o rangwápén lánkigé ham addh kan. <sup>40</sup> Pa Hárunay mardénchokkán anchén jámag o lánkig o koláh addh kan ke áyán brahdár o shándár bekanant. <sup>41</sup> É godán wati brát Hárun o áiy chokkáni gwará day. Hárun o chokkán rógen per mosh o gisshén o wapkesh kan o dini peshwáiy kára hamáyáni dastá day. <sup>42</sup> Pa áyán cha lilomá chérpósh addh kan ke áyáni jándariá bepóshant. É cha sréná tán ránán bebant. <sup>43</sup> Wahdé Hárun o áiy chokk sháhediay tambuay tahá yá korbánjáhay nazzikká rawant, bezán pa hezmatá pákén jágahá káyant, é chérpóshán bepóshant. Chó mabit ke gonáhé wati sará beladdhant o bemerant. É pa Hárun o áiy nasl o padréchá abadmánén parmáné.

### Dini peshwáyáni wapk bayag

**29** Pa Hárun o áiy mardénchokkáni wapk kanagá é káran bekan ke á dini peshwá bebant o mani hezmatá bekanant: yakk káigeré o do gwarándh bezur, hecch aybesh mán mabit. <sup>2</sup> Cha sharrén gandomay ártá béhomirén nagan o béhomirén rógeni kólok o béhomirén tanakkén poráthah bepach. <sup>3</sup> Eshán saptéá kan o é saptá káiger o doén gwarándhání hamráhiá byár. <sup>4</sup> Hárun o áiy chokkán sháhediay tambuay dapá byár o áyáni jáná shód. <sup>5</sup> God o póshákán bezur o jámag o épóday kabáh o épód o sénagpóshá Hárunay gwará day. Épódá gón épóday bandá band. <sup>6</sup> Págá Hárunay sará day o teláhay patthiá, bezán pákén tájá págay sará band. <sup>7</sup> Per moshagi rógen bezur o Hárunay sará ér réch o peri mosh. <sup>8</sup> Hárunay chokkán byár o jámagesh gwará day o <sup>9</sup> koláhesh sará day. Hárun o áiy chokkáni sréná lánkig band. É abadmánén parmáné ke dini peshwái hamáyánig ent. É kára Hárun o áiy chokkáni dastá day.

<sup>10</sup> Káigerá tambuay démá byár o Hárun o áiy chokk káigerá dastá baddhá bejanant. <sup>11</sup> Káigerá Hodáwanday bārgáhá, tambuay dapá helár kan. <sup>12</sup> Cha káigeray hónán kammé bezur o gón wati lankoká korbánjáhay kánthán per mosh o sar átkagén hónán korbánjáhay boná réch. <sup>13</sup> Cháderpig\* o sarjagar o doén gotthag o gotthagáni pigán bezur o korbánjáhay sará sóch. <sup>14</sup> Bale káigeray gósht o

سرا بیت. اے پٹی ہر وہدا ہارونے پیشانیگا بیت کہ ہداوند شگرانہان قبول بکنت.

<sup>39</sup> جامگا چہ شریں لیلما اڈکن و نکشی پرکن. شریں لیلمے پاگے اڈکن و رنگ گواپین لانکیگے ہم اڈکن. <sup>40</sup> پہ ہارونے مردین چگان انچین جامگ و لانکیگ و کلاہ اڈکن کہ آیان برہدار و شاندار بکننت. <sup>41</sup> اے گدان وتی برات ہارون و آییے چگانی گورا دے. ہارون و چگان روگن پر مش و گیشین و وپکش کن و دینی پیشواییے کارا ہمایانی دستا دے. <sup>42</sup> پہ آیان چہ لیلما چیرپوش اڈکن کہ آیانی جاندریا بیپوشنت. اے چہ سرینا تان رانان بنت. <sup>43</sup> وہدے ہارون و آییے چگ شادیے تمبوئے تھا یا کربانجاہے نریکا رتونت، بزبان پہ ہزمتا پاکین جاگھا کانت، اے چیرپوشان بیپوشنت. چو مبيت کہ گناہے وتی سرا بلڈنت و بمرنت. اے پہ ہارون و آییے نسل و پدریچا ابدمانین پرمانے.

### دینی پیشوایانی وپک بئیگ

**29** پہ ہارون و آییے مردین چگانی وپک کنگا اے کاران بکن کہ آ دینی پیشوا بنت و منی ہزمتا بکننت: یک کاییگرے و دو گورانڈ بزور، ہیچ ائیش مان مبيت. <sup>2</sup> چہ شریں گندمے آرتا بیہمیرین نغن و بیہمیرین روگنی کولک و بیہمیرین تنکین پراٹھ بیچ. <sup>3</sup> اشان سپتیا کن و اے سپنا کاییگر و دوین گورانڈانی ہماہیا بیار. <sup>4</sup> ہارون و آییے چگان شادیے تمبوئے دپا بیار و آیانی جانا شوڈ. <sup>5</sup> گڈ و پوشاکان بزور و جامگ و ایپوڈے کباہ و ایپوڈ و سینگ پوشا ہارونے گورا دے. ایپوڈا گون ایپوڈے بندا بند. <sup>6</sup> پاگا ہارونے سرا دے و تلاہے پتیا، بزبان پاکین تاجا پاگے سرا بند. <sup>7</sup> پر مشگی روگن بزور و ہارونے سرا ایپر ریچ و پری مش. <sup>8</sup> ہارونے چگان بیار و جامگس گورا دے و <sup>9</sup> کلاہش سرا دے. ہارون و آییے چگانی سرینا لانکیگ بند. اے ابدمانین پرمانے کہ دینی پیشوایی ہمایانینگ انت. اے کارا ہارون و آییے چگانی دستا دے.

<sup>10</sup> کاییگرا تمبوئے دیما بیار و ہارون و آییے چگ کاییگرا دستا بدآ بجننت. <sup>11</sup> کاییگرا ہداوندے بارگاھا، تمبوئے دپا ہلار کن. <sup>12</sup> چہ کاییگرے ہونان کمے بزور و گون وتی لنککا کربانجاہے کانتان پر مش و سر آتکگین ہونان کربانجاہے بنا ریچ. <sup>13</sup> چادرپیگ\* و سرجگر و دوین گنگ و گنگانی پیگان

póst o rótán cha ordgáhá dhann sóch. É gonáháni pahelliay korbánig ent.

<sup>15</sup>Awali gwarándhá byár, Hárún o áiy chokk gwarándhá dastá baddhá bejanant o <sup>16</sup>taw gwarándhá helár kan o hónáni bezur o korbánjáhay sajjahén némagán dranz day. <sup>17</sup>Gwarándhá thokkor thokkor kan, delig o lápig o pádáni shód o gón sarag o á dega thokkorán yakjáh ér kan. <sup>18</sup>Sarjamén gwarándhá korbánjáhay sará sóch. É pa Hodáwandá sóchagi korbánigé bit, táhirkashén washbóe o pa Hodáwandá ásjatén korbánigé.

<sup>19</sup>Nun domi gwarándhá byár, Hárún o áiy chokk gwarándhá dastá baddhá bejanant o <sup>20</sup>taw gwarándhá helár kan o cha áiy hónán kammé bezur o Hárún o áiy chokkáni rástén góshay dorjáhá o áyáni rástén dast o rástén páday máti lankokán per mosh o sar átkagén hónán korbánjáhay sajjahén némagán dranz day. <sup>21</sup>Kammé per moshagi rógen o cha korbánjáhay sará kammé hón bezur o Hárún o áiy godáni sará o Hárúnay chokk o áyáni godáni sará dranz day. Gorhá Hárún o áiy god o áiy chokk o chokkáni god wapke Hodáwandia bant.

<sup>22</sup>É gwarándh ke péshwáay págbandiay rasmay gwarándh ent, eshiay pigán, bezán dombag o cháderpig o sarjagar o doén gotthagán gón pigán o rástén páday boná bezur o <sup>23</sup>cha Hodáwanday bárgáhay saptay béhomirén naganán yakk gerdén kóloké o yakk bazén o yakk tanakkén poráthahé bezur o <sup>24</sup>é sajjahénán Hárún o áiy chokkáni dastáni delá day o áyáni dastán Hodáwanday bárgáhá chest kan ke é chest kanagi korbánigé. <sup>25</sup>Nun é chizzán cha áyáni dastán bezur o korbánjáhay sará sóchagi korbánigay sará éresh kan o sóchesh. É Hodáwanday bárgáhá táhirkashén washbóe o pa Hodáwandá ásjatén korbánigé.

<sup>26</sup>Gorhá hamá gwarándh ke pa Hárúnay péshwáiy págbandiay rasmá korbánig kanaga bit, áiy sénagá bezur o chest kanagi korbánigéay hesábá Hodáwanday bárgáhá chesti kan. É tai wandh ent. <sup>27</sup>Péshwáay págbandiay gwarándhay hamá sénagá o páday boná wapk kan ke chest kanagi korbánigay tahá atant. É Hárún o áiy chokkáni wandh ent. <sup>28</sup>É cha Esráiliáni némagá pa Hárún o áiy chokkán abadmánén shogránahé, cha hamá hamdeliay korbánigán ke Esráili pa Hodáwandá kanantesh.

<sup>29</sup>Cha Hárúná rand Hárúnay pákén god áiy chokkániga bant ke á hamé godáni tahá rógen per moshag bebant o áyáni págbandiay rasm sarjam kanag

بزور و كُربانجائے سرا سوچ. <sup>14</sup> بله كاييگرئے گوشت و پوست و روتان چه اردگاها دن سوچ. اے گناھانی پھلیئے كُربانيگ انت. <sup>15</sup> اتولي گورانڈا بيار، هارون و آبيئے چُك گورانڈا دستا بڈا بجننت و <sup>16</sup> تتو گورانڈا هلا ر كن و هُونانی بزور و كُربانجائے سَجْهين نيمگان درنز دئے. <sup>17</sup> گورانڈا تُكُر تُكُر كن، دليگ و لاپيگ و پادانی شوَد و گون سرگ و آ دگه تُكُران يکجاھ اير كن. <sup>18</sup> سَرجمين گورانڈا كُربانجائے سرا سوچ. اے په هُداوندا سوچگی كُربانيگے بيت، تاهير بکشين وشبؤے و په هُداوندا آس جتین كُربانيگے.

<sup>19</sup> نون دومی گورانڈا بيار، هارون و آبيئے چُك گورانڈا دستا بڈا بجننت و <sup>20</sup> تتو گورانڈا هلا ر كن و چه آبيئے هُونان كَمے بزور و هارون و آبيئے چُكانی راستين گوشے دُرجاها و آيانی راستين دست و راستين پادئے ماتی لَنكُكان پر مَش و سر آتکگين هُونان كُربانجائے سَجْهين نيمگان درنز دئے. <sup>21</sup> كَمے پر مُشگی رُوكَن و چه كُربانجائے سرا كَمے هُون بزور و هارون و آبيئے گُذانی سرا و هارونئے چُك و آيانی گُذانی سرا درنز دئے. گُزا هارون و آبيئے گُذ و آبيئے چُك و چُكانی گُذ و پُك هُداوندي بنت.

<sup>22</sup> اے گورانڈ که پیشوائے پاگبندیئے رسمے گورانڈ انت، اشيئے پيگان، بزأن دُمبگ و چادرپيگ و سرجگر و دوين گُنگان گون پيگان و راستين پادئے بُنا بزور و <sup>23</sup> چه هُداوندئے بارگاھئے سِپْتئے بِيْهَميرين نگان يک گردين کولکے و يک بَرين و يک تَنکين پُراٹھے بزور و <sup>24</sup> اے سَجْهينان هارون و آبيئے چُكانی دستانی دلا دئے و آيانی دستان هُداوندئے بارگاها چست کن که اے چست کنگی كُربانيگے. <sup>25</sup> نون اے چيزان چه آيانی دستان بزور و كُربانجائے سرا سوچگی كُربانيگے سرا ايرش كن و سوچش. اے هُداوندئے بارگاها تاهير بکشين وشبؤے و په هُداوندا آس جتین كُربانيگے.

<sup>26</sup> گُزا هما گورانڈ که په هارونئے پیشواییئے پاگبندیئے رسما كُربانيگ کنگ بيت، آبيئے سينگا بزور و چست کنگی كُربانيگيئے هسابا هُداوندئے بارگاها چستی کن. اے تئیی وَنڈ انت. <sup>27</sup> پیشوائے پاگبندیئے گورانڈئے هما سينگا و پادئے بُنا و پُك کن که چست کنگی كُربانيگے تها آنتت. اے هارون و آبيئے چُكانی وَنڈ انت. <sup>28</sup> اے چه اسراييليانی نيمگا په هارون و آبيئے چُگان ابدمانين شگرانهے، چه هما همدليئے كُربانيگان که اسراييلي په هُداوندا كنتش.

<sup>29</sup> چه هارونا رند هارونئے پاكين گُذ آبيئے چُكانيگ بنت که آهمے گُذانی تها رُوكَن پر مُشگ ببننت و آيانی پاگبندیئے رسم



bebit. <sup>30</sup> Hamá chokk ke Hárúnay jágahá dini péshwá bit o tambuay tahá pákén jágahá rawt o hezmata kant, eshán tán hapt róchá gwará bekant. <sup>31</sup> Péshwáay págbandiay gwarándhá bezur o áiy góshtá pákén jágahéa lahrh day. <sup>32</sup> Hárún o áiy chokk tambuay dapá gwarándhay gósht o saptay tahay naganán bwarant. <sup>33</sup> Á é chizzán wat bwarant, chéa ke é chizz pa áyáni págbandi o wapkiay rasmá kapáraté ant. Dega kass eshán mawárt, chéa ke é pákén warák ant. <sup>34</sup> Agan cha péshwáay págbandiay korbánigay gósht yá naganán tán sabáhá chizzé pasht kapt, besóchesh. Eshán mawar chéa ke pákén warák ant.

<sup>35</sup> Hamé paymá ke man tará hokm dátag, gón Hárún o áiy chokkán anchó bekan. Hapt róchá péshwáiy págbandiay rasmá sarjam kan. <sup>36</sup> Pa gonáhay korbánigá har róch káigeré bekosh, pa kapáratá. Kapárat beday o korbánjáhá pák o palgár kan. Korbánjáhá rógen per mosh ke pák o palgár bebit. <sup>37</sup> Hapt róchá kapárat beday o korbánjáhá pák o palgár kan. Nun korbánjáh cha páká pákera bit o har chizzé ke gón eshiá dhokk belaggit, páka bit.

### Har róchay korbánig

<sup>38</sup> É hamá chizz ant ke báyad ent taw eshán modám korbánjáhay sará pésh bekanay, har róch: do yakk sálagen gwarándh. <sup>39</sup> Yakké sohba pésh kan o yakké magrebtahará. <sup>40</sup> Yakk o ném sér sharrén árt gón yakk sére zaytunay zagren thélá hawár kan o awali gwarándhay hamráhiá pésh kan. Yakk sére sharáb ham pésh kan ke réchagi korbánig ent. <sup>41</sup> Domi gwarándhá magrebtahará pésh kan, sohbay dánay korbánigay paymá, o réchagi korbánigá ham pésh kan. É táhirbakshén washbóe o pa Hodáwandá ásjatén korbánigé.

<sup>42</sup> É sóchagi korbánig nasl pa nasl modám sháhediay tambuay dapá Hodáwanday bágahá pésh kanag bebant. Man hamódá gón taw gendokakanán o gón taw habara kanán. <sup>43</sup> Gón Esráili mahluká ham hamedá gendoka kanán o é jágah mani shán o shawkatay barkatá páka bit. <sup>44</sup> Man tambu o korbánjáhá pák o palgára kanán o pa wata gishshénán, Hárún o áiy chokkán ham pák o palgára kanán o pa wata gishshénán ke dini péshwá bebant o mani hezmatá bekanant. <sup>45</sup> Man Esráiliáni nyámá jahmenenda bán o áyáni Hodá bán. <sup>46</sup> Gorhá á zánant ke man áyáni Hodáwandén Hodá án, hamá Hodá ke áyáná cha Mesrá daron kort ke áyáni nyámá nendók bebán. Man áyáni Hodáwandén Hodá án.

سَرَجَم كَنگ بَبِيت. <sup>30</sup> هَمَا چُكَّ كِه هَارُونِي جَاغَهَا دِينِي پِيشَوَا بِيَت وَ تَمبُوِي تَهَا پَاكِين جَاغَهَا رَثُوَت وَ هِزْمَتَ كَنَت، اِشَان تَان هِپَت رُوچَا گُورَا بَكَنَت. <sup>31</sup> پِيشَوَاِي پَاگَبَنَدِيِي گُورَانْدَا بَزُور وَ اِيِيِي گُوشْتَا پَاكِين جَاغَهِيَا لَهْژ دِيِي. <sup>32</sup> هَارُون وَ اِيِيِي چُكَّ تَمبُوِي دِپَا گُورَانْدِيِي گُوشْت وَ سِپْتِيِي تَهِيِي نَگَنَان بُوَرَنَت. <sup>33</sup> اِ اِيِي چِيَزَان وَت بُوَرَنَت، چِيَا كِه اِيِي چِيَز پِه اِيَانِي پَاگَبَنَدِيِي وَ وِپَكِيِيِي رَسْمَا كِپَارَتِيِي اَنَت. دَگِه كَسِّ اِشَان مَثَوَارَت، چِيَا كِه اِيِي پَاكِين وَرَاك اَنَت. <sup>34</sup> اِگَن چِه پِيشَوَاِي پَاگَبَنَدِيِي كُربَانِيگِيِي گُوشْت يَا نَگَنَان تَان سَبَاهَا چِيَزِيِي پَشْت كِپَت، بَسُوچَش. اِشَان مَثُوَر چِيَا كِه پَاكِين وَرَاك اَنَت.

<sup>35</sup> هَمِي پِيِيْمَا كِه مَن تَرَا هُكَم دَاتَگ، گُون هَارُون وَ اِيِيِي چُكَّان اَنچُو بَكَن. هِپَت رُوچَا پِيشَوَاِيِي پَاگَبَنَدِيِي رَسْمَا سَرَجَم كَن. <sup>36</sup> پِه گَنَاهِيِي كُربَانِيگَا هَر رُوچ كَايِيگِرِي بَكُش، پِه كِپَارَتَا. كِپَارَت بَدِيِي وَ كُربَانَجَاهَا پَاك وَ پَلگَار كَن. كُربَانَجَاهَا رُوگَن پَر مُش كِه پَاك وَ پَلگَار بَبِيت. <sup>37</sup> هِپَت رُوچَا كِپَارَت بَدِيِي وَ كُربَانَجَاهَا پَاك وَ پَلگَار كَن. نُون كُربَانَجَاه چِه پَاكَا پَاكْتَر بِيَت وَ هَر چِيَزِيِي كِه گُون اِشِيَا دُكَّ بَلگِيَت، پَاك بِيَت.

### هَر رُوچِيِي كُربَانِيگ

<sup>38</sup> اِيِي هَمَا چِيَزِيِي اَنَت كِه بَايَد اِنَت تَتُو اِشَان مُدَام كُربَانَجَاهِيِي سَرَا پِيش بَكْنِيِي، هَر رُوچ: دُو يَكَّ سَالگِين گُورَانْدَا. <sup>39</sup> يَكِّي سُهْبَا پِيش كَن وَ يَكِّي مَگَرَبْتَهَارَا. <sup>40</sup> يَكَّ وَ نِيَم سِيَر شَرِيِن اَرَت گُون يَكَّ سِيَرِي زَيْتُونِيِي زَگَرِيِن تِيَلَا هَثُوَار كَن وَ اِثُوَلِي گُورَانْدِيِي هَمْرَاهِيَا پِيش كَن. يَكَّ سِيَرِي شَرَاب هَم پِيش كَن كِه رِيچِگِي كُربَانِيگ اِنَت. <sup>41</sup> دُوْمِي گُورَانْدَا مَگَرَبْتَهَارَا پِيش كَن، سُهْبِيِي دَانِيِي كُربَانِيگِيِي پِيِيْمَا، وَ رِيچِگِي كُربَانِيگَا هَم پِيش كَن. اِيِي تَاهِيَر بَكَشِيِن وَ شَبُوِي وَ پِه هُدَاوَنْدَا اَس جَتِيِن كُربَانِيگِيِي.

<sup>42</sup> اِيِي سُوچِگِي كُربَانِيگ نَسَل پِه نَسَل مُدَام شَاهَدِيِي تَمبُوِي دِپَا هُدَاوَنْدِيِي بَارگَاهَا پِيش كَنگ بَبِنَت. مَن هَمُوْدَا گُون تَتُو گِنْدُكَّ كَنان وَ گُون تَتُو هِيَر كَنان. <sup>43</sup> گُون اِسْرَايِيَلِي مَهْلُوَكَا هَم هِمِدَا گِنْدُكَّ كَنان وَ اِيِي جَاگِه مَنِي شَان وَ شَتُوَكْتِيِي بَرَكْتَا پَاك بِيَت. <sup>44</sup> مَن تَمبُو وَ كُربَانَجَاهَا پَاك وَ پَلگَار كَنان وَ پِه وَت گِيَشِيِنَان، هَارُون وَ اِيِيِي چُكَّان هَم پَاك وَ پَلگَار كَنان وَ پِه وَت گِيَشِيِنَان كِه دِينِي پِيشَوَا بَبِنَت وَ مَنِي هِزْمَتَا بَكَنَنَت. <sup>45</sup> مَن اِسْرَايِيَلِيَانِي نِيَامَا جَهْمَنَنَد بَان وَ اِيَانِي هُدَا بَان. <sup>46</sup> گُزَا اِ زَانَنَت كِه مَن اِيَانِي هُدَاوَنْدِيِن هُدَا اَن، هَمَا هُدَا كِه اِيَانَا چِه مِسْرَا دَرُن كَرَت كِه اِيَانِي نِيَامَا نَنْدُوك بَبَان. مَن اِيَانِي هُدَاوَنْدِيِن هُدَا اَن.

## Bósóchi korbánjáh

**30** Pa sóchokiay chér sóchagá korbánjáhé addh kan, cha chegerday dárá addhi kan. <sup>2</sup> Chárkondhi kan, drájiá yakk dast bebit, práhiá ham yakk dast o borziá do dast. Kánth o korbánjáh hór addh bebant, é yakthokkor bebant. <sup>3</sup> Korbánjáhay sará o sajjahén némagán o kánthán gón zagren teláhá sarpósh kan o chapp o chágerdá teláhén patthié peri kan. <sup>4</sup> Pa korbánjáhá teláhay karhi addh kan o hamé patthiay chérá peresh kan. Korbánjáhay doén kashán do do karhi per kan ke korbánjáhay chest kanagay wahdá gwarbáskán bedárant. <sup>5</sup> Gwarbáskán cha chegerday dárá addh kan o gón teláhá sarpósh kan. <sup>6</sup> Korbánjáhá hamá pardahay démá ér kan ke sháhediay pétiay démá ent, bezán kapáratay sarpóshay démá ke sháhediay wánekaní sarborá ent, hamá jágahá ke man gón taw gendoka kanán.

<sup>7</sup> Hárún har sohb ke cherágán chárit o delgósha kant, bósóchi korbánjáhay sará washbóén sóchoki chér besóchit. <sup>8</sup> Magrebtahará ke Hárún cherágán róka kant, padá sóchoki chér besóchit. É Hodáwanday bárgáhá dáemi chér sóchagi korbánigé, nasláni nasl. <sup>9</sup> Eshiy sará dega paymén sóchoki o sóchagi korbánig yá dánay korbánig chér masóchéto o eshiay sará réchagi korbánig maréchét. <sup>10</sup> Hárún sálé yakk randé eshiay kántháni sará mahlukay gonáháni kapáratá bekant. É kapárat cha gonáháni kapáratay hóná kanag bebit, sálé yakk randé, nasláni nasl. É pa Hodáwandá cha páká pákter ent.”

## Kapáratay zarr

<sup>11</sup> Hodáwandá gón Mussáyá gwasht: <sup>12</sup> “Wahdé pa mardomshomáriá Esráiliáni hesába kanay, harkasay nám ke nebisaga bit, pa wati zenday mókagá Hodáwandá kapárat bedant. Gorhá námnebisaiy wahdá wabáé áyáni chakká nakapit. <sup>13</sup> Hamá mardom ke námesh nebisaga bant, ném shekel\* bedayant, pákén jágahay shekelay\* hesábá ke shekelé bist géráh\* ent. É ném shekel pa Hodáwandá shogranáhé.

**30:13** Shekel, Esráiliáni kerrá sang o wazné butag. Ném shekel kesás shash gerám ent.

**30:13** Pákén jágahay shekel: shekelay sang o pársang dega dega butagant. Pákén jágahay shekel kesás 12 gerám butag.

**30:13** Yakk géráhé kesás ném gerám butag.

## بۆسۆچی کُربانجَاه

**30** په سۆچکیئے چیر سۆچگا کُربانجَاهه اَدْ کن، چه چگردئے دارا اَدْی کن. <sup>2</sup> چارکُنْدی کن، دَرَجیا یِک دَسْت بییت، پُراهیا هم یِک دَسْت و بُزیا دو دَسْت. کانث و کُربانجَاه هُور اَدْ بینت، اے یِک تُکُر بینت. <sup>3</sup> کُربانجَاهه سِرا و سَجْهین نِیمگان و کانثان گُون زِگَرین تلاها سرپوش کن و چَپ و چاگردا تلاهین پَئیے پری کن. <sup>4</sup> په کُربانجَاها تلاهه کُوی اَدْ کن و همه پَئیے چیرا پرش کن. کُربانجَاهه دوین کشان دو دو کُوی پر کن که کُربانجَاهه چست کنگه وهدا گُورباسکان بدارنت. <sup>5</sup> گُورباسکان چه چگردئے دارا اَدْ کن و گُون تلاها سرپوش کن. <sup>6</sup> کُربانجَاها هما پردهه دِیمَا ایر کن که شاهدیه پِتیئے دِیمَا اِنْت، بزَن کِپارتئے سرپوشئے دِیمَا که شاهدیه وانِکانی سربرا اِنْت، هما جاگها که من گُون تَو گِنْدک کنان. <sup>7</sup> هارون هر سُهَب که چراگان چاریت و دلگوش کنت، بۆسۆچی کُربانجَاهه سِرا و شبوین سۆچکی چیر بسۆچیت. <sup>8</sup> مَگَرِب تَهَارا که هارون چراگان رَوک کنت، پدا سۆچکی چیر بسۆچیت. اے هُداوندئے بارگاها دائمی چیر سۆچگی کُربانیه، نسلانی نسل. <sup>9</sup> اِشیئے سِرا دِگه پِئیمین سۆچکی و سۆچگی کُربانیه یا دانئے کُربانیه چیر مسۆچیت و اِشیئے سِرا ریچگی کُربانیه مریچیت. <sup>10</sup> هارون ساله یِک رندے اِشیئے کانثانی سِرا مهلوکئے گناهانی کِپارتا بکنت. اے کِپارت چه گناهانی کِپارتئے هُونا کنگ بییت، ساله یِک رندے، نسلانی نسل. اے په هُداوندا چه پاکا پاکتر اِنْت.”

## کِپارتئے زَر

<sup>11</sup> هُداوندا گُون موسایا گوشت: <sup>12</sup> “وهده په مردم شماریا اِسرایلیان حساب کنئے، هرکسئے نام که نیسیگ بیت، په وتی زندئے مۆکگا هُداوندا کِپارت بدنت. گُرا نام نیسیئے وهدا و بایه آیانی چکا نکپیت. <sup>13</sup> هما مردم که نامش نیسیگ بنت، نیم شِکل\* بدئینت، پاکین جاگهئے شِکلئے\* حسابا که شِکلئے بیست گیره\* اِنْت. اے نیم شِکل په هُداوندا شُگرانهه.

**13:30** شِکل، اِسرایلیانی کُرا سَنگ و وزنه بوتگ. نیم شِکل کِساس شَش گرام اِنْت.

**13:30** پاکین جاگهئے شِکل: شِکلئے سَنگ و پارسنگ دِگه دِگه بوتگ اِنْت. پاکین جاگهئے شِکل کِساس 12 گرام بوتگ.

**13:30** گیره، یِک گیرهه کِساس نیم گرام بوتگ.

<sup>14</sup> Harkas ke omri bist sál yá géshter ent, námi nebisag bebit o Hodáwaday shogránahá bedant. <sup>15</sup> Wahdé pa wati zenday mókagá Hodáwaday shogránahá dayét, hastómand cha ném shekelá géshter o nézgár kamter madayant. <sup>16</sup> Cha Esráilián kapáratay zarrán beger o sháhediay tambuay hezmati káráni sará harchesh kan. Hodáwaday bárgáhá é, pa Esráilián wati zenday mókagay kapáratay yátgégé.”

### Shódagay trasht

<sup>17</sup> Hodáwandá gón Mussáyá gwasht: <sup>18</sup> “Pa shosht o shódá brenjay trashté addh kan o pádagi ham brenjay bebit. Sháhediay tambu o korbánjáhay nyámá éri kan o ápi mán kan. <sup>19</sup> Hárún o áiy mardénchokk wati dast o pádán gón hamé ápán beshódant. <sup>20</sup> Har wahdá ke tambuay tahá káyant, watá beshódant ke mamerant, hamá wahdá ham watá beshódant ke korbánjáhay nazzikká káyant ke hezmat bekanant o pa Hodáwandá ásjatén korbánig chér besóchant. <sup>21</sup> Wati dast o pádán beshódant ke mamerant. É pa Hárún o áiy nasl o padréchá abadmánén parmáné, nasláni nasl.”

### Per moshagi rógen

<sup>22</sup> Hodáwandá gón Mussáyá gwasht: <sup>23</sup> “É sharterén washbóán bezur: panch sad shekel ápén morr, morráni némay kesásá bezán do sad o panjáh shekelay kesásá washbóén dárchini, do sad o panjáh shekel washbóén kándhél, <sup>24</sup> panch sad shekel káshyá\*, sajjahén pákén jágahay shekelay hesábá bebant, o chár sér zaytunay thél. <sup>25</sup> Eshán bezur o per moshagi pákén rógené addh kan, washbóén rógené. Eshán hamá paymá hawár kan ke atrsáz washbó addha kanant. É per moshagi pákén rógená bit. <sup>26</sup> Tambu o sháhediay péti o <sup>27</sup> thébal o thébalay sajjahén sámán o cherágdán o cherágdánay sámán o bósóchi korbánjá o <sup>28</sup> sóchagi korbánigáni korbánjá o áiy sajjahénán sámán o trasht o trashtay pádagá rógen per mosh. <sup>29</sup> Eshán wapk kan ke cha páká pákter bebant. Har chizz ke gón eshán dhokk belaggit, páka bit.

<sup>30</sup> Hárún o áiy chokkán rógen per mosh o wapkesh kan ke dini péshwá bebant o mani hezmatá bekanant. <sup>31</sup> Gón Esráilián begwash: “É mani per moshagi pákén rógen ent, pa shomá, nasláni nasl. <sup>32</sup> Eshíá harkasá

30:24 Káshyá drachké. Eshiy poll o kochal wasshén bóé kanant.

<sup>14</sup> هرکس که امری بیست سال یا گیشتر انت، نامی نیسیگ بییت و هداوندی شگرانها بدنت. <sup>15</sup> وهدے په وتی زندئے مؤکگا هداوندئے شگرانها دئییت، هستومند چه نیم شیکلا گیشتر و نیزگار کمتر مدئیت. <sup>16</sup> چه اسرائیلیان کپارتئے زرآن بگر و شاهدیئے تمبوئے هزمتی کارانی سرا هرچش کن. هداوندئے بارگاہا اے، په اسرائیلیان وتی زندئے مؤکگئے کپارتئے یاتگیجے.”

### شودگئے ترشت

<sup>17</sup> هداوندا گون موسایا گوشت: <sup>18</sup> “په ششت و شودا برنجئے ترشته اڈ کن و پادگی هم برنجئے بییت. شاهدیئے تمبو و کربانجائه نیاما ایری کن و آپی مان کن. <sup>19</sup> هارون و آییئے مردین چک و تی دست و پادان گون همه آپان بشودنت. <sup>20</sup> هر وهدا که تمبوئے تھا کاینت، وتا بشودنت که ممرنت، هما وهدا هم وتا بشودنت که کربانجائه نزیکا کاینت که هزمت بکننت و په هداوندا آس جتین کربانیگ چیر بسوچنت. <sup>21</sup> وتی دست و پادان بشودنت که ممرنت. اے په هارون و آییئے نسل و پدریچا ابدمانین پرمائے، نسلانی نسل.”

### پر مشگی روگن

<sup>22</sup> هداوندا گون موسایا گوشت: <sup>23</sup> “اے شرترین وشبوان بزور: پنج سد شیکل آیین مر، مرانی نیمئے کساسا بزآن دو سد و پنجاه شیکلئے کساسا وشبوان دارچینی، دو سد و پنجاه شیکل وشبوان کاندیل، <sup>24</sup> پنج سد شیکل کاشیا\*، سجهین پاکین جاگهئے شیکلئے حسابا ببت، و چار سیب زئیتونئے ٹیل. <sup>25</sup> اشان بزور و پر مشگی پاکین روگن اڈ کن، وشبوان روگن. اشان هما پیما هتوار کن که اترساز وشبو اڈ کننت. اے پر مشگی پاکین روگن بیت. <sup>26</sup> تمبو و شاهدیئے پیتی و <sup>27</sup> ٹیبل و ٹیبلئے سجهین سامان و چراگدان و چراگدانئے سامان و بسوچی کربانجاه و <sup>28</sup> سوچی کربانیگانی کربانجاه و آییئے سجهین سامان و ترشت و ترشته پادگا روگن پر مش. <sup>29</sup> اشان ویک کن که چه پاکا پاکتر ببت. هر چیژ که گون اشان ڈک بلگیت، پاک بیت. <sup>30</sup> هارون و آییئے چکان روگن پر مش و ویکش کن که دینی پیشوا ببت و منی هزمتا بکننت. <sup>31</sup> گون اسرائیلیان بگوش: ‘اے منی پر مشگی پاکین روگن انت، په شما، نسلانی نسل.’

24:30 کاشیا درچکے. ایشیئے پل و کچل وشین بڑے کننت.

per mamoshét o é sámánán é dhawlá hawár makanét o dega choshén rógen addh makanét. É pákén rógené, eshiay kadrá bekanét. <sup>33</sup>Harkasá eshiay paymén washbóé addh kort yá anchén mardoméá peri mosht ke dini péshwáé naent, cha wati mahluká sendaga bit.”

### Sóchoki

<sup>34</sup>Hodáwandá gón Mussáyá gwasht: “É chizzán bezur o hawár kan: drachki shirag, sadap, galbanum\* o zagrén konderk, sajjahénáni kacch o kesás yakk bebit. <sup>35</sup>Hamá paymá hawáresh kan o washbóén sóchokié addh kan ke atrsáz washbó addha kant. É sóchoki wádók o zagr o pák bebit. <sup>36</sup>Cha eshán lahtén bedrosh o árt kan o tambuá sháhediay pétiay démá, ér kan, hamódá ke man gón taw gendoka kanán. Eshiy kadrá bezánét ke cha páká pákter ent. <sup>37</sup>Pa wati jendá sóchoki é paymá addh makanét. Hodáwanday bárgáhá é pákén chizzé, eshiay kadrá bekanét. <sup>38</sup>Harkasá pa wati delwasshiá é paymén sóchokié addh kort, cha wati mahluká sendaga bit.”

### Besalél o Ohulyáb

**31** Hodáwandá gón Mussáyá gwasht: <sup>2</sup>“Bechár, man cha Yahudáay kabilahá Uriay chokk, Ahuray nomásag Besalél gechén kortag o <sup>3</sup>cha Hodáay Ruhá porr kortag o agl o pahm o zánt o har kesmén dastay honar bakshátag <sup>4</sup>ke teláh o nograh o brenjay chizzáni sará naksh jórh bekant o <sup>5</sup>sengáni tráshag o nádénagay kárá bekant o dár beájent o har paymén ezmkári bekant. <sup>6</sup>Man cha Dánay kabilahá Ahimásakay chokk Ohulyáb ham gechén kortag ke Besalélá komakk bekant. Man sajjahén honarmand dánái bakshátagant ke hamá sajjahén chizzán addh bekanant ke man tará hokm dátag: <sup>7</sup>sháhediay tambu o sháhediay péti o pétiay saray sarpósh o tambuay é dega sajjahén sámánán, <sup>8</sup>bezán thébal o thébalay sámánán, cha zagrén teláhá addh butagén cherágdán o cherágdánay sajjahén sámánán, bósóchi korbánjáhá, <sup>9</sup>sóchagi korbánigay korbánjáh o áiy sajjahén sámánán, trasht o trashtay pádagá addh bekanant o <sup>10</sup>dazgwápén godán, bezán dini péshwá Hárúnay pákén god o pa dini péshwáíá áiy chokkáni godán addh bekanant o <sup>11</sup>per moshagi

30:34 Galbanum polli shiragé ke pa washbóay addh kanagá kármarza bit.

<sup>32</sup>إشیا هرکسا پر مُمُشیت و اے سامانان اے ڈٹولا هئوار مکنیت و دگه چُشین روگن اڈ مکنیت. اے پاکین روگن، ایشیے کدرا بکنیت. <sup>33</sup>هرکسا ایشیے پیئمین وشبؤے اڈ کرت یا انچین مردمیآ پری مُشت که دینی پیشوای نهانت، چه وتی مهلوکا سیندگ بیت.“

### سوچکی

<sup>34</sup>هُداوندا گۆن موسایا گوشت: ”اے چیژان بزور و هئوار کن: درچکی شیرگ، سدپ، گلبنوم\* و زگرین کُندرک، سجهینانی کچ و کساس یک بیت. <sup>35</sup>هما پیما هئوارش کن و وشبؤین سوچکی اڈ کن که اترساز وشبؤ اڈ کنت. اے سوچکی وادوک و زگر و پاک بیت. <sup>36</sup>چه اشان لهتین بدرش و آرت کن و تمبوا شاهدیے پیئیے دیما، ایر کن، همودا که من گون تئو گندک کنان. ایشیے کدرا بزانت که چه پاکا پاکتر انت. <sup>37</sup>په وتی چندا سوچکی اے پیما اڈ مکنیت. هداوندی بارگاها اے پاکین چیژے، ایشیے کدرا بکنیت. <sup>38</sup>هرکسا په وتی دلوشیا اے پیئمین سوچکی اڈ کرت، چه وتی مهلوکا سیندگ بیت.“

### بسلیل و اهلایاب

**31** هداوندا گۆن موسایا گوشت: <sup>2</sup>”بچار، من چه یهودای کبیلها اورییے چک، اهورئیے نماسگ بسلیل گچین کرتگ و <sup>3</sup>چه هدائیے روها پُر کرتگ و اگل و پهم و زانت و هر کسمین دستئی هئر بکشاتگ <sup>4</sup>که تلاه و نگره و بزنجئی چیژانی سرا نکش جوژ بکنت و <sup>5</sup>سنگانی تراشگ و نادینگئی کارا بکنت و دار به اجنت و هر پیئمین ازمکاری بکنت. <sup>6</sup>من چه دانئی کبیلها اهیسامکئی چک اهلایاب هم گچین کرتگ که بسلیلا کُمک بکنت. من سجهین هنرمند دانایی بکشاتگ انت که هما سجهین چیژان اڈ بکننت که من ترا هکم داتگ: <sup>7</sup>شاهدیے تمبو و شاهدیے پیئی و پیئیے سرئی سرپوش و تمبوئی اے دگه سجهین سامانان، <sup>8</sup>بزان ئیبیل و ئیبیلئے سامانان، چه زگرین تلاها اڈ بوتگین چراگدان و چراگدانئے سجهین سامانان، بوسوچی کربانجاها، <sup>9</sup>سوچگی کربانینگئی کربانجاه و ایئیے سجهین سامانان، ترشت و ترشتئی پادگا اڈ بکننت و <sup>10</sup>دزگوپین گدان، بزان دینی پیشوا هارونئی پاکین گد و په دینی پیشوایا ایئیے چکانی گدان اڈ بکننت و

34:30 گلبنوم پُلی شیرگے که په وشبؤئی اڈ کنگا کارمرز بیت.

rógen o pa pákén jágahá washbóén sóchoki ham addh bekanant. É sajjahén chizzán hamá paymá addh bekanant ke man tará hokm dátag.”

## Shabbat

<sup>12</sup>Hodáwandá gón Mussáyá gwasht: <sup>13</sup>“Esráilián begwash: ‘Mani Shabbatán allam barjáh bedárét. É pa shomay áyókén nasl o padréchán mani o shomay nyámay ahd o karáray neshánia bit tánke shomá bezánét ke man Hodáwand án, hamá ke shomará gechéni kortag o shomará pák o palgára kant. <sup>14</sup>Shabbatá barjáh bedárét chéá ke pa shomá gishshénag butag o pák o palgár ent. Harkasá eshiay bézzati kort, áiy sezá mark ent. Harkasá ke é róchá kár kort, cha wati mahluká sendaga bit. <sup>15</sup>Shash róchá kár kanét, bale haptomi róch Shabbat ent, áram kanagay róch ent. É róchá pa mane Hodáwandá wapk kanét. Harkasá Shabbatay róchá kár kort, áiy sezá mark ent. <sup>16</sup>Esráili Shabbatá barjáh bedárant, nasláni nasl chó abadmánén ahd o paymánéá barjáhi bedárant. <sup>17</sup>É tán abad mani o Esráilay nyámay ahd o karáray neshánia bit, chéá ke mane Hodáwandá shash róchá zemin o ásmán addh kortant o haptomi róchá áram kort o tázadam bután.”

<sup>18</sup>Wahdé Hodáwandá Sináay kóhay sará gón Mussáyá habar halás kort, sháhediay doén wáneki Mussáyá dastá dátant, sengay do wáneki atant ke esháni sará Hodáwandá dahén parmán daste wat nebeshtah kortagatant.

## Teláhén gwask

**32** Wahdé mahluká dist ke Mussáyá cha kóhá ér kapagá sakk dér kort, Hárunay chapp o chágérdá mocch butant o gwashtesh: “Byá, pa má hodá addh kan ke ráhá cha má pésar bebant, chéá ke á mard, Mussá ke mára cha Mesrá dari kort o áworti, nazánén á chón but.”<sup>2</sup> Háruná gón áyán gwasht: “Wati jan o bacch o jenekkáni gósháni teláhén nálokán\* kasshét o mani kerrá byárét.”<sup>3</sup> Sajjahén mahluká teláhay nálok cha góshán kasshet o Hárunay kerrá áwortant. <sup>4</sup>Háruná áyáni dátagén teláh zort o áp kortant. Teláhi kálebéá kortant o botén gwaské addhi kort. Mardomán gwasht: “Oo Esráil! É tai hodá ent

32:2 Nálok, bezán gerdén saht o zéwar ke góshána kanantesh, góshwárah.

<sup>11</sup> پر مُشگی روگن و په پاکین جاگها وشبۆین سوچکی هم اڈ بکننت. اے سجھین چیزان هما پئیمما اڈ بکننت که من ترا هکم داتگ.“

## شَبَّت

<sup>12</sup> هُداوندا گون موسایا گوشت: <sup>13</sup> “إسرائیلیان بگوش: ‘منی شَبَّتَان اَلْم برجاه بداریت. اے په شمئے آیوکین نسل و پدیرچان منی و شمئے نیامئے اهد و کرارئے نشانی بیت تانکه شما بزائیت که من هُداوند آن، هما که شمارا گچینی کرتگ و شمارا پاک و پلگار کنت. <sup>14</sup> شَبَّتَا برجاه بداریت چیا که په شما گیشینگ بوتگ و پاک و پلگار انت. هرکسا ایشیے بے اڑتی کرت، آییے سزا مَرک انت. هرکسا که اے رُچا کار کرت، چه وتی مهلوکا سِنَدگ بیت. <sup>15</sup> شش رُچا کار کنیت، بله هپتمی رُچ شَبَّت انت، آرام کنگئے رُچ انت. اے رُچا په من هُداوندا و پک کنیت. هرکسا شَبَّتے رُچا کار کرت، آییے سزا مَرک انت. <sup>16</sup> إسرائیلی شَبَّتَا برجاه بدارنت، نسلانی نسل چو ابدمانین اهد و پئیمانیا برجاهی بدارنت. <sup>17</sup> اے تان ابد منی و إسرائیلے نیامئے اهد و کرارئے نشانی بیت، چیا که من هُداوندا شش رُچا زمین و آسمان اڈ کرتنت و هپتمی رُچا آرام کرت و تازهدم بوتان.“

<sup>18</sup> وهده هُداوندا سینائے کوھئے سرا گون موسایا هبر هلاس کرت، شاهدیے دوین وانکی موسائے دستا دانت، سینگئے دو وانک اتنت که ایشانی سرا هُداوندا دهین پرمآن دست وت نبشته کرتگ اتنت.

## تلاھین گوسک

**32** وهده مهلوکا دیست که موسایا چه کوها ائر کپگا سگ دیر کرت، هارونئے چپ و چاگردا مچ بوتنت و گوشتش: “بیا، په ما هُدا اڈ کن که راها چه ما پیسر ببت، چیا که آ مَرَد، موسا که مارا چه مسرا دری کرت و اورتی، نزانین آ چون بوت.”<sup>2</sup> هارونا گون آیان گوشت: “وتی جن و بچ و جنگانی گوشانی تلاھین نالکان\* کَشیت و منی کِرا بیاریت.”<sup>3</sup> سجھین مهلوکا تلاھئے نالک چه گوشان کَشیت و هارونئے کِرا اورتنت. <sup>4</sup> هارونا آیانی داتگین تلاه زرت و آپ کرتنت. تلاھی کالیبیا کرتنت و بُتین گوسکے اڈی کرت. مردمان گوشت: “او إسرائیل! اے تئی هُدا انت که ترا چه مسرا در کرت و اورتی.”<sup>5</sup> هارونا که

32:2 نالک، بزآن گردین سَهت و زیور که گوشان کننتش، گوشواره.

ke tará cha Mesrá dar kort o áworti.”<sup>5</sup> Hárúná ke mardománi é hálat dist, gwaskay démá korbánjáhé addhi kort o jári jat: “Bándá Hodáwanday námá jashn ent.”

<sup>6</sup> Domi róchá mahluk máhallah pád átk o sóchagi korbánigi chér sótk o hamdeliay korbánigi kort. Gorhá nesht o ward o nóshesh kort o pa layb o labáíá pád átkant. <sup>7</sup> Hodáwandá gón Mussáyá gwasht: “Ér kap, chéá ke é tai mahluk ke taw cha Mesrá dar kort o áwort, nun selkáriá laggetag. <sup>8</sup> Eshán mani sój dátagén ráh zutt yalah dátag. Pa wat botén gwaské addhesh kortag o sojdahesh kortag. Pa áíá korbánigesh kortag o gwashtagesh: ‘Oo Esráíl! É tai Hodá ent ke tará cha Mesrá dar kort o áworti.’ <sup>9</sup> Bechár, man é mahluk distag. É náparmán o watsarén kawmé. <sup>10</sup> Taw mani démá mán matarr. Bell mani hezhm eshána sóchit o pora kant. Man cha taw dega mazanén kawmé addha kanán.” <sup>11</sup> Bale Mussáyá wati Hodáwandén Hodáay kerrá peryát o zári kort o gwasht: “Oo Hodáwand! É mahluk ke taw gón mazanén wáké o zórmandén dasté cha Mesrá dar kort o áwort, nun eshán chéá tai hezhm besóchit? <sup>12</sup> Chéá Mesri begwashant: ‘É mardomi cha Mesrá pa badniyati dar kortant ke kóh o gyábánán bebárt o bekoshitesho chajaháná gáresh bekant?’ Wati hezhmay ásá kosh. Wati erádahá badal kan o é baláhá wati mahlukay sará dawr maday. <sup>13</sup> Wati hezmatkár Ebráhém o Esák o Esráílá yát kan ke taw gón áyán wati jenday sawgend wárt o gwasht ke man shomay nasl o padréchá ásmánay estáráni paymá báza kanán o anchó ke man gón shomá wádah kortag, é sajjahén sardhagará shomay nasl o padréchará dayán o tán abad hamáyáni mirása bit.” <sup>14</sup> Hodáwandá erádah kortagat ke wati mahlukay sará baláhé dawra dayán, bale erádahi badal kort.

<sup>15</sup> Mussá per tarret o cha kóhá ér kapt. Ér kapagay wahdá Mussáyá sháhediay doén wánek dastá atant. Wánekáni doén némagán nebeshtah per at, é dém o á dém nebeshtah atant. <sup>16</sup> Wánek Hodáay tráshtagén atant o nebeshtah Hodáay daznebesht atant ke áíá wánekáni sará ájetagatant.

<sup>17</sup> Yusháyá mahlukay kukkáráni tawár eshkot o gón Mussáyá gwashti: “Ordgáhá jangéay tawár ent.” <sup>18</sup> Mussáyá gwasht:

“É na sóbén bayagi kukkáré o  
na prósh waragi zaré.  
Mani góshán é sawti tawaré.”

<sup>19</sup> Wahdé Mussá ordgáhay nazzikká sar but, gwaski dist. É ham disti ke mardom náchá ant. Mussá sakk zahr gept o kóhay boná wati dastay wáneki zeminá

مردمانی اے ہالت دیست، گوسکے دیما کربانجاہے اڈی کرت و جاری جت: “باندا ہداوندئے ناما جشن انت.”

<sup>6</sup> دومی رچا مہلوک ماہلہ پاد آتک و سوچگی کربانیگی چیر سوٹک و ہمدلیئے کربانیگی کرت. گڑا نشت و ورد و نوشش کرت و پہ لئیب و لباییا پاد آتکنت. <sup>7</sup> ہداوندا گون موسایا گوشت: “ایر کپ، چیا کہ اے تئی مہلوک کہ تئو چہ مسرا در کرت و آورت، نون سلکاریا لگتگ. <sup>8</sup> اشان منی سوچ داتگین راہ زوت یلہ داتگ. پہ وت بتین گوسکے اڈش کرتگ و سجدہش کرتگ. پہ اییا کربانیگش کرتگ و گوشتگش: ‘او اسرائیل! اے تئی ہدا انت کہ ترا چہ مسرا در کرت و آورتی.’ <sup>9</sup> بچار، من اے مہلوک دیستگ. اے ناپرمان و وتسرین کئومے. <sup>10</sup> تئو منی دیما مان متر، بل منی ہژم اشان سوچیت و پُر کنت. من چہ تئو دگہ مزین کئومے اڈ کنان. <sup>11</sup> بلہ موسایا وتی ہداوندین ہدائے کرا پریات و زاری کرت و گوشت: ‘او ہداوندا! اے مہلوک کہ تئو گون مزین واکے و زورمندین دستے چہ مسرا در کرت و آورت، نون اشان چیا تئی ہژم سوچیت؟ <sup>12</sup> چیا مسری بگوشتنت: ‘اے مردمی چہ مسرا پہ بدنیتی در کرتنت کہ کؤہ و گیابانان ببارت و بکشیتش و چہ جہانا گارش بکنت؟‘ وتی ہژمے آسا گش. وتی ارادہا بدل کن و اے بلاہا وتی مہلوکے سرا دئور مدئے. <sup>13</sup> وتی ہزمتکار ابراہیم و اساک و اسرائیلا یات کن کہ تئو گون آیان وتی جندئے سئوگند وارت و گوشت کہ من شمئے نسل و پدیرچا آسمانئے استارانی پیما باز کنان و آنچو کہ من گون شما وادہ کرتگ، اے سبھین سردگارا شمئے نسل و پدیرچارا دئیان و تان ابد ہمایانی میراس بیت. <sup>14</sup> ہداوندا ارادہ کرتگ آت کہ وتی مہلوکے سرا بلاہے دئور دئیان، بلہ ارادہی بدل کرت.

<sup>15</sup> موسا پر ترت و چہ کؤہا ایر کپت. ایر کپگئے و ہدا موسایا شاہدیئے دوین وانک دستا آنتت. وانکانی دوین نیمگان نبشتہ پر آت، اے دیم و آ دیم نبشتہ آنتت. <sup>16</sup> وانک ہدائے تراشتگین آنتت و نبشتہ ہدائے دزنبشت آنتت کہ اییا وانکانی سرا آجتگ آنتت.

<sup>17</sup> یوشایا مہلوکے کوگارانے تئوار اشکت و گون موسایا گوشتی: “اردگاہا جنگیئے تئوار انت.” <sup>18</sup> موسایا گوشت:

“اے نہ سوین بیگی کوکارے و  
نہ پرؤش ورگی زارے.  
منی گوشان اے سئوتی تئوارے.”

<sup>19</sup> و ہدے موسا اردگاہئے نرکا سربوت، گوسکی دیست. اے ہم دیستی کہ مردم ناچا آت. موسا سک زھر گپت و کؤہے



dawr dát o thokkor thokkor kortant. <sup>20</sup> Hamá gwask ke mardomán addh kortagat, Mussáyá zort o bon dát. Nun chopt o hurt o árti kort o hurdagi\* ápa rétkant o ápi Esráiliáná wáréntant.

<sup>21</sup> Mussáyá gón Hárúná gwasht: “É mardomán chón tará parmát o taw choshén baláhén gonáhé eshání chakká áwort?” <sup>22</sup> Hárúná gwasht: “Zahr mager, wájah! Taw wata zánay ke é mardom pa gonáhá delé dayant. <sup>23</sup> Eshán maná gwasht: ‘Pa má hodá addh kan ke ráhá cha má pésar bebant, chéá ke á mard, Mussá ke mára cha Mesrá dari kort o áworti, nazánén á chón but.’ <sup>24</sup> Man gón áyán gwasht: ‘Harkasá ke teláhay saht o zéwar per, kasshét o byárétesh.’ Eshán wati teláh maná dátant. Man zort o ásá chagal dátant o é gwask cha ásá dar átk.”

<sup>25</sup> Mussáyá dist ke mardom bémahár ant o Hárúná eshání mahár yalah dátag. Nun é mardom dozhmenáni kalági jórh butagant. <sup>26</sup> Mussá ordgáhay dapá óshtát o gwashti: “Harkas ke Hodáwanday némagá ent, mani kerrá byayt.” Láwiay sajjahén chokk Mussáyay kerrá mocch butant. <sup>27</sup> Mussáyá gwasht: “Hodáwand, Esráilay Hodá chosha gwashit: ‘Shomá sajjahén wati zahmán lánká bebandét o ordgáhá é sará tán á sará berawét o byáét o wati brát o dóst o nazzikén mardomán bekoshét.” <sup>28</sup> Láwiay chokkán Mussáyay habar zort. Á róchá kesás say hazár mardom koshag but. <sup>29</sup> Mussáyá gwasht: “Maróchi shomá pa Hodáwandá gechén kanag butagét, chéá ke shomá sajjahén wati chokk o brátáni helápá pád átkagét. Paméshká maróchi shomará Hodáwanday barkat rasetag.”

<sup>30</sup> Domi róchá Mussáyá gón mahluká gwasht: “Shomá mazanén gonáhé kortag. Bale man borzáda bán o Hodáwanday bágáhá rawán. Balkén shomay gonáháni kapáratá dát bekanán.” <sup>31</sup> Mussá Hodáwanday bágáhá per tarret o gón Hodáwandá gwashti: “Off ke é mardomán chónén mazanén gonáhé kortag. Pa wat teláhén hodáé addhesh kortag. <sup>32</sup> Nun agan buta kant eshání gonáhá bebaksh, bale agan nabakshay, gorhá mani námá cha hamá ketábá dar kan ke taw nebeshtah kortag.” <sup>33</sup> Hodáwandá gón Mussáyá gwasht: “Harkas ke mani gonahkár ent, man áiyay námá cha wati ketábá dara kanán. <sup>34</sup> Nun beraw o mardomán dém pa hamá jágahá bar ke áiyay bárawá man gón taw habar kortag. Mani préshtag cha taw pésara bit. Bale sezáyay róchá man eshání gonáhay sezáyá dayán.”

بنا وتی دستتے وانکی زمینا دئور دات و تُکَر تُکَر کرتنت. <sup>20</sup> هما گوسک که مردمان اُدُّ کرتگات، موسایا زرت و بُن دات. نون چُپت و هورت و آرتی کرت و هوردگی\* آپا ریتکتنت و آپی اسرائیلیانا واریتنتنت.

<sup>21</sup> موسایا گون هارونا گوشت: “اے مردمان چون ترا پرمت و تئو چُشین بلاهین گناھے اِشانی چکا آورت؟” <sup>22</sup> هارونا گوشت: “زهر مگر، واجه! تئو وت زائے که اے مردم په گناھا دلے دئینت. <sup>23</sup> اِشان منا گوشت: ‘په ما هدا اُدُّ کن که راھا چه ما پیسر بنت، چیا که آمد، موسا که مارا چه مسرا دری کرت و آورتی، نزانین آ چون بوت.’ <sup>24</sup> من گون آیان گوشت: ‘هرکسا که تلاھے سَهت و زیور پر، کَشیت و بیاریتش.’ اِشان وتی تلاه منا دانتت. من زرت و آسا چگل دانتت و اے گوسک چه آسا در آتک.”

<sup>25</sup> موسایا دیست که مردم بيمهار آنت و هارونا اِشانی مَهاریله داتگ. نون اے مردم دژمنانی کلاگی جوژ بوتگ آنت. <sup>26</sup> موسا اُردگاهتے دپا اُوشتات و گوشتی: “هرکس که هداوندتے نیمگا انت، منی کِرا بیئیت.” <sup>27</sup> لایوئے سجھین چک موسائے کِرا مچ بوتنت. <sup>27</sup> موسایا گوشت: “هداوند، اسرائیلے هدا چُش گوشت: ‘شما سجھین وتی زهمان لانکا ببندیت و اُردگاھا اے سرا تان آ سرا برئویت و بیایت و وتی برات و دوست و نَزیکین مردمان بکشیت.” <sup>28</sup> لایوئے چُگان موسائے هبر زرت. آ روچا کِساس سئے هزار مردم کُشگ بوت. <sup>29</sup> موسایا گوشت: “مروچی شما په هداوندا گچین کنگ بوتگیت، چیا که شما سجھین وتی چُک و براتانی هلاپا پاد آتکگیت. پمیشکا مروچی شمارا هداوندتے برکت رستگ.”

<sup>30</sup> دومی روچا موسایا گون مهلوکا گوشت: “شما مزین گناھے کرتگ. بله من بُزاد بان و هداوندتے بارگاھا رئوان. بلکین شمتے گناھانی کپارتا دات بکنان.” <sup>31</sup> موسا هداوندتے بارگاھا پرترت و گون هداوندا گوشتی: “اُف که اے مردمان چونین مزین گناھے کرتگ. په وت تلاهین هداے اُدُّش کرتگ. <sup>32</sup> نون اگن بوت کنت اِشانی گناھا ببکش، بله اگن نبکشے، گڑا منی ناما چه هما کتابا در کن که تئو نیشته کرتگ.” <sup>33</sup> هداوندا گون موسایا گوشت: “هرکس که منی گنهکار انت، من آییے ناما چه وتی کتابا در کنان. <sup>34</sup> نون برئو و مردمان دیم په هما جاگاھا بر که آییے بارئوا من گون تئو هبر کرتگ. منی پریشته چه تئو پیسر بیت. بله سزائے روچا من اِشانی گناھے سزایا دئیان.”

<sup>35</sup>Nun Hodáwandá paméshká wabáé mahlukay chakká dawr dát ke Hárúná gwaské addh kortagat o mardomán parastesh kortagat.

**33** Hodáwandá gón Mussáyá gwasht: “Éjagahá yalah kan, taw o é mahluk ke taw cha Mesrá dar kortag o áwortag. Dém pa hamá molká beraw ke man gón Ebráhém o Esák o Ákubá sawgend wártag ke tai nasl o padréchará dayáni. <sup>2</sup>Man préshtagé cha taw pésar ráha dayán o Kanháni o Amuri o Hitti o Perizzi o Héwi o Yabusiána gallénán. <sup>3</sup>Hamá molká beraw ke ódá shir o bénagay jó tachagá ant. Bale man gón taw hamráha nabán, chó mabit ke ráhá tará tabáh o barbád bekanán, chéá ke taw náparmán o watsarén kawmé ay.”

<sup>4</sup>Mahluká ke é dardnákén habar eshкот, mótk o zariá lagget o kassá saht o zéwar per nakort, <sup>5</sup>chéá ke Hodáwandá gón Mussáyá gwashtagat: “Esráilián begwash: ‘Taw náparmán o watsarén kawmé ay. Man agan pa damánéá ham gón taw hamráh bebán, balkén tará tabáh o barbád bekanán. Nun wati saht o zéwarán kassh. Mana charán ke gón taw ché bekanán.’” <sup>6</sup>Esráilián Hórébay kóhá wati saht o zéwar kasshetant.

### Gendokay tambu

<sup>7</sup>Mussáyá modám tambué zort o cha ordgáhá dur mekka kort. É tambuay námi gendokay tambu kort. Harkas ke Hodáwanday sar o sójáni lóthók at, cha ordgáhá dhann gendokay tambuá shot. <sup>8</sup>Har wahdá ke Mussá dara átk o dém pa tambuá ráha gept, sajjahén mahluk páda átk o harkas wati jenday gedánay dapá óshtát o tán hamá wahdá Mussáia cháret ke Mussá tambuá shot. <sup>9</sup>Wahdé Mussá tambuá shot, jambaray menok éra átk o tambuay dapá óshtát o Hodáwandá gón Mussáyá habara kort.

<sup>10</sup>Wahdé mahluká dist ke jambaray menok tambuay dapá óshtát, sajjahén mardom páda átk o wati gedánáni dapá óshtátant o Hodáwandesh parastesh kort. <sup>11</sup>Hodáwandá gón Mussáyá dém pa démá habara kort, sangatéay paymá. Randá Mussá ordgáhá shot, bale Yushá cha tambuá dara nakapt. Yushá Nunay chokk o Mussáyá warnáén hezmatkár at.

### Mussá Hodáwanday shán o shawkatá gendit

<sup>12</sup>Mussáyá gón Hodáwandá gwasht: “Bechár, taw maná gwashagá ay: ‘É mahlukay rahshóniá bekan’ bale taw maná hál dayagá naay ke mani hamráh

<sup>35</sup>نون هداوندا پمیشکا و بای مهلوکے چگا دئور دات که هارونا گوسکے اڈ کرتگات و مردمان پرستش کرتگات.

**33** هداوندا گون موسایا گوشت: “اے جاگھا یلہ کن، تئو و اے مهلوک که تئو چه مسرا در کرتگ و اورتگ. دیم په هما ملکا برئو که من گون ابراهیم و اساک و آکوبا سئوگند و ارتگ که تئیی نسل و پدريچارا دئیانی. <sup>2</sup>من پریشتگی چه تئو پیسر راه دئیان و کنهانی و آموری و هیتی و پریزی و هیوی و یوسیان گلینان. <sup>3</sup>هما ملکا برئو که اودا شیر و بینگئے جو تچگا أنت. بله من گون تئو همراه نبان، چو مبيت که راها ترا تباہ و برباد بکنان، چیا که تئو ناپرمان و وتسرين کئومے ائے.” <sup>4</sup>مهلوکا که اے دردناکین هبر اشکت، مؤتک و زاريا لگت و کسا سہت و زیور پر نکرت، <sup>5</sup>چیا که هداوندا گون موسایا گوشتگات: “اسراييليان بگوش: ‘تئو ناپرمان و وتسرين کئومے ائے. من اگن په دمانیا هم گون تئو همراه بیان، بلکین ترا تباہ و برباد بکنان. نون وتی سہت و زیوران کش. من چاران که گون تئو چے بکنان.’” <sup>6</sup>اسراييليان هوريبئے کوها وتی سہت و زیور کشتنت.

### گندکئے تمبو

<sup>7</sup>موسایا مدام تمبوے زرت و چه اردگاها دور مگ کرت. اے تمبوئے نامی گندکئے تمبو کرت. هرکس که هداوندئے سر و سوجانی لوئوک ات، چه اردگاها دن گندکئے تمبو شت. <sup>8</sup>هر وهدا که موسا در آتک و دیم په تمبو راه گپت، سجھین مهلوک پاد آتک و هرکس وتی جندئے گدانئے دپا اوشتات و تان هما وهدا موسایي چارت که موسا تمبو شت. <sup>9</sup>وهده موسا تمبو شت، جمبرئے منک ایز آتک و تمبوئے دپا اوشتات و هداوندا گون موسایا هبر کرت.

<sup>10</sup>وهده مهلوکا دیست که جمبرئے منک تمبوئے دپا اوشتاتگ، سجھین مردم پاد آتک و وتی گدانانی دپا اوشتانت و هداوندش پرستش کرت. <sup>11</sup>هداوندا گون موسایا دیم په دیم هبر کرت، سنگتیئے پیما. رندا موسا اردگاها شت، بله یوشا چه تمبو در نکپت. یوشا نونئے چگ و موسائے ورناین هزمتکار ات.

### موسا هداوندئے شان و شوکتا گندیت

<sup>12</sup>موسایا گون هداوندا گوشت: “بچار، تئو منا گوشگا ائے: ‘اے مهلوکئے رهشونیا بکن’ بله تئو منا هال دئیگا نه ائے که

kay ent. Taw maná gwashtag ke 'man tawe Mussáyá pajjáha kárán, tará tai jenday námay sará pajjáha kárán o mane Hodáwanday chammán tai kadr o ezzat sakk báz ent.'

<sup>13</sup> Nun agan tai chammán mani kadr o ezzat báz ent, gorhá wati ráhán pa man áshkár kan tánke man tará pajjáha byárán o hamá ezzat ke maná tai chammán hastent, áia barjáh dásht bekanán. Bechár, é mahluk tai jenday kawm ent."

<sup>14</sup> Hodáwandá gwasht: "Man wat tai hamráha bán o tará árámí o ásudagia bakshán." <sup>15</sup> Mussáyá gón Hodáwandá gwasht: "Agan taw wata nayáay gón, mára cha edá ráh maday. <sup>16</sup> Agan taw may hamráh mabay, chón zánaga bit ke tai chammán maná kadr o ezzat hast, maná o tai mahluká? Chéa ke hamé chizz ent ke maná o tai mahluká cha donyáay á dega sajjahén kawmán jetá kant."

<sup>17</sup> Hodáwandá gón Mussáyá gwasht: "É kár ke taw gwasht, mania kanán, chéa ke mani chammán tai kadr o ezzat sakk báz ent o tará tai jenday námay sará pajjáha kárán."

<sup>18</sup> Mussáyá gwasht: "Wati shán o shawkatá maná pésh dár." <sup>19</sup> Hodáwandá gwasht: "Man wati sajjahén nékiá tarápésha dárán o tai démá wati nám Yahwehay\* járá janán. Harkasay sará ke maná rahmat gwárenagi ent, wati rahmatána gwárenán o harkasay sará ke maná rahm kanagi ent, rahma kanán. <sup>20</sup> Taw mani démá dista nakanay, chéa ke harkasá ke mani dém dist, zendaga namánit. <sup>21</sup> Bechár, mani nazzikká jágahé hast. Taw ódá talárey sará bósht. <sup>22</sup> Hamá wahdá ke mani shán o shawkat cha tai démá gwazit, á wahdá tará taláray trakkéay tahá chéra dayán o wati dastá tán hamá wahdá tai sará éra kanán ke man begwazán. <sup>23</sup> Randá wati dastá dura kanán o taw mani poshtá genday, bale báyard ent mani dém gendag mabit."

### Nókén wánek

**34** Hodáwandá gón Mussáyá gwasht: "Pésarigén wánekáni paymén do wánek betrásh o man áyáni sará hamá labzána nebisán ke pésarigénáni sará nebeshtah atant, hamá wánek ke taw próshant. <sup>2</sup> Sabáhá watá gishshén. Sohbá Sináay kóhá sar kap o watá ódá kóhay thollá mani bárgáhá byár o sar kan. <sup>3</sup> Kass gón taw kóhá sar makapit o

33:19 Yahweh, Ebráni zobáná Hodáwanday nám ent. É labz cha "bayagay" labzá jórh butag. Pákén Ketábay géshter tarjomahán é labz "Hodáwand" kortag.

منی همراه كئى انت. تئو منا گوشتگ كه 'من تئو موسایا پجّاه كاران، ترا تئیی جندئى نامئى سرا پجّاه كاران و من هداوندئى چمان تئیی كدر و اژت سگ باز انت.'

<sup>13</sup> نون اگن تئیی چمان منی كدر و اژت باز انت، گژاوتی راهان په من آشكار كن تانكه من ترا پجّاه بیاران و هما اژت كه منا تئیی چمان هست انت، آیا برجاه داشت بكنان. بچار، اے مهلوک تئیی جندئى كئوم انت."

<sup>14</sup> هداوندا گوشت: "من وت تئیی همراه بان و ترا آرامی و آسودگی بکشان." <sup>15</sup> موسایا گون هداوندا گوشت: "اگن تئو وت نئیائى گون، مارا چه ادا راه مدئى. <sup>16</sup> اگن تئو مئى همراه مبیى، چون زانگ بیت كه تئیی چمان منا كدر و اژت هست، منا و تئیی مهلوکا؟ چیا كه همه چیز انت كه منا و تئیی مهلوکا چه دنیائى آدگه سجهین كئومان جتا كنت."

<sup>17</sup> هداوندا گون موسایا گوشت: "اے كار كه تئو گوشت، منی كنان، چیا كه منی چمان تئیی كدر و اژت سگ باز انت و ترا تئیی جندئى نامئى سرا پجّاه كاران."

<sup>18</sup> موسایا گوشت: "وتی شان و شئوكتا منا پیش دار." <sup>19</sup> هداوندا گوشت: "من وتی سجهین نیکیا ترا پیش داران و تئیی دیما وتی نام یهوهئى\* جارا جنان. هرکسئى سرا كه منا رهم گوارینگی انت، وتی رهمتان گوارینان و هرکسئى سرا كه منا رهم کنگی انت، رهم كنان. <sup>20</sup> تئو منی دیما دیست نكنئى، چیا كه هرکسا كه منی دیم دیست، زندگ نمانیت. <sup>21</sup> بچار، منی نژیكا جاگه هست. تئو اودا تلاریئى سرا بوشت. <sup>22</sup> هما وهدا كه منی شان و شئوكت چه تئیی دیما گوزیت، آ وهدا ترا تلاریئى تروکیئى تھا چیز دئیان و وتی دستاتان هما وهدا تئیی سرا ایتر كنان كه من بگوزان. <sup>23</sup> رندا وتی دستا دور كنان و تئو منی پشتا گندئى، بله باید انت منی دیم گندگ مبیى."

### نۆکین وانک

**34** هداوندا گون موسایا گوشت: "پیسریگین وانکانی پییمین دو وانک بتراش و من آیانی سرا هما لبزان نیسان كه پیسریگینانی سرا نبشته انت، هما وانک كه تئو پرؤشنتت. <sup>2</sup> سباها وتا گیشین. سها سینائى كؤها سر كپ و وتا اودا كؤهئى تئلا منی بارگاها بیار و سر كن. <sup>3</sup> كس گون تئو كؤها سر مكپیت و كؤهئى سرا هچ جاگه يك مردمى هم گندگ مبیى. رمگ و گورم هم كؤهئى دیما مچرنت."

19:33 يهوه، ایرانی زبانان هداوندئى نام انت. اے لبز چه "بئیگئى" لبزا جوژ بوتگ. پاکین کتابئى گیشتر ترجمهان اے لبز "هداوند" کرتگ.

kóhay sará hecch jágah yakk mardomé ham gendag mabit. Ramag o górom ham kóhay démá macharant.”

<sup>4</sup> Mussáyá pésari wánekaní paymén do wáneke trásht o hamá paymá ke Hodáwandá hokm dátagat, sabáhá máhallah Sináay kóhá sar kapt. Doén wáneke áiy dastá atant. <sup>5</sup> Hodáwand jambaray tahá but o ér átk o Mussáay kerrá óshtát o wati námay jári jat ke man Yahweh\* án. <sup>6</sup> Hodáwand jár janáná Mussáay démá gwast: “Hodáwand án, Hodáwand, rahmán o mehrabánén Hodá man án. Gazabay áragá déra kanán o cha mehr o wapáyá porr án. <sup>7</sup> Gón hazárán naslá wati mehrá barjáha dárán o radkári o sarkasshi o gonáhána bakshán bale radkáriá bé sezáyá gwazaga naylán. Pet o mátáni radkáriáni sezáyá chokk o nomásagána dayán, tán sayomi o cháromi naslá.”

<sup>8</sup> Mussáyá hamá damáná sar jahl kort o parastesh kanagá lagget. <sup>9</sup> Gwashti: “Oo Hodáwand! Agan tai chammán maná kadr o ezzaté hast, gorhá tawe Hodáwand may hamráh bay. Bell toré é náparmán o watsarén kawmé, bale taw may radkári o gonáhán bebaksh o mára wati mirás kan.”

<sup>10</sup> Hodáwandá gwasht: “Bechár, nun man ahd o paymáné kanán. Man tai sajjahén mardománi démá anchén ajabbatén kára kanán ke angat sajjahén donyáyá hecch kawmá nadistag o tai sajjahén mardoma gendant ke mane Hodáwanday kár chón bákamál ent, hamé kár ke man pa taw kanáni. <sup>11</sup> Tará maróchi har hokmé ke dayán, hamá paymá bekan. Man Amuri o Kanháni o Hitti o Perizzi o Héwi o Yabusián cha tai démá dura kanán. <sup>12</sup> Habardár! É molká ke rawagá ay, gón é molkay mardomán hecch paymén ahd o paymán maband, chó mabit ke dáméá bekapay. <sup>13</sup> Áyáni korbánjáhán karój, pa botparastiá mekk kortagén sengánesh prósh o áyáni bánokén hodá Ashirahay botán goddh o gár kan. <sup>14</sup> Dega hecch hodáay parasteshá makan, chéá ke mane Hodáwand ke mani nám Hasud ent, hasaddigén Hodáé án. <sup>15</sup> Habardár! Gón á molkay mardomán hecch paymén ahd o paymán maband. Wahdé á wati botén hodáyán sojdaha kanant o pa áyán korbániga kanant, shomará ham dáwata dayant o shomá áyáni korbánigána warét o <sup>16</sup> wahdé shomá pa wati mardénchokkán áyáni janénchokkángechéna kanét, ájanénchokkwati botén hodáyán sojdaha kanant o shomay mardénchokkán ham wati hodáyáni sojdahá parmáyant. <sup>17</sup> Hecch botén hodá addh makan.

<sup>4</sup> موسایا پیسری وانکانی پیمنین دو وانک تراشت و هما پیما که هداوندا حکم داتگ ات، سباها ماهله سینای کوا سر کپت. دوین وانک اییے دستا اتنت. <sup>5</sup> هداوند جمبرئے تھا بوت و ایر اتک و موسایے کرا اؤشتات و وتی نامئے جاری جت که من یهوه\* آن. <sup>6</sup> هداوند جار جنانا موسایے دیما گوست: “هداوند آن، هداوند، رهمان و مهربانین هدا من آن. گزبئے آرگا دیر کنان و چه مهر و ویایا پُر آن. <sup>7</sup> گون هزاران نسلا وتی مهرا برجاه داران و ردکاری و سرکشئی و گناهان بکشان بله ردکاریا بے سزایا گوزگ نیلان. پت و ماتانی ردکاریانی سزایا چُک و نماسگان دئیان، تان سئیمی و چارمی نسلا.”

<sup>8</sup> موسایا هما دمانا سر جهل کرت و پرستش کنگا لگت. <sup>9</sup> گوشتی: “او هداوندا! اگن تئی چمان منا کدر و ازتے هست، گرا تتو هداوند مئے همراه بئے. بل ترے اے ناپرمان و تسرین کئومے، بله تتو مئے ردکاری و گناهان بککش و مارا وتی میراس کن.”

<sup>10</sup> هداوندا گوشت: “بچار، نون من اهد و پیمانے کنان. من تئی سجھین مردمانی دیما انجین اجبتین کار کنان که انگت سجھین دنیاا هچ کئوما ندیستگ و تئی سجھین مردم گندنت که من هداوندئے کار چون باکمال انت، همه کار که من په تتو کنانی. <sup>11</sup> ترا مروچی هر هکمه که دئیان، هما پیما بکن. من اموری و کنهانی و هیئی و پریزی و هیوی و بیوسیان چه تئی دیما دور کنان. <sup>12</sup> هبردار! اے ملکا که رثوگا ائے، گون اے ملکئے مردمان هچ پیمنین اهد و پیمان میند، چو مبیث که دامیا بکپئے. <sup>13</sup> آیانی کربانجاها کروج، په بت پرستیا مک کرتگین سنگانیش پرورش و آیانی بانکین هدا آشیرهئے بتان گد و گار کن. <sup>14</sup> دگه هچ هدائے پرستشا مکن، چیا که من هداوند که منی نام هسود انت، هسدیگین هداے آن. <sup>15</sup> هبردار! گون آ ملکئے مردمان هچ پیمنین اهد و پیمان میند. وهده آ وتی بتین هدایان سجده کننت و په ایان کربانیکگ کننت، شمارا هم داوت دئینت و شما آیانی کربانیکان و ریث و <sup>16</sup> وهده شما په وتی مردین چکان آیانی جنین چکان گچین کنیت، آ جنین چک وتی بتین هدایان سجده کننت و شمئے مردین چکان هم وتی هدایانی سجدها پرمانیت. <sup>17</sup> هچ بتین هدا اڈ مکن.

34:5 Yahweh, Ebráni zobáná Hodáwanday nám ent. É labz cha “bayagay” labzá jórh butag. Pákén Ketábay géshter tarjomahán é labz “Hodáwand” kortag.

5:34 یهوه، ایرانی زبانا هداوندئے نام انت. اے لیز چه “بئیگئے” لیزا جوژ بوتگ. پاکین کتابئے گیشتر ترجمهان اے لیز “هداوند” کرتگ.



<sup>18</sup> Béhomirén Naganay Aidá barjáh bedár. Hamá paymá ke man tará hokm dátag, tán hapt róchá béhomirén nagan bwar. É kárá Abibay máhá, hamá gishéntagén wahdá bekan, chéá ke hamé máhá taw cha Mesrá dar átkay.

<sup>19</sup> Har lápay awali chokk manig ent, tai sajjahén mál o dalwatáni awali narén chokkham, gók bebant yá pas. <sup>20</sup> Haray awali korragay badalá gwarándhé bekosh o korragá bemók, bale agan namókayi, gorhá korragay gardená beprósh. Wati sajjahén awali mardénchokkán allam bemók. Kass mani démá gón hórkéen dastán mayayt.

<sup>21</sup> Shash róchá kár bekan, bale haptomi róchá árám kan. Nangár kanagay o rón o móshay mósomá ham hamé paymá bekan.

<sup>22</sup> Haptagáni Aidá\*, bezán gandomay awali bar o samaray ronagay aidá barjáh bedár. Sálay godhsará\* Rón o Móshay Aidá ham barjáh bedár. <sup>23</sup> Tai sajjahén mardén, sálé say randá mane Hodáwandén Hodá, Esráilay Hodáay démá pésh bebant. <sup>24</sup> Man kawmán cha tai démá dura kanán o tai hadd o simsarán práh o sháhégána kanán. Taw ke sálé say randá wati Hodáwandén Hodáay chárágá káay, á wahdá kassa nayayt o tai molká nagipt.

<sup>25</sup> Korbánigay hóná homiri chizzéay hamráhiá pésh makan. Sargwazay Aiday korbánigá tán sabáhá ér makan.

<sup>26</sup> Wati zeminay awali bar o samará wati Hodáwandén Hodáay lógá byár.

Shenekkay góshatá mátay shiray tahá lahrh maday.”

<sup>27</sup> Nun Hodáwandá gón Mussáyá gwasht: “É habarán nebeshtah kan, chéá ke man hamé labz kár bastagant o gón taw o gón Esráilá ahd o paymáné kortag.”

<sup>28</sup> Mussá tán chell shap o chell róchá hamódá Hodáwanday Kerrá at, nanánia wárt onaáp. Wánekaní sará ahd o paymánay labzi nebeshtah kortant, dahén parmáni nebeshtah kortant.

### Mussáy démay drapshnáki

<sup>29</sup> Wahdé Mussáyá sháhediay doén wáneek dastá atant o cha Sináay kóhá ér kapt, sahg naat ke gón Hodáwandá habar kanagay sawabá mani dém drapshagá ent. <sup>30</sup> Wahdé Hárún o sajjahén Esráilián Mussá dist, cha áiyay démay drapshnákiá áiyay nazzikká

34:22 Haptagáni Aid Nókén Ahdnámagá Pentikástay Aid ent, bechár Kásedáni Kár, bahr 2.

34:22 Edá “sálay godhsar” kesht o keshári sálay godhsar ent.

<sup>18</sup> بيهميرين ننگنه ايبيدا برجاه بدار. هما پيما كه من ترا هكم داتگ، تان هپت روجا بيهميرين ننگن بور. اے كارا ابيئے ماها، هما گيشينتگين وهدا بكن، چينا كه همه ماها تئو چه مسرا در آتكئے.

<sup>19</sup> هر لاپئے ائولى چك منيگ انت، تئى سجهين مال و دلوتانى ائولى نرين چك هم، گوگ ببت يا پس. <sup>20</sup> هرئے ائولى كركئے بدلا گورانڈے بكش و كركا بموك، بله اگن نموكئے اى، گزا كركئے گردنا بيروش. وتى سجهين ائولى مردين چگان الم بموك. كس منى ديما گون هوركين دستان مئيت.

<sup>21</sup> شش روجا كار بكن، بله هپتى روجا آرام كن. ننگار كنگئے و رون و موشے موسما هم همه پيما بكن.

<sup>22</sup> هپتگاني ايبيدا،\* بزبان گندمئے ائولى بر و سمرئے رنكئے ايبيدا برجاه بدار. سائے گدسرا\* رون و موشے ايبيدا هم برجاه بدار. <sup>23</sup> تئى سجهين مردين، سائے سئے رندا من هداوندين هدا، اسراييلئے هدائے ديما پيش ببت. <sup>24</sup> من كئومان چه تئى ديما دور كنان و تئى هدا و سيمسران پراه و شاهگان كنان. تئو كه سائے سئے رندا وتى هداوندين هدائے چارگا كائے، آ وهدا كس نئيت و تئى ملكا نكپيت.

<sup>25</sup> كربانيكئے هونا هميرى چيزئے همراھيا پيش مكن. سرگوزئے ايبيدئے كربانيگا تان سباھا اير مكن.

<sup>26</sup> وتى زمينئے ائولى بر و سمرا وتى هداوندين هدائے لوگا بيار.

شينكئے گوشتا ماتئے شيرئے تھا لهژ مدئے.

<sup>27</sup> نون هداوندا گون موسايا گوشت: “اے هبران نبشته كن، چينا كه من همه لبز كار بستگ انت و گون تئو و گون اسراييلا اهد و پيما نئے كرتگ.”

<sup>28</sup> موسا تان چل شپ و چل روجا همودا هداوندئے كرا ات، نه نانئے وارت و نه آپ. وانكانى سرا اهد و پيما نئے لبزي نبشته كرتنت، دهين پرمانى نبشته كرتنت.

### موسائے ديئمے درپشناكى

<sup>29</sup> وهدے موسايا شاهديئے دوين وانك دستا اتنت و چه سينائے كوھا اير كپت، سهيگ نه ات كه گون هداوندا هبر كنگئے سئوبا منى ديئم درپشنگا انت. <sup>30</sup> وهدے هارون و سجهين اسراييليان موسا ديست، چه ايئے ديئمے درپشناكيا ايئے نزيكا

22:34 هپتگاني ايبيد نوئين اهدنامگا پنتيكاستئے ايبيد انت، بچار كاسيدانى كار، بهر 2.

22:34 ادا “سائے گدسر” كشت و كشارى سائے گدسر انت.

rawagesh torset. <sup>31</sup> Bale Mussáyá á gwánk jatant. Hár un o kawmay sajjahén sarók Mussáay kerrá per tarretant o Mussáyá gón áyán habar kort. <sup>32</sup> Nun sajjahén Esráili Mussáay nazzikká átkant o áiá hamá sajjahén parmán Esráiliáná sar kortant ke Hodáwandá Sináay kóhá áiárá dátagatant.

<sup>33</sup> Har wahdá ke Mussáyá gón áyán habar kanag halása kort, démi gón nekábéá póshet. <sup>34</sup> Har wahdá ke Mussá Hodáwanday bágáhá shot ke gón áiá habar bekant, nekábi dura kort o tán dar áyagay wahdá wati démi gón nekábá napóshet. Wahdé dara átk o Hodáwanday parmáni gón mardomána gwashtant, <sup>35</sup> Esráiliána dist ke Mussáay dém drapshagá ent. Gorhá Mussáyá padá gón nekábá wati déma póshet, tán hamá wahdá ke padá tahá shot ke gón Hodáwandá habar bekant.

### Shabbatay kánun

**35** Mussáyá Esráilay sajjahén mahluk mocch kort o gón áyán gwashti: “Esh ant hamá kár ke Hodáwandá shomára eshání kanagay hokm dátag: <sup>2</sup> Shash róchá kár kanét, bale haptomi róch Shabbat ent, pa shomá pákén róché o árám kanagay róch ent. É róchá pa mane Hodáwandá wapk kanét. Harkasá Shabbatay róchá kár kort, áiy sezá mark ent. <sup>3</sup> Shabbatay róchá wati lóg o métagán ás rók makanét.”

### Tambuay addh kanagay chen o lánch

<sup>4</sup> Mussáyá gón sajjahén Esráili mahluká gwasht: “É hamá hokm ent ke Hodáwandá dátag: <sup>5</sup> Cha wati mál o hastiá pa Hodáwandá shogránah pésh bekanét. Shogránah hamá kas bedant ke delia parmáit. Pa Hodáwandá é chizzán byárit: teláh o nograh o brenj, <sup>6</sup> ásmáni o jamu o sohrén pazhm, sharrén lilom, bozay mud, <sup>7</sup> gwarándhay ratkagén sohrén póst, dega paymén mohrén póst, chegerday dár, <sup>8</sup> pa cherágán thél, pa per moshagi rógen o washbóén sóchokiá masálah o <sup>9</sup> pa épód o sénagpóshá senge solaymán o dega gránkimmatén seng.

<sup>10</sup> Shomay sajjahén honarmand byáyant o é sajjahén chizzán addh bekanant ke Hodáwandá hokm dátag: <sup>11</sup> sháhediay tambuá gón tóki tambu o pósh o karhi o mekk kanagi tahtag o gwarbast o menok o bonheshtán, <sup>12</sup> pétiá gón gwarbásk o kapáratay sarpósh o pétiay déma lónjánén pardahá, <sup>13</sup> thébalá

رئوگش تُرست. <sup>31</sup> بله موسایا آگوانک جتنت. هارون و کثومئے سَجھین سرؤک موسائے کُرّا پر تَرنتت و موسایا گون آیان هبر کرت. <sup>32</sup> نون سَجھین اسرائیلی موسائے نَزیکّا آتکنت و آییا هما سَجھین پرمان اسرائیلیانا سر کرتنت که هداوندا سینائے کُزها آیارا داتگ آتنت.

<sup>33</sup> هر وهدا که موسایا گون آیان هبر کنگ هلاس کرت، دیمی گون نکابیا پوشت. <sup>34</sup> هر وهدا که موسا هداوندے بارگاه شت که گون آييا هبر بکنت، نکابی دور کرت و تان در آيگئے وهدا وتی دیمی گون نکابا نپوشت. وهدے در آتک و هداوندے پرمانی گون مردمان گوشتنت، <sup>35</sup> اسرائیلیان دیست که موسائے دیم درپشگا انت. گُزّا موسایا پدا گون نکابا وتی دیم پوشت، تان هما وهدا که پدا تھا شت که گون هداوندا هبر بکنت.

### شَبَّتے کانون

**35** موسایا اسرائیلے سَجھین مهلوک مچ کرت و گون آیان گوشتی: “اش انت هما کار که هداوندا شمارا ایشانی کنگئے هکم داتگ: <sup>2</sup> شش روچا کار کنیت، بله هپتمی روچ شَبَّت انت، په شما پاکین روچے و آرام کنگئے روچ انت. اے روچا په من هداوندا وپک کنیت. هرکسا شَبَّتے روچا کار کرت، آییئے سزا مرک انت. <sup>3</sup> شَبَّتے روچا وتی لوگ و میتگان آس روک مکنیت.”

### تمبوئے اڈ کنگئے چن و لانچ

<sup>4</sup> موسایا گون سَجھین اسرائیلی مهلوکا گوشت: “اے هما هکم انت که هداوندا داتگ: <sup>5</sup> چه وتی مال و هستیا په هداوندا شگرانه پیش بکنیت. شگرانه هما کس بدنت که دلے پرمايیت. په هداوندا اے چیزان بیاریت: تلاه و نگره و برنج، <sup>6</sup> آسمانی و جمو و سهرین پڑم، شرین لیلْم، بُرئے مود، <sup>7</sup> گورانڈے رتکگین سهرین پوشت، دگه پئیمین مهرین پوشت، چگردے دار، <sup>8</sup> په چراگان ٹیل، په پر مُشگی روگن و وشوین سوچکيا مساله و <sup>9</sup> په ایپود و سینگ پوشا سنگ سلیمان و دگه گران کیمتین سنگ.

<sup>10</sup> شمئے سَجھین هُرمند بیاینت و اے سَجھین چیزان اڈ بکننت که هداوندا هکم داتگ: <sup>11</sup> شاهديے تمبوا گون توکی تمبو و پوش و کڑی و مک کنگی تهتگ و گوربست و منک و بُهشتان، <sup>12</sup> پیتیا گون گورباسک و کپارتے سرپوش و پیتيے دیما لُونجانین پردھا، <sup>13</sup> ٹیبالا گون گورباسک و سَجھین سامان



gón gwarbásk o sajjahén sámán o pákwandhén naganán, <sup>14</sup> pa rozhnáíá, cherágdáná gón cherág o théh o sajjahén sámánán, <sup>15</sup> bósóchi korbánjáhá gón gwarbásk o per moshagi rógen o washbóén sóchokián, sháhediay tambuay dapay pardahá, <sup>16</sup> sóchagi korbánigay korbánjáhá gón brenjén jáli o gwarbásk o sajjahén sámánán, brenjén trashtá gón pádagá, <sup>17</sup> péshgáhay pardahán gón tahtag o bonheshtán, péshgáhay dapay pardahá, <sup>18</sup> tambuay méh o péshgáhay méh o sádán, <sup>19</sup> dini péshwá ke pákén jágahá rawant o hezmata kanant, pa áyán dazgwápén god, pa dini péshwá Háruná pákén god o pa áiyay mardénchokkán god ke dini péshwái kanagay wahdá gwaráesh bekanant.”

<sup>20</sup> Gorhá Esráiliáni sajjahén mahluk cha Mussáay kerrá dar átk o <sup>21</sup> harkas ke delá parmát o arwáhá sekéndát, áiyá pasháhediay tambuay kárán, pa sajjahén hezmati kárán o pa pákén godán shogranáha áwort. <sup>22</sup> Janén o mardéna átkant. Harkas ke delá parmát, áiyá thásin\* o nálok o mondrikk o hár, har tahrén saht o zéwara áwort. Har mardomá teláhay thékia áwort o pa Hodáwandá chest kanagi korbániga kortant. <sup>23</sup> Harkasay kerrá ke ásmáni o jamu o sohrén pazhm yá sharrén lilom, bozay mud, gwarándhay ratkagén sohrén póst yá dega mohkamén póst hastat, áworti. <sup>24</sup> Harkasá ke nograh o brenjay shogranáhé dáta kort, pa Hodáwandá áworti o harkasay kerrá ke chegerday dár hastat, áworti ke pa tambuay yakk na yakk bahréá kár bedant. <sup>25</sup> Sajjahén honarmandén janénán jallakay\* kár dastákort o échizze sha gwapt o áwortant: ásmáni o jamu o sohrén pazhm o sharrén lilom. <sup>26</sup> Á sajjahén kárzántén janén ke delá parmátant, pasay mudesha zort o jallakay káresha kort. <sup>27</sup> Mahlukay sarókán pa épód o sénagpóshá senge solaymán o dega gránkimmatén senga áwort. <sup>28</sup> Pa cherágáni rók kanagá o pa per moshagi rógená o pa washbóén sóchokiáni addh kanagá masálah o thélesh ham áwort. <sup>29</sup> Esráilay har janén o mardéné ke delá parmát, áiyá pa Hodáwandá hamá thékia áwort ke delá gwasht, pa é sarjamén kárá ke Hodáwandá Mussáay wasilahá hokm dátagat.

## Besalél o Ohulyáb

<sup>30</sup> Mussáyá gón Esráilián gwasht: “Bechárét, Hodáwandá cha Yahudáay kabilahá Uriay

35:22 Thásin sahté ke pa jigay bandagá kármarza bit.

35:25 Jallak awzáré ke pa bandikkay gwapagá kár bandaga bit.

و پاكوندین ننگان، <sup>14</sup> په زُناییا، چراگدانا گون چراگ و ٹیل و سَجھین سامانان، <sup>15</sup> بوسوچی کُربانجاها گون گورباسک و پر مُشگی روگن و وشبوین سوچکیان، شَاهِدِيے تمبوئے دپئے پردھا، <sup>16</sup> سوچگی کُربانیگئے کُربانجاها گون بُرنجین جالی و گورباسک و سَجھین سامانان، بُرنجین ترشتا گون پادگا، <sup>17</sup> پیشگاهئے پردهان گون تَهتگ و بُنہستان، پیشگاهئے دپئے پردھا، <sup>18</sup> تمبوئے میہ و پیشگاهئے میہ و سادان، <sup>19</sup> دینی پیشوا کہ پاکین جاگھا رئونت و ہزمت کنت، پہ آیان دزگوایین گد، پہ دینی پیشوا ہارونا پاکین گد و پہ آییئے مردین چُگان گد کہ دینی پیشوایی کنگئے و ہدا گورائش بکننت.“

<sup>20</sup> گڑا اسرائیلیانی سَجھین مہلوک چہ موسائے کرا در آتک و <sup>21</sup> ہرکس کہ دلا پرمات و ارواها سیکین دات، آیا پہ شَاهِدِيے تمبوئے کاران، پہ سَجھین ہزمتی کاران و پہ پاکین گدان شُگرانہ آورت. <sup>22</sup> جنین و مردین آتکت. ہرکس کہ دلا پرمات، آیا ٹاسین\* و نالک و مُندریک و ہار، ہر تہرین سہت و زیور آورت. ہر مردما تلاہئے ٹیکے آورت و پہ ہداوندا چست کنگی کربانیگ کرتنت. <sup>23</sup> ہرکسئے کرا کہ آسمانی و جمو و سہرین پڑم یا شَرین لیلْم، بڑئے مود، گورانڈئے رتکگین سہرین پوسٹ یا دگہ مہکمین پوسٹ ہستات، آورتی. <sup>24</sup> ہرکسا کہ نگرہ و بُرنجئے شُگرانہ دات کرت، پہ ہداوندا آورتی و ہرکسئے کرا کہ چگردئے دار ہستات، آورتی کہ پہ تمبوئے یک نہ یک بہریا کار بدنت. <sup>25</sup> سَجھین ہنرمندین جنینان جَلکئے\* کار دستا کرت و اے چیڑش گوپت و آورتنت: آسمانی و جمو و سہرین پڑم و شَرین لیلْم. <sup>26</sup> آ سَجھین کارزانتین جنین کہ دلا پرماتنت، پسئے مودش زرت و جَلکئے کارش کرت. <sup>27</sup> مہلوکئے سروکان پہ ایپود و سینگ پڑشا سنگ سَلیمان و دگہ گران کیمتین سنگ آورت. <sup>28</sup> پہ چراگانی روک کنگا و پہ پر مُشگی روگنا و پہ وشبوین سوچکیانی اڈ کنگا مسالہ و ٹیلش ہم آورت. <sup>29</sup> اسرائیلیئے ہر جنین و مردینے کہ دلا پرمات، آیا پہ ہداوندا ہما ٹیکے آورت کہ دلا گوشت، پہ اے سرجمین کارا کہ ہداوندا موسائے وسیلہا ہکم داتگات.

## بَسَلِيل و اُھولِياب

<sup>30</sup> موسایا گون اسرائیلیان گوشت: “بچاریت، ہداوندا چہ یہودائے کبیلہا اورئے مردین چُک، اہورئے ٹماسگ بَسَلِيل

22:35 ٹاسین سہتے کہ پہ جیگئے بندگا کارمرز بیت.

25:35 جَلک اٹوزارے کہ پہ بندیکئے گوپگا کار بندگ بیت.

mardénchokk, Ahuray nomásag Besalél gechén kortag o <sup>31</sup> cha Hodáay Ruhá porr kortag o agl o pahm o zánt o har kesmén dastay honar bakshátag. <sup>32</sup> Pa teláh o nograh o brenjay sámánáni sará nakshay sázagá, <sup>33</sup> pa sengay tráshag o nádénagá o pa dáray ájenag o dega har paymén ezmkáriá honari bakshátag. <sup>34</sup> Hodáwandá Besalél o Dánay kabilahay Ohulyábe Ahisámak sekkárenagay láheki ham dátagant. <sup>35</sup> Hodáwandá esháná pa har paymén kárá honar bakshátag, pa hamá sajjahén kárán ke ájenókesha kanant o ezmkáresh ásmáni o jamu o sohrén pazhm o sharrén lilomay sará gwapant o dóchant, bezán har káré ke baladén ezmkára kanant.”

**36** “Besalél o Ohulyáb o sajjahén honarmand ke Hodáwandá dánái jágahay addh kanagay sajjahén káráni dánái o pahm bakshátagant, é kárá hamá paymá sarjam bekanant ke Hodáwandá hokm dátag.”

### Mardománi bázén shogránah

<sup>2</sup> Besalél o Ohulyáb o sajjahén honarmand ke Hodáwandá dánái bakshátagatant, bezán harkas ke delá parmát ke byayt o kár bekant, Mussáyá á gwánk jat. <sup>3</sup> Mussáyá hamá sajjahén shogránah esháni dastá dátant ke Esráilián pa pákén jágahay addh kanagay kárá áwortagatant. Mahluk angat pa wasshi o razá har sohb pa é kárá shogránah áragá at. <sup>4</sup> Gorhá é sajjahén honarmand ke pákén jágahay addh kanagá goláesh atant, eshán wati kár yalah dát o Mussáyay kerrá átkant o <sup>5</sup> gwashtesh: “Mahluk pa Hodáwanday hokm dátagén káray sarjam kanagá cha zaluratá gésh sámán áragá ent.” <sup>6</sup> Gorhá Mussáyá hokm dát o sajjahén ordgáhá jár janag but: “Pa pákén jágahay addh kanagá hech mardén yá janén cha ed o géshter shogránah mayárit.” É paymá mahluk cha géshteren sámánay áragá dárag but, <sup>7</sup> chéá ke pa é sajjahén kárá áyáni áwortagén sámán cha zaluratá gésh atant.

### Tambuay addh kanag

<sup>8</sup> É honarmandán sháhediy tambuay dahén pardah addh kortant. É pardah cha hurtgwápén lilom o cha ásmáni o jamu o sohrén pazhmá gwapag butant. Honarmandén ezmkáréá é pardaháni sará karrubiy naksh jórh kort. <sup>9</sup> Sajjahén pardah yakkén kadd o mápá atant. Hamok pardah drájiá bist o hasht dast o práhiá chár dast at. <sup>10</sup> Panch pardahesh zort o

gčín krtg w <sup>31</sup> čh hđáé rohá pŕ krtg w ágl w pĕm w zant w hr ksmín dsté hŕr bkšatg. <sup>32</sup> pĕ tlah w ňgrĕ w bŕnčĕ samanáni sra nkšé sazga, <sup>33</sup> pĕ sngĕ trášg w nádĕnka w pĕ darĕ áčng w dgĕ hr pĕmĕn izmkaría hŕri bkšatg. <sup>34</sup> hđawnda bsllil w danĕ kĕllĕ hŕliab áhisámak skarĕngĕ lahki hm datg ant. <sup>35</sup> hđawnda ishana pĕ hr pĕmĕn kara hŕr bkšatg, pĕ hma sčĕĕn karan kĕ áčnŕkš knnt w izmkarš ásmáni w čmŕ w sŕrĕn pŕm w šŕĕn llĕmĕ sra gŕpnt w dŕčnt, bzán hr karĕ kĕ blđĕn izmkar knnt.”

**36** “bsllil w hŕliab w sčĕĕn hŕmnd kĕ hđawnda pakĕn čakĕé adđ knĕé sčĕĕn karáni danái w pĕm bkšatg ant, áe kara hma pĕma sŕčm bknt kĕ hđawnda hĕm datg.”

### Mardmani bazĕn šgrane

<sup>2</sup> bsllil w hŕliab w sčĕĕn hŕmnd kĕ hđawnda danái bkšatg ant, bzán hrkš kĕ dla pŕmat kĕ bĕšt w kar bknt, mŕsaya á gŕank čt. <sup>3</sup> mŕsaya hma sčĕĕn šgrane ishani dsta datnt kĕ israĕliyan pĕ pakĕn čakĕé adđ knĕé kara áortg ant. mĕluk ángt pĕ wšĕ w rza hr sĕb pĕ áe kara šgrane arga at. <sup>4</sup> gŕa áe sčĕĕn hŕmnd kĕ pakĕn čakĕé adđ knĕa glaiš ant, ishan wti karĕle dat w mŕsáé kŕa atknt w <sup>5</sup> gŕštš: “mĕluk pĕ hđawndé hĕm datĕn karĕé sŕčm knĕa čĕ zŕrta ĕiš saman arga ant.” <sup>6</sup> gŕa mŕsaya hĕm dat w sčĕĕn árdgaha čar čng bot: “pĕ pakĕn čakĕé adđ knĕa hčĕ mrdĕn ya čĕn čĕ ad w ĕĕštr šgrane mĕarĕt.” áe pĕma mĕluk čĕ ĕĕštrĕn samantĕ arga darĕ bot, <sup>7</sup> čĕa kĕ pĕ áe sčĕĕn kara áyani áortĕn saman čĕ zŕrta ĕiš ant.

### čmŕé adđ knĕ

<sup>8</sup> áe hŕmndan šahđĕé čmŕé dĕĕn pŕde adđ kŕnt. áe pŕde čĕ hort gŕáĕn llĕm w čĕ ásmáni w čmŕ w sŕrĕn pŕma gŕpĕ botnt. hŕmndĕn izmkaría áe pŕdehani sra kŕŕŕĕé nkš čŕŕ kŕt. <sup>9</sup> sčĕĕn pŕde yĕĕn kđ w mápá ant. hĕm pŕde dráča bĕst w hšt dšt w pŕahya čar dšt at. <sup>10</sup> pĕč pŕdeš zŕt

gón yakdegará lecchént o á dega panchésh ham hamé paymá lecchéntant. <sup>11</sup>Awali reday goddhi pardahay lambá ásmánrangén lópesh per kort o domi reday goddhi pardahay lambá ham lópesh per kort. <sup>12</sup>Yakk pardahéa panjáh lópesh per kort o domi reday pardahay lambá ham panjáh lópesh per kort. Doénáni lóp dém pa dém atant. <sup>13</sup>Teláhay panjáh karhiesh addh kort o pardahesh gón yakdegará jórhéntant o tambuesh yakk kort.

<sup>14</sup>Pa tambuay póshagá cha syahpasay mudá pardahesh addh kort. Yázdah pardahesh addh kort. <sup>15</sup>Yázdahén pardah yakkén kadd o mápayg atant. Hamok pardahay dráji si dast at o práhi chár dast. <sup>16</sup>Panch pardahesh yakk redéa gón yakdegará lecchént o á dega shashén dega redéa. <sup>17</sup>Awali reday goddhi pardahay lambá panjáh lópesh per kort o domi reday goddhi pardahay lambá ham panjáh lópesh per kort. <sup>18</sup>Brenjay panjáh karhiesh addh kort ke tambuá belecchéntant o yakk bekanant. <sup>19</sup>Tambuay sarbori póshesh cha gwarándhay anchén póstéa addh kort ke rajag o sohr kanag butagat o eshiay sarborá dega paymén mohrén póstay póshé peresh kort. <sup>20</sup>Pa tambuá cha chegerday dára mekk kanagi tahtagesh addh kort. <sup>21</sup>Har tahtag drájiá dah dast at o práhiá yakk o ném dast. <sup>22</sup>Hamok tahtagá do zobánokesh per kort o é zobánokesh dap mán dap kortant. Tambuay sajjahén tahtagesh hamé paymá kortant. <sup>23</sup>Pa tambuay jonubi némagá bist tahtagesh addh kort o <sup>24</sup>nograhay chell bonheshtesh addh kort ke tahtagáni chérá dayag bebant. Pa hamok tahtagá do bonheshtesh addh kort, pa hamok zobánokay chérá yakk bonheshté addhesh kort. <sup>25</sup>Pa tambuay á dega némagá, bezán tambuay shomáli némagá ham bist tahtagesh addh kort. <sup>26</sup>Pa tahtagáni chérá nograhay chell bonheshtesh addh kort, bezán do bonhesht pa har tahtagá. <sup>27</sup>Pa tambuay poshti bahrá, bezán rónendi némagá shash tahtagesh addh kort o <sup>28</sup>pa poshti bahray kondhán do tahtagesh addh kort. <sup>29</sup>Doén kondhán, é tahtag cha jahlá gón yakdegará lecchetant o borzá dap mán dap kanag o yakkén karhiay tahá mán kanag butant. Doén kondhesh hamé paymá kortant. <sup>30</sup>Hasht tahtag butant o nograhay shánzdah bonhesht, pa hamok tahtagay chérá do bonhesht.

<sup>31</sup>Cha chegerday dára gwarbastesh addh kort. Panch gwarbast pa tambuay yakk némagéay tahtagán, <sup>32</sup>panch gwarbast pa á dega némagay tahtagán o panch gwarbast pa rónendi némagay, bezán pa tambuay poshti bahray tahtagán. <sup>33</sup>Nyámi gwarbastesh addh kort ke é sar tán á dega sará, tahtagán sakk bebit, tahtagáni ném borziá. <sup>34</sup>Tahtagesh gón teláhá sarpósh kortant o pa

و گون یکدگرا لچینت و آدگه پنچینش هم همه پیما لچینتنت. <sup>11</sup>اٹولی ردئے گڈی پردھے لمبا آسمان رنگین لوپش پر کرت و دومی ردئے گڈی پردھے لمبا هم لوپش پر کرت. <sup>12</sup>یک پردھیا پنجاہ لوپش پر کرت و دومی ردئے پردھے لمبا هم پنجاہ لوپش پر کرت. دوینانی لوپ دیم په دیم آنتت. <sup>13</sup>تلاھئے پنجاہ کڑی اش اڈ کرت و پردھش گون یکدگرا جوڑینتنت و تمبواش یک کرت.

<sup>14</sup>په تمبوئے پوَشگا چه سیه پَسئے مودا پردھش اڈ کرت. یازده پردھش اڈ کرت. <sup>15</sup>یازدهین پرده یکن کڈ و ماپیگ آنتت. همک پردھے ذراجی سی دَسْت آت و پُراهی چار دَسْت. <sup>16</sup>پنج پردھش یک ردیا گون یکدگرا لچینت و آدگه ششین دگه ردیا. <sup>17</sup>اٹولی ردئے گڈی پردھے لمبا پنجاہ لوپش پر کرت و دومی ردئے گڈی پردھے لمبا هم پنجاہ لوپش پر کرت. <sup>18</sup>بُرنجئے پنجاہ کڑی اش اڈ کرت که تمبوا بلچینتنت و یک بکننت. <sup>19</sup>تمبوئے سربری پوَشش چه گورانڈئے آنچین پوَسْتیا اڈ کرت که رَجگ و سُهر کنگ بوتگ آت و اشیئے سربرا دگه پشیمین مَهرین پوَسْتئے پوَشے پرش کرت. <sup>20</sup>په تمبوا چه چگردئے دارا مِک کنگی تَهتگش اڈ کرت. <sup>21</sup>هر تَهتگ ذراجیا ده دَسْت آت و پُراهیا یک و نیم دَسْت. <sup>22</sup>همک تَهتگا دو زُبَانکِش پر کرت و اے زُبَانکِش دپ مان دپ کرتنت. تمبوئے سَجْهین تَهتگش همه پیما کرتنت. <sup>23</sup>په تمبوئے جنوبی نیمگا بیست تَهتگش اڈ کرت و <sup>24</sup>نُگرهئے چَل بُنْهَشْتِش اڈ کرت که تَهتگانی چیرا دئیگ بنت. په همک تَهتگا دو بُنْهَشْتِش اڈ کرت، په همک زُبَانکئے چیرا یک بُنْهَشْتِش اڈش کرت. <sup>25</sup>په تمبوئے آدگه نیمگا، بزآن تمبوئے شمالی نیمگا هم بیست تَهتگش اڈ کرت. <sup>26</sup>په تَهتگانی چیرا نُگرهئے چَل بُنْهَشْتِش اڈ کرت، بزآن دو بُنْهَشْتِش په هر تَهتگا. <sup>27</sup>په تمبوئے پُشتی بهرا، بزآن روْنندی نیمگا شش تَهتگش اڈ کرت و <sup>28</sup>په پُشتی بهرئے کُنْدَان دو تَهتگش اڈ کرت. <sup>29</sup>دوین کُنْدَان، اے تَهتگ چه جَهلا گون یکدگرا لچینتنت و بُزَا دپ مان دپ کنگ و یکن کڑیئے تھا مان کنگ بوتنت. دوین کُنْدَش همه پیما کرتنت. <sup>30</sup>هشت تَهتگ بوتنت و نُگرهئے شانزده بُنْهَشْتِش، په همک تَهتگئے چیرا دو بُنْهَشْتِش.

<sup>31</sup>چه چگردئے دارا گوربستش اڈ کرت. پنج گوربست په تمبوئے یک نیمگیئے تَهتگان، <sup>32</sup>پنج گوربست په آدگه نیمگیئے تَهتگان و پنج گوربست په روْنندی نیمگیئے، بزآن په تمبوئے پُشتی بهرئے تَهتگان. <sup>33</sup>نیامی گوربستش اڈ کرت که اے سر تان آدگه سرا، تَهتگان سک ببیت، تَهتگانی نیم بُزیا. <sup>34</sup>تَهتگش گون تلاها سرپوش کرتنت و په گوربستانی دارگا

gwarbastáni dáragá teláhay karhiesh addh kort. Gwarbastesh ham gón teláhá sarpósh kortant.

<sup>35</sup> Cha ásmáni o jamu o sohrén pazhmá o hurtgwápén lilomá pardahé addhesh kort o honarmandén ezmkáráa eshiay sará karrubiyay naksh addh kortant. <sup>36</sup> Pa é pardahay dran jagá chár chegerdi menokesh addh kort o gón teláhá sarpóshesh kortant, teláhay karhiesh ham addh kort o pa menokán nograhay chár bonheshtesh addh kort.

<sup>37</sup> Ásmáni o jamu o sohrén pazhm o hurtgwápén lilomesh zort o pa tambuay dapá ranggwápén pardahé addhesh kort. <sup>38</sup> Pa é pardahá panch menokesh gón karhián addh kort o menokáni sarok o bandesh gón teláhá sarpósh kortant o pa menokán brenjay panch bonheshtesh addh kort.

### Sháhediay péti

**37** Besalélá cha chegerday dárá pétié addh kort ke drájiá do o ném dast at, práhiá yakk o ném dast o borziá ham yakk o ném dast. <sup>2</sup> Péti cha dhanná o tahá gón zagrén teláhá sarpósh kort. Gerdágerd teláhay patthié peri kort. <sup>3</sup> Pa pétiá teláhay chár karhii addh kort o pétiay chárén pádagáni lecchéntant, do karhi yakk némagéa o do á dega némagá. <sup>4</sup> Cha chegerday dárá do gwarbáski addh kort o gón teláhá sarpóshi kortant. <sup>5</sup> Pa pétiay chest kanagá gwarbáski cha pétiay kashay karhián gwázéntant.

<sup>6</sup> Cha zagrén teláhá kapáraté addhi kort o péti sarpósh kort. Drájiá do o ném dast at o práhiá yakk o ném dast. <sup>7</sup> Teláhay do karrubii addh kort, teláhi zort o thappet o addhi kortant. É karrubii sarpóshay doén sarán addh kortant, <sup>8</sup> yakk karrubié sarpóshay yakk saréa addhi kort o á dega karrubi domi sará. Sarpósh o doén saráni karrubii jetá jetá addh nakortant, é yakthokkor atant. <sup>9</sup> Karrubi sarpóshay sarborá atant. Démesh gón yakdomiá at o chammesh gón sarpóshá. Bánzolesh borzádiá pach atant o sarpóshesh sáhél kortagat.

### Thébal

<sup>10</sup> Cha chegerday dárá thébalé addhi kort. Drájiá do dast at, práhiá yakk dast o borziá yakk o ném dast. <sup>11</sup> Gón zagrén teláhá sarpóshi kort o teláhay patthié addhi kort o chárén némagán peri kort. <sup>12</sup> Thébalay sarbori tahtagá, chárén némagán teláhay patthié

تلاھئے کڑی اش اڈ کرت. گوربستش ہم گون تلاھا سرپوش کرتنت.

<sup>35</sup> چہ آسمانی و جمو و سہرین پڑما و ہورت گواپین لیلمہ پردھے اڈش کرت و ہنرمندین ازماکارنا اشیئے سرا کڑوبیئے نکش اڈ کرتنت. <sup>36</sup> پہ اے پردھے دزنجا چار چگردی منکش اڈ کرت و گون تلاھا سرپوشش کرتنت، تلاھئے کڑی اش ہم اڈ کرت و پہ منکان نگرھے چار بنہشتش اڈ کرت.

<sup>37</sup> آسمانی و جمو و سہرین پڑم و ہورت گواپین لیلمش زرت و پہ تمبوئے دپا رنگ گواپین پردھے اڈش کرت. <sup>38</sup> پہ اے پردھا پنج منکش گون کڑیان اڈ کرت و منکانی سرک و بندش گون تلاھا سرپوش کرتنت و پہ منکان برنجئے پنج بنہشتش اڈ کرت.

### شاھدیئے پیٹی

**37** بسلیلا چہ چگردئے دارا پیٹی اڈ کرت کہ ڈراجیا دو و نیم دست ات، پڑھیا یک و نیم دست و بڑیا ہم یک و نیم دست. <sup>2</sup> پیٹی ای چہ ڈتا و تھا گون زگرین تلاھا سرپوش کرت. گرداگرد تلاھئے پیئے پری کرت. <sup>3</sup> پہ پیٹیا تلاھئے چار کڑی ای اڈ کرت و پیٹیئے چارین پادگانی لچیننتت، دو کڑی یک نیمگیا و دو آدگہ نیمگا. <sup>4</sup> چہ چگردئے دارا دو گورباسکی اڈ کرت و گون تلاھا سرپوشی کرتنت. <sup>5</sup> پہ پیٹیئے چست کنگا گورباسکی چہ پیٹیئے کٹھے کڑیان گوازینتنت.

<sup>6</sup> چہ زگرین تلاھا کپارتے اڈی کرت و پیٹی ای سرپوش کرت. ڈراجیا دو و نیم دست ات و پڑھیا یک و نیم دست. <sup>7</sup> تلاھئے دو کڑوبی ای اڈ کرت، تلاھی زرت و ٹپت و اڈی کرتنت. اے کڑوبی ای سرپوشئے دوین سران اڈ کرتنت، <sup>8</sup> یک کڑوبیئے سرپوشئے یک سیریا اڈی کرت و آدگہ کڑوبیئے دومی سرا. سرپوش و دوین سرانی کڑوبی ای جتا جتا اڈ نکرتنت، اے یک ٹکر اتنت. <sup>9</sup> کڑوبی سرپوشئے سربرا اتنت. دیمش گون یکدومیا ات و چمش گون سرپوشا. بانزلس بڑادیا پیچ اتنت و سرپوشش ساھیل کرتگ ات.

### ٹیبل

<sup>10</sup> چہ چگردئے دارا ٹیبلے اڈی کرت. ڈراجیا دو دست ات، پڑھیا یک دست و بڑیا یک و نیم دست. <sup>11</sup> گون زگرین تلاھا سرپوشی کرت و تلاھئے پیئے اڈی کرت و چارین نیمگان پری کرت. <sup>12</sup> ٹیبلے سربری تھتگا، چارین نیمگان تلاھئے پیئے

peri kort o tahtagay chérá, chárén némagán yakk panjagéay práhiyakkadénkábéperikort. <sup>13</sup> Pathébalá teláhay chár karhii addh kort o karhii thébalay chárén kondhán, pádagán per kortant. <sup>14</sup> É karhi paméshká kábay nazzikká atant ke thébalay chest kanagay wahdá gwarbáskán bedárant. <sup>15</sup> Thébalay chest kanagay gwarbáski cha chegerday dárá addh kort o gón teláhá sarpósh kortant. <sup>16</sup> Thébalay saray sámáni cha zagren teláhá addh kortant, tál o tás o jag o hamá kásag ke pa réchagi korbánigay ér réchagá kár bandaga bant.

### Cherágdán

<sup>17</sup> Cherágdáni cha zagren teláhá addh kort. Cherágdán, cha boná beger tán sháharhán, eshiay jend o pyálah o golbon o polli thappet o addh kortant. Jetá jetá addhi nakortant, é yakthokkor atant. <sup>18</sup> Cha cherágdánay kashán shash sháharh dar átk, say sháharh cha cherágdánay yakk kashéa o say sháharh cha domi kashá. <sup>19</sup> Har sháharhá say pyálah per at, har pyálahá bádámay pollay warhén golbon o poll per at. Cherágdánay har shashén sháharh hamé paym atant. <sup>20</sup> Cherágdánay bonsháhá chár pyálah per at, gón bádámay pollay warhén golbon o pollán. <sup>21</sup> Yakk pyálahé awali doén sháharhání boná at, cha hamá jágahá kammé jahlter ke sháharh cha bonsháhá dar átkant, domi pyálah domi doén sháharhání boná o sayomi pyálah sayomi doén sháharhání boná at. Har shashén sháharhání chérá pyálah per at. <sup>22</sup> Golbon o sháharh o cherágdán yakthokkor atant. É sajjahéni cha yakkén thappetagén zagren teláhá addh kortant. <sup>23</sup> Pa cherágdáná hapt cherági addh kort o cherágdánay sambálagay awzár o sámáni cha zagren teláhá addh kortant. <sup>24</sup> Pa cherágdán o eshiay sajjahén sámánáni addh kanagá yakk tálánté\* zagren teláhi kármaz kort.

### Bósóchi korbánjáh

<sup>25</sup> Bósóchi korbánjáhi cha chegerday dárá addh kort. Chárkondh at. Drájiá yakk dast at, práhiá ham yakk dast o borziá do dast. Kánth o korbánjáhi hór addh kortant, yakthokkor atant. <sup>26</sup> Korbánjáhay sar o sajjahén némag o kánthi gón zagren teláhá sarpósh kortant o chapp o chágerdá teláhay patthié peri kort. <sup>27</sup> Pa korbánjáhá teláhay do karhii addh kort o hamé patthiay chérá peri kortant. Korbánjáhay doén

پری کرت و تہتگئے چیرا، چارین نیمگان یک پنجگئے پراہیئے کڈین کابے پری کرت. <sup>13</sup> پہ ٹیبلہ تلاہئے چار کڑی ای اڈ کرت و کڑی ای ٹیبلئے چارین کندان، پادگان پر کرتنت. <sup>14</sup> اے کڑی ہمیشکا کابے نزیگا آنتت کہ ٹیبلئے چست کنگئے و ہدا گورباسکان بدارنت. <sup>15</sup> ٹیبلئے چست کنگئے گورباسکی چہ چگردئے دارا اڈ کرت و گون تلاہا سرپوش کرتنت. <sup>16</sup> ٹیبلئے سرئے سامانی چہ زگرین تلاہا اڈ کرتنت، تال و تاس و جگ و ہما کاسگ کہ پہ ریچگی کربانیگئے ایریچگا کار بندگ بنت.

### چراگدان

<sup>17</sup> چراگدانی چہ زگرین تلاہا اڈ کرت. چراگدان، چہ بُنا بگر تان شاہزان، ایشیئے جند و پیالہ و گلبن و پُلّی ٹپت و اڈ کرتنت. جتا جتا اڈی نکرتنت، اے یک ٹکر آنتت. <sup>18</sup> چہ چراگدانئے کشان شش شاہڑ در آتک، سئے شاہڑ چہ چراگدانئے یک کشینا و سئے شاہڑ چہ دومی کشا. <sup>19</sup> ہر شاہڑا سئے پیالہ پر ات، ہر پیالہ بادامئے پُلّئے و زین گلبن و پُلّ پر ات. چراگدانئے ہر ششین شاہڑ ہمے پیئم آنتت. <sup>20</sup> چراگدانئے بُنشاہا چار پیالہ پر ات، گون بادامئے پُلّئے و زین گلبن و پُلّان. <sup>21</sup> یک پیالہ اتولی دوین شاہڑانی بُنا ات، چہ ہما جاگہا کئے جہلتر کہ شاہڑ چہ بُنشاہا در آتکنت، دومی پیالہ دومی دوین شاہڑانی بُنا و سئیمی پیالہ سئیمی دوین شاہڑانی بُنا ات. ہر ششین شاہڑانی چیرا پیالہ پر ات. <sup>22</sup> گلبن و شاہڑ و چراگدان یک ٹکر آنتت. اے سچھینی چہ یکین ٹپتگین زگرین تلاہا اڈ کرتنت. <sup>23</sup> چہ چراگدانہ پت چراگی اڈ کرت و چراگدانئے سَمبالگئے اتوزار و سامانی چہ زگرین تلاہا اڈ کرتنت. <sup>24</sup> پہ چراگدان و ایشیئے سچھین سامانانی اڈ کنگا یک تالانتے\* زگرین تلاہی کارمرز کرت.

### بوسوچی کربانجاہ

<sup>25</sup> بوسوچی کربانجاہی چہ چگردئے دارا اڈ کرت. چارکند ات. ڈراجیا یک دست ات، پراہیا ہم یک دست و برزیا دو دست. کانٹ و کربانجاہی ہور اڈ کرتنت، اے یک ٹکر آنتت. <sup>26</sup> کربانجاہئے سر و سچھین نیمگ و کانٹی گون زگرین تلاہا سرپوش کرتنت و چپ و چاگردا تلاہئے پئیے پری کرت. <sup>27</sup> پہ کربانجاہا تلاہئے دو کڑی ای اڈ کرت و ہمے پئیے چیرا پری کرتنت. کربانجاہئے

kashán do do karhii per kort ke chest kanagay wahdá gwarbáskán bedárant. <sup>28</sup> Gwarbáski cha chegerday dára addh kortant o gón teláhá sarpósh kortant.

<sup>29</sup> Per moshagi pákén rógen o asil\* o washbóén sóchokii addh kort, hamá paymá ke atrsáz washbó addha kanant.

### Sóchagi korbánigáni korbánjáh

**38** Sóchagi korbánigáni korbánjáhi cha chegerday dára addh kort. Drájiá panch dast at o práhiá ham panch dast. Korbánjáh chárkondh at. Borziá say dast at. <sup>2</sup> Korbánjáhay chárén kondhání sará yakk o yakk kánthé addhi kort. Kánth o korbánjáhi jetá jetá addh nakortant, é yakthokkor atant. Korbánjáhi gón brenjá sarpósh kort. <sup>3</sup> Korbánjáhay tagári o bard o tás o chársháh o ásdán, sajjahén sámáni cha brenjá addh kortant. <sup>4</sup> Pa korbánjáhá jálié, bezán brenjay thathé addhi kort o korbánjáhay lambáni patthiay chérá anchó éri kort ke korbánjáhay borziay némá sar but. <sup>5</sup> Pa brenjén jáliay chárén kondhán chár karhii addh kort ke gwarbáskán bedárant. <sup>6</sup> Cha chegerday dára gwarbáski addh kortant o gón brenjá sarpóshi kortant. <sup>7</sup> Gwarbáski cha karhián gwázéntant ke korbánjáhay chest kanagay wahdá korbánjáhay doén kashán bebant. Korbánjáhi cha dáráy tahtagán addh kort o tóki hórk o hálig esht.

### Brenjay trasht

<sup>8</sup> Brenjay trashti gón trashtay pádagá cha hamá janénáni ádénkán addh kort ke tambuay dapá hezmati kár kanagá atant.

### Tambuay péshgáh

<sup>9</sup> Tambuay péshgáhi addh kort. Péshgáhay jonubi némagay hurtgwápén lilomay pardah drájiá yakk sad dast atant. <sup>10</sup> Gón bist menok o bist brenjén bonheshtá addhi kortant. Menokáni band o karhi nograhayg atant. <sup>11</sup> Shomáli némagay pardah ham drájiá yakk sad dast atant. Gón bist menok o bist brenjén bonheshtá addhi kortant. Menokáni band o karhi nograhayg atant. <sup>12</sup> Rónendi némagay pardah panjáh dast atant.

دوین کشان دو دو کڑی ای پر کرت کہ چست کنگئے وهدا گورباسکان بدارنت. <sup>28</sup> گورباسکی چه چگردئے دارا اڈ کرتنت و گون تلاها سرپوش کرتنت.

<sup>29</sup> پر مُشگی پاکین روگن و آسیل\* و وشبوین سوچکی ای اڈ کرت، هما پیما کہ آترساز وشبو اڈ کننت.

### سوچگی کربانیگانی کربانجاہ

**38** سوچگی کربانیگانی کربانجاہی چه چگردئے دارا اڈ کرت. ڈراجیا پنچ دست ات و پراہیا ہم پنچ دست. کربانجاہ چارکندُ ات. بُزیا سئے دست ات. <sup>2</sup> کربانجاہئے چارین کُندانى سرا یک و یک کائے اڈی کرت. کانٹ و کربانجاہی جتا جتا اڈ نکرتنت، اے یک کُکر اتنت. کربانجاہی گون بُرنجا سرپوش کرت. <sup>3</sup> کربانجاہئے تگاری و برد و تاس و چارشاه و آسدان، سَجھین سامانی چه بُرنجا اڈ کرتنت. <sup>4</sup> پہ کربانجاہا جالیے، بزان بُرنجئے تئے اڈی کرت و کربانجاہئے لمبانی پئیے چیرو آنچو ایری کرت کہ کربانجاہئے بُزئے نیما سر بوت. <sup>5</sup> پہ بُرنجین جالیئے چارین کُندان چار کڑی ای اڈ کرت کہ گورباسکان بدارنت. <sup>6</sup> چه چگردئے دارا گورباسکی اڈ کرتنت و گون بُرنجا سرپوشی کرتنت. <sup>7</sup> گورباسکی چه کُریان گوازینتنت کہ کربانجاہئے چست کنگئے وهدا کربانجاہئے دوین کشان بینت. کربانجاہی چه دارئے تہتگان اڈ کرت و توکی هورک و هالیگ اِشت.

### بُرنجئے تَرشت

<sup>8</sup> بُرنجئے تَرشتی گون تَرشتئے پادگا چه هما جینینی آدینکان اڈ کرت کہ تمبوئے دپا ہزمتی کار کنگا اتنت.

### تمبوئے پیشگاہ

<sup>9</sup> تمبوئے پیشگاہی اڈ کرت. پیشگاہئے جنوبی نیمگئے هورت گواپین لیلمئے پردہ ڈراجیا یک سد دست اتنت. <sup>10</sup> گون بیست منک و بیست بُرنجین بُنہشتا اڈی کرتنت. منکانی بند و کڑی نگرہٹیگ اتنت. <sup>11</sup> شمالی نیمگئے پردہ ہم ڈراجیا یک سد دست اتنت. گون بیست منک و بیست بُرنجین بُنہشتا اڈی کرتنت. منکانی بند و کڑی نگرہٹیگ



Gón dah menok o dah bonheshtá addhi kortant. Menokáni band o karhi nograhayg atant. <sup>13</sup> Pésgháhay ródarátki némagay pardah, hamá némag ke róch dara kayt, panjáh dast atant. <sup>14</sup> Pésgháhay dapay yakk némagéay pardah pánzdah dast atant. Gón say menok o say bonheshtá addhi kortant. <sup>15</sup> Dapay á dega némagay pardah ham pánzdah dast atant. Gón say menok o say bonheshtá addhi kortant. <sup>16</sup> Pésgháhay chapp o chágerday sajjahén pardah hurtgwápén lilomayg atant. <sup>17</sup> Menokáni bonhesht brenjayg atant o band o karhiesh nograhayg atant. Menokáni sarok gón nograhá sarpósh atant. Pésgháhay sajjahén menokáni band nograhayg atant. <sup>18</sup> Pésgháhay dapay pardah ásmáni o jamu o sohrén pazhm o hurtgwápén lilomayg at o rangwáp at. Pardahay dráji bist dast at o pésgháhay é dega pardaháni paymá, borzii panch dast at. <sup>19</sup> Pardahay chár menok o chár brenjén bonhesht atant. Menokáni band o karhi nograhayg atant o menokáni sarok gón nograhá sarpósh atant. <sup>20</sup> Tambuay o pésgháhay chapp o chágerday sajjahén méh brenjayg atant.

### Tambuay sámán

<sup>21</sup> Tambuay, bezán sháhediay tambuay sámán hamesh atant ke Láwián Mussáay hokmay sará o dini péswhá Hárunay mardénchokk Itámáray sarókiá hesáb kort o nebeshtah kortant. <sup>22</sup> Harché ke Hodáwandá Mussá hokm dátagat, Besalélá addh kort. Besalél Yahudáay kabilahay mardomé at, Uriay chokk o Ahuray nomásag at. <sup>23</sup> Cha Dánay kabilahá Ahimásakay mardénchokk Ohulyáb é káray sarjam kanagá gón Besalélá gón at. Ohulyáb ájenók o baladén ezmkáre at o gón ásmáni o jamu o sohrén bandikk o hurtgwápén lilomá rangwápíia kort. <sup>24</sup> Hamá chest kanagi korbánig, bezán hamá thékién teláh ke pa pákén jághay addh kanagá kármaz butant, pákén jághay shekelay hesábá, sarjamiá bist o noh tálánt o hapt sad o si shekel atant.\*

<sup>25</sup> Mahlukay dátagén nograh ke hesáb kanag butant, pákén jághay shekelay hesábá, yakk sad tálánt o hazár o hapt sad o haptád o panch shekel atant.\* É nograh cha hamá mardomán gerag butagatant ke mardomshomáriá hesáb kanag butagatant, <sup>26</sup> bezán cha har mardomá yakk bekáé. Yakk bekáé ném

ántt. <sup>12</sup> Róndi nímgéy prde pñjah dást áttt. gón dh mík w dh búhshá ádí krtnt. míkání bnd w kúy ngrhíyg áttt. <sup>13</sup> píshgáhhéy ródrátki nímgéy prde, hma nímg ke róç dr ktht, pñjah dást áttt. <sup>14</sup> píshgáhhéy dhéy yk nímgíy prde pánzdé dást áttt. gón séy mík w séy búhshá ádí krtnt. <sup>15</sup> dhéy ádgé nímgéy prde hm pánzdé dást áttt. gón séy mík w séy búhshá ádí krtnt. <sup>16</sup> píshgáhhéy çp w çágrdéy séjhén prde hórú góapén lílmíyg áttt. <sup>17</sup> míkání búhshá búrnjíyg áttt w bnd w kúy ísh ngrhíyg áttt. míkání srk gón ngrhá srpósh áttt. píshgáhhéy séjhén míkání bnd ngrhíyg áttt. <sup>18</sup> píshgáhhéy dhéy prde ásmání w çmó w shérén púrm w hórú góapén lílmíyg át w rñg góap át. prdhéy dráçí bíst dást át w píshgáhhéy é dgé prdhání píma, búzay ay pñç dást át. <sup>19</sup> prdhéy çar mík w çar búrnjén búhshá áttt. míkání bnd w kúy ngrhíyg áttt w míkání srk gón ngrhá srpósh áttt. <sup>20</sup> tmboúy w píshgáhhéy çp w çágrdéy séjhén míh búrnjíyg áttt.

### تمبوئے سامان

<sup>21</sup> تمبوئے، بزآن شاھدیئے تمبوئے سامان همیش آنتت کہ لویان موسائے حکمئے سرا و دینی پیشوا ہارونئے مردین چک ایتامارئے سروکیا حساب کرت و نبشتہ کرتنت. <sup>22</sup> ہرچے کہ ہداوندا موسا حکم داتگ آت، بسلیلا آڈ کرت. بسلیل یھودائے کبیلھئے مردمے آت، اوریئے چک و اھورئے نماسگ آت. <sup>23</sup> چہ دائے کبیلھا اھیسامکئے مردین چک اھولیاب اے کارئے سرجم کنگا گون بسلیلا گون آت. اھولیاب آجنوک و بلدین ازمکارے آت و گون آسمانی و جمو و شھرن بندیک و ہورت گواپین لیلمیا رنگ گواپی ای کرت. <sup>24</sup> ہما چست کنگی کربانیگ، بزآن ہما ٹیکین تلاہ کہ پہ پاکین جاگھئے آڈ کنگا کارمرز بوتنت، پاکین جاگھئے شیکلئے حسابا، سرجمیا بیست و نہ تالانت و ہپت سد و سی شیکل آنتت.\*

<sup>25</sup> مھلوکئے داتگین نگرہ کہ حساب کنگ بوتنت، پاکین جاگھئے شیکلئے حسابا، یک سد تالانت و ہزار و ہپت سد و ہپتاد و پنچ شیکل آنتت.\* اے نگرہ چہ ہما مردمان گرگ بوتگ آنتت کہ مردم شماریا حساب کنگ بوتگ آنتت، <sup>26</sup> بزآن چہ

38:24 É teláh kesás 1000 sér atant.

38:25 É nograh kesás 3500 sér atant.

24:38 اے تلاہ کسساس 1000 سیر آنتت.

25:38 اے نگرہ کسساس 3500 سیر آنتت.

shekel ent, pákén jágahay shekelay hesábá. É nograh cha hamá mardomán gerag butagatant ke mardomshomáriá hesáb kanag butagatant, bezán cha bist sálag o cha bist sálá masterén mardénán. É mardén sarjamiá shash lakk o say hazár o panch sad o panjáh atant. <sup>27</sup> É yakk sad tálántén nograh pa pákén jágahay bonhesht o pardahay bonheshtáni addh kanagá kármarz butant, bezán sad tálánt pa sad bonheshtá, pa har bonheshtá yakk tálánté. <sup>28</sup> Hazár o hapt sad o haptád o panch shekeli pa menokáni karhi o menokáni sarokáni sarpósh o menokáni bandáni addh kanagá kármarz kort.

<sup>29</sup> Hamá thékién brenj ke chest kanagi korbánig kanag butant, haptád tálánt o do hazár o chár sad shekel atant.\* <sup>30</sup> Sháhediay tambuay dapay bonhesht, brenjén korbánjáh o áiy brenjén jáli o korbánjáhay sajjahén sámán, <sup>31</sup> péshgáhay chapp o chágérday bonhesht, péshgáhay dapay bonhesht, tambuaysajjahénméh o péshgáhay chapp o chágérday sajjahén méh cha hamé brenján addh kanag butant.

### Dini péshwáiay god

**39** Cha ásmáni o jamu o sohrén pazhmá dazgwápén godesh addh kort ke wahdé péshwá pa hezmat kanagá pákén jágahá rawt, gwaráesh bekant. Hamá paymá ke Hodáwandá Mussá hokm dátagat, pa péshwáén Hárúná pákén godesh addh kort.

### Épód

<sup>2</sup> Épódesch cha teláhá o cha ásmáni o jamu o sohrén pazhm o hurtgwápén lilomá addh kort. <sup>3</sup> Áyán teláhay názorkén ták thappet o tayár kort. Tákesch dráj drájá borretant o bandikkesh addh kort ke gón ásmáni o jamu o sohrén pazhm o hurtgwápén lilomá hawáresh bekanant. É kár honarmandén ezmkaréá kort. <sup>4</sup> Do sarkópagesh addh kort o épóday doén srugán peresh kort ke épód mohr bandag bebit. <sup>5</sup> Épóday band épóday paymá at, bezán cha teláhá o cha ásmáni o jamu o sohrén pazhm o hurtgwápén lilomá tayár kanag butagat. É band o épód hór gwapag butant, é yakthokkor atant, anchó ke Hodáwandá Mussá hokm dátagat. <sup>6</sup> Senge solaymánesh teláhay mohragjáhán

هر مردما يك بكا ے. يك بكا ے نيم شكيل انت، پاكين جاگهے شكيلے حسابا. اے نگره چه هما مردمان گرگ بوتگ انتت كه مردم شماریا حساب كنگ بوتگ انتت، بز ان چه بيست سالگ و چه بيست ساللا مسترين مردينان. اے مردين سرجميا شش لك و سئ هزار و پنج سد و پنجاه انتت. <sup>27</sup> اے يك سد تالانتين نگره په پاكين جاگهے بنهشت و پردهے بنهشتاني اڈ كنگا كارمرز بوتنت، بز ان سد تالانت په سد بنهشتا، په هر بنهشتا يك تالانتے. <sup>28</sup> هزار و هيت سد و هيتاد و پنج شكيلی په منكاني كزی و منكاني سركاني سرپوش و منكاني بنداني اڈ كنگا كارمرز كرت.

<sup>29</sup> هما ئيكيين برنج كه چست كنگي كربانيگ كنگ بوتنت، هيتاد تالانت و دو هزار و چار سد شكيل انتت.\* <sup>30</sup> شاهديے تمبوے ديے بنهشت، برنجين كربانجاه و آيیے برنجين جالی و كربانجاهے سجهين سامان، <sup>31</sup> پيشگاهے چپ و چاگردے بنهشت، پيشگاهے ديے بنهشت، تمبوے سجهين ميہ و پيشگاهے چپ و چاگردے سجهين ميہ چه همه برنجان اڈ كنگ بوتنت.

### دینی پیشواییے گڈ

**39** چه آسمانی و جمو و سهرين پڑما دزگوپين گدش اڈ كرت كه وهده پيشوا په هزمت كنگا پاكين جاگها رثوت، گوراش بكننت. هما پئيمه كه هداوندا موسا همك داتگ ات، په پيشواين هارونا پاكين گدش اڈ كرت.

### اينپود

<sup>2</sup> اينپودش چه تلاها و چه آسمانی و جمو و سهرين پڑم و هورت گواپين ليلما اڈ كرت. <sup>3</sup> آيان تلاهے نازركين تاك ئپت و تئيار كرت. تاكش ذراج ذراجا برتنت و بنديكش اڈ كرت كه گون آسمانی و جمو و سهرين پڑم و هورت گواپين ليلما هتوارش بكننت. اے كار هنرمندين ازماكاريا كرت. <sup>4</sup> دو سركوپيگش اڈ كرت و اينپودے دوين سروگان پرش كرت كه اينپود مهر بندگان بيت. <sup>5</sup> اينپودے بند اينپودے پئيمه ات، بز ان چه تلاها و چه آسمانی و جمو و سهرين پڑم و هورت گواپين ليلما تئيار كنگ بوتگ ات. اے بند و اينپود هور گوپگ بوتنت، اے يك ئگر انتت، انچو كه هداوندا موسا همك داتگ ات. <sup>6</sup> سينگ سلئيمانش

nádéntant o anchó ke mohrá ájenanat o naksha kanant, Esráilay mardénchokkáni námesh áyáni sará naksh kortant. <sup>7</sup> Gorhá é seng ke Esráilay chokkáni yátgéjiay seng atant, épóday sarkópagán peresh kortant, hamá paymá ke Hodáwandá Mussá hokm dátagat.

## Sénagpósh

<sup>8</sup> Sénagpóshé addhesh kort. Épóday paymá addhesh kort, bezán cha teláhá o cha ásmáni o jamu o sohrén pazhm o hurtgwápén lilomá addhesh kort. É kár honarmandén ezmkaréá kort. <sup>9</sup> É chárkondh o dotal at. Dráji o práhiá yakk yakk bechillé at. <sup>10</sup> Eshiy sará chár redá gránkimmatén sengesh lecchént, awali redá rubi, pokráj o bayrel, <sup>11</sup> domi redá pérózah, nilom o zomorrod, <sup>12</sup> sayomi redá shunzén ákut, akik o jamuén ákut, <sup>13</sup> cháromi redá teláhrangén ákut, senge solaymán o yashm. É sengesh teláhay mohragjáhán nádéntant. <sup>14</sup> Seng, Esráilay chokkáni námáni hesábá atant, dwázdah nám o dwázdah seng. Haryakkéay sará cha dwázdahén kabilahán yakkéay nám chó mohrá naksh at. <sup>15</sup> Pa sénagpóshá cha zagren teláhá restagén sáday dhawlén zamzilokesh addh kort. <sup>16</sup> Teláhay do mohragjáh o teláhay do karhiesh addh kort o karhiesh sénagpóshay do srugá per kortant. <sup>17</sup> Teláhay doén zamzilokáni yakk yakk saré zortesh o sénagpóshay doén srugáni karhián mánesht kortant o <sup>18</sup> zamzilokáni domi saresh zort o gón doén mohragjáhán lecchéntant, épóday sarkópagáni démi némagá. <sup>19</sup> Cha teláhá do karhiesh addh kort o sénagpóshay á dega doén srugán peresh kortant, hamá lambán ke démesh gón épódá at. <sup>20</sup> Cha teláhá dega do karhiesh addh kort o épóday démá, sarkópagáni jahli némagá, épóday banday sarborá peresh kortant, hamódá ke sarkópag gón épódá lecchetagat. <sup>21</sup> Sénagpóshay karhiesh gón ásmánrangén bandán épóday karhián anchó bastant ke épóday banday sará bebant o sénagpósh cha épódá masorit, hamá paymá ke Hodáwandá Mussá hokm dátagat.

## Dini péshwáiay á dega god

<sup>22</sup> Épóday kabáhesh sarjamiá cha ásmánrangén godá gwapt o addh kort. <sup>23</sup> Kabáhá gotthé per at. Gotthay chappo chágérdá mohrén káláray paymén dazgwápén

تلاھئے مھرگ جاھان نادیتنت و آنچو کہ مھرا اجنت و نکش کنت، اسرائیلے مردین چکانی نامش آیانی سرا نکش کرتنت. <sup>7</sup> گڑا اے سنگ کہ اسرائیلے چکانی یانگیجئے سنگ آنتت، ایپودے سرکوپگان پرش کرتنت، ہما پیما کہ ہداوندا موسا ہکم داتگ ات.

## سینگ پویش

<sup>8</sup> سینگ پویشے اڈش کرت. ایپودے پیما اڈش کرت، بزبان چہ تلاھا و چہ آسمانی و جمو و سھرین پڑم و ہورت گواپین لیلما اڈش کرت. اے کار ہنرمندین ازماکاریا کرت. <sup>9</sup> اے چارگنڈ و دوتل ات. ذراجی و پراہیا یک یک بچیلے ات. <sup>10</sup> ایشیے سرا چار ردا گران کیمتین سنگش لچینت، اتولی ردا روبی، پکراج و بیئل، <sup>11</sup> دومی ردا پیروزہ، نیلم و زمرد، <sup>12</sup> سیمی ردا شونزین آکوت، آیک و جموین آکوت، <sup>13</sup> چارمی ردا تلاہ رنگین آکوت، سنگ سلیمان و یشم. اے سنگش تلاھئے مھرگ جاھان نادیتنت. <sup>14</sup> سنگ، اسرائیلے چکانی نامانی حسابا آنتت، دوازده نام و دوازده سنگ. ہر یکئے سرا چہ دوازدهین کیلہان یکئے نام چو مھرا نکش ات. <sup>15</sup> پہ سینگ پویشا چہ زگرین تلاھا رستگین سادے ڈولین زمزیلکش اڈ کرت. <sup>16</sup> تلاھئے دو مھرگ جاہ و تلاھئے دو کڑی اش اڈ کرت و کڑی اش سینگ پویشے دو سروگا پر کرتنت. <sup>17</sup> تلاھئے دوین زمزیلکانی یک یک سرے زرتش و سینگ پویشے دوین سروگانی کڑیان مانش کرتنت و <sup>18</sup> زمزیلکانی دومی سرش زرت و گون دوین مھرگ جاھان لچینتنت، ایپودے سرکوپگانی دیمی نیمگا. <sup>19</sup> چہ تلاھا دو کڑی اش اڈ کرت و سینگ پویشے آدگہ دوین سروگان پرش کرتنت، ہما لمبان کہ دیمش گون ایپودا ات. <sup>20</sup> چہ تلاھا دگہ دو کڑی اش اڈ کرت و ایپودے دیم، سرکوپگانی جھلی نیمگا، ایپودے بندے سربرا پرش کرتنت، ہمودا کہ سرکوپگ گون ایپودا لچتگ آنت. <sup>21</sup> سینگ پویشے کڑی اش گون آسمان رنگین بندان ایپودے کڑیان آنچو بستنت کہ ایپودے بندے سرا ببت و سینگ پویش چہ ایپودا مسریت، ہما پیما کہ ہداوندا موسا ہکم داتگ ات.

## دینی پیشواییے آدگہ گڈ

<sup>22</sup> ایپودے کباہش سرجمیا چہ آسمان رنگین گڈا گوپت و اڈ کرت. <sup>23</sup> کباہ گئے پر ات. گئے چپ و چاگردا مھرین کالارے

lamb per at ke gotth maderit. <sup>24</sup> Ásmáni o jamu o sohrén pazhmay o hurtgwápén lilomay anáresh addh kort o kabáhay dámonay lambay chapp o chágérdá per kortant. <sup>25</sup> Zagrén teláhay zhángesh addh kort o kabáhay lambay chapp o chágérdá, anáráni nyámá peresh kortant. <sup>26</sup> Kabáhay dámonay chapp o chágérdá zhángé o anaré, zhángé o anaré per kanánesh kort, hamá paymá ke Hodáwandá Mussá hokm dátagat. Hezmatay wahdá Hárúná é kabáh gwará kanagi at.

<sup>27</sup> Pa Hárún o Hárúnay mardénchokkán cha hurtgwápén lilomá jámagehsh gwapt o addh kort. <sup>28</sup> Pág o koláh cha sharrén lilomá o chérpósh cha hurtgwápén lilomá addh kanag butant. <sup>29</sup> Cha hurtgwápén lilom o ásmáni o jamu o sohrén pazhmá ranggwápén lánkigé gwapt o addhesh kort, hamá paymá ke Hodáwandá Mussá hokm dátagat.

<sup>30</sup> Cha zagrén teláhá patthié, bezán pákén tájé addhesh kort o é labzesh chó mohray nakshá patthiy sará naksh kortant: “Wapke Hodáwandi.” <sup>31</sup> Ásmánrangén bandé peresh kort ke patthi págay sará bóshtit, hamá paymá ke Hodáwandá Mussá hokm dátagat.

### Tambuay káray sarjami

<sup>32</sup> Tambuay, bezán sháhediay tambuay sajjahén kár sarjam butant. Esráilián sajjahén kár kortant. Hamá paymá ke Hodáwandá Mussá hokm dátagat, hamá paymá kortesh. <sup>33</sup> Sháhediay tambuesh Mussáay kerrá áwort, tambu o sajjahén sámán, bezán karhi, tahtag, gwarbast, menok, bonhesht, <sup>34</sup> cha gwarándhay ratkag o sohr butagén pósta jórh kortagén pósh, cha dega paymén mohrén pósta jórh kortagén pósh, sháhediay pétiay déma lónjánén pardah, <sup>35</sup> sháhediay péti o gwarbásk o kapáratay pósh, <sup>36</sup> thébal o sajjahén sámán o pákwandhén nagan, <sup>37</sup> chazagrén teláhá addh butagén cherágdán o cherágdánay cherág o sajjahén sámán o pa cherágán thél, <sup>38</sup> teláhay korbánjáh, per moshagi rógen, washbóén sóchoki, tambuay dapay pardah, <sup>39</sup> brenjén korbánjáh o áiyay brenjén jáli o gwarbásk o sajjahén sámán, trasht o pádag, <sup>40</sup> péshgáhay pardah o menok o bonhesht, péshgáhay dapay pardah o sád o méh, tambuay, bezán sháhediay tambuay káráni sajjahén sámán o <sup>41</sup> dazgwápén god ke pákén jághá hezmat kanagay wahdá gwará kanaga bant, bezán dini péshwá Hárúnay pákén god o Hárúnay chokkáni péshwái god, sajjahénesht áwortant.

پئیمین دزگوایین لمب پر ات کہ گٹ مدیریت. <sup>24</sup> آسمانی و جمو و سهرین پڑمے و هورت گواپین لیلْمے انارش اڈ کرت و کبائے دامْنے لمبے چپ و چاگردا پر کرتنت. <sup>25</sup> زگرین تلاھئے ژانگش اڈ کرت و کبائے لمبے چپ و چاگردا، انارانی نیاما پرش کرتنت. <sup>26</sup> کبائے دامْنے چپ و چاگردا ژانگے و انارے، ژانگے و انارے پر کنانش کرت، هما پئیمیا کہ هداوندا موسا هکم داتگ ات. هزمتے وهدا هارونا اے کباہ گورا کنگی ات.

<sup>27</sup> په هارون و هارونے مردین چکان چه هورت گواپین لیلْما جامگش گوپت و اڈ کرت. <sup>28</sup> پاگ و کلاه چه شرین لیلْما و چیرپوش چه هورت گواپین لیلْما اڈ کنگ بوتنت. <sup>29</sup> چه هورت گواپین لیلْم و آسمانی و جمو و سهرین پڑما رنگ گواپین لانکیگے گوپت و اڈش کرت، هما پئیمیا کہ هداوندا موسا هکم داتگ ات.

<sup>30</sup> چه زگرین تلاها پئیه، بزبان پاکین تاجے اڈش کرت و اے لبز چو مهرے نکشا پئیه سرا نکش کرتنت: “و پک هداوندی.” <sup>31</sup> آسمان رنگین بندے پرش کرت کہ پئی پاکے سرا بوشیت، هما پئیمیا کہ هداوندا موسا هکم داتگ ات.

### تمبوئے کارے سرجمی

<sup>32</sup> تمبوئے، بزبان شاهدیهیے تمبوئے سجھین کار سرجم بوتنت. اسرائیلیان سجھین کار کرتنت. هما پئیمیا کہ هداوندا موسا هکم داتگ ات، هما پئیمیا کرتش. <sup>33</sup> شاهدیهیے تمبواش موسائے کرا آورت، تمبو و سجھین سامان، بزبان کڑی، تھتگ، گوربست، منک، بُنھشت، <sup>34</sup> چه گورانڈے رتکگ و سهر بوتگین پوستا جوڑ کرتگین پوش، چه دگه پئیمین مهرین پوستا جوڑ کرتگین پوش، شاهدیهیے پئیهیے دیما لونجانین پرده، <sup>35</sup> شاهدیهیے پئیهیے و گورباسک و کپارتے پوش، <sup>36</sup> ٹیبل و سجھین سامان و پاکونڈین ننگ، <sup>37</sup> چه زگرین تلاها اڈ بوتگین چراگدان و چراگدانے چراگ و سجھین سامان و په چراگان ٹیل، <sup>38</sup> تلاھئے کربانجاہ، پر مشگی روگن، وشبوین سوچکی، تمبوئے دپے پرده، <sup>39</sup> برنجین کربانجاہ و آییے برنجین جالی و گورباسک و سجھین سامان، ترشت و پادگ، <sup>40</sup> پئشگاہئے پرده و منک و بُنھشت، پئشگاہئے دپے پرده و ساد و میہ، تمبوئے، بزبان شاهدیهیے تمبوئے کارانی سجھین سامان و <sup>41</sup> دزگوایین گد کہ پاکین جاگھا هزمت کنگے وهدا گورا کنگ بنت، بزبان دینی پئشوا هارونے پاکین گد و هارونے چکانی پئشوایی گد، سجھینش آورتنت.

<sup>42</sup> Esráilián é sajjahén kár sarjam kortant, hamá paymá ke Hodáwandá Mussá hokm dátagat. <sup>43</sup> Mussáyá sajjahén kár cháretant o disti ke áyán kár sarjam kortag. Hamá paymá ke Hodáwandá hokm dátagat, áyán hamá paymá kortagat. Nun Mussáyá á barkat dátant.

### Tambuay mekk kanag

**40** Hodáwandá gón Mussáyá gwasht: <sup>2</sup> “Awali máhay awali róchá tambuá, bezán sháhediay tambuá mekk kan. <sup>3</sup> Sháhediay pétiá tambuay tahá ér kan o pardahá pétiay déma lónján kan ke péti chér o andém bebit. <sup>4</sup> Thébalá tóká bar o sámánán thébalay sará pa red o band ér kan. Cherágdáná tóká bar o cherágáni per kan. <sup>5</sup> Bósóchiay teláhén korbánjáhá sháhediay pétiay dém pa déma ér kan o tambuay dapay pardahá per kan.

<sup>6</sup> Sóchagi korbánigáni korbánjáhá tambuay déma, bezán sháhediay tambuay déma ér kan o <sup>7</sup> trashtá sháhediay tambu o korbánjáhay nyámá ér kan o ápi mán kan. <sup>8</sup> Tambuay chapp o chágerdá péshgáhay pardahán mekk kan o péshgáhay dapay pardahá per kan.

<sup>9</sup> Per moshagi rógen bezur o tambu o tambuay tahay sajjahén sámánán per mosh o wapkesh kan ke pák bebant. <sup>10</sup> Sóchagi korbánigáni korbánjáhá o korbánjáhay sajjahén sámánán ham rógen per mosh o korbánjáhá wapk kan ke sakk pák bebit. <sup>11</sup> Trasht o trashtay pádagá ham rógen per mosh o wapkesh kan.

<sup>12</sup> Hárún o Hárúnay mardénchokkán sháhediay tambuay dapá byár o áyáni jáná beshód. <sup>13</sup> Pákén godán Hárúnay gwará day, rógeni per mosh o wapki kan ke dini péshwá bebit o mani hezmatá bekant. <sup>14</sup> Hárúnay chokkán byár o jámagánesh gwará day o <sup>15</sup> anchó ke taw áyáni pet rógen per moshtag, áyáni jendá ham rógen per mosh ke dini péshwá bebant o mani hezmatá bekanant. Gón rógen per moshagá áyán dini péshwáia rasit o é péshwái abadmána bit, nasláni nasl.” <sup>16</sup> Mussáyá sajjahén kár hamá paymá kortant ke Hodáwandá hokm dátagat.

<sup>17</sup> Cha Mesrá dar áyagay domi sálav awali máhay awali róchá tambu mekk kanag but. <sup>18</sup> Mussáyá tambu mekk kort, bonheshti ér kortant, tahtagi jatant, gwarbasti mán tarréntant o menoki mekk kortant. <sup>19</sup> Mussáyá pardah sháhediay tambuay sará dátant o sarpóshi pardaháni sará pach kortant, hamá paymá ke Hodáwandá Mussá hokm dátagat.

<sup>42</sup> إسرائييليان اے سجھين کار سرجم کرتنت، هما پئما کہ ھداوندا موسا ھکم داتگأت. <sup>43</sup> موسايا سجھين کار چارنتنت و ديستی کہ آيان کار سرجم کرتگ. هما پئما کہ ھداوندا ھکم داتگأت، آيان هما پئما کرتگأت. نون موسايا آبرکت دانتنت.

### تمبوئے مگ کنگ

**40** ھداوندا گون موسايا گوشت: <sup>2</sup> ”اٲولي ماھئے اٲولي رٲچا تمبوا، بزان شاھديئے تمبوا مگ کن. <sup>3</sup> شاھديئے پيتيا تمبوئے تھا اير کن و پردھا پيتيئے ديما لونجان کن کہ پيتي چير و انديم بيت. <sup>4</sup> ثيبلا توکا برو سامانان ثيبليئے سرا په رد و بند اير کن. چراگانا توکا برو چراگاني پر کن. <sup>5</sup> بسوچيئے تلاھين گربانجاھا شاھديئے پيتيئے ديما په ديما اير کن و تمبوئے ديئے پردھا پر کن.

<sup>6</sup> سوچگي گربانيگاني گربانجاھا تمبوئے ديما، بزان شاھديئے تمبوئے ديما اير کن و <sup>7</sup> ترشتا شاھديئے تمبو و گربانجاھئے نيما اير کن و آبي مان کن. <sup>8</sup> تمبوئے چپ و چاگردا پيشگاھئے پردھان مگ کن و پيشگاھئے ديئے پردھا پر کن.

<sup>9</sup> پر مشگي روگن بزور و تمبو و تمبوئے تھئے سجھين سامانان پر مش و وپکش کن کہ پاک ببنت. <sup>10</sup> سوچگي گربانيگاني گربانجاھا و گربانجاھئے سجھين سامانان هم روگن پر مش و گربانجاھا وپکش کن کہ سگ پاک ببنت. <sup>11</sup> ترشت و ترشتئے پاڊگا هم روگن پر مش و وپکش کن.

<sup>12</sup> ھارون و ھارونئے مردين چگان شاھديئے تمبوئے دپا بيار و آياني جانا بشود. <sup>13</sup> پاڪين گدان ھارونئے گورا دئے، روگني پر مش و وپكي کن کہ ديني پيشوا ببنت و مني ھزمتا بکنت. <sup>14</sup> ھارونئے چگان بيار و جامگانش گورا دئے و <sup>15</sup> انچو کہ تتو آياني پت روگن پر مشتگ، آياني جندا هم روگن پر مش کہ ديني پيشوا ببنت و مني ھزمتا بکنت. گون روگن پر مشگا آيان ديني پيشوايي رسيت و اے پيشوايي ابدمان بيت، نسلاني نسل.” <sup>16</sup> موسايا سجھين کار هما پئما کرتنت کہ ھداوندا ھکم داتگأت.

<sup>17</sup> چه مسرا در آيگئے دومي سائے اٲولي ماھئے اٲولي رٲچا تمبو مگ کنگ بوت. <sup>18</sup> موسايا تمبو مگ کرت، بٲھشتي اير کرتنت، تھتگي جنتنت، گوربستي مان ترينتنت و منكي مگ کرتنت. <sup>19</sup> موسايا پردھا شاھديئے تمبوئے سرا دانتنت و سرپوشي پردھاني سرا پچ کرتنت، هما پئما کہ ھداوندا موسا ھکم داتگأت.

<sup>20</sup> Sháhediay doén wáneki zort o pétiá kortant, gwarbáski pétiá per kortant o kapáratay sarpóshi pétiay sará dát. <sup>21</sup> Pétií tambuay tóká bort o pardahi pétiay démá dratk o pétií chér o andém kort, hamá paymá ke Hodáwandá Mussá hokm dátagat.

<sup>22</sup> Thébali sháhediay tambuay tahá, tambuay shomáli némagá, chapardahá dhannér kort <sup>23</sup> onagani Hodáwanday bágáhá thébalay sará ér kortant, hamá paymá ke Hodáwandá Mussá hokm dátagat.

<sup>24</sup> Cherágdáni sháhediay tambuay tahá, thébalay dém pa démá, tambuay jonubi némagá ér kort o <sup>25</sup> hamódá Hodáwanday bágáhá cherági cherágdáná per kortant, hamá paymá ke Hodáwandá Mussá hokm dátagat.

<sup>26</sup> Teláhay bósóchi korbánjáhi sháhediay tambuay tahá, pardahay démá ér kort o <sup>27</sup> korbánjáhay sará washbóén sóchokii chér sótk, hamá paymá ke Hodáwandá Mussá hokm dátagat.

<sup>28</sup> Tambuay dapay pardahi per kort. <sup>29</sup> Sóchagi korbánigay korbánjáhi zort o sháhediay tambuay démá ér kort o áiy sará sóchagi korbánig o dánay korbánigi pésh kort, hamá paymá ke Hodáwandá Mussá hokm dátagat.

<sup>30</sup> Brenjén trashti sháhediay tambu o korbánjáhay nyámá ér kort o shódagi ápi mán kort. <sup>31</sup> Mussá, Hárún o Hárúnay chokkán hamé áp zortant o wati dast o pád shoshtant. <sup>32</sup> Har wahdá ke sháhediay tambuá yá korbánjáhay nazzikká shotant, watá shoshtesh, hamá paymá ke Hodáwandá Mussá hokm dátagat. <sup>33</sup> Mussáyá tambu o korbánjáhay chapp o chágerdá péshgáhay pardah mekk kortant o péshgáhay dapay pardahi per kort. É paymá Mussáyá kár sarjam kort.

### Hodáwanday shán o shawkat

<sup>34</sup> Jambará sháhediay tambu sarpósh kort o tambu cha Hodáwanday shán o shawkatá sarréch but. <sup>35</sup> Mussáyá sháhediay tambuay tahá shot nakort ke tambu jambará geptagat o cha Hodáwanday shán o shawkatá sarréch at.

<sup>36</sup> Wati sajjahén saporán, Esráili hamá wahdá rahádaga butant ke jambar cha tambuay sará chesta but, <sup>37</sup> bale tánke jambar chesta nabut, á rahádaga nabutant. Tán jambaray chest bayagay róchá hamódá neshtant. <sup>38</sup> Sajjahén saporán, Esráiliána dist ke róchá Hodáwanday jambar tambuay sará ent o shapá jambaray tahá áse rók ent.

<sup>20</sup> شاهديے دوین وانکی زرت و پیتیا کرتنت، گورباسکی پیتیا پر کرتنت و کپارتے سرپوشی پیتھے سرا دات. <sup>21</sup> پیتی ای تمبوئے توکا برت و پردھی پیتھے دیما درتک و پیتی ای چیر و اندیم کرت، هما پئیمما کہ هداوندا موسا هکم داتگات.

<sup>22</sup> ئییلی شاهديے تمبوئے تھا، تمبوئے شمالی نیمگا، چه پردھا دن اير کرت <sup>23</sup> و نگنی هداوندے بارگاها ئیبلے سرا اير کرتنت، هما پئیمما کہ هداوندا موسا هکم داتگات.

<sup>24</sup> چراگدانی شاهديے تمبوئے تھا، ئیبلے دیم په دیما، تمبوئے جنوبی نیمگا اير کرت و <sup>25</sup> همودا هداوندے بارگاها چراگی چراگدانا پر کرتنت، هما پئیمما کہ هداوندا موسا هکم داتگات.

<sup>26</sup> تلاهے بوسوچی کربانجاهی شاهديے تمبوئے تھا، پردھے دیما اير کرت و <sup>27</sup> کربانجاهے سرا وشوین سوچکی ای چیر سوٹک، هما پئیمما کہ هداوندا موسا هکم داتگات.

<sup>28</sup> تمبوئے دپے پردھی پر کرت. <sup>29</sup> سوچگی کربانیگے کربانجاهی زرت و شاهديے تمبوئے دیما اير کرت و آییے سرا سوچگی کربانیگ و دانے کربانیگی پیش کرت، هما پئیمما کہ هداوندا موسا هکم داتگات.

<sup>30</sup> برنجین ترشتی شاهديے تمبو و کربانجاهے نیاما اير کرت و شوذگی آپی مان کرت. <sup>31</sup> موسا، هارون و هارونے چگان همه آپ زرتنت و وتی دست و پاد ششتنت. <sup>32</sup> هر وهدا که شاهديے تمبو یا کربانجاهے نزیکا شتنت، وتا ششتش، هما پئیمما کہ هداوندا موسا هکم داتگات.

<sup>33</sup> موسایا تمبو و کربانجاهے چپ و چاگردا پیشگاهے پردھ میگ کرتنت و پیشگاهے دپے پردھی پر کرت. اے پئیمما موسایا کار سرجم کرت.

### هداوندے شان و شوکت

<sup>34</sup> جمبرا شاهديے تمبو سرپوش کرت و تمبو چه هداوندے شان و شوکتا سرریچ بوت. <sup>35</sup> موسایا شاهديے تمبوئے تھا شت نکرت کہ تمبو جمبرا گپتگات و چه هداوندے شان و شوکتا سرریچ ات.

<sup>36</sup> وتی سجھین سپران، اسرائیلی هما وهدا رهادگ بوتنت کہ جمبر چه تمبوئے سرا چست بوت، <sup>37</sup> بله تانکه جمبر چست نبوت، آرهادگ نبوتنت. تان جمبرے چست بیگے روچا همودا نشتنت. <sup>38</sup> سجھین سپران، اسرائیلیان دیست کہ روچا هداوندے جمبر تمبوئے سرا انت و شپا جمبرے تھا آسه روک انت.